

北京圖書館 編

北京圖書館藏珍本

年譜叢刊



第 4 册

DUXIU.COM

北京圖書館出版社




□北京圖書館 編

北京圖書館藏珍本

年譜
叢刊

北京圖書館出版社

第 4 册



第四冊目錄

曾子年譜	一
顓孫師年表	五
墨子年表	一三
孟子年譜	三五
孟子時事略	一一五
孟子時事考征	一五九
孟子年譜	三四五
孟子年譜	五八九
孟子時事年表	六〇七
孟子時事考	六四九
孟子年譜	六八五

曾子書

崇川馮雲鵷校刊

年譜

宗聖曾子諱參字子與本姓姒夏后氏之裔也大禹生啟
啟生仲康仲康生帝相帝相生少康少康次子曲烈始封
國於鄆爲子爵歷夏商周世守其爵周襄王六年卽魯僖
公十四年鄆始見於春秋魯襄公六年莒人滅鄆鄆世子
巫奔魯去邑而爲曾氏此曾姓之始三桓家臣曾天曾昊
其後也凡數傳生先賢曾氏諱點娶上官氏生曾子於周

敬王十五年丙申冬卽魯定公五年也少孔子四十六歲
年十三入孔子之門見孔子未嘗不問安親之道也事親
每夕五起視衣之厚薄枕之高卑敬王三十一年孔子自
蔡如葉至楚年十六奉父命往楚從學焉自楚至衛反魯
事孔子十餘年爲學以三事曰省其身時冠進賢間冠進
禮蓋其所自製也家貧布衣蘊袍未得完糟糠之食藜藿
之羹未得飽力耕以養其親魯君聞之而致邑焉固辭不
受子貢對衛將軍文子曰滿而不盈寶而如虛過之如不

及先王難之其貌恭其德敦其言於人也無所不信其驕
大人也常以浩浩是會參之行也孔子曰孝德之始也悌
德之序也信德之厚也忠德之正也參行夫四德者也敬
王三十九年孔子謂以其志存孝道作孝經授之時年二
十有四謂能通乎道授以一貫之傳年已二十有五矣故
從孔子遊最晚聞道最蚤子思年甫六歲聖祖命之從學
及孔子沒年二十有六學乃大成所造之深不事有若非
諸弟子所可及者未嘗苟仕大夫之門齊聘以相楚迎以

令尹晉迎以上卿皆不應其命逮至晚年所見益高所守益篤其道日益高大而公明儀之徒皆受學焉及親沒乃適齊齊侯以大夫禮贈之遊楚楚子極其尊顯然道終不行而歸於魯年七十乃著書述述孔子所授大學之道著大學一篇及曾子十八篇寢疾孟敬子問之召門弟子啟手足命元易簣反席未安而沒壽七十三葬魯邑南武山之陽娶公羊氏子三長元次申華元生西皆賢世其家學從祀先賢曾氏廟庭

顓孫子書

崇川馮雲鵷校刊

年表

周景王十七年魯定公七年戊戌子張生

顓孫氏之先出自黃帝至舜之後封於陳數傳至公子顓孫仕晉因以名爲姓生子顓孫強強生健健生子齊齊生姜姜生三子曰子張曰子莫曰子英因楚子滅陳子莫子英散於四方苗裔失序子張之生也其母感虹降有孕生而彩雲覆屋異香繞室者三日

丁未年十歲氣度俊偉天資明睿因孔子在陳遂受業
習禮容少孔子四十八歲弟子中惟子張最幼

庚戌十三歲從孔子自陳如蔡

是年魯哀公四年

辛亥十四歲從孔子自蔡如葉

壬子十五歲楚昭王使人聘孔子從孔子如楚厄於陳

蔡楚子與師迎之乃得至楚秋自楚反乎衛

丁巳二十歲魯使人以幣迎孔子自衛反魯與閔子子

貢諸賢從孔子如蕭止天門山遇雨曬書因以名臺
迄今山上有夫子崖聖人場東南又有貢山張山焉
及至魯娶曾氏見其絃歌不輟博雅從容咸以堂堂
稱之

戊午二十一歲從孔子叙書傳禮記釐定樂章公明儀
之徒受業於門傳經自此始

已未二十二歲有父喪公明儀相焉稽顙之禮一從其
至

庚申二十三歲當西狩獲麟孔子制春秋之義悲憤絕筆弟子身通六藝者七十二人子張學益進是年生

申詳

辛酉二十四歲既除喪而見夫子予之琴和之而和彈之成聲作而曰先王制禮不敢不至焉蓋賢者以禮制心故如此

壬戌二十五歲四月己丑孔子卒塋魯城北泗上同諸子從冢而家者百餘皆服心喪三年

甲子二十七歲治任將歸因楚子滅陳遂家於蕭在今
學牛坂東有子張故廬閔子騫爲後母所苦冬月衣
以蘆花父令御車體寒失韉掣牛而反卽其故處

周元王元年魯哀公十九年丙寅二十八歲自蕭反魯見
哀公七日不禮託僕夫而去曰臣聞君好士故不遠
千里以見七日而不禮君之好士有似葉公子高之
好龍也好乎似士而非士者也敢託而去

戊辰三十歲因孔子沒失所歸依與子夏子游以有若

言行氣象似聖人欲以所事孔子之禮事之強曾子
曾子曰不可夫子道德非有若所能彷彿也是年越
敗吳乃以兵北渡淮與齊晉諸侯會於徐州致貢於
周道經蕭

周貞定王元年魯哀公二十六年癸酉三十四歲遣子申
詳出就外傳是時申詳年十二歲

戊寅三十九歲爲申詳娶言氏子游女也

戊子四十九歲是時三家分晉田氏篡齊子張隱居不

仕惟與公明儀發明孔子之道著書立言藏之名山
已丑五十歲召申詳語之曰子思聖人之後也吾不能
窮聖人之道子當以師事之

周貞定王二十四年魯悼公元年丙申子張年五十七歲
召申詳而語之曰君子曰終小人曰死吾今日其庶
幾乎寢疾七日而卒曾子齊衰而往哭之公明儀爲
志墓於堀坊村西褚幕丹質蟻結於四隅蓋以殷士
禮尊其師也

語曰表者表彰其事也紀世紀年詳簡必書子張子
睿頴天授神契誕生雲物煥其光華星土叶其符應
太史每誌之若夫早年學道聿登金玉之堂壯志傳
經宏薦圭璋之席可謂前光後輝者矣至其晚年進
德允矣高明正命考終庶幾君子其生平之行蓋可

畧乎哉

堀坊志



11

墨子年表第二

史遷云墨翟或曰並孔子時或曰在其後史記孟荀傳

劉向云在七十子之後史記索隱班固云在孔子

後漢書藝文志蓋張衡云當子思時後漢書本傳

本劉歆七略圖緯虛妄疏云公輸班與墨翟並當子思時出仲尼後眾說舛悟無可質定

近代治墨子書者畢沅以為六國時人至周末猶

存既失之太後汪中沿宋鮑彪之說鮑說見戰國策宋案注

謂仕宋得當景公世又失之太前宋景公卒於魯哀公二十六年

見左傳史記六國年表書景公卒於貞王十八年

即魯悼公十七年遂滅昭公之年以益景公與左

氏不合不可從也據本書及新序墨子嘗見田齊

太公和有問答語田和元年前上距宋景公卒年凡

八十二年即令墨子之仕適當景公卒年才

弱冠亦必逾百歲前後方能相及其可信乎殆

皆不攷之過竊以今五十三篇之書推校之墨子

前及與公輸般魯陽文子相問答見貴義魯問而

後及見齊太公問見魯問篇田和為諸與齊康公

興樂見非樂上篇康公卒楚吳起之死見親士篇

年十一上距孔子之卒敬王四幾及百年則墨子之

後孔子蓋信審覈前後約略計之墨子當與子思

並時而生年尚在其後子思生於魯哀公二年周

魯穆公年已八十餘不能至安王也史記孔子世家謂子思年止六十二則不得及穆公近代譜謀

書或謂子思年百餘歲者並不足據當生於周定王之初年而卒於

安王之季蓋八九十歲亦壽考矣其仕宋蓋當昭

公之世鄒陽書云宋信子罕之計而囚墨翟史記本傳

其事他書不經見秦漢諸子多言子罕逐君高誘

則云子罕殺昭公呂氏春秋召類篇注又韓子說皇喜殺宋

君內儲說上子罕與喜當即一人竊疑昭公實被放殺

而史失載墨子之囚殆即昭之末年事與先秦遺

聞百不存一儒家惟孔子生卒年月明著於春秋

是傳然尚不無差異七十子之年孔壁古文弟子

籍所傳者亦不能備外此則孟荀諸賢皆不能質

言其年壽

元人所傳孟子生卒年月凡撰不足據

豈徒墨子然哉今

取定王元年迄安王二十六年凡九十有三年表

其年數而以五十三篇書關涉諸國及古書說墨

子佚事附箸之

史記六國年表魯哀悼宋景昭年與左傳不合今從左傳本書貴義

篇墨子嘗使衛年代無致他無與衛事相涉者又

墨子當春秋後非攻下篇節葬下篇並以齊晉楚

越為四大國時燕秦尚未大興墨

子亦未至彼國今並不列於表

雖不能詳堦猶

周

魯

晉

魏韓趙

齊

田齊

宋

鄭

楚

越

墨子時事

定王哀公出公七平公十昭公聲公惠王王句

親士篇越王句踐遇吳王

元

廿七

魏桓子韓康子

三子

田成

元

卅三

廿一

踐

之醜而尚攝中國之賢君

八	七	六	五	四	三	二	
七	六	五	四	三	二	元	悼公八
十四	十三	十二	十一	十	九		趙襄子
廿	十九	十八	十七	十六	十五	十四	
八	七	六	五	四	三	二	
二	元	卅八	卅七	卅六	卅五	卅四	卅二
廿八		廿七	廿五	廿四	廿三	廿二	廿九
四		三	元	鹿	卅	卅九	八
							亦見所染兼 愛非攻公孟 詰篇

韓園趙襄子於晉陽魏韓趙反殺智伯

於晉陽韓魏趙氏擊智伯大敗之亦見魯問篇

十七十六六

四

十七三

卅七七

十八十七七

五

十八四

卅八八

十九十八八

六

十九五

卅九九

廿十九九

七

廿六

四十四

廿一廿十一

八

廿一七

卅一王翁

元

魯問篇公向過說越王越王使公尚過迎墨子於魯疑為王翁中

廿二廿二十一

九

廿二八

卅二二

滅蔡

非攻中篇蔡亡於吳越之間

元	考王	廿八	廿七	廿六	廿五	廿四	廿三
	廿八	廿七	廿六	廿五	廿四	廿三	廿二
	十八	十七	十六	十五	十四	十三	十二
	十六	十五	十四	十三	十二	十一	十
	廿九	廿八	廿七	廿六	廿五	廿四	廿三
	十五	十四	十三	十二	十一	十	九
	卅九	卅八	卅七	卅六	卅五	卅四	卅三
	九	八	七	六	五	四	三

魯衛晉公輸
般至楚為舟
戰器亟敗越
人墨子與論
鉤拒公輸篇
般為雲梯將
攻宋墨子至
郢見楚王乃
不攻宋諸宮
舊事並在惠
王五十年以
前附記於此

書

二	廿九十九	十七	卅	十六	五	十	貴義篇墨子
三	卅	幽公元十八	卅一	十七	五	十一	游楚見惠王
四	卅一二	十九	卅二	十八	五	十二	王以老辭
五	卅二三	廿	卅三	十九	五	十三	宮舊事惠王
六	卅三四	廿一	卅四	廿	五	十四	以書社封墨
七	卅四五	廿二	卅五	廿一	五	十五	子不受而歸
八	卅五六	廿三	卅六	廿二	五	十六	
九	卅六七	廿四	卅七	廿三	五	十七	
十	卅七八	廿五	卅八	廿四	五	十八	
					元		非攻中篇
					莒		亡於齊越之

國策卷之十一

十一

三	二	王元	威烈六	十五五	十四四	十三三	十二二	十一元	十一元公九
八	七							元	
十六	十五	侯韓武 子趙桓	十四	十三	十二	十一	十		
卅三	卅二	魏文	卅一	卅	廿九	廿八	廿七		廿六
卅六	卅五		卅四	卅三	卅二	卅一	四十		卅九
卅九	卅八		卅七	卅六	卅五	卅四	卅三		卅二
卅六	卅五		卅四	卅三	卅二	卅一	卅		卅九
魯問篇魯陽 文君將攻鄭									

卷之五十一

三

十一	十	九	八	七	六	五	四	
十六	十五	十四	十三	十二	十一	十	九	
五	四	三	二	烈公元	十九	十八	十七	侯
卅一	卅	卅九	卅八	卅七	卅六	卅五	卅四	
五四	五	五二	五一	五十四	卅九	卅八	卅七	
八	七	六	五	四	三	二	元	元 韓
十七	十六	十五	十四	十三	十二	十一	十	幽 鄭 子 元
卅四	卅三	卅二	卅一	卅	廿九	廿八	廿七	公 殺 伐 武
								日 鄭 人 三 世
								殺 其 父 疑 當
								作 二 世 殺 其
								君 卽 指 哀 公
								幽 公 被 殺 也
								詳 本 篇

臣三十一

三

十九	十三	卅九	六二	二十六	聲五	五
廿四	十四	五十	六三	十七	二	六
廿五	十五	五一	六四	十八	三	七
廿六	十六	康公元	六五	十九	四	八
廿七	十七	魏文二	悼公	廿	五	九
廿三	廿二	韓景	元	十	月	宋
廿二	廿一	昭公	疑為	疑喜	所弒	其季年事
廿一	廿	昭公	疑為	疑喜	所弒	其季年事
廿	十九	昭公	疑為	疑喜	所弒	其季年事
十九	十八	昭公	疑為	疑喜	所弒	其季年事
十八	十七	昭公	疑為	疑喜	所弒	其季年事
十七	十六	昭公	疑為	疑喜	所弒	其季年事
十六	十五	昭公	疑為	疑喜	所弒	其季年事
十五	十四	昭公	疑為	疑喜	所弒	其季年事
十四	十三	昭公	疑為	疑喜	所弒	其季年事
十三	十二	昭公	疑為	疑喜	所弒	其季年事
十二	十一	昭公	疑為	疑喜	所弒	其季年事
十一	十	昭公	疑為	疑喜	所弒	其季年事
十	九	昭公	疑為	疑喜	所弒	其季年事
九	八	昭公	疑為	疑喜	所弒	其季年事
八	七	昭公	疑為	疑喜	所弒	其季年事
七	六	昭公	疑為	疑喜	所弒	其季年事
六	五	昭公	疑為	疑喜	所弒	其季年事
五	四	昭公	疑為	疑喜	所弒	其季年事
四	三	昭公	疑為	疑喜	所弒	其季年事
三	二	昭公	疑為	疑喜	所弒	其季年事
二	一	昭公	疑為	疑喜	所弒	其季年事
一		昭公	疑為	疑喜	所弒	其季年事

	三	二	元	安王九	廿四八	
	十一	十				
	廿一	廿九	趙八	四韓八	三韓七	趙烈侯六年
武侯元	六韓烈	九趙九	廿五韓廿九	廿四	廿七	命為諸始
	六	五				
	五	四		三	二	
	廿四	廿三		廿二	廿一	
	三	二	元	悼王十一	六	
	十三	十二			十	
						之當在惠王時 蘇時學謂 卽此年聲王 圍宋時事非 是

卷一百一十一

八	七	六	五	四
十六	十五	十四	十三	十二
廿六	廿五	廿四	廿三	廿二
趙一韓六 趙六韓六 最	韓五趙卅 卅魏	趙九韓四 卅魏	趙八韓三 卅魏	趙七韓二 卅魏
十一	十	九	八	七
田和				
二	元	八	七	六
二	元	廿七	廿六	廿五
八	公	公	五	四
十八	十七	十六	十五	十四
黃式三謂魯 陽文君將攻 鄭在此年未 或即魯問篇 三侵魯地事	君年不合	謂指哀幽縉 三君然與文	魯問篇魯陽 文君曰鄭人 三世殺君或	

十四廿二五	十三廿一四	十二廿三	十一十九二	十十八孝公元	九十七廿七
七魏卅七	十一六魏卅一	十趙十	九趙九	入韓入趙	趙七韓七
十七	十六	十五	十四	十三	十二
八	七	六	五	四	三
八	七	六	五	四	三
十四廿四	十三廿三	十二廿二	十一廿一	十廿	九十九

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

廿五卅三	廿四卅二	廿三卅一	廿二卅	廿一廿九	廿
靜公元二	十五 <small>魏九</small>	十四 <small>魏八</small>	十三 <small>魏七</small>	十二 <small>魏六</small>	十一 <small>魏五</small>
王元	田齊威	公薨廿六	田齊廿五	田齊廿四	田齊廿三
十九	十八	十七	十六	十五	十四
十九	十八	十七	十六	十五	十四
卅五	卅四	卅三	卅二	卅一	卅
在安王末年	以後時事本 書無所見疑 墨子之卒即	非樂上篇齊 康公與樂萬	元	悼王 薨羣 臣殺 吳起	親土篇吳起 之裂其事也

三十五

三

魏十韓
哀侯元
趙十

廿六共公一魏十三

元一趙十

廿廿五廿六

墨學傳授攷第三

呂不韋曰孔墨徒屬彌眾弟子彌豐充滿天下尊師

又曰孔墨之後學顯榮於天下者眾矣不可勝

數當染蓋墨學之昌幾埒洙泗斯亦盛矣公輸篇

墨子之說楚王曰臣之弟子禽滑釐等三百人淮

南王書亦謂墨子服役者百八十人服役即徒屬

篇云仲尼為服役者七十人韓非子五蠹皆可使赴火蹈刃死不旋

踵新語思務篇云墨而荆吳起之亂墨者鉅子孟

勝以死爲陽城君守弟子死者百八十五人則不
韋所述信不誣也獷秦隱儒墨學亦微至西漢儒
復興而墨竟絕墨子旣蒙世大詬而徒屬名籍亦
莫能紀述惟本書及先秦諸子略紀其一二今矧
集之凡得墨子弟子十五人附存三人再傳弟子三人
三傳弟子一人治墨術而不詳其傳授系次者十
三人襍家四人大都不逾三十餘人傳記所載盡
於此矣彼勤生薄死以赴天下之急而姓名漸滅
與艸木同盡者殆不知凡幾嗚呼悽已

孟子年譜

元 星源程復心子見編

孟子非編年之書安得以見梁惠王爲應聘第一事
其見齊宣王實前乎此矣後乎此而去梁則見齊潛
王矣一見曰叟知非復四十不動心之時其不以遊
梁始甚明著也如齊卿相則四十不遠時語也梁則
何以始梁惠王也孟子一書無非欲君臣父子兄弟
去利懷仁義以相接而弗放其良心也以見梁惠王
始以不仁梁惠王終以仁義君民之治統爲前序以

堯舜湯文孔子見知聞知之道統爲後序此孟子作書之大旨全不因歲月編次故知不自見梁惠王始也藉曰不然滕文公問事齊楚恐齊築薛何以越在前而滕文公爲世子滕定公薨何以越在後也是知孟子之篇義非編年也然則孟子不可編年乎曰論語可編年孟子何不可編年論語編年所以補孔子世家也孟子編年所以補孟子列傳也本太史公世家列傳之記事以證記事本論語孟子之記言以券記事而孔孟之記事履歷思過半矣惟子思中庸史

無記事而孔叢子所載語不雅馴無足考據故止附見孔子凡於史記世家列傳及竹書紀年皇極經世韓詩外傳劉向列女傳之外別采他書以裨益孟子履歷者皆譌謬於是乎本孟子書作孟子編年略

孟子名軻字子車一云字子輿魯三桓孟孫氏之後堯鄒邑人也孔子生魯昌平鄉陬邑卽叔梁紇所治地爲故鄒城孟子居去故鄒城五十里孟子曰近聖人居若此其甚也生三歲喪父其母氏賢其舍始近墓孟子少嬉戲爲墓閒事踊躍築埋母曰此非所以居吾子也去

舍市其嬉戲爲賈街事母又曰非所以居吾子也遂徙
舍學宮之旁其嬉戲乃設俎豆揖讓進退母曰此可以
居吾子矣孟子少時誦其母方織孟子輟然中止乃復
進其母知其喧也呼而問之曰何爲中止對曰有所失
復得其母引刀裂其織以此戒之自是之後孟子不復
喧矣受業子思之門人孟子曰君子之澤五世而斬子
未得爲孔子徒也予私淑諸人也孟子居鄒教授弟子
不見諸侯曰得天下英才而教育之一樂也曰君子之
所以教者五有如時雨化之者有成德者有達財者有

答問者有私淑艾者此五者君子之所以教也曰教亦多術矣予不屑之教誨也者是亦教誨之而已矣公孫丑曰不見諸侯何義孟子曰古者不爲臣不見段干木逾垣而辟之泄柳閉門而不納是皆已甚迫斯可以見矣陽貨欲見孔子而惡無禮大夫有賜於士不得受於其家則往拜其門陽貨矚孔子之亡也而饋孔子蒸豚孔子亦矚其亡也而往拜之當是時陽貨先豈得不見陳代曰不見諸侯宜若小然今一見之大則以王小則以霸且志曰枉尺而直尋宜若可爲也孟子曰如不待

其招而往何哉枉尺而直尋者以利言也如以利則枉尋直尺而利亦可爲與且子過矣枉己者未有能直人者也萬章曰敢問不見諸侯何義也孟子曰在國曰市井之臣在野曰草莽之臣皆謂庶人庶人不傳質爲臣不敢見於諸侯禮也曰庶人召之役則往役君欲見之召之則不往見之何也曰往役義也往見不義也欲見賢人而不以其道猶欲其入而閉之門也夫義路也禮門也惟君子能由是路出入是門也周霄問曰古之君子仕乎孟子曰仕傳曰孔子三月無君則皇皇如也出

疆必載質公明儀曰古之人三月無君則弔三月無君則弔不以急乎曰士之失位也猶諸侯之失國家也禮曰諸侯耕助以供粢盛夫人蠶繅以爲衣服犧牲不成粢盛不潔衣服不備不敢以祭惟士無田則亦不祭牲殺器皿衣服不備不敢以祭則不敢以宴亦不足弔乎出疆必載質何也曰士之仕也猶農夫之耕也農夫豈爲出疆舍其耒耜哉曰晉國亦仕國也未嘗聞仕如此其急仕如此其急也君子之難仕何也曰丈夫生而願爲之有室女子生而願爲之有家父母之心人皆有之

不待父母之命媒妁之言鑽穴隙相窺逾牆相從則父母國人皆賤之古之人未嘗不欲仕也又惡不由其道不由其道而往者與鑽穴隙之類也孟子居魯久之齊宣王喜文學游說之士騶衍淳于髡田駢接子慎到環淵之徒七十六人皆賜列第爲上大夫不治而議論是以齊稷下學士復盛且數百千人招孟子孟子往爲齊宣王客卿時孟子年四十歲矣宣王問曰齊桓晉文之事可得聞與孟子對曰仲尼之徒無道桓文之事者是以後世無傳焉臣未之聞也無以則王乎曰德何如則

可以王矣曰保民而王莫之能禦也曰若寡人者可以
保民乎哉曰可曰何由知吾可也曰臣聞之胡齧曰王
坐於堂上有牽牛而過堂下者王見之曰牛何之對曰
將以饗鐘王曰舍之吾不忍其觶觶若無罪而就死地
對曰然則廢饗鐘與曰何可廢也以羊易之不識有諸
曰有之曰是心足以王矣百姓皆以王爲愛也臣固知
王之不忍也古之人所以大過人者無他焉善推其所
爲而已矣今恩足以及禽獸而功不至於百姓者獨何
與今王發政施仁使天下仕者皆欲立於王之朝耕者

皆欲耕於王之野商賈皆欲藏於王之市行旋皆欲出於王之途天下之欲疾其君者皆欲赴愬於王其如是孰能禦之王曰吾惛不能進於是矣願夫子輔吾志明以教我我雖不敏請嘗試之曰明君制民之產必使仰足以事父母俯足以畜妻子樂歲終身飽凶年免於死亡然後驅而之善故民之從之也輕五畝之宅樹之以桑五十者可以衣帛矣鷄豚狗彘之畜無失其時七十者可以食肉矣百畝之田勿奪其時八口之家可以無饑矣謹庠序之教申之以孝悌之義頽白者不負戴於

道路矣老者衣帛食肉黎民不饑不寒然而不王者未
之有也莊暴見孟子曰暴見於王王語暴以好樂暴未
有以對也曰好樂何如孟子曰王之好樂甚則齊國其
庶幾乎他日見於王曰王嘗語莊子以好樂有諸玉變
乎色曰寡人非能好先王之樂也直好世俗之樂耳曰
王之好樂甚則齊其庶幾乎今之樂由古之樂也今王
與百姓同樂則王矣齊宣王問曰文王之囿方七十里
有諸孟子對曰於傳有之曰若是其大乎曰民猶以爲
小也曰寡人之囿方四十里民猶以爲大何也曰文王

之囿方七十里芻蕘者往焉雉兔者往焉與民同之民
以爲小不亦宜乎臣始至於境問國之大禁然後敢入
臣聞交關之內有囿方四十里殺其麋鹿者如殺人之
罪則是方四十里爲阱于國中民以爲大不亦宜乎齊
宣王問曰交鄰國有道乎孟子對曰有惟仁者爲能以
大事小是故湯事葛文王事昆夷惟智者爲能以小事
大故大王事獯鬻句踐事吳以大事小者樂天者也以
小事大者畏天者也樂天者保天下畏天者保其國詩
云畏天之威于時保之王曰大哉言矣寡人有疾寡人

好勇對曰王請無好小勇夫撫劍疾視曰彼惡敢當我哉此匹夫之勇敵一人者也王請大之詩云王赫斯怒爰整其旅以遏徂莒以篤周祜以對於天下此文王之勇也文王一怒而安天下之民書曰天降下民作之君作之師惟曰其助上帝寵之四方有罪無罪惟我在天下曷敢有越厥志一人衡行於天下武王恥之此武王之勇也而武王亦一怒而安天下之民今王亦一怒而安天下之民民惟恐王之不好勇也齊宣王見孟子於雪宮王曰賢者亦有此樂乎孟子對曰有人不得則非

其上矣樂民之樂者民亦樂其樂憂民之憂者民亦憂其憂樂以天下憂以天下然而不王者未之有也齊宣王問曰人皆謂我毀明堂毀諸已乎孟子對曰夫明堂者王者之堂也王欲行王政則勿毀之矣王曰王政可得聞與對曰昔者文王之治岐也耕者九一仕者世祿關市譏而不征澤梁無禁罪人不孥老而無妻曰鰥老而無夫曰寡老而無子曰獨幼而無父曰孤此四者天下之窮民而無告者文王發政施仁必先斯四者詩云哿矣富人哀此烝獨王曰善哉言乎曰王如善之則何

爲不行王曰寡人有疾寡人好貨曰昔者公劉好貨詩
云乃積乃倉乃裹餼糧于橐于囊思戢用光弓矢斯張
干戈戚揚爰方啓行故居者有積倉行者有裹糧也然
後可以爰方啓行王如好貨與百姓同之於王何有王
曰寡人有疾寡人好色對曰昔者太王好色愛厥妃詩
云古公亶父來朝走馬率西水滸至於岐下爰及姜女
聿來胥宇當是時也內無怨女外無曠夫王如好色與
百姓同之於王何有時周顯王三十六年蘇秦說六國
爲從親以擯秦秦爲從約長佩六國相印是歲燕文公

卒太子立是爲易王易王初立齊宣王立十年矣明年
宣王因燕喪伐燕齊人伐燕勝之宣王問曰或謂寡人
勿取或謂寡人取之以萬乘之國伐萬乘之國五旬而
舉之人力不至於此不取必有天殃取之何如孟子對
曰取之而燕民悅則取之古之人有行之者武王是也
取之而燕民不悅則勿取古之人有行之者文王是也
以萬乘之國伐萬乘之國簞食壺漿以迎王師豈有他
哉避水火也如水益深如火益熱亦運而已矣宣王勿
聽取燕十城齊人伐燕取之諸侯將謀救燕宣王曰諸

侯多謀伐寡人者何以待之孟子對曰臣聞七十里爲政於天下者湯是也未聞以千里畏人者也天下固畏齊之強也今又倍地而不行仁政是動天下之兵也王速出令反其旄倪止其重器謀於燕眾置君而後去之則猶可及止也于是燕易王謂蘇秦曰往日先生至燕而先王資先生見趙遂約六國從今齊先伐趙次伐燕以先生之故爲天下笑先生能爲燕得侵地乎蘇秦大慙曰請爲王取之乃見齊宣王再拜俯而慶仰而弔王曰是何慶弔相從之速也蘇秦曰燕雖弱小秦王之少

壻也大王利其十城而長與強秦爲仇今使弱燕爲鴈
行而強秦敵其後以招天下之精兵是食烏喙之類也
齊王愀然變色曰然則奈何蘇秦曰古之善制事者轉
禍爲福因敗爲功大王誠聽臣計卽歸燕之十城燕無
故而得十城必喜秦王知以己之故而歸燕之十城亦
必喜此所謂棄仇讎而得石友者也王曰善於是乃歸
燕之十城公孫丑問曰夫子當路於齊管仲晏子之功
可復許乎孟子曰子誠齊人也知管仲晏子而已矣曰
管仲以其君霸晏子以其君顯管仲晏子猶不足爲與

曰以齊王猶反手也當今之時萬乘之國行仁政民之
悅之猶解倒懸也故事半古之人功必倍之惟此時爲
然公孫丑問曰夫子加齊之卿相得行道焉雖由此霸
王不異矣如此則動心否乎孟子曰否我四十不動心
曰不動心有道乎曰有我知言我善養吾浩然之氣孟
子處齊有憂色擁楹而歎孟母見曰子擁楹而歎若有
憂色何也對曰軻聞之君子稱身而正位不爲苟得而
受賞不貪榮祿今道不用於齊願行而母老是以憂也
孟母曰婦人之禮精五飯冪酒漿養姑舅縫衣裳而已

故有闔內之修而無境外之志今子成人也而我老矣
子行乎子義吾行乎吾禮子何憂乎居亡何孟母卒於
齊鄒魯邑也孟子自齊葬於魯反於齊止於嬴充虞請
曰前日不知虞之不肖使虞敦匠事嚴虞不敢請今願
竊有請也木若以美然曰古者棺槨無度中古棺七寸
槨稱之自天子達於庶人非直爲觀美也然後盡於人
心吾聞之也君子不以天下儉其親齊宣王欲短喪公
孫丑曰爲碁之喪猶愈於已乎孟子曰是猶或紵其兄
之臂子謂之姑徐徐云爾亦教之孝弟而已矣王子有

其母死者其傅爲之請數月之喪公孫丑曰若此者何如也曰是欲終之而不可得也雖加一日愈於已謂夫莫之禁而弗爲者也王子墊問曰士何事孟子曰尙志曰何謂尙志曰仁義而已矣殺一無罪非仁也非其有而取之非義也居仁由義大人之事備矣孟子謂齊宣王曰王之臣有託其妻子於其友而之楚遊者比其反也則凍餒其妻子則如之何王曰棄之曰士師不能治士則如之何王曰已之曰四境之內不治則如之何王顧左右而言他孟子見齊宣王曰所謂故國者非謂有

喬木之謂也有世臣之謂也王無親臣矣昔者所進今日不知其亡也王曰吾何以識其不才而舍之曰國君進賢如不得已將使卑逾尊疏逾戚可不慎與齊宣王問曰湯放桀武王伐紂有諸孟子曰於傳有之曰臣弑其君可乎曰賊仁者謂之賊賊義者謂之殘殘賊之人謂之一夫聞誅一夫紂矣未聞弑君也孟子見齊宣王曰爲巨室則必使工師求大木工師得大木則王喜以爲能勝其任也匠人斲而小之則王怒以爲不勝其任矣夫人幼而學之壯而欲行之王曰姑舍女所學而從

我則何如齊宣王問卿孟子曰王何卿之問也王曰卿
不同乎曰不同有貴戚之卿有異姓之卿王曰請問貴
戚之卿曰君有大過則諫反覆之而不聽則易位王勃
然變乎色曰王勿異也王問臣臣不敢不以正對王色
定然後請問異姓之卿曰君有過則諫反覆之而不聽
則去孟子告齊宣王曰君之視臣如手足則臣視君如
腹心君之視臣如犬馬則臣視君如國人君之視臣如
土芥則臣視君如寇讎王曰禮爲舊君有服何如斯可
爲服矣曰諫行言聽膏澤下於民有故而去則君使人

導之出疆又先於其所往去三年不反然後收其田里
此之謂三有禮焉如此則爲之服矣今也爲臣諫則不
行言則不聽膏澤不下於民有故而去則君搏執之又
極之於其所往去之日遂收其田里此之謂寇讎寇讎
何服之有淳于髡曰男女授受不親禮與孟子曰禮也
曰嫂溺則援之以手乎曰嫂溺不援是豺狼也男女授
受不親禮也嫂溺援之以手者權也曰今天下溺矣夫
子之不援何也曰天下溺援之以道嫂溺援之以手子
欲手援天下乎淳于髡曰先名實者爲人也後名實者

自爲也夫子在三卿之中名實未加於上下而去之仁者固如此乎曰孔子爲魯司寇不用從而祭燔肉不至不稅冕而行不知者以爲爲肉也其知者以爲爲無禮也乃孔子則欲以微罪行不欲爲苟去君子之所爲眾人固不識也於是孟子知齊宣王不能用去齊時梁惠王立三十五年矣數敗於軍旅卑禮厚幣以招賢者孟子鄒衍淳于髡皆至梁孟子見梁惠王王曰叟不遠千里而來亦將有以利吾國乎孟子對曰王何必曰利亦有仁義而已矣王曰何以利吾國大夫曰何以利吾家

士庶人曰何以利吾身上下交征利而國危矣萬乘之國弑其君者必千乘之家千乘之國弑其君者必百乘之家萬取千焉千取百焉不爲不多矣苟爲後義而先利不奪不饜未有仁而遺其親者也未有義而後其君者也王亦曰仁義而已矣何必曰利孟子見梁惠王王立於沼上顧鴻雁麋鹿曰賢者亦樂此乎孟子對曰賢者而後樂此不賢者雖有此不樂也梁惠王曰寡人之於國也盡心焉而已河內凶則移其民於河東移其粟於河內河東凶亦然鄰國之民不加少寡人之民不加

多何也孟子對曰不違農時穀不可勝食也數罟不入
洿池魚鼈不可勝食也斧斤以時入山林材木不可勝
用也使民養生喪死無憾王道之始也七十者衣帛食
肉黎民不飢不寒然而不王者未之有也王無罪歲斯
天下之民至焉梁惠王曰寡人願安承教孟子對曰殺
人以梃與刃有以異乎曰無以異也以刃與政有以異
乎曰無以異也曰庖有肥肉廄有肥馬民有飢色野有
餓莩此率獸而食人也獸相食且人惡之爲民父母行
政不免於率獸而食人惡在其爲民父母也梁惠王曰

晉國天下莫強焉叟之所知也及寡人之身東敗於齊
長子死焉西喪地於秦七百里南辱於楚寡人恥之願
比死者一洗之如之何則可孟子對曰地方百里而可
以王王如施仁政於民省刑罰薄稅斂深耕易耨壯者
以暇日脩其孝弟忠信入以事其父兄出以事其長上
可使制梃以撻秦楚之堅甲利兵矣越明年惠王卒子
襄王立孟子見梁襄王出語人曰望之不似人君就之
而不見所畏焉卒然問曰天下惡乎定吾對曰定于一
孰能一之對曰不嗜殺人者能一之孰能與之對曰天

下莫不與也今夫天下之人牧未有不嗜殺人者也如
有不嗜殺人者則天下之民皆引領而望之矣誠如是
也民歸之由水之就下沛然誰能禦之梁惠王旣不果
所言見以爲迂遠而闕於事情嗣君又不令於是孟子
去梁孟子曰不仁哉梁惠王也仁者以其所愛及其所
不愛不仁者以其所不愛及其所愛公孫丑曰何謂也
梁惠王以土地之故糜爛其民而戰之大敗將復之恐
不能勝故驅其所愛子弟以殉之是之謂以其所不愛
及其所愛也孟子之宋時宋王偃自立爲王東敗齊取

五城南敗楚取地三百里西敗魏軍乃與齊魏爲敵國
萬章問曰宋小國也今將行王政齊楚惡而伐之則如
之何孟子曰不行王政云爾苟行王政四海之內皆舉
首而望之欲以爲君齊楚雖大何畏焉孟子謂戴不勝
曰子謂薛居州善士也使之居於王所在於王所者長
幼卑尊皆薛居州也王誰與爲不善在王所者長幼卑
尊皆非薛居州也王誰與爲善一薛居州獨如宋王何
戴盈之曰什一去關市之征今茲未能請輕之以待來
年然後已何如孟子曰如其非義斯速已矣何待來

年滕文公爲世子將之楚過宋而見孟子孟子道性善言必稱堯舜世子自楚反復見孟子孟子曰世子疑吾言乎夫道一而已矣今滕絕長補短將五十里也猶可以爲善國書曰若藥不瞑眩厥疾不瘳孟子去宋過薛宋餽兼金七十鎰而受薛餽五十鎰而受他日適齊陳孫問焉孟子曰當在宋也子將有遠行行者必以贐辭曰餽贐子何爲不受當在薛也子有戒心辭曰聞戒故爲兵餽之子何爲不受薛君田文齊滅薛以封少子嬰嬰傳子文號孟嘗君處齊竟先是孟子居鄒齊復來聘

季任爲任處守以幣交受之而不報他日由鄒之任見
季子滕君之弟彭更問曰後車數十乘從者數百人以
傳食於諸侯不以泰乎孟子曰非其道則一簞食不可
受於人如其道則舜受堯之天下不以爲泰子以爲泰
乎滕定公薨世子謂然友曰昔者孟子嘗與我言於宋
於心終不忘今也不幸至於大故吾欲使子問於孟子
然後行事然友之鄒問於孟子孟子曰不亦善乎親喪
固所自盡也三年之喪齊疏之服飭粥之食自天子達
於庶人三代共之然友反命定爲三年之喪父兄百官

皆不欲曰吾宗國魯先君莫之行吾先君亦莫之行也
至於子之身而反之不可謂然友曰吾他日未嘗學問
好馳馬試劍今也父兄百官不我足也恐其不能盡於
大事子爲我問孟子然友復之鄒問孟子孟子曰然不
可以他求者也孔子曰君薨聽於冢宰歆粥而深墨卽
位而哭百官有司莫敢不哀先之也上有好者下必有
甚焉者矣是在世子然友反命世子曰然是誠在我五
月居廬未有命戒百官族人可謂曰知及至葬四方來
觀之顏色之戚哭泣之哀弔者大悅孟子之平陸謂其

大夫曰子之持戟之士一日而三失伍則去之否乎曰
不待三然則子之失伍也亦多矣凶年饑歲子之民老
羸轉於溝壑壯者散而之四方者幾千人矣曰此非矩
心之所得爲也曰今有受人之牛羊而爲之牧之者則
必爲之求牧與芻矣求牧與芻而不得則反諸其人乎
抑亦立而視其死與曰此則矩心之罪也他日見於王
曰王之爲都者臣知五人焉知其罪者惟孔矩心爲王
誦之王曰此則寡人之罪也時齊宣王卒湣王立六年
矣初孟子處於平陸儲子爲相以幣交受之而不報至

是由平陸之齊不見儲子屋廬子曰之齊不見儲子爲
其爲相與曰非也爲其不成享也屋廬子悅曰儲子得
之平陸他日儲子曰王使人瞞夫子果有以異於人乎
孟子曰何以異於人哉堯舜與人同耳孟子爲卿於齊
出弔於滕王使蓋大夫王驩爲輔行王驩朝暮見反齊
滕之路未嘗與之言行事也公孫丑曰齊卿之位不爲
小矣齊滕之路不爲近矣反之而未嘗與言行事何也
曰夫旣或治之予何言哉公行子有子之喪右師往弔
入門有進而與右師言者有就右師之位而與右師言

者孟子不與右師言右師不悅曰諸君子皆與驩言孟子獨不與驩言是簡驩也孟子聞之曰禮子敖以我爲簡不亦異乎樂正子從於子敖之齊樂正子見孟子孟子曰子亦來見我乎曰先生何爲出此言也曰子來幾日矣曰昔者曰昔者則我出此言也不亦宜乎曰舍館未定曰子聞之也舍館定然後求見長者乎曰克有罪孟子謂樂正子曰子之從於子敖來徒舖啜也我不意子學古之道而以舖啜也是時孟嘗君在薛招致諸侯賓客及亡人有罪者皆歸孟嘗君孟嘗君舍業厚遇之

以故傾天下之士食客數千人始孟嘗君列能爲鷄鳴
狗盜二人於賓客賓客盡羞之及孟嘗君入秦秦昭王
欲殺之卒得此二人以免孟子曰飲食之人則人賤之
矣爲其養小以失大也曰爲機變之巧者無所用恥焉
曰齊人有一妻一妾而處室者其良人出則必饜酒肉
而後反其妻問所與飲食者則盡富貴也而未嘗有顯
者來謂食客輩也孟子曰說大人則藐之勿視其巍巍
然堂高數仞榱題數尺我得志弗爲也食前方丈侍妾
數百人我得志弗爲也般樂飲酒驅騁田獵後車千乘

我得志弗爲也在彼者皆我所不爲也在我者皆古之制也吾何畏彼哉謂齊田嬰田忌田文輩是時齊湣王七年蘇秦死于齊梁襄王卒哀王立初張儀相秦惠王去秦相魏陰令秦伐魏魏與秦戰敗明年秦又來敗魏于觀津秦復欲攻魏先敗韓申差軍斬首八萬諸侯震恐而張儀說秦王曰今從者一天下約爲昆弟刑白馬以盟洹水之上以相堅也而親昆弟同父母尙有爭錢財而欲恃詐僞反覆蘇秦之餘謀其不可成亦明矣大王不事秦梁之亡可立而須也事秦則楚韓必不敢動

無楚韓之患則大王高枕而臥國必無憂矣哀王乃倍從約而因儀請成於秦張儀歸復相秦三歲而魏復與蘇代約背秦爲從秦攻魏取曲沃明年魏復事秦秦欲伐齊齊楚從親於是張儀往相楚誑楚懷王以商於之地六百里使絕齊懷王遂開關絕約於齊使勇士至宋借宋之符北罵齊王齊王大怒折節而下秦秦齊之交合張儀與楚邑六里楚王大怒於是秦楚構兵犀首公孫衍與張儀不善張儀爲秦之魏魏王相張儀犀首以收韓爲功相魏張儀去復相秦張儀卒犀首入相秦嘗

佩五國之相印爲約長景春曰公孫衍張儀豈不誠大丈夫哉一怒而諸侯懼安居而天下熄孟子曰是焉得爲大丈夫乎以順爲正者妾婦之道也居天下之廣居立天下之正位行天下之大道得志與民由之不得志獨行其道富貴不能淫貧賤不能移威武不能屈此之謂大丈夫宋輕將之楚孟子遇於石邱曰先生將何之曰吾聞秦楚構兵我將見楚王說而罷之楚王不悅我將見秦王說而罷之二王我將有所遇焉曰說之將何如曰我將言其不利也曰先生之志則大矣先生之號

則不可何必曰利初孟子見王於崇有去志王餽兼金
一百而不受曰無處而餽之是貨之也焉有君子而可
以貨取乎繼而王有師命不可請去於是畱齊爲卿不
受祿孟子將朝王王使人來曰寡人如就見者也有寒
疾不可以風朝將視朝不識可使寡人得見乎對曰不
幸而有疾不能造朝明日出弔於東郭氏王使人問疾
醫來孟仲子對曰昔者有王命有采薪之憂不能造朝
今病小愈趨造於朝我不識能至否乎使數人要於路
曰請必無歸而造於朝不得已而之景丑氏宿焉景子

曰內則父子外則君臣人之大倫也父子主恩君臣主敬丑見王之敬子也未見所以敬王也曰惡是何言也齊人無以仁義與王言者豈以仁義爲不美也其心曰是何足與言仁義也云爾則不敬莫大乎是我非堯舜之道不敢以陳於王前故齊人莫如我敬王也景子曰否非此之謂也禮曰父召無諾君命召不俟駕而行罔將朝也黜王命而遂不果宜與夫禮若不相似然曰豈謂是與天下有達尊三爵一齒一德一朝廷莫如爵鄉黨莫如齒輔世長民莫如德惡得有其一以慢其二哉

故將大有爲之君必有所不召之臣欲有謀焉則就之其尊德樂道不如是不足與有爲也孟子曰無或乎王之不智也雖有天下易生之物也一日暴之十日寒之未有能生者也吾見亦罕矣吾退而寒之者至矣吾如有萌焉何哉齊饑陳臻曰國人皆以夫子將復爲發棠殆不可復孟子曰是爲馮婦也孟子謂蚺鼃曰子之辭靈邱而請士師似也爲其可以言也今旣數月矣未可以言與蚺鼃諫於王而不用致爲臣而去齊人曰所以爲蚺鼃則善矣所以自爲則吾不知也公都子以告曰

吾聞之也有官守者不得其職則去有言責者不得其言則去我無官守我無言責也則吾進退豈不綽綽然有餘裕哉齊湣王九年燕王噲之六年也噲初立三年屬國於子之子之南而行王事而噲老不聽政願爲臣國事皆決於子之三年國大亂將軍市被與太子平謀將攻子之諸將謂齊湣王曰因而赴之破燕必矣齊王因令人謂燕太子平曰寡人聞太子之義將廢私而立公飭君臣之義明父子之位寡人之國小不足以爲先後雖然則唯太子所以令之太子因要黨聚眾將軍市

被圍公宮攻子之不克將軍市被及百姓反政太子平
將軍市被死以殉因搆難數月死者數萬眾人恟恐百
姓離志王因命章子將五都之兵因北地之眾以伐燕
士卒不戰城門不閉燕君噲死齊大勝燕子之亡二年
而燕人共立太子平是爲燕昭王先是沈同以其私問
曰燕可伐與孟子曰可子噲不得與人燕子之不得受
燕於子噲有仕於此而子悅之不告於王而私與之吾
子之祿爵夫士也亦無王命而私受之於子則可乎何
以異於是齊人伐燕或問曰勸齊伐燕有諸曰未也沈

同問燕可伐與吾應之曰可彼然而伐之也彼如曰孰
可以伐之則將應之曰爲天吏則可以伐之今有殺人
者或問之曰人可殺與則將應之曰可彼如曰孰可以
殺之則將應之曰爲士師則可以殺之今以燕伐燕何
爲勸之哉燕人畔王曰吾甚慙於孟子陳賈曰王無患
焉賈請見而解之見孟子問曰周公何人也曰古聖人
也曰使管叔監殷管叔以殷畔也有諸曰然曰周公知
其將畔而使之與曰不知也然則聖人且有過與曰周
公弟也管叔兄也周公之過不亦宜乎且古之君子過

則改之今之君子過則順之豈徒順之又從爲之辭匡
章曰陳仲子豈不誠廉士哉居於陵三日不食耳無聞
目無見也井上有李蠮食實者過半矣匍匐往將食之
三咽然後耳有聞目有見也孟子曰於齊國之士吾必
以仲子爲巨擘焉雖然仲子惡能廉充仲子之操則蚓
而後可者也孟子曰仲子不義與之齊國而不受人皆
信之是舍簞食豆羹之義也人莫大焉亡親戚君臣上
下以其小者信其大者奚可哉公都子曰匡章通國皆
稱不孝焉夫子與之遊又從而禮貌之敢問何也孟子

曰夫章子子父責善而不相遇也爲得罪於父不得近
出妻屏子終身不養焉其設心以爲不若是是則罪之
大者是則章子已矣盆成括仕于齊孟子曰死矣盆成
括盆成括見殺門人問曰夫子何以知其將見殺曰其
爲人也小有才未聞君子之大道也則足以殺其軀而
已矣孟子自范之齊望見齊王之子喟然歎曰居移氣
養移體大哉居乎夫非盡人之子與王子潛王子法章
後潛王走死田單迎立爲襄王者也潛王十年周赧王
之元年魯平公之三年也時齊強與秦擊敗楚於邱重

又與韓魏共攻秦至函谷軍焉秦昭王使魏冉致帝於齊於是秦昭王爲西帝齊潛王爲東帝蘇代勸齊將伐桀宋孟子致爲臣而歸王就見孟子曰前日願見而不可得得侍同朝甚喜今又棄寡人而歸不識可以繼此而得見乎對曰不敢請耳固所願也他日王謂時子曰我欲中國而授孟子室養弟子以萬鍾使諸大夫國人皆有所矜式子盍爲我言之時子因陳子而以告孟子陳子以時子之言告孟子孟子曰夫時子惡知其不可也如使予欲富辭十萬而受萬是爲欲富乎孟子去齊

宿於晝有欲爲王畱行者坐而言不應隱几而臥客不
悅曰弟子齊宿而後敢言夫子臥而不聽請勿復敢見
矣曰坐我明語子昔者魯繆公無人乎子思之側則不
能安子思泄柳申詳無人乎繆公之側則不能安其身
子爲長者慮而不及子思子絕長者乎長者絕子乎孟
子去齊尹士語人曰不識王之不可以爲湯武則是不
明也識其不可然且至則是干澤也千里而見王不遇
故去三宿而後出晝是何濡滯也士則茲不悅高子以
告曰夫尹士惡知子哉千里而見王是子所欲也不遇

故去豈予所欲哉予不得已也予三宿而出晝於予心
猶以爲速王庶幾改之王如改諸則必反予夫出晝而
王不予追也予然後浩然有歸志予雖然豈舍王哉王
由足用爲善王如用予則豈徒齊民安天下之民舉安
王庶幾改之予日望之予豈若是小丈夫然哉諫於其
君而不受則怒悻悻然見於其面去則窮日之力而後
宿哉尹士聞之曰士誠小人也孟子去齊充虞路問曰
夫子若有不豫色然前日虞聞諸夫子曰君子不怨天
不尤人曰彼一時此一時也五百年必有王者興其間

必有名世者由周而來七百有餘歲矣以其數則過矣以其時考之則可矣夫天未欲平治天下也如欲平治天下當今之世舍我其誰也吾何爲不豫哉孟子去齊居休公孫丑問曰仕而不受祿古之道乎曰非也於崇吾得見王退而有去志不欲變故不受也繼而有帥命不可以請久於齊非我志也孟子去齊後齊去帝復爲王秦亦爲去帝君子謂孟子以一去改齊王也先是春秋邾子國至七國時更名爲鄒名同魯國古鄒邑孟子自齊歸道鄒鄒穆公館焉鄒與魯鬩穆公問曰吾有司

死者三十三人而民莫之死也誅之則不可勝誅不誅則疾視其長上之死而不救如之何則可也孟子對曰凶年饑歲君之民老弱轉乎溝壑壯者散而之四方者幾千人矣而君之倉廩實府庫充有司莫以告是上慢而殘下也會子曰戒之戒之出乎爾者反乎爾者也夫民今而後得反之也君無尤焉君行仁政斯民親其上死其長矣孟子將歸曹交從遊於孟子問曰人皆可以爲堯舜有諸孟子曰然交聞文王十尺湯九尺今交九尺四寸以長食粟而已如何則可曰奚有於是亦爲之

而已矣堯舜之道孝弟而已矣曰交得見於鄒君可以假館願畱而受業於門曰夫道若大路然豈難知哉人病不求耳子歸而求之有餘師孟子之滕館於上宮有業履於牖上館人求之弗得或問之曰若是乎從者之陵也曰子以是爲竊履來與曰殆非也夫子之設科也往也不追來者不拒苟以是心至斯受之而已矣滕文公問爲國孟子曰民事不可緩也賢君必恭儉禮下取於民有制夏后氏五十而貢殷人七十而助周人百畝而徹其實皆什一也夫世祿滕固行之矣詩云雨我公

田遂及我私惟助爲有公田由此觀之雖周亦助也設
爲庠序學校以教之庠者養也校者教也序者射也夏
曰校殷曰序周曰庠學則三代共之皆所以明人倫也
人倫明於上小民親於下使畢戰問井地孟子曰子之
君將行仁政選擇而使子子必勉之夫仁政必自經界
始經界不正井地不均穀祿不平是故暴君汙吏必慢
其經界經界旣正分田制祿可坐而定也請野九一而
助國中什一使自賦卿以下必有圭田圭田五十畝餘
夫二十五畝方里而井井九百畝其中爲公田八家皆

私百畝同養公田公事畢然後敢治私事此其大略也
若夫潤澤之則在君與子矣有爲神農之言者許行自
楚之滕踵門而告文公曰遠方之人聞君行仁政願受
一廛而爲氓文公與之處其徒數十人皆衣褐捆屨織
席以爲食陳良之徒陳相與其弟辛負耒耜而自宋之
滕曰聞君行聖人之政是亦聖人也願爲聖人氓陳相
見許行而大悅盡棄其學而學焉陳相見孟子道許行
之言曰滕君則誠賢君也雖然未聞道也賢者與民並
耕而食饗飧而治今也滕有倉廩府庫則是厲民而以

自養也惡得賢孟子曰有大人之事有小人之事或勞心或勞力勞心者治人勞力者治於人治於人者食人治人者食於人天下之通義也堯以不得舜爲己憂舜以不得禹皋陶爲己憂夫以百畝之不易爲己憂者農夫也堯舜之治天下豈無所用其心哉亦不用於耕耳吾聞用夏變夷者未聞變於夷者也陳良楚產也悅周公仲尼之道北學於中國北方之學者未能或之先也彼所謂豪傑之士也子之兄弟事之數十年師死而遂倍之今也南蠻馱舌之人非先王之道子倍子之師而

學之亦爲不善變矣墨者夷之因徐辟而求見孟子孟子
子曰吾固願見今吾尙病病愈我且往見夷子不來他
日又求見孟子孟子曰吾今則可以見矣不直則道不
見我且直之吾聞夷子墨者墨之治喪也以薄爲其道
也然而夷子葬其親厚則是以所賤事親也徐子以告
夷子夷子曰之則以爲愛無差等施由親始徐子以告
孟子孟子曰天之生物也使之一本而夷子二本故也
蓋上世嘗有不葬其親者其親死則舉而委之於壑他
日過之狐狸食之蠅蚋姑嘬之其類有泚睨而不視夫

泚也非爲人泚中心達於面目蓋歸反藁裡而掩之掩之誠是也則孝子仁人之掩其親亦必有道矣徐子以告夷子夷子憮然爲閒曰命之矣滕文公問曰滕小國閒於齊楚事齊乎事楚乎孟子曰是謀非吾所能也及也無已則有一焉鑿斯池也築斯城也與民守之效死而民弗去則是可爲也滕文公問曰齊人將築薛吾甚恐如之何則可孟子對曰苟爲善後世子孫必有王者矣君子創業垂統爲可繼也若夫成功則天也君如彼何哉彊爲善而已矣滕文公問曰滕小國也竭力以事

大國則不得免焉如之何則可孟子對曰昔者太王居
邠狄人侵之去邠逾梁山邑於岐山之下居焉邠人曰
仁人也不可失也從之者如歸市或曰世守也非身之
所能爲也效死勿去居請擇于斯二者孟子於是去滕
歸魯魯欲使慎子爲將軍孟子曰一戰勝齊遂有南陽
然且不可慎子勃然不悅曰此則滑釐所不識也曰徒
取諸彼以與此然且仁者不爲况於殺人以求之乎君
子之事君也務引其君以當道志於仁而已魯欲使樂
正子爲政孟子曰吾聞之喜而不寐公孫丑曰樂正子

強乎曰否有知慮乎曰否多聞識乎曰否然則奚爲喜而不寐曰其爲人也好善好善足乎曰好善優於天下而况魯國乎魯平公將出嬖人臧倉者請曰他日君出則必命有司所之今棄輿已駕矣有司未知所之敢請公曰將見孟子曰何哉君所爲輕身以先于匹夫者以爲賢乎禮義由賢者出而孟子之後喪逾前喪君無見焉公曰諾樂正子入見曰君奚爲不見孟軻也曰或告寡人曰孟子之後喪逾前喪是以不往見也曰何哉君所謂逾者前以士後以大夫前以三鼎而後以五鼎與

曰否謂棺槨衣衾之美也曰非所謂逾也貧富不同也
樂正子見孟子曰克告於君君爲來見也嬖人有臧倉
者沮君君是以不果來也曰行或使之止或尼之行止
非人所能也吾之不遇魯侯天也臧氏之子焉能使子
不遇哉時天下方務於合從運衡以攻伐爲賢而孟軻
乃述唐虞三代之德是以所如者不合退而與公孫丑
萬章之徒序詩書述仲尼之意作孟子七篇曰聖王不
作諸侯放恣處士橫議楊朱墨翟之言盈天下天下之
言不歸楊則歸墨楊氏爲我是無君也墨氏兼愛是無

父也無父無君是獸禽也揚墨之道不息孔子之道不著是邪說誣民充塞仁義也仁義充塞則率獸食人人將相食昔者禹抑洪水而天下平周公兼夷狄驅猛獸而百姓甯孔子成春秋而亂臣賊子懼我亦欲正人心息邪說距詖行放淫辭以承三聖者豈好辯哉予不得已也能言距楊墨者聖人之徒也曰逃墨必歸於楊逃楊必歸於儒歸斯受之而已矣孟子生於周烈王四年魯共公五年己酉四月二十卒於周赧王二十六年魯文公六年
五日周正建子改朔不改月也壽

八十四歲以冬至日終鄒邑人悲感遂輟賀正迄茲成俗二子孟仲子對齊王使人問疾孟季子問公都子義內竝見於書

按孟子一書其義之最大者在正人心格君心求放心不失赤子之心以不忍人之心行不忍人之政平旦鷄鳴火然泉達皆所以存仁義之良心也知性知天養性事天皆所以盡仁義之良心也論語二十篇要在兩心字夫子直以從心自許以其心許顏回亦止得兩性字夫子謂性相近子貢謂夫子言性不可

得聞如是已耳至子思而言率性盡性性誠性明早發孟子性善之旨幾無餘蘊獨心字止列身意知之中正心止列格致誠脩之內其旨專主誠意而不專主正心至孟子則橫口所說橫手所指上陳君王下教弟子無非心者言性善卽言根心言人心卽言天性夫子之引而不發者乃至此一發無遺蘊略不畱待後來直指人心明心見性之說也子思之中庸上下二篇以性命始以義利終義利以勿用小人終似因內聖而及外王孟子之書上下七篇以義利始以

性命終性善以距楊墨惡鄉原終似因外王而歸內
聖此作書之全旨不可以歲月編次論者也卽如孟
子書中堯舜禹湯文武伊尹周公孔子之逸事辯證
極詳告子白圭輩之訓答反覆必盡伯夷柳下惠以
至管仲晏子百里奚之品量可否屢見未卜論世當
在何日舉屬歲月編次列者也其非歲月編次不明
者最要在不見諸侯與見諸侯兩端或有人問孟子
不見諸侯因何開書便見梁惠王人無以對蓋舉世
仿讀孟子文若今日見而明日說不見也要知孟子

不見諸侯是四十以前居魯教授弟子時事故相與
問答如此非在齊梁閒語也不見諸侯是本國魯康
公景公始禮士居本國必君先就見然後往見異國
君不以禮先亦不得越境而見故曰在國曰市井之
臣在野曰草莽之臣庶人不委質爲臣不敢見於諸
侯禮也往役義也往見不義也皆就本居之國言也
末年魯平公不往見究亦不見此謂不見諸侯也見
諸侯自齊宣王始自四十不動心之年始見齊宣王
後適梁見梁惠王惠王尋卒見梁襄王去梁適宋受

宋餽時值宋王偃滕文公過宋見孟子適薛受薛餽
時值薛孟嘗君復適齊見齊潛王久於齊去齊見鄒
穆公之滕復見滕文公始歸魯魯平公欲往見不果
此孟子往來齊梁間見諸侯事不見在隱居求志之
日見在行義達道之時本前後兩截事曰迫斯可以
見曰古之人未嘗不欲仕也又惡不由其道由其道
固可往見也如是則見不見乃並行不悖其不可不
編年者一史傳本云孟子鄒人不云那國人如云子
路弁人曾子武城人不言魯明乎弁武城鄒皆魯下

邑也孟子書云自齊葬於魯不云葬於鄒因其時邾國亦改爲鄒慮混魯鄒邑名又書中往來齊境見鄒穆公時客邾鄒與然友之鄒孟子居鄒異慮鄒國鄒邑後人失考者或疑爲一故葬母大事特書自齊葬於魯明魯爲父母之邦也趙岐註誤云孟子時邾改爲鄒後人遂信邾鄒爲一夫邾魯在春秋世敵仇也三桓孟孫氏居魯不居邾明矣孟子爲孟孫氏後在春秋時季孟屢伐邾安得爲邾人且邾在兗北青境鄒在兗南徐境道里甚遠安得云近聖人之居如此

其甚說文云鄒孔子鄉卽叔梁紇所治地所謂鄒人之子也孔子所生名故鄒城云孟子所居五十里以邑則孔孟皆鄒人以國則孔孟皆魯人鄒魯可合孔孟而稱不可分孔孟而稱是以孟子去齊曰致爲臣而歸歸魯也孟子對齊王稱臣臣爲卿也梁王不稱臣不爲卿也對鄒穆公不稱臣而其語倨曰君之民曰夫民今而後得反之視對滕文公尤不同以此知其爲異邦非本國卽如鄒人與楚人戰一語明乎鄒非本國也樂正子語魯平公則曰君奚爲不見孟軻

君前臣名也曰後喪逾前喪棺槨衣衾之美專議孟子家事也明乎父母國之義也孟子曰臧氏之子臧氏臧文仲後與孟子同姬姓各氏者也曰吾之不遇魯侯天也如孔子云吾舍魯何適深以不遇本國之君老而更無可遇故曰天也魯欲使慎子爲將軍欲使樂正子爲政非居魯而何以遂知也孟子居鄒邑卽是居魯明乎父母之邦也書有二鄒爲故邾故鄆之別千古穀譌其不可不編年者二所見諸侯先孟子而卒者齊宣王梁惠王梁襄王鄒穆公滕文公魯

平公書中俱稱諡後孟子而死者齊潛王宋王偃不稱諡止稱王因書中無潛王諡遂混齊兩王爲一王兩伐燕爲一伐燕幸史記列傳世家互載甚明去齊乃適梁去梁復適齊久於齊不久於梁久於潛不久於宣曰此則寡人之罪曰今又棄寡人而歸是王由足用爲善也今又棄云者前後兩去齊也書史參互自見其不可不編年者三滕出自周文王第十四子叔繡之後見春秋者滕侯穀宣公嬰齊孝侯輒昭公元文侯壽成公原悼公甯頃公結隱公虞母再傳戰

國有定公文公見孟子俱失名古統世本諸侯之世
滕國有考公麋元公宏則文公後也或云周赧王二
十九年滕爲宋所滅則去孟子卒三年誤也傳記滕
文公卒再傳二十一年滅於宋春秋釋例云滕國春
秋後七世爲齊所滅又云滕自叔繻以下至公邱二
十一世爲秦所滅互異公邱亡國故無諡也小國得
延至秦并喪禮井田之效略可見於茲矣不得編年
則滕文公爲世子滕定公薨越在後而文公問事齊
楚問築薛問不得免越前矣薛在春秋時自薛伯穀

至薛惠公凡六傳黃帝之苗裔奚仲後也至戰國爲齊威王所滅以封其少子田嬰嬰傳子田文卽孟嘗君當孟子時滕猶論語之滕薛非論語之薛矣不得編年則在薛受餽不知其爲何人旣云齊人莫如我敬王又云說大人則藐之其言自在更不知大人爲何人矣孟子見梁襄王謂望之不似人君就之不見可畏厥後魏襄之年屢困秦楚孟子自范之齊望見齊王之子謂其居移氣養移體王子若彼云云有先幾歎羨之意厥後潛王死法章復國爲齊襄王不得

編年則不知孟子立湣王朝將以齊王之子爲宣王
子則孟子於齊梁二王子何無故軒輊如此也其不
可不編年者四孟子編年悉本史記世家列傳參以
皇極經世竹書紀年若通鑑所載歲月殺譌殊甚不
足憑也孟母三遷斷織諸事不見史記韓詩外傳所
載在史記前劉向列女傳所載特詳徵之孟子書自
齊葬於魯充虞木若以美之說及臧倉後喪逾前喪
之說則賢母在齊歸葬與母氏罔極之思隱躍七篇
內矣傳首必稱母氏傳中復述母語非稗說也孟子

願學孔子誦詩讀書教授弟子必在博學無方強立
不反之日始公孫丑萬章之徒悉自魯而從遊齊梁
聞者也後車數十乘從者數百人所過必傳食所處
必館宮齊以雪宮始以授室終滕以上宮館皆師賓
之道也其不可不編年者五孟子爲孟孫氏後學者
或多疑之愚獨以爲信何也左傳昭公七年公至自
楚孟僖子病不能相禮乃講學之苟能禮者從之及
其將死也召其大夫曰禮人之幹也無禮無以立吾
聞將有達者曰孔邱聖人之後也而滅於宋其祖弗

父何以有宋而授厲公及正考父佐戴武宣三命茲
益共臧孫紇有言曰聖人有明德者若不當世其後
必有達人今其將在孔邱乎我若獲沒必屬說與何
忌於夫子使事之而學禮焉以定其位故孟懿子與
南宮敬叔師事仲尼仲尼曰能補過者君子也詩曰
君子是則是倣孟僖子可則倣已矣僖子祖獻子爲
卿不驕禮賢下士處己若虛士以是多歸之歷相三
君五十年魯人謂之社稷臣僖子父莊子不改父之
臣與父之政夫子稱其孝爲難能僖子子懿子問孝

懿子子武伯又問孝孟氏可爲世有子世知孝矣南宮适亦稱南容卽南宮敬叔也從夫子適周問禮訪樂三復白圭夫子稱其有道不廢無道免於刑戮以兄之子妻之懿子子敬子能事曾子問道竝非魯三桓中所多見季叔二氏獨有季文子叔孫昭子耳當孟僖子時孔子雖以知禮聞年未三十也僖子卽以二子屬師之又作之以獻子則如孟氏者豈非有明德之流亞與其後必有達人亦宜乎觀孟子書不侵及魯三桓一語獨稱孟獻子百乘之家友德不挾

以比於小國費惠公之師子思大國晉平公之尊亥
唐上遡堯舜以天下友匹夫其所以述祖德者不亦
淵遠哉然則孟子之爲孟孫氏後信也編年以母氏
始以仲子季子終孟子書中自齊葬魯對王使人問
疾問公都子義內皆著意語略見於句字閒者也若
父名激公宜母仇氏妻田氏仲子名澤雜見他書不
妄載此其不可不編年者六於戲孟子姬姓夫孔孟
固契稷湯文之後夫

有竹居集卷第十五

震澤任兆麟


原名廷麟

文田

從孫

元梓

次桐



心齋雜著

孟子時事略

己酉周烈王四年

魯共公五年○紀魯侯之年者何鄒先自邾邾故魯附庸也

孟子生於鄒

聖證論曰字子車

又曰學者不知孟軻字按子思書孔叢子有孟子居則是

軻少居坎軻字子居也

傅休奕曰字子與按孟子字當從子與為是攷漢石經論語殘碑執與作執

車古二字通用居則以音譌於義亦無當也

史記索隱曰鄒魯地名又云邾邾人徙鄒故也

按漢志魯國有騶邑故邾國水經注鄒山左傳所謂嶧山邾文公所遷城鄒山陽故邾婁之國也叔梁紇之邑也孔子生於此今以孟墓證之則孔孟生同鄉邑矣

郝楚望孟子遺事曰按孟氏譜孟子卒於赧王

二十六年

譚梁生孟子編年略曰孟子年八十四卒在赧

王二十六年按史記赧王二十六年實魯文公六年土朔生時當在是年也

先宗丞孟子攷略曰孟譜孟子生於是年四月
二日距孔子沒一百八年與孟子言由孔子而
來至於今百有餘歲合

春秋演孔圖曰孟子父激公宜

陳榕門曰名
激字公宜母

仇氏

按集韻孟子母仇氏錢竹汀曰說文反爪
爲爪與掌同音隸變爲仇非从人几也春

秋傳黨氏先儒讀爲掌黨
氏出任姓孟母當是其族夢神人乘雲攀龍鳳

自泰山來將止嶧凝視久之忽見片雲墜而寤

時閭巷皆見五色雲覆孟氏居而孟子生焉

庚戌五年韓巖遂弒其君

魏侯擊卒趙伐魏立公子罾

辛亥六年

魏惠王罾韓懿侯元年

齊侯來朝

孟父卒

孟子外書孟子三歲而孤孟母賢攜孟子以居
列女傳曰孟子三歲喪父孟母有賢德始舍近
墓孟子之少也嬉戲爲墓閒事踴躍築埋孟母
曰此非所以居子也乃去舍市其嬉戲爲賈街
事孟母曰此非所以居子也乃徙舍學宮旁其
嬉戲乃設俎豆揖讓進退孟母曰此真可以居

子矣遂居之

韓詩外傳曰孟子幼時東家殺豚孟子問殺豚何爲母曰欲啖女旣而悔曰吾裏姪是子席不正不坐割不正不食胎教之也今適有知而欺之是教之不信也乃買以食之

廣輿記曰孟母故宅在太原榆次母并人也其地有三徙鄉

齊封卽墨大夫烹阿大夫

壬七年

楚宣王良夫元年

王崩弟扁立

韓魏伐趙圍安邑

癸丑 顯王元年韓徙鄭

甲寅 二年韓趙分周地為東周西周

乙卯 三年魏公子景賈伐魏魏師敗績

丙辰 四年魏伐宋取儀臺

丁巳 五年秦敗三晉之師於石門賜以黼黻之服

趙徙邯鄲

戊午 六年魏伐趙取列人取肥魏敗韓師於澮

魏與趙榆次陽邑

魏侯會韓侯於巫沙

魏師秦師戰於元里魏師敗績取少梁虜公孫痤

既而歸之

庚申八年

燕文公秦孝公元年

彗星見西方衛公孫鞅入秦

魏圍趙齊田忌孫臏救趙敗魏師於桂林

辛酉九年致文武胙於秦

戊戌十年秦以衛鞅爲左庶長定變法之令

魏龍賈帥師築長城於西邊

韓取晉屯留遷其君於端氏

癸亥十一年韓昭侯元年秦敗韓師於西山

孟子至魯學於孔子上

孟子外書曼邱不擇問於孟子曰夫子焉學孟

子曰魯有聖人曰孔子曾子學於孔子子思學

於曾子子思孔子之孫也子思之子曰子上軻

嘗學焉是以得聖人之傳也鄭氏禮記注子上

之子名白

聖門志曰孟子十五歲就學於魯按伯魚卒於

年子思卽以是年生至烈王四年已百有十四年孟子始生安能親受業邪蔡介夫謂若親受

業不應但云私淑諸人其學於子上信矣

韓詩外傳曰孟子少時誦其母方織孟子輟然中止乃復進其母知其誼也呼而問之曰何爲中止對曰有所失復得其母引刀裂其織以此戒之自後孟子不復誼矣

精舍記曰孟子故宅在鄒縣東隅有曝書臺其東隙地子思講堂孟子學道於此

三遷志曰孟母斷機祠在鄒縣東南隅曝書臺西去子思書院僅百步

甲子十二年

乙丑十三年魯衛韓宋朝於魏

丙寅十四年齊魏會田於郊

丁卯十五年魯康公屯元年秦敗魏師於元里斬首七千取

少梁

魏圍趙邯鄲

戊辰十六年齊孫臏田忌帥師伐魏魏克邯鄲還戰

於桂陵魏師敗績

己巳十七年秦衛鞅會韓趙之師圍魏襄陵

庚午十八年秦趙伐魏魏歸趙邯鄲盟於漳

韓以申不害為相

辛未十九年秦徙咸陽始廢井田開阡陌

壬申二十年 趙肅侯
語元年

癸卯二十一年秦更賦稅法

甲戌二十二年

乙亥二十三年衛貶號曰侯服屬二晉

丙子二十四年 魯景公
隱元年

丁丑二十五年諸侯會於京師

戊寅二十六年錫秦侯命為伯秦使公子帥師會諸

侯來朝

己卯二十七年韓威侯齊宣王辟疆元年諸侯西賀秦

闕伯詩孟子生卒年月考曰按史記與孟子不

同者唯伐燕一事史記以為湣王孟子以為宣

王然就燕世家載噲立宣王復用蘇代之文國策

云亦是噲與宣王同時與六國表異通鑑從孟子

是已但繫伐燕事於宣王十八年當赧王元年

余謂此時孟子去齊已久安得見其取之與後

畔也且以宣王爲卒在是年故改元己丑當顯
王三十七年於是上而威王立三十六年淳于
髡傳所謂威行三十六年者增爲四十六年矣
下而潛王立四十年世家所謂燕齊楚三晉各
出銳師以伐我者減爲三十年矣馬氏釋史年表亦依通鑑
編余謂此不過欲以伐燕事屬宣王以信孟子
耳然與其屈齊之年數以從燕曷若屈燕之年
數以從齊爲尤信孟子乎何則燕噲五年乙巳
讓國子之當潛王八年十年噲及子之死後二

年燕立太子平當十二年若移此五年置於宣
王丙戌後丁酉前以合孟子游齊之歲月則國
策載儲子謂宣王宜仆燕而儲子正為相者也
王令章子將五都兵伐燕三十日而舉燕即五
旬而舉之之謂五偶譌為三也無不合矣按閻氏之
說殊屬誣妄顧寧人又欲以宣王之年移下十
二三年以燕時王慙當是宣王事曲合孟經生
於千百年後而過臆見恐後人
復將以議遠水氏者議之也

致伯於秦

庚辰二十八年魏伐韓趙戰於南梁韓請救於齊齊

使田忌孫臏伐魏敗之馬陵殺其將龐涓及世子
申

秦封衛鞅為商君

辛巳二十九年秦衛鞅伐魏誘執其將公子卬魏獻
河西地七百里於秦徙大梁

壬午三十年楚威王
商元年

癸未三十一年

甲申三十二年秦惠文君
駟元年秦人誅商鞅滅其家

乙酉三十三年齊魏會於阿南

韓趙圍魏襄陵

宋大邱社亡

丙戌三十四年齊魏會於甄

秦伐韓拔宜陽

丁亥三十五年魏惠王後元年齊魏會於徐州以相王

荀公普曰和嶠云編年起於黃帝終於魏今王

今王惠成王子按史記惠王子襄王襄王子哀

王惠王立三十六年襄王立十六年并惠襄為

五十二年今按古文惠成立三十六年改元稱

一年後十六年卒太史公書誤分惠成之世爲
二王年數也世本惠王生襄王而無哀王然則
今王者襄王也

司馬君實曰六國表魏惠王三十六年薨哀王
二十三年薨紀年惠王三十六年改元後十六
年薨杜預和嶠皆以史記誤分惠王之世爲二
王之年蓋世本無哀王且竹書魏史所書必得
其實

朱子曰惠襄之世見於竹書史記蓋失其實

顧寧人曰史記惠王三十六年卒襄王立與諸

侯會徐州相王也追尊惠王為王不知孟子書

中其對惠王無不稱之為王者則非追稱明矣

司馬子長亦知其不通而改曰君然孟子書出

於當時不容誤也愚按襄哀字相似故誤又魏諸君名皆可攷哀王名獨無

聞是亦

一證

齊開稷下館招賢者孟子至齊為卿紀至齊於是年者何以書

中稱齊宣為王且明年即有伐燕事故

鹽鐵論曰齊宣王褒儒尊學孟軻淳于髡受上

大夫之祿不仕職而任國事蓋齊稷下先生千有餘人

中論曰齊宣立稷下之宮設大夫之位招致賢人而尊寵之孟軻游於齊

古史曰孟子先事齊宣王後乃見梁惠王襄王齊湣王

譚梁生日孟子所見諸侯先孟子卒者齊宣梁惠梁襄鄒穆滕文魯平書中皆稱諡後孟子死者齊湣宋偃故止稱王

又曰孟子對齊王稱臣爲卿也對梁王不稱臣
不爲卿也

季彭山孟子事蹟圖譜曰孟子居鄒講學之任
之齊東至薛而後至魏

子陸子曰以史記宣湣之年攷之則孟子去魏
適齊乃見湣王而見宣王又在至魏之先是先
適齊後適魏也

孟子奉母居齊之平陸

子^戊三十六年燕趙韓魏齊楚合從以擯秦以蘇秦

爲從約長并相六國

齊伐燕取十城旣而歸之

黃東發曰抄曰晦庵謂孟子以伐燕爲宣王時事與史記荀子不合按史記齊伐燕有二事齊宣先嘗伐燕易王初立因喪伐之取十城卽梁惠王篇所載問答是也孟子作於宣王旣沒之後故以諡稱湣王後又伐燕王噲以燕與子之齊伐燕取七十城是卽公孫丑篇所載是也作孟子時湣王尚在故不稱諡

按趙注梁惠王篇齊伐燕不實子噲

事亦自確證養新錄云史記燕噲讓國及齊伐
 燕皆在湣王時獨孟子書以為宣王事司馬氏
 通鑑遂移湣王前十年為宣王以合孟子然燕
 人畔在湣王時仍不能強合閭百詩又以為燕
 噲讓國至燕昭自立事移在前十數年以合孟
 子游齊之歲益為妄作近惟寶應王子中論孟
 子七篇所言齊王皆湣王非宣王梁惠盡心兩
 篇稱宣王者後人增益之耳王氏此論最確然
 王以為孟子未嘗見宣王亦非是獨不省史記
 列傳已云游事齊宣王與桓寬徐幹所述豈皆
 不足據邪

子陸子曰黃氏分別二次伐燕最明朱子於集

注雖主燕噲子之言而序說仍闕而不斷黃氏

正發明序說之意也

己三十七年

韓宣惠王燕易王噲元年。○以噲為

不聞其名噲
不聞其諡

秦以齊魏之師伐趙蘇秦去趙奔燕從約解

魏以陰晉之地請和於秦

庚寅三十八年秦敗魏師於雕陰擒其將龍賈

辛卯三十九年

壬辰四十年秦伐魏取汾陰皮氏拔焦

宋公子偃弒其君而自立

癸巳四十一年楚懷王
魏元年

秦客卿張儀伐魏取蒲陽既而歸之魏盡入上郡十五縣之地於秦秦以儀為相

顧寧人曰魏世家襄王五年予秦河西之地七年盡入上郡於秦今按孟子書惠王言喪地七百始悟太史公所書襄王之年即惠成王之後五年七年也以孟子證之自明

甲年四十二年九鼎淪於泗

乙未四十三年

丙申四十四年孟子去齊從邵子經世紀年也退居平陸

列女傳曰孟子居齊有憂色擁楹而歎孟母問之對曰軻聞君子稱身而正位不爲苟得而貪祿今道不用於齊願行而母老是以憂也孟母曰婦人無專制之義而有三從之道禮也今子成人也而吾老矣子行乎子義吾行乎吾禮子何憂乎

丁酉 四十五年

趙武靈王 雍元年 秦惠王 後元年

秦稱王

顧寧人曰秦惠十四年更後元年可爲梁惠改元之證

秦張儀伐魏取陝

秦築上郡塞

蘇秦曰燕奔齊

戊四十六年齊湣王地元年楚伐齊秦張儀會齊楚於齧

桑

攷略曰秦平齊楚意在遠交而近攻矣

楚柱國昭陽將兵伐魏戰於襄陵魏師敗績按楚世家

以此事在懷王六年即梁惠所云南辱於楚是

秦相張儀免出相魏

韓燕稱王

己亥四十七年魏以公孫衍為相為從約長

庚子四十八年王崩

趙稱王

齊封田嬰於薛按竹書顯王二十九年邳遷於薛必使奉奚仲之祀至是邳亡矣宗

丞攷略曰此時孟子在滕先是已如宋歸鄒而後至梁至齊不知宣湣編年通鑑既出杜撰不從史記將何依據邪百詩謂薛滅齊方於此築城國策載靖郭君將城薛以客諫乃輟其後復欲城文公焉得不恐斯言得之又按魯仲連傳當湣王時薛猶存也則後之殺燕噲非宣王事益信矣

孟子至魏

風俗通曰孟子去齊梁惠王聘之爲上卿

攷略曰時孟子年五十二矣故稱之曰叟史稱

惠王三十五年至梁誤也蓋司馬氏未攷惠王

有後十七年遂以後元卽屬之襄王若孟子至

梁三年卽去時梁未嘗南辱於楚喪地亦未至

七百里之多也

按前孟子去齊當是去位退處平陸至是繇齊至梁故有不遠

千里之言又劉彥和新論載秦攻梁孟子勸王去梁之語見外書

辛丑 慎靚王元年 燕王噲後元年 衛貶號君

秦樗里疾攻魏魏公孫衍禦之魏師敗於岸門

王寅二年魏侯罃卒孟子去魏

宋稱王

攷略曰宋伐齊取五城伐楚取地三百里西敗魏軍後赧王二十九年齊楚魏滅宋集注謂滅滕伐薛伐薛卽伐齊時薛爲齊地滅滕未知所據竹書於越滅滕

孟子至宋

鹽鐵論曰孟子困於梁宋

季彭山曰孟子聞宋王偃將行仁政乃適宋

癸卯三年梁襄王孟子復至齊

譚梁生曰孟子去魏適宋受宋餽時值王偃滕

世子來見反鄒適薛受薛餽復適齊見湣王

孟母卒歸葬於魯終喪反於齊

按地志墓今鄒縣馬鞍山麓

孟子外書孟母之喪門弟子各治其事陳臻治

貨季孫郊治車咸丘蒙治器萬章治緘充虞治

櫬公都或治饌陳代治牲樂正克治儀公孫丑

治賓客孟子三日不食哭不止門弟子請曰古

者五十不毀孟子曰五十也乎哉吾母死吾猶

孺子也。齋子弔見之流涕，自責曰：「今而知聖人

之道，遂棄墨而歸儒。

愚按：孟子生己酉，至是歲癸卯，年五十五矣。

閻百詩曰：孟子終喪反齊，蓋終三年喪復至齊。

為卿。

四年魏張儀歸相秦。

乙巳五年

魯平公叔元年。皇甫士安曰：平公元乙巳終甲子，六國表繫平公於赧王丁未，譌

燕侯噲以國讓其相子之。

丙午六年王崩。

張儀自秦適楚楚，絕秦。

按：趙世家武靈王十一年召公子職於韓，立以為燕。

王使樂池送之當在是年六國表武靈立二年齊宣卒則公孫丑篇燕畔王漸之事爲湣王益無疑矣

丁未 赧王元年齊伐燕取之醢子之殺故燕侯噲

荀子曰齊閔南足以破楚西足以誦秦北足以敗燕中足以舉宋

史記燕世家曰子之南面行王事三年國大亂將軍市被與太子謀將攻子之諸將謂齊湣王曰因而仆之破燕必矣齊人因令人謂平曰寡人聞太子之義將廢私而立公飭君臣之義明

父子之位寡人之國小不足以爲先後雖然惟
太子所以令之太子因聚衆攻公宮不克市被
反攻太子平被死構難數月百姓離志孟軻謂
齊王曰今伐燕此文武之時不可失也王令章
子將五都之兵以伐燕士卒不戰噲死齊大勝
燕子之亡

新序曰燕易王時國大亂齊閔王興師伐燕屠

燕國復太子平爲王是爲昭王

按據此則噲卽
易王史記慎靚

辛丑噲立當是易王後元年諡法好易改舊曰
易以國與人非變改故常之謂乎諡以易也固

宜

水經注曰齊外郭潛王伐燕噲死虜其民居之
鮑彪國策注曰宣閔皆嘗伐燕子噲之役實閔
王也

子陸子曰戰國策敘述時事不知核實如謂孟
子勸齊伐燕以潛王為宣王也

戊申二年楚攻秦師敗於藍田復襲秦師敗於丹陽
楚割兩郡以和於秦

己酉三年燕昭王燕人立太子平盧景宣大戴記注
平元年日昭王易王子也

孟子去齊居休

酈道元曰澧水東去臨淄城十八里俗以為宿

留水孟子去齊三宿而後出澧故變名也

考略曰齊王知慚於孟子猶有悔心之萌陳賈

復塞之故遂去齊按閻百詩謂呂成公大事記

初年證之孟子明云由周而來七百餘歲是去

齊當在顯王丁酉未滿八百歲之前此說殊泥

蓋孟子當時亦祇括略一生言之如云文王至

孔子五百餘歲若以孔子生於靈王庚戌距文

王生於商祖甲庚寅已歷六百八十年亦將與

堯舜湯文相去年數一例比較邪且如其說必

屈燕之年數以從齊移上不過十二三年舉成

數言之亦曷不云將八百歲邪故書中齊王不

紀諡者為湣王無疑也且觀其語以齒德
自居若宣王時年方四十餘則尤不可通

孟子反鄒至魯不能用滕侯以禮聘之至滕反鄒

述孔子之意序詩書作孟子七篇外書四篇愚纂

通說論今毛詩序即孟子所作後儒或有附益未
可知也陳士元曰今七篇二百六十章三萬五千

四百
十字

八仁山曰孟子致為臣於齊而歸鄒

閻百詩曰孟子仕齊為卿久之歸鄒以樂正子

故至魯終之滕

輔漢卿曰孟子至滕不久即去故有使畢戰之

問

漢書藝文志曰孟子十一篇

按孔疏云漢中劉歆九種孟子有十

卷一

又河閒獻王傳曰獻王所得書皆古文先秦舊書周官尚書禮記孟子之屬皆經傳說記七

十子之徒所論其學舉六藝

應仲遠曰孟子絕糧於鄒薛作書中外十一篇

先宗丞曰孟子作書七篇外篇四則門人所記

王仲任曰孟子作性善之篇以為人性皆善及

其不善物亂之也

按趙氏題辭云外書四篇性善辨文說孝經爲正

傅休奕曰昔仲尼沒仲弓之徒追論夫子之言謂之論語其後鄒之君子孟子與擬其體著書七篇謂之孟子

晁昭德曰按荀子載孟子三見齊王而不言弟子問之曰吾先攻其邪心揚子載孟子曰夫有意而不至者有之矣未有無意而至者矣今書皆無之知散軼者多矣

庚四年

韓襄王

秦使張儀說楚韓齊趙燕連衡以

事秦

燕起金臺禮賢者使樂閒迎孟子不往

孟子外書孟子老於騶燕昭王使樂閒迎之孟

子不往

愚按外書燕昭王稱諡則其書出自門人所記可知昭王薨在赧王三十六年

辛五年

秦武王蕩元年○按本經所言烏獲孟賁之徒皆仕於秦武者

壬子六年

癸丑七年

甲寅八年

乙卯九年

秦昭襄王魏元年

丙辰十年彗星見

丁巳十一年

戊午十二年彗星見

己未十三年

庚申十四年秦齊韓魏伐楚殺其將唐昧

辛酉十五年

壬戌十六年秦伐楚取八城秦遣使要盟楚大夫屈

原諫不用遂執楚君槐於武關以歸

齊魏會於韓

秦以齊田文為丞相

癸亥十七年

趙惠文王何楚頃襄王橫元年

田文自秦逃歸齊

齊韓魏伐秦敗其軍於函谷關河渭絕一日秦割

河東三城以和三國兵退

趙封公子勝為平原君

甲子十八年 魯侯叔卒

乙丑十九年

魯文公 魏侯赫卒

按孟子七篇中魯平梁皆稱謚則七篇

為孟子白作無疑矣

丙寅二十年

韓釐王咎魏昭王遯元年

丁卯二十一年

戊辰二十二年

己巳二十三年

庚午二十四年

辛未二十五年

壬申二十六年孟子卒

考略曰按孟氏譜孟子卒於是年正月十五日

闕里志曰孟子墓在鄒縣生仲子罃嘗從學公

孫丑

陸元朗經典序錄曰李克傳詩於魯人子孟仲子

按毛詩故訓
傳引仲子說

孟子時事考徵序

積學齋徐乃昌感書

七十子後百家競起人自爲學明王道守儒術者孟荀二子也孟子有漢趙岐注荀子有唐楊倞注皆大醇無小疵焉自宋人取孟子以配論語及小戴禮記中大學中庸兩篇謂之四書後遂用之取士由是說孟子者日益多然皆就考亭集注而摹畫之以爲科舉之用於本書無所發明也矧求其時事而詳考之邪康熙中太原閻氏有孟子生卒年月考近吾友海寧周君耕厓有孟子四考於是孟子時事稍稍可尋同年陳君鳳石博極羣書名冠儕輩投經之暇復撰孟子時事考徵四卷兼旁及七國之形勢徵引賅洽

考證明備較閻氏周氏而加密焉孟子曰頌其詩讀其書不知其人可乎是以論其世也鳳石此書可謂知人論世之學矣竊惟太史公書以孟子荀卿同傳未嘗有所軒輊於其間而孟荀之稱由漢迄唐無異辭若夫罷荀卿從祀祧七十子而以孔孟並舉此蓋出後儒之意於古未之前聞也今孟子得鳳石及閻氏周氏實事求是蒐討靡遺而荀卿子三十二篇自二三好古君子爲之校正審定外無過問者甚且遭陋者妄加刪改幾失其真斯亦儒林之深恥也鳳石屬余序其書爰并述其所見以質焉

嘉慶八年日躔鶉尾之次歛年愚弟凌廷堪拜序


序

史公傳孟子未詳而著其受業者其述唐虞序詩書著其困厄齊梁至與菜色陳蔡同科意欲尊孟子以繼仲尼之後明道統所由傳蓋其大者而生卒年月遊歷前後固不必詳亦無可得而詳云自秦氏焚書七篇幸以號子得不廢故其由鄒而梁而齊而宋而滕薛而魯後儒猶得藉以論其去就總其終始頗亦畧矣非參考于史記國策竹書紀年及通鑑綱目諸書則於七國時勢未詳其於孟子生平猶屬懸揣臆度未有當也此陳君記方時事考徵一編所由廣爲搜羅嚴於去取於諸家論著之信而可徵者錄之

稍有未當于心寧存疑以俟後之君子甚矣其難也其慎也要於
孟子時事已十得其八九矣即事以徵道而史公之尊孟以繼孔
者不藉是編益以探其心源歟往年在京師與記方遊見其手
錄十三經註疏藏弄盈篋好古博學於昔聖賢遺書必將多所發
明茲特其一斑云時

嘉慶五年歲次庚申仲冬月中浣之吉肖巖弟趙良壽拜撰

孟子時事考徵卷第一



南陵徐乃昌
校勘經籍記

份質園

涇上陳寶泉鳳石編次

受業朱

愷丹崖

參按

鈺藍田

楫菊坪

按史記孔子世家生卒出處年月具詳而孟子與荀卿合

傳寥寥數十言於所游鄒滕任薛魯宋之事略不一書至

通鑑綱目特書適魏之齊去齊以明聖賢之去就而書非

爲一人發故畧舉其大而始末不詳且適魏去齊之年顧氏亭林任氏鈞臺江氏慎修以竹書按時事而考之不無差互蓋綱目一書朱子止成凡例其綱則門人依凡例而脩其目則屬之趙師淵故間有牴牾也後之考孟子事跡者又不能參攷七國時事于論世知人之道亦有缺焉余嘗以通鑑綱目爲經雜取史記國策竹書紀年與夫諸家編次孟子事蹟圖譜信而可徵者合而錄之庶幾七國之形勢孟子之生平可槩見爾

竹書紀年周定王元年癸酉 二十八年庚子王陟

案世本與韋昭國語注皆

以定王為敬王子元王為定王子與史記異
究從史記定王為元王之子敬王之孫為是

孟氏譜孟子魯公族孟孫氏後

趙岐孟子題辭孟子魯公族孟孫之後故孟子仕於

齊喪母而歸葬於魯也三桓子孫既以衰微分適他國

父曰激公宜

一云孟子父名彥璞

母仇

音氏定王三十七年己酉四月二日孟子生任鈞臺曰竹

書定王止二十八年無三十七年定王有己亥無己酉若

謂生于定王之己亥據譜云卒于赧王之二十六年壬申

則孟子壽當一百五十四尤必無之事也

竹書紀年考王元年辛丑十五年乙卯王陟

按史云定王崩長子去疾立是為哀

王哀王立三月弟叔襲殺哀王而自立是為思王思王立五月少弟嵬攻殺思王而自立是為考王

子思卒於考王之六年丙午而孔叢子謂孟子親受業於子思蔡氏清曰此殆後人所為欲湊成思孟一段授受耳余案孟子與子思年不相接故孟子自云予私淑諸人當從史記受業子思之門人為是

竹書紀年威烈王元年丙辰 十八年癸酉王命韓景子趙烈子及我師伐齊入長垣

按竹書魏人所作故書魏為我間有書魏者傳抄之誤增也

通鑑綱目二十三年戊寅 秦簡公十二年晉烈公止十七年齊康公貸二年楚聲王當五年燕閔公二十

一年 魏文侯斯二十二年趙烈侯籍六年韓景侯虔六年皆始為侯 統舊國五新國三凡八大國 按春秋左傳終於魯悼公四年是為周定王五年而通鑑始於是年中曠 六十年綱目分注智伯之始終皆六十年事也 初命晉

大夫魏斯趙籍韓虔為諸侯

初智宣子將以瑤為後智果曰不如宵也瑤之賢於人者五其

不逮者一也美鬚長大則賢射御足力則賢技藝畢給則賢巧文辨慧則賢強毅果敢則賢如是而甚不仁夫以其五賢陵人而以不仁行之其誰能待之若果立瑤也智宗必滅弗聽智果別族於太史為輔氏趙簡子之子長曰伯魯幼曰無恤將置後不知所立乃書訓戒之辭於二簡以授二子曰謹識之三年而問之伯魯不能舉其辭求其簡已失之矣問無恤誦其辭甚習求其簡出諸袖中而奏之於是簡子以無恤為賢立以為後簡子使尹鐸為晉陽請曰以為蘭綵乎抑為保障乎簡子曰保障哉尹鐸損其戶數簡子謂無恤曰晉國有難而無以尹鐸為少無以晉陽為遠必以為歸及智宣子卒智襄子為政與韓康子魏桓子宴於藍臺智伯戲康子而侮段規智國聞之諫曰王不備難必至矣智伯曰難將由我我不為難誰敢興之對曰不然

夏書有之曰一人三失怨豈在明不見是圖夫君子能勤小物故無大患今主一宴而耻人之君相又不備曰不敢與難無乃不可乎螞蟻蜂蠶皆能害人况君相乎弗聽智伯請地於韓康子康子欲弗與段規曰智伯好利而悞不與將伐我不如與之彼狃於得地必請於他人他人不與必嚮之以兵然則我得免於患而待事之變矣康子曰善乃與之智伯說又求地於魏桓子桓子欲弗與任章問焉桓子曰無故任章曰無故索地諸大夫必懼吾與之地智伯必驕彼驕而輕敵此懼而相親以相親之兵待輕敵之人智氏之命必不長矣不如與之以驕智伯然後可以擇交而圖之柰何獨以吾爲智氏質乎桓子曰善亦與之智伯又求蔡臯狼之地與趙襄子襄子弗與智伯怒帥韓魏之甲以攻之襄子將出曰吾何走乎從者曰長子近且城厚完襄子曰民能力以完之又斃死以守之其誰與我從者曰邯鄲之倉庫實襄子曰浚民之膏澤以實之又因而殺之其誰與我其晉陽乎先王之所屬也尹鐸之所寬也民必和矣乃走晉陽三家圍而灌之城不浸者三版沈竈產鼃民無叛意智伯行水魏桓子御韓康子驂乘智伯曰吾乃今知水可以亡人國也桓子肘康子康子履桓子之跗以汾水可以灌安邑潞水可以灌

平陽也絺疵謂智伯曰韓魏必反矣智伯曰子何以知之對曰
以人事知之夫從韓魏而攻趙趙亡難必及韓魏矣今約勝趙
而三分其地城降有日而二子無喜志有憂色是非反而何明
日智伯以其言告二子二子曰此讒臣欲爲趙氏游說使主疑
二家而懈於攻趙也不然二家豈不利朝夕分趙氏之田而欲
爲此危難不可成之事乎二子出絺疵入曰主何以臣之言告
二子也智伯曰子何以知之對曰臣見其視臣端而趨疾知臣
得其情故也智伯不悅趙襄子使張孟談潛出見二子曰臣聞
唇亡則齒寒趙亡則韓魏爲之次矣二子乃陰與約爲之期日
而遣之襄子夜使人殺守隄之吏而決水灌智伯軍智伯軍亂
韓魏翼而擊之襄子將卒犯其前大敗其衆遂殺智伯滅其族
而分其地唯輔果在 趙襄子漆智伯之頭以爲飲噐智伯之
臣豫讓欲爲之報仇乃詐爲刑人挾匕首入襄子宮中塗厠左
右欲殺之襄子曰智伯死無後而此人欲爲報仇真義士也吾
謹避之耳讓又漆身爲癩吞炭爲啞行乞於市其妻不識也其
友識之爲之泣曰以子之才臣事趙孟必得近幸子乃爲所欲
爲顧不易耶何自苦如此讓曰委質爲臣而求殺之是二心也
吾所以爲此者將以愧天下後世之爲人臣而懷二心者也後

又伏於橋下欲殺襄子襄子殺之襄子爲伯魯之不立也有
子五人不肯置後立伯魯之孫浣是爲獻子獻子生籍是爲烈
侯魏斯者桓子之孫是爲文侯韓虔者康子之孫是爲景侯蓋
自三家之滅智伯至是五十一年矣魏文侯以卜子夏田子
方爲師每過段干木之廬必式四方賢士多歸之文侯與羣臣
飲酒樂而天雨命駕將適野左右曰今日飲酒樂天又雨君將
安之文侯曰吾與虞人期獵雖樂豈可無一會期哉乃往身自
罷之韓借師於魏以伐趙文侯曰趙兄弟也不敢聞命趙借師
以伐韓對亦如之二國皆怒已而知文侯以講於已也皆朝于
魏魏由是始太於三晉文侯使樂羊伐中山克之以封其子擊
他日問於羣臣我何如主皆曰仁君任座曰君得中山不以封
君之弟而以封君之子何謂仁君文侯怒座趨出次問翟璜對
曰仁君也文侯曰何以知之對曰君仁則臣直嚮者任座之言
直是以知之文侯悅使璜召座而反之親下堂迎之以爲上客
文侯與田子方飲文侯曰鐘聲不比乎左高田子方笑文侯曰
何笑子方曰臣聞之君明樂官不明樂音今君審于音臣恐其
聾於官也文侯曰善子擊出遭田子方于道下車伏謁子方不
爲禮擊怒謂子方曰富貴者驕人乎貧賤者驕人乎子方曰亦

貧賤者驕人耳富貴者安敢驕人國君而驕人則失其國大夫而驕人則失其家失其國家者未聞有以國家待之者也夫士貧賤言不用行不合則納履而去安往而不得貧賤哉擊乃謝之文侯謂李克曰先生有言家貧思良妻國亂思良相今所置非成則璜二子何如對曰卑不謀尊疎不謀戚臣在闕門之外不敢當命文侯曰先生臨事勿讓克曰居視其所親富視其所與達視其所舉窮視其所不爲貧視其所不取五者足以定之矣文侯曰先生就舍吾之相定矣李克出翟璜曰聞君召先生而卜相果誰爲之克曰魏成璜忿然曰西河守吳起臣所進也君內以鄴爲憂臣進西門豹君欲伐中山臣進樂羊中山已拔無使守之臣進先生君之子無傳臣進屈侯鮒以耳目之所睹記臣何負於魏成克曰子之言克於君者豈將比周以求大官哉君問相於克克之對如是所以知君之必相魏成者成食祿千鍾什九在外是以東得卜子夏田子方段于木此三人君皆師之子所進五人者君皆臣之子惡得與成比也璜再拜謝曰鄙人失對願卒爲弟子吳起者衛人仕於魯齊人伐魯魯人欲以爲將起取齊女魯人疑之起殺妻以求將大破齊師或譖之曰起始事曾參母死不奔喪曾參絕之又殺妻以求爲將起殘

忍薄行人也起恐得罪聞魏文侯賢乃往歸之文侯問諸李克
克曰起貪而好色然用兵司馬穰苴弗能過也於是文侯以爲
將擊秦拔五城起爲將卧不設席行不騎乘親裹贏糧與士卒
最下者同衣食分勞苦卒有病疽者起爲吮之卒母聞而哭之
或問之對曰往年吳公吮其父其父戰不還踵遂死於敵吳公
今又吮其子妾不知其死所矣趙烈侯好音謂相國公仲連
曰寡人有愛可以貴之乎連曰富之可貴之則否君曰然鄭歌
者檜石二人吾賜之田人萬畝連諾而不與烈侯屢問連乃稱
疾不朝番吾君謂連曰君實好善而未知所恃公仲亦有進士
乎連曰未也曰牛畜荀欣徐越皆可連進之畜侍以仁義烈侯
道然明日欣侍以舉賢使能明日越侍以節財儉用察度功德
所與無不充君說乃謂連曰歌者之田且止以畜爲師欣爲中
尉越爲內史
賜連衣二襲

通鑑二十四年己卯

燕僖公
元年

王崩

子驕立是
爲安王

盜殺楚君當

通鑑安王元年庚辰

楚悼王
元年

秦伐魏

通鑑二年辛巳魏韓趙伐楚 鄭圍韓陽翟

通鑑三年壬午

秦惠公趙武侯韓烈侯取元年

號山崩壅河

通鑑四年癸未楚圍鄭

通鑑五年甲申盜殺韓相俠累

俠累與濮陽嚴仲子有惡仲子聞軹人聶政之勇以黃金百鎰為政母壽欲因以報仇政不受曰老母在政身未敢以許人也及母卒仲子乃使政刺俠累俠累方坐府上兵衛甚衆聶政直入刺之因自皮面決眼自屠出腸韓人暴其尸於市購問莫能識其姊嫫聞而往哭之曰是軹深井里聶政也以妾在之故重自刑以絕從妾柰何畏沒身之誅終滅賢弟之名遂死政尸之旁

余按史記年表世家皆書列侯三年聶政殺相俠累哀侯

六年書韓嚴弑哀侯而刺客傳書嚴仲子事哀侯與相俠
累有隙使聶政刺俠累累走抱哀侯並中哀侯其不同如
此

通鑑六年乙酉鄭弑其君駘 七年丙戌

通鑑八年丁亥齊伐魯

通鑑九年戊子魏伐鄭

通鑑十年己丑

通鑑十一年庚寅秦伐韓宜陽取六邑 齊田和遷其君貸於海

上食一城

和田恒之
曾孫也

通鑑十二年辛卯秦晉戰于武城 齊伐魏 魯敗齊師于平陸

通鑑十三年壬辰秦侵晉 齊田和會魏侯楚人衛人于濁澤求

為諸侯

田和求為諸侯魏文侯為之請於王及諸侯王許之

通鑑十四年癸巳

通鑑十五年甲午秦伐蜀取南鄭

魏侯斯卒

子擊立是為武侯

魏吳

起奔楚楚以為相

魏武侯浮西河而下顧謂吳起曰美哉山河之固此魏國之寶也對曰在德不在險昔三苗氏左洞庭右彭蠡德義不修禹滅之夏桀之居左河濟右泰華伊闕在其南羊腸在其北修政不仁湯放之商紂之國左孟門右太行常山在其北大河經其南修政不德武王殺之由此觀之在德不在險君若不脩德舟中之人皆敵國也武侯曰善魏相田文起不悅謂文曰請與子論

七

粹經堂

功可乎文曰可起曰將三軍使士卒樂死敵國不敢謀子孰與起文曰不如子起曰治百官親萬民實府庫子孰與起文曰不如子起曰守西河而秦兵不敢東向韓趙賓從子孰與起文曰不如子起曰此三者子皆出吾下而位加吾上何也文曰主少國疑大臣未附百姓不信方是之時屬之子乎屬之我乎起默然良久曰屬之子矣久之魏相公叔害起譖之武侯疑之起懼誅遂奔楚楚悼王素聞其賢至則任之為相起明法審令捐不急之官廢公族疏遠者以養戰士要在強兵破遊說之言從橫者於是南平百越北却三晉西伐秦諸侯多患楚之疆而楚之貴戚大臣多怨起者

通鑑十六年乙未

秦出公魏武侯擊趙敬侯章韓文侯元年 田齊太公和元年 統秦晉齊楚燕趙魏韓舊國

八田齊新國 一凡九大國

初命齊田和為諸侯

魏襲趙邯鄲不克

通鑑十七年丙午秦庶長改弑其君及其君母

庶長改迎靈公之子于河西而立之

是為獻公遂殺出子及其母沈之淵旁

韓伐鄭遂伐宋

通鑑十八年丁酉 秦獻公齊桓
公午元年

通鑑十九年戊戌魏敗趙師于兔臺

通鑑二十年己亥

陳氏士元曰孟子當生安王時定字乃安字之誤任鈞臺云安王有己亥無己酉若謂生於安王之己亥距赧王之壬申則孟子壽當九十四矣亦與孟氏譜不合

通鑑二十一年庚子楚君類卒楚人殺吳起

悼王薨貴戚大臣作亂攻吳起殺之因射刺起并中王尸太子臧即位討為亂者夷七十餘家

通鑑二十二年 楚肅王齊伐燕 魏韓趙伐齊

通鑑二十三年壬寅

是歲齊亡統秦晉楚燕魏趙韓田齊凡八大國

趙襲衛不克

齊侯貸卒無子田氏遂并齊

通鑑二十四年癸卯狄敗魏師于澮

魏韓趙伐齊

通鑑二十五年甲辰蜀伐楚

魯繆公卒

子奮立是為共公

通鑑二十六年

韓哀侯元年 魯共公元年 是歲晉亡統秦楚燕魏趙韓齊凡七大國

三晉共廢

其君俱酒為家人而分其地

王崩

子喜立是為烈王

通鑑烈王元年丙午韓滅鄭自陽翟徙都之

通鑑二年丁未

趙成侯種元年

竹書魏觴諸侯于范臺

通鑑三年戊申燕敗齊師于林狐

史記作林營

魯魏伐齊

通鑑四年己酉趙伐衛取都鄙七十三 魏敗趙師于北蘭

三遷志四月二日孟子生

史記孟軻鄒人也趙氏題辭孟子鄒人名軻字則未聞文選注字子與孔

叢子作子車王肅聖證論又謂孟子少居坎軻故名軻字子居

列女傳孟軻之母其舍近墓孟子之少也嬉戲為墓間之事

踊躍築埋孟母曰此非所以居子也乃徙舍學宮之旁其嬉戲乃設俎豆

孟母曰此非所以居子也乃徙舍學宮之旁其嬉戲乃設俎豆

揖讓進退孟母曰此真可以教子矣遂居之幼時問東家殺豬

何為母曰欲啖女既而悔曰吾聞古者胎教今適有知而欺之

是教之不信乃買猪肉以食之稍長就學而歸母方績問曰學

何所至矣軻曰自若也母以刀斷織曰汝之廢學若吾斷斯織

矣軻懼旦夕勤學不息孟子既娶將入私室其婦袒而在內孟

子不說遂去不入婦辭孟母而求去請歸父母孟母召孟子而

謂之曰夫禮將入門問孰存所以致敬也將入堂聲必揚所以

戒人也將入戶視必下恐人見過也今子不察於禮而責禮於

人不亦遠乎孟子謝遂畱其婦按三遷志孟子娶田氏生子

名仲子孟氏譜云仲子名罍孟子之子也郝氏解從之趙注則

九 粹經堂

云孟仲子孟子之從昆弟也鄭氏詩譜毛傳並引孟仲子孔氏謂趙岐云孟子從昆弟學于孟子意孟子之子自名罍師事公孫丑並未著詩傳其所稱孟仲子當以趙氏從昆弟之說為信而告子篇之孟季子又當為仲子之弟也

案孟子生卒史記不載據孟氏譜稱卒於周赧王二十六

年壬申壽八十四歲留青曰札聽雨紀談與孟氏譜並同

獨其所生之歲孟氏譜謂在周定王三十一年日札紀談

又作定王三十七年陳氏士元謂在安王瞿氏九思謂定

王崩後三十餘年孟子乃生諸說不同惟三遷志云當在

烈王四年己酉蓋自赧王二十六年遙溯烈王四年孟子

年適八十有四况此年距孔子生一百八十年

孔子生於靈王庚戌

距孔子卒一百八年孔子卒於敬王壬戌與孟子自云由孔子而來

百有餘歲亦合任鈞臺從之較譜說足據

譚氏孟子編年畧以爲史記稱孟子鄒人猶稱子路卞人之類又引自齊葬母爲魯人之證閻百詩曰孟子爲鄒人非魯人蓋魯公族孟孫之後不知何時適鄒遂爲鄒人其葬歸於魯者太公子孫反葬周之義也魯鄒密邇左傳魯擊析聞於邾是也故孟子祇云近聖人之居未嘗云生聖人之鄉殆又一切證云按孟子少居鄒有鄒與魯閔孟子對穆公語意其聚徒講學居鄒日多而曹交得聞人皆

可為堯舜之說遂欲假館鄒君則此時孟子居鄒猶是四方來學之初也譚氏編年畧列見鄒穆公于見齊湣王之

後非也

通鑑五年庚戌魏伐楚

韓嚴遂弒其君

哀侯以韓廙為相而愛嚴遂二人相害遂刺廙

於朝而并中哀侯

魏侯擊卒

武侯不立太子至是子罃與公中緩爭立國內亂

通鑑六年辛亥

魏惠王罃韓懿侯元年

齊侯來朝

趙伐齊

魏敗趙師于

懷

通鑑七年壬子

楚宣王良夫元年

王崩弟扁立

是為顯王

韓趙伐魏圍

安邑

韓公孫頎謂懿侯曰魏亂可取也懿侯乃與趙成侯合兵伐魏大破其兵遂圍安邑成侯曰殺罃立公中緩割地而

退我二國之利也懿侯曰殺魏君暴也割地貪也不如兩分之
魏分爲兩不彊于宋衛則我終無魏患矣趙人不聽乃解而去

通鑑顯王元年癸丑齊伐魏

六國魏表齊伐我觀津

趙侵齊

表云趙侵齊至長安

竹書鄭城邢止

沈註自此韓改稱曰鄭

案安王二十一年韓滅鄭烈王元年徙都之是韓既徙都

因改號曰鄭故國策謂韓惠王曰鄭王猶魏徙大梁稱梁

王也

通鑑二年甲寅

國策注趙韓分周爲東西國

任氏考略云國策分東周西周始此

王居東周故先東周鮑彪易之大謬

通鑑三年乙卯秦敗魏趙之師于洛陽

竹書公子景賈帥師伐

鄭韓明戰于韓我師敗逋 史紀六國表魏與韓會宇陽城都

任云此梁惠

王好戰之始

通鑑四年丙辰魏伐宋

六國表魏伐宋取儀臺 按此宋剔成君九年

竹書四月甲寅

徙邦于大梁

自此改稱曰梁迨後梁襄王六年復改爲魏 孟子去梁已久故終孟子七篇止稱梁云

按史記惠成王三十一年是爲周顯王二十九年秦用商

君東地至河而齊趙又數破魏于是徙治大梁而是時衛

鞅未相魏邛未鹵地不割秦不偪何遽遷都以避之索隱

故駁謂紀年誤也然紀年以魏書記魏事宜得其實存之

竹書王發逢忌之藪以賜民

通鑑五年丁巳秦敗三晉之師于石門賜以黼黻之服

通鑑六年戊午 竹書我師伐邯鄲取列人我師伐邯鄲取肥

通鑑七年己未魏敗韓趙之師于澮 竹書我與邯鄲榆次陽邑

王會鄭釐侯于巫沙 通鑑秦敗魏師于少梁六國表虜其太子閻氏謂此太子

子即名申後死于齊者按秦本紀獻公二十三年與魏晉戰少梁虜其將公孫痤魏世家九年與秦戰少梁虜我將公孫痤

是魏相即衛公孫鞅所事者故明年痤卒而鞅乃秦伯卒秦

公薨子孝公立生二十有一年矣是時河山以東疆國六淮泗之間小國十餘楚魏與秦接界魏築長城自鄭濱洛以北有上

郡楚自漢中南有巴黔中皆以夷翟遇秦擯斥之不得與中國之會盟於是孝公發憤修政欲以彊秦

通鑑八年庚申 秦孝公燕 衛公孫鞅入秦

文公元年

秦孝公合國中曰昔我穆公自岐雍之間修德行武東平晉亂以河為界西霸戎翟廣地千里天子致伯諸侯畢賀為後世開業甚光美會往者厲躁簡公出子之不寧國家內憂未遑外事三晉攻奪我先君河西地醜莫大焉獻公即位鎮撫邊境徙治櫟陽且欲東伐復穆公之故地修穆公之政令寡人思念先君之意常痛於心賓客羣臣有能出奇計彊秦者吾且尊官與之分土於是衛公孫鞅聞之乃西入秦鞅衛之庶孫也好刑名之學事魏相公孫痤痤知其賢未及進會病魏惠王往問之曰公叔病如有不可諱將柰社稷何公叔曰痤之中庶子衛鞅年雖少有奇才願君舉國而聽之王嘿然公叔曰君即不聽用鞅必殺之無令出境王許諾而去公叔召鞅謝曰吾先君而後臣故先為君謀後以告子子必遠行矣鞅曰君不能用子之言任臣又安能用子之言殺臣乎卒不去王出謂左右曰公叔病甚悲乎欲令寡人以國聽衛鞅也既又勸寡人殺之豈不悖哉鞅既至秦因嬖臣景監以求見說以富國疆兵之術孝公大悅與議國事

竹書入河水于圃田又為

大溝而引圃水瑕陽人自秦導岷山青衣水來歸

謀水利求富國也

通鑑九年辛酉 竹書秦師伐鄭次于懷

通鑑十年壬戌秦以衛鞅爲左庶長定變法之令

衛鞅欲變法秦人不悅鞅言於孝公曰夫民不可與慮始而可與樂成論至德者不和於俗成大功者不謀於衆是以聖人苟可以強國不法其故甘龍曰不然因民而教者不勞而成功緣法而治者吏習而民安之衛鞅曰常人安於故俗學者溺於所聞以此兩者居官守法可也非所與論於法之外也智者作法愚者制焉賢者更禮不肖者拘焉公曰善乃以鞅爲左庶長卒定變法之令令民爲什伍而相收司連坐不告姦者要斬告姦者與斬敵首同賞匿姦者與降敵同罰民有二男以上不分異者倍其賦有軍功者各以率受爵爲私闕者各以輕重被刑大小僇力本業耕織致粟多者復其身事末利及怠而貧者舉以爲孥宗室非有軍功論不得爲屬籍明尊卑爵秩等級各以差次名田宅臣妾衣服有功者顯榮無功者雖富無所芬華令既具未布恐民之不信乃立三丈之木於國都南門募民能徙置北門者予十金民怪之莫敢徙復曰能徙者予五十金有一人

徒之輒與五十金乃下令令行期年民之國都言新令之不便者以千數於是太子犯法衛鞅曰法之不行自上犯之太子君嗣不可施刑刑其傅公子虔黥其師公孫賈明日秦人皆趨令行之十年道不拾遺山無盜賊民勇於公戰怯於私鬪鄉邑大治秦民初言令不便者有來言令便鞅曰此亂法之民也盡遷之於邊其後民莫敢議令

師築長城于西邊謀秦也

通鑑十一年癸亥

韓昭侯元年

秦敗韓師於西山

竹書鄭釐侯使許

息來致地平止戶牖首垣諸邑及鄭馳地我取枳道與鄭鹿王及鄭釐侯盟于巫沙以釋它陽之圍歸釐于鄭

通鑑十二年甲子

竹書魯共侯宋桓侯衛成侯鄭釐侯來朝

齊桓公午卒

子嬰齊立是為威王

按紀年梁惠王十三年當桓公十八年其後威王始見蓋桓公在位十九年通鑑於安王二十四年卽分注齊威王元年疑誤

通鑑十三年乙丑

齊威王元年

史記三晉因齊喪伐靈邱

通鑑十四年丙寅

竹書秦公孫壯伐鄭圍焦城

齊師及燕戰

于胸水齊師遁

史記秦伐宋取黃池宋復取之

通鑑十五年丁卯

魯康公元年

秦敗魏師于元里取少梁

魏伐趙圍

邯鄲

欲服趙使亦如韓也

通鑑十六年戊辰齊伐魏以救趙魏克邯鄲還戰敗績

竹書十五年云齊田

期伐我東鄙戰于桂陽我師敗逋又十六年云邯鄲之師敗我于桂陵 初孫臏與龐涓俱學兵法涓仕魏為將軍自以能不及臏乃召之至則斷其足而黥之欲使終身廢棄齊使者至魏臏陰見之使者竊載以歸田忌客之進之威王威王問兵法遂以為師至是謀救趙以臏為將辭以刑餘之人不可乃使田忌為將而孫子為師居輜車中坐為計謀忌欲引兵之趙孫子曰夫解雜亂紛糾者不控拳救鬪者不搏撻批亢擣虛形格勢禁則自為解耳今梁之輕兵銳卒竭於外而老弱疲於內若引兵疾走其都彼必釋趙而自救是我一舉解趙之圍而收敵於魏也忌從之十月邯鄲降魏魏師還與齊戰于桂陵魏師大敗

韓伐東周取陵觀廩邱

竹書十五年東周與鄭高都即陵觀邢邱

通鑑十七年己巳秦伐魏

諸侯圍魏襄陵

竹書十五年秦圍梁襄陵宋景鼓衛公孫

倉會秦師同圍襄陵十六年齊使魯景舍來成於梁恐梁下秦也

通鑑十八年庚午秦伐魏

韓以申不害為相

申不害者鄭之賤臣也學黃老刑名以干韓昭侯昭侯用以爲相內修政教外應諸侯十五年終申子之身國治兵彊申子嘗請任其從兄昭侯不許申子有怨色昭侯曰所謂學於子者欲以治國也今將聽子之謁而廢子之術乎抑其行子之術而廢子之請乎子嘗教寡人修功勞視次第今有所私請將奚聽乎申子乃辟舍請罪曰君真其人也昭侯有敝袴命藏之侍者曰君亦不仁者矣不賜左右而藏之昭侯曰吾聞明主愛一嘖一笑嘖有爲嘖笑有爲笑今袴豈特嘖笑哉吾必待有功者

史記梁伐齊入陽關 三晉伐齊至博陵 衛伐齊取薛陵

魏歸趙邯鄲與魏盟漳水上

通鑑十九年辛未秦徙都咸陽始廢井田

衛鞅築冀闕宮庭於咸陽徙都之令民父子兄

弟同室內息者爲禁并諸小鄉聚集爲一縣縣置令丞凡三十一縣廢井田開阡陌平斗斛權衡丈尺

史記魏

與秦遇于彤

任氏曰此孟子之所以不入秦也蓋秦未嘗不招賢然欲復井田興學校者孟子也開阡陌尚首功者商鞅也秦用

鞅孟子必不入秦也

通鑑二十年壬申

趙肅侯元年 成侯薨在位二十五年公子緤與太子語爭立緤敗亡韓肅侯即位

通鑑二十一年癸酉秦更賦稅法

竹書魏殷臣趙公孫衰伐燕

還取夏屋城曲逆

史記趙伐齊取甄

一作高唐

齊烹阿大夫遂

伐趙及衛

敗魏師于濁澤

魏與齊觀趙與長城以和

威王即位以來不治委政卿大夫九年之間諸侯並伐國人不治于是王召即墨大夫而語之曰自子之居即墨也毀言日至然吾使人視即墨田野闢民人給官無留事東方以寧是子不事吾左右以求譽也封之萬家召阿大夫語曰自子之守阿譽

言日聞然使使視阿田野不闢民貧苦昔日趙攻甄子弗能救
衛取薛陵子弗知是子以幣厚吾左右以求譽也是日烹阿大
夫及左右嘗譽者皆并烹之遂起兵西擊趙衛敗魏于濁澤而
圍魏魏獻觀以和趙人歸我長城于是齊國震惧人人不敢飾
非齊國
大治
史記魏惠侯與趙肅侯遇于陰晉 齊侯魏侯會田

于郊魏王問于齊王曰齊亦有寶乎威王曰無有惠王曰寡人
國雖小尚有徑寸之珠照車前後各十二乘者十枚豈以
齊大國而無寶乎威王曰寡人之所以為寶者與王異吾臣有
檀子者使守南城則楚人不敢為寇有盼子者使守高唐則趙
人不敢東漁於河有黔夫者使守徐州則燕趙之人從而徙者
七千餘家有種首者使備盜賊則路不拾遺此四臣者將照千
里豈特十二乘哉惠王有慚色
按韓詩外傳作宣王事非

通鑑二十二年甲戌 竹書孫何侵楚入三戶郢 楚伐徐州

通鑑二十三年乙亥衛貶號曰侯服屬三晉 竹書魏章帥師及

鄭師伐楚取上蔡 孫何取滎陽 絳中地塉西絕于汾

按梁既不得志於齊連年伐楚卒致辱焉非不幸也

通鑑二十四年丙子

魯景公元年

竹書魏敗韓馬陵

通鑑二十五年丁丑諸侯會于京師

通鑑二十六年戊寅致伯于秦諸侯賀之秦使公子少官帥師會

諸侯來朝 竹書穰庇帥師及鄭孔夜戰于梁赫鄭師敗逋

通鑑齊伐魏以救韓殺其將龐涓虜太子申

按竹書廿六年與齊田盼戰于馬陵今从之 魏伐趙趙與韓擊魏趙不利戰于南梁韓恃齊五戰不勝而東委國于齊齊因起兵使田忌將孫臏為帥救韓趙以擊魏大敗之馬陵殺其將龐涓虜其太子申 魏伐趙趙告急于齊齊王用孫臏計救趙

擊魏魏遂大興師使龐涓將而令太子申爲上將軍過外黃外黃徐子謂太子曰太子自將攻齊大勝當不過有魏貴不益爲王若戰不勝齊則萬世無魏矣太子曰請必從公之言而還矣客曰彼勸太子戰攻欲啜汁者衆太子雖欲還恐不得矣太子欲還其御曰將出而還與北同太子果與戰敗于馬陵齊虜魏太子申殺將軍龐涓孫子與田忌曰三晉之兵悍勇而輕善戰者因其勢而利導之乃使齊兵入魏地爲十萬竈明日爲五萬竈又明日爲二萬竈龐涓大喜曰我固知齊兵怯入吾地三日士卒亡者過半矣乃與其輕銳倍行逐之孫子度其行暮當至馬陵馬陵道多阻隘可伏兵乃斫大樹白而書之曰龐涓死此樹下於是令善射者萬弩夾道而伏期日暮見火俱發龐涓果夜至木下以火燭書萬弩俱發涓乃自刎曰遂成豎子之名遂破魏虜太子申按齊救趙敗魏桂林之役救韓敗魏馬陵之役魏世家俱以爲救趙與國策異而孫臏傳又以爲救韓則自相矛盾矣

按此所謂東敗于齊長子死焉者也 孟子曰梁惠王以

土地之故糜爛其民而戰之大敗將復之恐不能勝故驅其所愛子弟以殉之集注子弟謂太子申也但大敗將復注家罕及考前魏圍趙邯鄲邯鄲降魏齊使田忌孫臏伐魏敗魏桂陵則是邯鄲垂拔中北於齊魏固無日不圖報復至是令太子申為上將軍攻齊惟其為齊也故曰復惟其在桂陵之敗之後也故曰大敗將復之據此亦可為孟子之明注

通鑑二十七年己卯 竹書齊田盼及宋人伐我東鄙圍平陽

史記魏人朝於齊

楚及趙敗齊于徐州

以受梁朝

竹書秦衛鞅

伐我西鄙 邯鄲伐我北鄙 王攻衛鞅我師敗逋通鑑二十九年秦衛

鞅伐魏誘執其將公子卬而敗之 魏獻河西地於秦秦封鞅為商君 六國表梁立公子赫為太

子 表屬三十年今移前 衛鞅言於孝公曰秦之與魏譬若人 有腹心之疾非魏并秦即秦并魏何者魏居嶺阨之西都安

邑與秦界河而獨擅山東之利利則西侵秦病則東收地今以 君之賢聖國賴以盛而魏往年大破於齊諸侯叛之可因此時

伐魏魏不支秦必東徙然後秦據河山之固東鄉以制諸侯此 帝王之業也公從之使鞅將兵伐魏魏使公子卬將而禦之軍

既相距鞅遺卬書曰吾始與公子驩今俱為兩國將不忍相攻 欲與公子面相見盟樂飲而罷兵以安秦魏之民卬以為然乃

為會盟而飲鞅伏申襲卬虜之因大破魏師魏惠 王恐獻河西之地於秦以和因去安邑徙大梁

通鑑二十八年庚辰 竹書城濟陽 秦封衛鞅于鄔改名曰尚

號商君

通鑑二十九年辛巳

竹書邳遷于薛

邳亦任姓國

史記魏與秦戰

于岸

一作雁

門秦虜其將魏錯

通鑑三十年壬午

楚威王商元年

通鑑三十一年癸未秦伯卒秦人誅衛鞅滅其家

孝公薨太子立是為惠文王公子虔之徒告商君欲反發吏捕之商君出亡欲止客舍舍人曰商君之法舍人無驗者坐之商君嘆曰為法之弊一至此哉去之魏魏人不受內之秦秦人攻殺之車裂以狗盡滅其家初商君用法嚴酷常問趙良良正言商君不聽五月而難作

通鑑三十二年甲申

秦惠文王元年

韓申不害卒

通鑑三十三年乙酉

竹書鄭威侯與邯鄲圍襄陵

史記魏侯

及齊侯會于平阿南 通鑑孟軻至魏按史記惠王三十五年孟軻至梁是為顯王三

十三年通鑑從之任鈞臺孟子考畧謂當在顯王四十八年詳辨在後

通鑑三十四年丙戌秦伐韓拔宜陽 史記魏侯及齊侯會于甄

謀相王也

通鑑三十五年丁亥 魏惠王一年 司馬公曰史記六國表魏惠王三十六年薨襄王十六年薨哀王二十三年

年薨汲冢竹書紀年惠王三十六年改元稱一年後十六年薨杜預和嶠皆以為史記誤分惠王之世為二王之年蓋世本惠

王生襄王而無哀王且竹書魏史所書必得其真故今從之按惠王改元竹書作顯王三十四年與此差互一年任鈞臺孟

子考畧從竹書江慎修孟子舉要云惠王即位後三十七年始稱王而改元稱一年是為周顯王之三十五年丁亥也

齊魏會于徐州以相王 楚滅越 越王無疆伐齊齊說之使伐楚楚人大敗之盡取吳故地

東至浙江越以此散諸公族爭立或為王或為君濱于海上而朝服于楚

通鑑三十六年戊子楚伐齊

韓侯卒

韓昭侯作高門屈宜曰君必不出此門不時吾所謂

時者非時日也夫人固有利不利時往者君嘗利矣不作高門前年秦拔宜陽今年旱君不以此時恤民之意而顧益奢此所謂時誦舉贏者也故曰不

燕趙韓魏齊楚合從以擯秦以蘇

秦為從約長并相六國

初洛陽人蘓秦說秦王以兼天下之術不用乃去說燕文公曰燕之所以不被

兵者以趙之為蔽其南也且秦攻燕戰於千里之外趙攻燕戰於百里之內夫不憂百里之內而重千里之外計無過于此者願王與趙從親天下為一則燕必無患矣文公從之資秦車馬以說趙肅侯曰當今之時山東之國莫彊於趙秦之所害亦莫如趙而秦不敢舉兵伐趙者畏韓魏之議其後也秦攻韓魏無名山大川之限稍蠶食之傳國都而止韓魏不能支秦必入臣於秦秦無韓魏之規則禍必中於趙矣臣以天下之圖按諸侯之地五倍於秦度諸侯之卒十倍於秦而衡人日夜務以秦權

恐惕諸侯使之割地以事秦秦成則其身富榮國被秦患而不
與其憂故臣竊爲大王計莫如一韓魏齊楚燕趙爲從親以擯
秦令其將相會盟洹水之上約曰秦攻一國則五國各出銳師
以撓秦或救之有不如約者五國共伐之則秦甲必不敢出於
函谷以害山東矣肅侯大悅厚賜賚之以約於諸侯秦乃說韓
宣惠王曰韓地方九百餘里帶甲數十萬天下之強弓勁弩利
劍皆從韓出以韓卒之勇被堅甲躐勁弩帶利劍一人當百不
足言也大王事秦秦必求宜陽成臯今茲效之明年又復求割
地與則無地以給之不與則棄前功受後禍且韓地有盡而秦
求無已以有盡之地逆無已之求此所謂市怨結禍者也不戰
而地已削矣鄙諺曰寧爲雞口無爲牛後夫以大王之賢挾彊
韓之兵而有牛後之名臣竊爲大王羞之韓王從其言秦說魏
惠王曰大王之地方千里地名雖小而人民甚衆武士蒼頭奮
擊各二十萬廝徒十萬車六百乘騎五千匹乃聽於羣臣之說
而欲臣事秦臣願大王熟計之也魏王聽之秦說齊王曰齊四
塞之國地方二千餘里帶甲數十萬粟如邱山卽有軍役不待
發於遠縣而臨菑之卒已二十一萬矣夫韓魏之所以重畏秦
者與爲秦接境也兵出而相當不十日而存亡之機決矣幸而

勝則兵半折四境不守不勝則國已危亡隨其後此韓魏所以重與秦戰而輕為之臣也秦之攻齊則不然倍韓魏過陽晉經亢父之險車不得方軌騎不得比行百人守險千人不敵過也秦欲深入則狼顧恐韓魏之議其後是故恫疑虛喝驕矜而不敢進則秦之不能害齊亦明矣不深料此而欲西面事之是羣臣之計過也願大王少留意計之齊王許之乃說楚威王曰楚天下之疆國也地方六千餘里帶甲百萬車千乘騎萬匹粟支十年此霸王之資也故秦之所害莫如楚楚之與秦其勢不兩立從親則諸侯割地以事楚衡合則楚割地以事秦此兩策者相去遠矣大王何居焉楚王亦許之於是蘇秦為從約長并相六國北報趙車騎輜重擬於王者

史記燕文公卒齊伐燕喪取十城既而歸

之

按蔡氏清以此為宣王事而以沈同二章為湣王事謂宣

王已薨故齊人伐燕稱宣王湣王未亡故沈同二章止稱

王非也若宣王止取十城孟子安得有毀宗廟遷重器及
勸王置君而去等語邪譚氏孟子編年畧謂齊之伐燕雖
有二而七篇所述確是後伐燕之役皆宣非湣其辨極爲
詳晰

通鑑三十七年己丑

燕易王元年

秦以齊魏之師伐趙蘇秦去趙適燕

從約皆解

史記齊魏共伐趙趙決河水灌之乃去

秦使公孫

齊乃去趙而從約皆解

按梁

魏以陰晉爲和於秦

通鑑三十八年庚寅

竹書龍賈及秦師戰於雕陰我師敗遁

通鑑三十六年秦大敗魏師擒其將龍賈取雕陰今從竹書

史記圍焦曲沃魏獻河西地

於秦 竹書王會鄭威侯於巫沙

通鑑三十九年辛卯

楚懷王元年

史記魏伐楚取陘山

楚使景鯉

於秦

謀報梁也

魏王及秦王會于應獻焦邑於秦

懼楚合秦也按魏秦難未已

又與楚仇而支秦益急矣

秦取魏汾陰皮氏

通鑑四十年壬辰

史記秦降魏蒲陽

魏納上郡十五縣之地

於秦 魏人張儀相秦

張儀者魏人與蘇秦俱事鬼谷先生學縱橫之術游諸侯無所遇蘇秦召而辱

之儀怒入秦秦王說之以為客卿將兵伐魏取蒲陽言於秦王請復以與魏而使公子繇質焉儀因說魏王曰秦之遇魏甚厚魏不可以無禮于秦魏因盡入上郡十五縣於秦儀歸而相秦

按此所謂西喪地於秦七百里者也

江慎修曰按紀年

魏成王立三十六年改年稱一年改元後十七年卒此後
稱今王今王者魏襄王也史記言秦取少梁東地至河惠
王時未嘗喪七百里至襄王五年秦敗我龍賈軍于雕陰
圍我焦曲沃予秦河西之地六年秦取我汾陰皮氏焦七
年魏盡入上郡於秦秦降我蒲陽八年秦歸我焦曲沃十
三年秦取我曲沃平周

江氏說與任氏考畧參互一年

此正喪地於秦七

百里之事皆在惠王時孟子未至梁而史記誤繫之於襄

王者是誤分惠王之世爲二王之年也

通鑑四十一年癸巳 竹書秦歸我焦曲沃 史記宋公子偃逐

其君剔成而自立

通鑑四十二年甲午

宋君 偃元年

秦縣義渠

竹書九鼎淪泗没于

淵

通鑑四十三年乙未

趙肅侯卒

子雍立是為武靈王 肅侯嘗游大陵大戊午諫曰耕事方急

一日不作百日不食肅侯下車謝是歲薨子武靈王立置博聞師及左右司過各三人先問先君貴臣肥義加其秩

通鑑四十四年丙申

趙武靈王元年

秦初稱王

史記秦改其十五年為後元年

通鑑四十五年丁酉秦張儀伐魏取陝

蘓秦自燕奔齊

蘇秦通於燕文

公之夫人恐得罪說易王曰臣居燕不能使燕重而在齊則燕重王許之乃偽得罪於燕而奔齊齊王以為客卿秦說齊王高宮室大苑囿以明得意欲以傲齊而為燕
史記楚昭陽敗魏于襄陵取八城竹書四十

五年楚敗我襄陵

楚伐齊秦張儀會齊楚大臣盟于齧桑

按此所謂南辱於楚者也 南辱於楚趙注孫疏俱闕其

事惟集注以與昭陽戰喪邑事為南辱於楚之證但云亡

其七邑七當作八耳蓋以紀年惠王改元數之史稱襄王

十二年乃惠王後元十三年 紀年在周顯王四十五年當梁惠王後元十二年丁酉史

記較後 其時孟子亦未至梁也包少東據國策魏圍趙邯

鄆楚使景舍救趙取魏睢澁之間以為惠王時南辱實證

是不知竹書改元又十六年之說也

通鑑四十六年戊戌 竹書齊封田嬰於薛十月齊城薛 見索隱引

按此所謂齊人將築薛也 薛不知何時見滅地入于齊
前邳遷于薛薛已滅矣邳與薛皆任姓其遷邳或使奉奚
仲之祀也今又滅邳而封靖郭君洪容齋謂薛滅于宋偃
王者蓋因國策占雀篇滅滕伐薛之誤按索隱引紀年梁
惠王後元十三年四月齊封田嬰于薛十月齊城薛戰國
策載靖郭君將城薛矣以客海大魚之諫乃止其後田文
卒城之後漢書志薛河北有大城田文所築也薛本國六
國時曰徐州在今滕縣之南文公安得不恐以經考之孟
子是年在滕也由此推之孟子生于鄒鄒穆公悔過而行

仁政故畱寧鄒自鄒如宋當在君偃初年已非剔成時鮑彪謂辟公時誤已孟子居宋疑必有上下之交如尊德樂義爲宋勾踐言之什一去關市之征爲戴盈之言之皆在是時滕文公爲世子將之楚過宋而見孟子亦在此時楚地久廣至泗上滕南與楚隣而必迂而西南行三百五十餘里過宋都者以孟子在宋故也迨孟子自宋歸鄒滕文公使然友兩番就問其虛左以待者已非一日惟鄒穆公卒孟子乃應聘之滕館之上宮百官有司總已以聽孟子乃修井地君臣力行遠方之人皆願爲氓介弟如更方且

受業即如許行陳相亦必為博陳堯舜上下之敘以正之
惜乎滕君則誠賢君而所與為善者僅五十里耳于天下
舉安之志猶未逮焉值梁惠王卑禮厚幣以招賢者於是
孟子去滕之梁

通鑑秦相張儀免出相魏儀為秦之魏魏相之犀首弗利韓燕稱王時諸侯皆稱王

趙武靈王獨不肯曰無其實敢有其名乎令國人謂已曰君史記魏使太子朝于秦

通鑑四十七年己亥 竹書薛子嬰朝於魏見索隱引 史記魏張儀

歸於秦魏以公孫衍為相史記公孫衍又名犀首與張儀不善儀為秦之魏魏王相儀犀首弗利故
令人謂韓公叔曰張儀已合秦魏矣其言曰魏攻南陽秦攻三
川魏王所以貴張子者欲得韓地也且韓之南陽已舉矣子何

不少委焉以為衍功則秦魏之交可錯矣然則魏必圖秦而棄儀收韓而相行公叔以為便因委之犀首以為功果相魏張儀去

通鑑四十八年庚子王崩子定立

是為慎
覲王

齊號薛公田文為孟

嘗君

初齊王封田嬰於薛號曰靖郭君嬰言於齊王曰五官之計不可不日聽而數覽也王從之已而厭之悉以委嬰

由是得專齊權嬰有子四十餘人其賤妾之子曰文通儻饒智畧說靖郭君以散財養士靖郭君使文主家待賓客賓客爭譽其美請以文為嗣嬰卒文嗣立號孟嘗君招致諸侯遊士及有罪亡人食客嘗數千人名重天下

竹書齊威

王卒

子辟疆立是為宣
王見索隱引

燕易王卒

子噲立

按孟子至梁當在是年時孟子年五十二矣故王稱孟子

曰叟趙注叟長老之稱猶父也若以三十三年乙酉計之

孟子年三十七惠王年長以倍而父之乎 任鈞臺曰史

稱惠王三十五年卑禮厚幣以招賢者而孟子至梁誤也

若孟子於惠王三十五年至梁三年卽去是時梁未嘗南

辱於楚卽喪地於秦亦未至七百里之多也若孟子至襄

王乃去則孟子在梁歷十八年不應與惠王問荅止五章

且道不行而淹留若此之久也且如其說則齊人築薛時

孟子在梁何緣有與滕文公問答語蓋史不知惠王有後

十七年而但繫之惠王之前二年故誤也

顧氏日知錄江氏孟子舉要亦

謂惠王三十五年

孟子至梁者非

按史記列傳言孟子道既通游事齊宣王宣王不能用道
梁趙注孟子作題辭全主之以爲孟子游歷先齊後梁蘓
氏古史亦然惟通鑑則先游梁而後至齊見宣王竊以孟
子本書觀之篇首卽載梁王諸章及見襄王有出語云云
自此以下十數章皆在齊與宣王問荅事此其先梁後齊
較然可知江慎修曰史記齊威王宣王湣王之年皆有錯
誤宣王侵威王之年湣王侵宣王之年故誤謂孟子先游
齊洵不刊之論也

孟子時事考徵卷第二

份質園

愷丹崖

涇上陳寶泉鳳石編次

受業朱

鈺藍田

參校

楷鞠汴

通鑑慎靚王元年辛丑

燕王噲元年 按史記書齊宣王元年於顯王二十七年已卯綱目移下三十七年

已丑据索隱引紀年齊威王卒於梁惠王後元十五年是為顯王四十八年也則齊宣王辟疆元年疑當在是年

衛更貶號曰君 竹書秦取我曲沃平周

史記秦構里疾伐梁取曲沃走犀首岸門

史記魏請張儀於秦復以為相

通鑑二年壬寅魏君營卒孟軻去魏適齊

按孟子在梁正儀衍為相與景春論大丈夫當在梁時觀

其問與周霄並記可知

按三家分晉魏得晉之故都故梁惠王與周霄並自稱晉國而韓趙

則否夫衍儀相而孟子尚可留乎

孟子去魏適齊何以知之據孟子自范之齊范即今東昌

府濮州范縣本魏趙齊三國之境孟子去梁之所經也大

梁臨淄相距千里故尹士曰千里而見王孟子亦曰千里

而見王若由鄒以往僅得半耳所謂望見齊王之子者季

氏本謂疑即王子墊郝氏謂潛王譚氏謂潛王子法章總不若趙注泛指王庶子爲合曰自范者直書其所自至此

孟子自梁至齊之明證也

任氏考畧孟子去梁反於鄒其時有季任幣交之事者恐非

孟子至齊疑未即見齊王故陳代以不見諸侯爲小萬章亦以不見諸侯何義爲問孟子兩舉景公招虞人不往以其爲齊故事人易曉耳季氏本謂王疑其有異使人覘之意儲子通意宣王知先加禮故得見王於崇

任鈞臺云孟子見王於崇退即之平陸者孔距心與孟子有舊也處於平陸依距心也退即有去志而猶處平陸者

一言而齊君臣皆知其罪為發棠邑以賑民是言將行其

言為之兆也儲子幣交在此時

繼有賓師之命館孟子於雪宮於是孟子為卿於齊列女

傳所謂去梁適齊齊王以為上卿是也雪宮者館孟子而

來就見也趙邠卿注孟子將朝王章曰寡人就孟子之館相見也是宣王尊禮孟子

不使儕于稷下故景丑氏以為丑見王之敬子也當時辨

士如淳于髡見孟子位賓師無責守綽綽然有裕故以嫂

溺援手之喻諷之其出弔于滕者必是文公卒也季氏

曰非大國之君無使貴卿及介往弔之禮此固重文公之

賢而隆其禮亦孟子欲親往弔以盡存亡始終之大禮也

考自臨淄抵滕將五百里一往一還將于里朝暮接焉而未一及使事故丑以為疑未幾孟子母喪

于齊自齊歸葬于魯

列女傳孟子處齊有憂色擁楹而嘆孟母見之云云既葬之後

曷為反於齊止於嬴蓋致其事於君也按家語孔子曰三

年之喪周人既反哭而致事謂還政於君大夫三月而葬

五月而卒哭然則反齊者卒哭之後反而致其為卿之事

於齊王故有此止禮亦宜然

反齊之事說者紛紜郝氏謂拜賜在三月葬後禮文並無

此說顧氏謂改葬亦屬臆度閻氏謂反齊在終三年喪後則本章首宜陳臻問曰之例何必直從三年前追叙來歷

毛氏以反為反哭之反並言齊有家而魯無家孟子恐未必然尤非確論其仍歸終制而後復

至齊可知也

闕百詩云郝氏解尹士章有曰孟子仕齊喪母歸魯終喪復之齊與齊王相習久故尹士

譏孟子不明也然且至見遷就願望也余謂此為孟子復之齊之切證聞所未聞按繼而有師命乃復至齊後國被兵革不可以請遂爾淹留若以一至齊而分兩截則當作既而不當作繼而文義甚別不然宣王就見孟子之辭今又棄寡人而歸胡為乎又之哉

史記楚王為從約長合諸侯及匈奴伐秦秦敗之斬首八萬諸

侯之師皆走齊師殿而還 齊伐魏敗之觀津 宋僭稱王

通鑑三年癸卯

魏襄王元年任氏本韓宣王元年

史記燕與楚三晉攻秦不勝

而還讓國於其相子之

燕相子之與蘇秦之弟代昏欲得燕權蘇代使齊而歸燕王問曰齊王其霸乎

對曰不能王曰何故對曰不信其臣於是燕王專任子之鹿毛壽謂燕王曰人謂堯賢者以其能讓天下也今王以國讓子之

是王與堯同名也燕王因屬國於子之或曰禹薦益而以啓人爲吏及老傳天下於益而啓與其黨攻益奪之天下謂禹名傳天下於益而實令啓自取之今王言屬國於子之而吏無非太子人者是名屬子之而實太子用事也王因收印綬自三百石吏已上而效之子之子之南面而行王事而噲老不聽政頗爲臣

史記魏請成於秦張儀復自魏歸相秦

任鈞臺云公孫衍以魏叛秦張儀以魏事秦故景春以爲

一怒而諸侯懼安居而天下熄 按衍本衡人史記以儀

衍同傳而贊云夫言從橫強秦者皆三晉之人是衍亦衡

人之強秦者也所以離秦魏之交致義渠之襲者特以傾

張儀而然非合從也即其用陳軫之計三國委事亦並無

合從實蹟黃東發謂衍或從或衡殊非其實史記張儀已
卒之後犀首入相秦嘗佩五國之相印為約長此言衍相
秦約五國與秦衡親正破從為橫之事而趙注云衍嘗佩
五國印為從長誤已夫約長非從長也未有相秦而合從
者也

通鑑四年甲辰秦大敗韓師于脩魚虜其將鯁申差
斬首八萬諸侯振恐

齊大夫殺蘇秦

通鑑五年乙巳魯平公元年秦伐蜀取之巴蜀相攻俱告急於秦秦惠

請伐蜀張儀曰不如伐韓王曰請聞其說儀曰親魏善楚下兵
三川攻新城宜陽以臨二周之郊據九鼎按圖籍挾天子以令

天下天下莫敢不聽此王業也臣聞爭名者於朝爭利者於市
今三川周室天下之朝市也而王不爭焉願爭於戎翟去王業
遠矣錯曰不然臣聞之欲富國者務廣其地欲疆兵者務富其
民欲王者務博其德三資者備而王隨之矣今王地小民貧故
臣願先從事於易夫蜀西僻之國而戎翟之長也有桀紂之亂
以秦攻之譬如使豺狼逐羣羊得其地足以廣國取其財足以
富民繕兵不傷衆而彼已服焉拔一國而天下不以爲暴利盡
四海而天下不以爲貪而又有禁暴止亂之名是我一舉而名
實附也今攻韓劫天子惡名也而攻天下之所不欲又未必利
也不如伐蜀惠王從之起兵伐蜀十月取之秦以益疆富厚輕
諸侯

通鑑六年丙午王崩子延立

是爲赧王

竹書鄭侯使韓辰歸晉陽及

向城陽向更名陽爲河雍向爲高平

史記張儀自秦適楚楚

絕秦秦及齊平

初張儀說惠王曰梁地方不至千里卒不過三十萬地四平無名山大川之限卒戍四境者不下十萬梁之地勢固戰場也夫諸侯之約從盟洹水之上結爲兄弟以相堅也今親兄弟同父母尚有爭錢財相殺傷而欲恃反覆蘇秦之餘謀其不可成亦明矣大王不事秦秦下兵攻河外據卷衍酸棗劫衛取陽晉則趙不南梁不北而從道絕矣大王之國雖欲無危不可得也魏王乃倍從約而因儀以請成於秦儀歸復相秦秦欲伐齊患其與楚從親乃使張儀說楚王曰大王誠能閉關絕約於齊臣請獻商於之地六百里使秦女得爲大王箕箒之妾楚王悅而許之羣臣皆賀陳軫獨弔王怒曰何弔也對曰夫秦之所以重楚以其有齊也今絕齊則楚孤秦貪夫孤國與之商於之地六百里哉儀至秦必負王是王北絕齊交而西生患於秦也兩國之兵必俱至矣王曰願子閉口毋復言以待寡人得地乃厚賜張儀而閉關絕約於齊使一將軍隨張儀至秦儀詐墮車不朝三月楚王聞之曰儀以寡人絕齊未甚耶乃使勇士宋遺借宋之符北罵齊王齊王大怒折節而事秦齊秦之交合儀乃朝見楚使者曰子何不受地自某至某廣袤六里使者還報楚王大怒欲發兵攻秦陳軫曰軫可發口言乎攻之不如貽以一名都

與之并兵而攻齊是我亾地於秦而取償於齊也今已絕齊而又責欺於秦是我合齊秦之交而來天下之兵也國必大傷矣王不聽使屈匄伐秦秦亦發兵使庶長章擊之

通鑑赧王

竹書作隱王

元年丁未秦侵義渠得二十五城

竹書鄭宣王來朝 燕子之殺公子平不克齊殺子之醢其身

燕子之為王三年國內大亂將軍市被與太子平謀攻子之齊王使人誘之且許為助使市被攻子之不克被反攻平國中連戰數月死者數萬人齊王使章子將五都之兵以伐燕燕士卒不戰城門不閉齊人取子之醢之遂殺王

通鑑孟軻去齊

按江氏慎修謂當在赧王三年詳辨在後

按時有沈同問燕可伐及孟子勸齊勿取等語 閻潛邱

曰史記與孟子不合者惟伐燕一事史記以為湣王孟子

以爲宣王然就燕世家載噲初立有齊宣王復用蘇代之
文是噲與宣王同時與孟子合而與六國表異通鑑從孟
子不從史記是矣 按齊世家宣王十九年卒子湣王立
而伐燕取燕俱闕其見燕世家中以爲齊湣王事但稱燕
噲立齊人殺蘇秦而齊宣王復用蘇代云云明燕噲實直
宣王時也至燕噲屬國于子之太子平謀攻子之乃突有
諸將調齊湣王云云又有孟軻謂齊王云云而質之湣王
年申又全無之可知史記缺遺錯亂盖有誤截前王年數
屬後王者宜乎其與孟子不合也

又按國策明言子之之亂儲子勸齊宣王因而仆之而儲子正爲相者也並載宣王令章子將五都兵伐之而章子與遊者也是伐燕之爲宣王無疑也史記所以屬之湣王者湣王之走死實因樂毅伐齊而樂毅之伐齊實因齊伐燕而爲報想燕齊相報不應甚久而湣王在位二十九年故不得不以伐燕屬之湣王不知國策言齊破燕之後二年燕昭王始立又言昭王與百姓同甘苦二十八年然後以樂毅爲將破七十餘城是齊破燕至燕破齊之歲相去本有三十餘年則破燕者宣王而爲燕所破者湣王國策

原自分明蓋宣王破燕之後不久即卒湣王嗣位二十九
年乃為燕所破計其年數正與燕昭王二十八年之數約畧
相符史遷特未深考耳若以燕昭王即位二十八年始報
燕一語為據則孟子所記原是實事而史記移為湣王之
誤自不待言并無俟諸家之強移年歲矣

通鑑二年戊申秦伐趙 楚屈匄伐秦 史記趙召公子職於韓

立以為燕王使樂池送之

按燕世家無之見于趙世家紀年同蓋趙遙立職為燕王實未嘗入燕也

按此所謂諸侯將謀救燕

秦會魏王於臨晉復使張儀相魏

通鑑三年己酉秦大收楚師于丹陽虜屈匄遂取漢中楚復襲秦

又大敗于藍田韓魏襲楚楚割兩城以和于秦

按宋犍所云秦楚構兵疑在此時

燕人立太子平為君

昭王即位於破燕之後弔死問孤與百姓同甘苦卑身厚幣以招賢者問郭隗曰齊

因孤之國亂而襲破燕孤極知燕小不足以報然誠得賢士與之共國以雪先生之耻孤之願也先生視可者得身事之隗曰古之人君有以千金使涓人求千里馬者馬已死買其骨得五百金而返君怒涓人曰死馬且買之況生者乎馬今至矣不期年而千里馬至者三今王必欲致士先從隗始况賢於隗者豈遠千里哉於是昭王為隗改築宮而師事之於是士爭趨燕樂毅自魏往王以為亞卿任以國政

閻潛邱云或獻疑曰魏惠卑禮招賢孟子往荅齊宣質美

好士孟子久遊滕文則愛其幣聘而館上宮者雖以區區之宋偃初年號行王政亦嘗一處其國焉若當時之賢君固未有愈於燕昭者也雖其志趨或殊然鄒衍自齊往矣劇辛自趙往矣樂毅自魏往矣紛紛皆見尊禮何孟子裏足而不一至燕乎余應之曰燕昭之禮士以復讐也復讐則於齊矣孟子曾為齊卿所謂復得罪在他國終身不敢謀趙之奴隸况子孫乎故寧終不遇而不一至燕也歟

韓君卒 韓宣惠王嘗欲用公叔公叔為政繆畱曰不可晉用六卿而國分齊簡公用闕陳恒闕止而見殺魏用犀首張儀而西河之外亡今君兩用之其多力者內樹黨其寡力者藉外權羣臣有內樹黨以驕王有外為交以削地君之國危矣

史記張儀自魏說六國連衡事秦秦王會魏王於蒲坂關儀復

歸相秦

秦惠王使告楚懷王請以武關之外易黔中地楚王曰

不願願得張儀而獻黔中儀請行秦王曰楚將甘心於
子柰何儀曰秦強而楚弱大王在楚不宜敢取臣且臣善其嬖
臣靳尚尚得事幸姬鄭袖袖言王無不聽者遂往楚王囚將殺
之尚謂袖曰秦王甚愛張儀將以六縣及美女贖之王重地尊
秦秦女必貴而夫人斥矣於是袖日夜泣於王曰臣各爲其主
耳今殺張儀秦必大怒妾請子母俱遷江南毋爲秦所魚肉也
王乃赦儀而厚禮之儀因說曰夫爲從者無異於驅羣羊而攻
猛虎不格明矣今王不事秦秦劫韓驅梁而攻楚則楚危矣又
自巴蜀治船積粟浮岷江而下一日行三百餘里不十日而距
扞關則黔中巫郡非王之有又舉甲而出武關則北地絕夫秦
之攻楚危難在三月之內而楚待諸侯之救在半歲之外此臣
所爲大王患也大王誠聽臣請今秦楚長爲兄弟之國楚王已
得儀而重出地乃許之儀遂說韓王曰韓地險惡山居國無二
歲之食見卒不過二十萬而秦兵百餘萬山東之士被甲蒙胄
而會戰秦人捐甲徒裊以趨敵此無異垂千鈞於鳥卵之上必

無幸矣大王不事秦秦下甲據宜陽塞成臯則王之國分矣爲
大王計莫如事秦而攻楚以轉禍而悅秦韓王許之儀歸報秦
封以六邑號武信君復使東說齊王曰從人說大王者必曰齊
蔽於三晉地廣民衆兵強士勇雄有百秦將無奈齊何大王賢
其說而不計其實今秦楚嫁娶韓猷宜陽梁劾河外趙割河間
大王不事秦秦驅南梁攻南地悉隨兵指博關臨菑即墨非齊
有也齊王許之儀西說趙王曰大王收率天下以擯秦秦兵不
敢出函谷關者十五年惟大王有意督禍之也今以大王之力
舉巴蜀并漢中包兩周守白馬之津秦雖僻遠然而心含忿怒
之日久矣今有敝甲凋兵軍於澠池願渡河踰漳據番吾會邯
鄲之下願以甲子合戰正殷紂之事謹使使臣先問左右今楚
與秦爲兄弟韓梁稱藩臣齊猷魚鹽之地此斷趙之右肩也夫
斷右肩而與人鬪失其黨而孤居求欲無危得乎今秦發三將
軍塞午道軍成臯澠池約四國爲一以攻趙趙服必四分其地
臣竊爲大王計莫若與秦約爲兄弟之國也趙王許之儀北說
燕王曰趙已事秦大王不事秦秦下甲雲中九原則易水長城
非王之有矣燕王請獻常山之尾五城以和儀歸報未至而惠
王薨子武王立武王自爲太子時不說儀諸侯聞之皆畔衡復

合從

秦惠王卒 張儀走魏五月死公孫衍自魏入秦秦以衍

為相

張儀已卒之後犀首入相秦嘗佩五國之相印為約長

按通鑑綱目書孟子去齊于周赧王元年齊人伐燕之下

考孟子燕人畔注云破燕後二年燕人其立太子平為王

觀孟子與陳賈問荅則後二年猶在燕也安得謂元年即

去乎故任氏考畧亦屬之是年

按沈同問燕人畔二章括燕事首尾而繫諸去齊數章前

正以著孟子去齊之本也爾時齊王知慙於孟子猶有悔

心之萌而陳賈復寒之任聽細人強詞求解此其怙過飾

非不足有爲決矣此孟子之所以去齊歟 孟子不受兼
金當在此時有致爲臣五章及荅淳于髡名實未加語

閻百詩云或問孟子仕齊之歲幾何余曰孟子云辭十萬
此蓋孟子通計仕齊所辭之祿數也姑以孟子所云陳戴
蓋祿萬鍾戴爲齊公族祿所入如此而孟子在三卿之中
使其祿同於陳戴邪則仕齊當十年矣倍於陳戴邪則仕
齊當五年矣或少倍於陳戴邪當亦不下六七年矣愚按
孟子去梁適齊爲齊客卿當周慎靚王二年壬寅又自齊
葬母于魯居喪三年反於齊而當齊人伐燕至周赧王三

年已酉燕人畔而孟子去齊蓋自壬寅以迄己酉前後在齊者蓋閱七八年矣

江慎修曰孟子去齊在燕人畔之後蓋當周赧王三年己酉孟子言由周而來七百有餘歲以邵子皇極經世金吉通鑑綱目前編考之周武王伐紂殷己卯距赧王己酉八百一十一年與孟子言不合蓋周初自共和庚申以前有誤衍之年其誤衍始於劉歆歷譜也共和庚申以前之年史記不能紀惟魯世家自考公以下有其年考公四年煬公六年幽公十四年魏公五十年此本及歷譜作微公厲公三十七

年獻公三十二年真公

亦作
慎公

三十年真公之十四年厲王

出奔彘共和行政爲共和前年己未自考公至真公十四

年凡一百五十七年魯公伯禽史記未著卒年劉歆謂成

王元年爲命魯公之歲魯公四十六年至康王六年而薨

以四十六加一百五十七則成王元年至厲王己未二百

單三年耳而歷譜累推七十六年之朔旦冬至數諸公之

年謂世家煬公卽位六十年是得史記誤本以六年爲六

十年也又謂獻公卽位五十年是又誤以三十二年爲五

十年也煬公衍五十四年獻公衍十八年共衍七十二

則自成王元年至厲王已未有二百七十五年今經世諸書成王立於乙酉至厲王已未二百七十五年至承劉歆之誤也然以汲冢竹書紀年考之武王伐殷爲十二年辛卯與今傳已卯者異厲王之十二年已未奔彘十三年庚申王在彘共和攝行天子事號曰共和卽史記十二諸侯年表起共和庚申之年但非若周公召公共行政之說也武王辛卯至共和庚申二百一十年若經世諸書武王已卯至共和庚申有二百八十二年羨出七十二年正是劉歆歷譜誤衍之數也

昭王十九年誤爲五十一年孝王九年誤爲十五年夷王八年誤爲十六

年厲王十三年庚申誤作三十八年庚申除去已卯至辛卯十二年今史鑑多

於竹書紀年者六十年前計武王已卯至赧王已酉八百

一十一年除去七十二年實得七百三十九年正與孟子

語七百有餘歲合矣然則皇極經世之年固不足憑通鑑

綱目前編宗之者亦誤矣

按去齊居休休屬潁川當在宋境孟子知道之不行也聞

宋王偃欲行王政故觀之大事記謂孟子去齊之宋是也

又正義云石邱宋國地也赧王三年秦大敗楚于丹陽又

敗楚于藍田秦楚構兵莫此為甚而孟子適于是年去齊

之宋遇宋牼于石邱按宋牼卽宋鉞齊宣王喜文學游說

之士宋鉞嘗至稷下

漢藝文志尹文子一篇注說齊宣王師古曰與宋鉞俱游稷下竊意

孟子在齊與宋牼有舊別後忽遇呼以先生請其何之殆非未同而言者之比也

季氏本謂告子之見當在孟子去齊之宋之時公孫丑設為當路於齊加齊卿相兩問明是去齊以後之辭觀問仕而不受祿於居休可見孟子曰齊人有言論齊事也曰無若宋人然時在宋也曰告子先我不動心曰告子未嘗知義則知其去齊之宋之日與告子辨義之後季說是也

大事記謂自齊之宋自宋適滕季氏謂孟子當偃王時
適宋已甚老矣豈復爲滕經理而久居其國其說是也余
故以爲自宋適滕當在未適梁之前至是復之宋與戴不
勝語稱宋王則在君偃僭王之後可知也不勝者疑卽前
所與語之盈之也圖譜以什一去關市章爲前在宋語誠
然

去宋知其之薛者觀陳臻問荅却齊王之餽曰前日則時
已去齊也受宋薛之餽則曰今日時在薛也薛不知何時
見滅地入於齊始而遷邳繼而封嬰嬰傳子田文卽所謂

薛君也江慎修云孟子過薛薛君餽五十金當齊宣王時
卽孟嘗君田文也但說大人章譚氏專屬之田文安見是
章必爲在薛之言耶然則孟子何爲之薛曰孟子至宋見
偃王不足有爲蓋由薛而反魯也

通鑑四年庚戌

燕昭王韓襄王
秦武王元年

蜀相殺蜀侯

通鑑五年辛亥秦誅蜀相莊

按閻氏孟子考謂平公欲見孟子當在慎靚王甲辰後余
竊以爲不然平公欲見孟子疑在去齊之宋過薛反魯之
日觀臧倉言後喪踰前喪則在葬母反齊之後可知季氏

本孟子事蹟圖譜謂赧王四年即臧倉沮平公之年此又

太泥鈞臺任氏謂在魯平公五年以後者近是赧王三年為魯平公

五年蓋自赧王三年去齊之宋見宋王偃不足與有為故去

之遂由薛而返魯聞樂正子為政喜而不寐者喜道不行

於身猶得見於及門也迨平公欲見孟子而臧倉之沮又

至焉蓋至是而卒知天之未欲平治天下也故以天也一

嘆終之因魯而嘆其嘆不僅在魯也退而與萬章之徒辨

疑問荅乃著孟子七篇其外書四篇則門人所記也

又按魯欲使慎子為將軍疑在此時正義慎子謂慎到史

記慎到學黃老道德之術著書十二篇或曰孟子稷下之
 游曾與有舊故以當道志仁之言明喻之蓋距墨之旨矣
 趙岐孟子題辭外書四篇性善辨文說孝經爲正其文不
 能宏深不與內篇相似似非孟子本真後世依倣而托之
 者也 又按劉歆九種孟子有十一篇時合此四篇趙岐
 不尚以故非之曰知錄云按楊子法言篇引孟子曰夫有
 意而不至者有矣未有無意而至者也周禮大行人注引
 孟子諸侯有王宋鮑照河清頌引孟子曰千載一聖猶且
 暮也顏氏家訓引孟子曰圖影失形梁書處士傳序引孟
 子曰今人之於爵祿得之若其生失之若其死廣韻圭字
 下註曰孟子六十四黍爲一圭十圭爲一合以及集註中
 程子所引荀子孟子三見齊王而不言專門人疑之孟子
 曰我先攻其邪心今孟子書
 皆無其文豈所謂外篇者邪

郝氏敬曰孟子自謂距楊墨而楊墨之死則已久矣七篇

中與楊墨辨者無幾而謂距楊墨者何攻不仁不義之流而指其害仁害義之端也二子未嘗不言仁義而天下之不仁不義必歸焉淳于髡非楊非墨而其言曰先名實者爲人此卽墨之言也後名實者自爲此卽楊之言也凡富貴利達之謀縱橫強戰之事以至弑父弑君莫不生于有所爲故夫楊墨之害非必二人害之歸者共害之亦非必以其道歸之而各以其邪說陂行歸之也如髡衍之誕謾蘇張之險譎孫吳之戰陳莊惠之悠謬申韓之慘刻究其端皆起于爲我爲人其禍總底于無君無父則同謂之歸

楊墨而已矣七篇中性善堯舜之旨入孝出弟之實安居
廣居之喻惻隱羞惡之端知言養氣之學發仁施政之畧
孰非與楊墨辨者何但與夷之言厚葬與子莫言執中而
後謂距楊墨也哉以是知闢許行譏仲子斥儀衍皆所以
閑先聖之道卽皆所以距楊墨者也郝氏此條統貫上下
十四篇全旨亦云該矣

通鑑六年壬子秦初置丞相 竹書楚庶章帥師來會我次于襄
邱

通鑑七年癸丑秦魏會于應

秦甘茂伐韓宜陽

秦王使甘茂約魏以伐韓茂至

魏乃使人還請王曰魏聽臣矣然願王勿伐王迎茂息壤而問其故對曰宜陽大縣其實郡也今倍數險行千里攻之難魯人有與魯參同姓名者殺人人告其母母織自若也及三人告之則其母投杼下機踰牆而走臣之賢不若曾參王之信臣不如其母疑臣者非特三人臣恐大王之投杼也魏文侯令樂羊攻中山三年拔之退而論功文侯示之謗書一篋樂羊再拜稽首曰此非臣之功君之力也今臣羈旅之臣也擣里子公孫奭挾韓而議之王必聽之是王欺魏而臣受公仲侈之怨也故臣願王之勿伐也王曰寡人勿聽也請與子盟乃盟于息壤

竹書霍章救鄭次于南屈

通鑑八年甲寅秦拔宜陽

甘茂攻宜陽五月而不拔擣里子公孫奭果爭之秦王欲罷兵茂曰息壤在彼

王乃悉起兵佐茂斬首六萬遂拔宜陽

秦君卒弟稷立母芊氏治國事以舅魏冉為將軍

秦武王好以力戲力士多至大官與孟說舉鼎絕脈而薨無子諸弟爭立異母弟稷質於燕其母芊八子之異父弟魏冉自惠王武王時任職用事與國人迎而立之稷年少太后治事以冉為將軍衛咸陽

趙始胡服招騎射趙武靈王北畧中山之地至房子遂之代北至無窮西至河登黃華之上與肥義謀胡服騎射以教百姓曰愚者所笑賢者察焉雖驅世以笑我胡地中山吾必有之遂胡服國人皆不欲公子成稱疾不朝王使人請之曰家聽於親國聽於君今寡人作教易服而公叔不服吾恐天下議之也制國有常利民爲本從政有經令行爲上明德先論於賤而從政先信於貴故願慕公叔之義以成胡服之功也公子成再拜稽首曰中國者聖賢之所教禮樂之所用遠方之所觀赴蠻夷之所則效也今王舍此而襲遠方之服變古道逆人心臣願王熟圖之也使者以報王自往請之曰吾國東有齊中山北有燕東胡西有樓煩秦韓之邊無騎射之備則何以守之哉先時中山負齊之強侵暴吾地引水圍鄗微社稷之神靈則鄙幾於不守也先君醜之故寡人變服騎射欲以備四境之難報中山之怨而叔順中國之俗惡變服之名以忘鄙事之醜非寡人之所望也公子成聽命乃賜胡服以朝而始出令焉

竹書秦公孫爰帥師伐我皮氏

翟章帥師救皮氏圍

通鑑九年乙卯秦昭襄王稷元年趙君畧中山及胡地遣使約秦韓楚魏

齊并致胡兵 楚齊韓合從 竹書城皮氏

通鑑十年丙辰趙伐中山取數邑中山復獻四邑以和 秦魏冉

弑其君之嫡母出其故君之妃歸于魏秦庶長壯及大臣諸公子作亂魏冉誅之及惠

文后皆不得良死而悼武后出歸于魏王兄弟不善者悉滅之冉遂為政威震秦國

通鑑十一年丁巳秦楚盟于黃棘秦復與楚上庸

通鑑十二年戊午秦取魏蒲阪晉陽封陵取韓武遂按竹書秦收我蒲坂晉陽

封谷 齊韓魏伐楚楚使太子橫質於秦秦救之初楚與齊韓合從至是齊韓魏

以楚負約合兵伐之楚王使其太子橫為質以請救於秦秦人救之三國引去

通鑑十三年己未秦魏韓會于臨晉秦復與魏蒲阪 楚太子橫

殺秦大夫亾歸

通鑑十四年庚申

按史記於周顯王四十六年書潛王元年通鑑移至赧王二年蓋欲以伐燕事屬諸宣王以信

孟子也然係燕事於宣王十九年而燕人畔又仍在潛王之世與孟子所云王甚慙於孟子終屬未合余前已据竹書齊威王卒於顯王庚子則慎靚王元年辛丑正當齊宣王元年依史記通鑑宣王在位十九年推之則齊潛王元年亦疑當是年任謂二

十年未詳所据 秦取韓穰 蜀守叛秦秦誅之 秦韓魏齊伐楚殺其

將唐昧取重邱 趙伐中山中山君奔齊

通鑑十五年辛酉秦公子悝質于齊 秦苴戎大敗楚師殺其將

景缺取襄城楚使太子橫質於齊以請平

按竹書楚入雍氏楚人敗

竹書

薛侯來會王子金邱

通鑑十六年壬戌趙君廢其太子章而傳國於少子何自號主父

初武靈王以長子章為太子後納吳廣之女孟姚有寵生子何
愛之欲及其身而立之乃廢章而傳國焉使肥義為相國傅王
而自號主父將士大夫西北畧胡地將自雲中九原南襲咸陽
於是詐為使者入秦欲以觀秦地形及秦王之為人秦王不知
已而恠其狀甚偉非人臣之度使人逐之主父行已脫關矣秦人大驚
齊魏會于韓按竹書王與齊王會

于秦伐楚取八城遂誘楚君槐于武關執之而歸楚人立太

子橫秦伐楚取八城秦王乃遣楚王書曰初寡人與王約為兄
弟盟于黃棘太子入質至驩也太子陵殺寡人之重臣不
謝而亾去寡人誠不勝怒使兵侵君王之邊今聞君王乃令太
子質於齊以求平寡人與楚接境婚姻相親而今不驩則無以
令諸侯寡人願與君王會武關面相約結盟而去寡人之願也
楚王欲往恐見欺欲不往恐秦怒昭雖屈平曰母行而發兵自

守耳秦虎狼也有并諸侯之心不可信也王稚子子蘭勸王行
王乃入秦秦王令一將軍詐爲王伏兵武關劫之與西至咸陽
朝章臺如藩臣禮要以割巫黔中郡楚王怒不許遂留之時楚
太子橫方質於齊楚大臣相與謀曰吾王不得還而太子在齊
齊秦合謀則楚無國矣欲立王子之在國者昭睢曰王與太子
俱困於諸侯今又倍王命而立其庶子不宜乃詐赴於齊齊人
或欲留太子以求楚之淮北其相曰不可郢中立王是吾抱空
質而行不義於天下也其人曰郢中立王吾因與其新主市曰
予我下東國吾爲王殺太子不然將與三國共立之齊王卒用
其相計歸楚太子楚人立之初屈平爲懷王左徒志潔行廉明
於治體王甚任之後以讒見疏而賤願不忘作離騷之辭以自
怨尚與王之一悟而王終不寤也其後子蘭譖之於頃襄王王
怒遷之於江南原遂
秦以齊田文爲丞相
秦王聞文賢使
懷石自投汨羅以死
請於齊以爲相

通鑑十七年癸亥

楚頃襄王橫趙惠文王何元年

田文自秦逃歸

或謂秦王曰文相秦必先齊而

後秦秦其危哉王囚文欲殺之使人求解於王之幸姬姬欲得
其狐白裘而文先以獻於秦王矣文客有善爲狗盜者盜裘以

獻姬言於王而遣之王後悔使追之文至關關法雞鳴乃出客時尚蚤追者將至客有善為雞鳴者野雞皆應之文乃得脫歸

秦伐楚取十六城楚人告于秦曰賴社稷神靈國齊韓魏伐

秦敗其軍於函谷關河澗絕一日秦割河東三城以和三國乃

退孟嘗君怨秦與韓魏攻之入函谷關秦昭王謂丞相樓緩公

子池曰三國之兵深矣寡人欲割河東而講對曰講亦悔不

講亦悔王曰何也對曰王割河東而講三國雖去王必曰惜矣

三國且去吾特以三城從之此講之悔也王不講三國入函谷

咸陽必危王又曰惜矣吾愛三城而不講此不講之悔也王曰

鈞吾悔也寧亡三城而悔無危咸陽而悔也乃使公子池以三

城講于三國初孟嘗君欲借兵食於西周蘇代為西周謂孟嘗君曰君攻楚九年取宛葉以北以疆韓魏今復攻秦以益之韓魏南無楚患西無秦患則齊危矣君不如令敝邑深合于秦而君無攻又無借兵食君臨函谷而無攻令敝邑以君之情謂秦王曰薛公必不破秦以強韓魏其攻秦也欲王之令楚王割東國以與齊而秦出楚王以為和秦得無破而以東國自免也秦

必欲之楚王得出必德齊齊得東國益強而薛世世無患矣孟嘗君從其計會公子池求講解遂罷兵而秦卒不出楚懷王趙君封弟勝為平原君平原君好士食客嘗數千人有公孫龍者善為堅白同異之辨平原君客之孔子之元孫穿自魯適趙與龍論臧三耳龍甚辨析穿弗應平原君問之穿曰幾能令臧三耳矣然謂三耳甚難而實非也謂兩耳甚易而實是也不知君將從易而是者乎其亦從難而非者乎平原君謂龍曰公無復與孔子高辨事也其人理勝於辭公辭勝於理辭勝於理終必受訓

通鑑十八年甲子楚君槐自秦走趙不納秦追及之以歸

史記魯平公卒

子賈即位是為文公按文公系本漢志俱作緡公疑前有文公不宜同謚當作潛公

按司馬溫公通鑑安王二十五年下考異云史記六國表

赧王元年丁未為平公元年赧王二十年丙寅為文公元

年魯世家平公二十二年卒子文公立徐廣曰皇甫謐云

云元乙巳終甲子若六國表始丁未終乙丑則是十九年

也漢律志文公作緡公其在位之年與世家異者惟平公

二十年耳本志自魯僖公五年正月辛亥朔旦冬至推之

迄漢元帝二年十一月癸亥朔旦冬至二百六十餘年間十二月朔旦冬至

其間相距皆七十六年此最為得實又與魯世家注皇甫

謐歲次相合六國表差謬難可盡據也今魯年次悉從通

鑑而任氏考畧謂平公止十二年者未詳所据

通鑑十九年乙丑

史記魯文公元年

楚君槐卒于秦

懷王發病薨于秦秦人歸其喪楚人憐之

如悲親戚諸侯
由是不直秦

通鑑二十年丙寅

魏昭王韓釐王
元年

趙主父以燕齊之師滅中山歸

大赦酺五日 趙故太子章作亂公子成李兌誅之遂弑主父

於沙邱

趙主父封長子章於代使田不禮相之李兌謂肥義曰

任重而勢大亂之所始而禍之所集也子何不稱疾不出毋為
禍梯不亦可乎義曰昔主父以王屬義也曰毋變而度毋易而
慮堅守一心以沒而世義再拜受而籍之今畏不禮之難而忘
吾籍變孰大焉諺曰死者復生生者不愧吾欲全吾言安得全
吾身乎李兌涕泣而出肥義謂信期曰公子章田不禮聲善而
實惡內得內而外為暴矯令以擅一旦之命不難為也自今有
召王者必見吾面我將以身先之無故而後王可入也時吳娃
死王愛弛嘗朝羣臣主父從旁窺之見故太子儼然也反北面
謂於其弟心憐之欲分趙而王章於代計未決主父及王游沙
邱異宮公子章田不禮作亂詐以主父令召王肥義先入殺之

公子成李兌起兵距難章敗走至父成兌因圍主父宮殺章及
不禮而滅其黨成兌相與諫曰以章故圍主父即解兵吾屬夷
矣乃遂圍之令宮中人後出者夷主父
欲出不得探雀穀食之三月餘餓死
秦以魏冉為丞相

通鑑二十一年丁卯秦敗魏師于解

通鑑二十二年戊辰魏韓伐秦秦左更白起敗之拔五城

韓魏伐秦魏冉

薦左更白起將兵敗之于伊闕殺虜其將斬首二十四萬拔五城以起為國尉

通鑑二十三年己巳楚君迎婦于秦

秦王遺楚王書曰楚倍秦秦且率諸侯伐楚願飭士卒得

一樂戰楚王患之乃復與秦和親

通鑑二十四年庚午秦伐韓拔宛

秦君封魏冉為穰侯公子市

為宛侯公子悝為鄧侯

通鑑二十五年辛未東周君如秦 秦魏冉伐魏魏入河東韓入

武遂于秦

魏地四百里
韓地二百里

通鑑二十六年壬申秦大良造白起伐魏取六十一城

孟氏譜正月十五孟子卒

按譜稱孟子卒於赧王二十六年壬申壽八十四據君薨

然後稱謚魯平公卒於十八年甲子梁襄王卒於十九年

乙丑孟子猶及見之則譜稱壽八十四之說信也禮樂錄

謂孟子卒年七十四甘馭麟謂生于安王丙申卒于赧王

壬申壽九十有七殊未足據

孟子時事考徵卷第二終

孟子時事考徵卷第三

份質園

愷丹崖

受業朱

鈺藍田

參校

楸藟坪

涇上陳寶泉鳳石編次

通鑑赧王二十七年癸酉冬十月秦君稱西帝遣使立齊君為東

帝已而皆去之

齊王問於蕪代秦使致帝何如對曰願王受之而勿稱以收天下之望所謂以卑為尊也齊王

從之稱帝二日而復

歸之秦亦去帝號

秦攻趙拔梗陽

通鑑二十八年甲戌秦攻魏拔新垣曲陽

通鑑二十九年乙亥秦擊魏魏獻安邑以和秦出其人募民徙之

秦敗韓師於夏山 齊滅宋

宋有雀生黼史占之曰吉小而生巨必霸天下康王喜起兵滅滕敗

齊楚魏取地數百里乃愈自信其霸欲霸之亟成射天笞地斬社稷而焚滅之為長夜之飲於室中室中人呼萬歲則堂上之人應之堂下之人應之門外之人應之至於國中無敢不呼者天下謂之桀宋齊伐之民散城不守王走死温

按集註載滅滕伐薛本戰國策有雀生黼篇國策此文亦

未可據宋世家載王偃事而不及滅滕春秋正義云為楚

所滅杜氏釋例云齊滅之竹書云於越滅滕通志云滕至

公邱為秦所滅而無宋滅滕之說吳師道國策補正謂家

語說苑載殷紂事與此同疑卽此一事則其不足據明矣
考宋世家云君偃十一年自立爲王東敗齊取五城南敗
楚取地三百里西敗魏軍乃與齊魏爲敵國萬章所謂將
行王政當在此時至偃之淫虐想在得志以後其初未必
遽爾不然豈有諸侯皆目爲桀宋而萬章猶以爲將行王
政者哉

通鑑王十年丙子齊會楚于宛會趙于中陽 秦蒙武擊齊拔九

城 齊殺狐咺陳舉燕使亞卿樂毅如趙 齊湣王滅宋而驕乃

周爲天子狐咺正議斬之檀衢陳舉直言殺之東閭燕昭王日
夜撫循其人益以富實乃謀伐齊樂毅曰齊霸國之餘業地大

通鑑卷一百一十一 齊世家 二 粹經堂

人衆未易獨攻也王必欲伐之莫若約趙及楚魏於是使樂毅約趙囑秦連楚及魏諸侯害齊王之驕暴皆許之

通鑑三十一年丁丑燕上將軍樂毅以秦魏韓趙之師伐齊入臨

菑齊君地出走其相淖齒殺之毅下齊七十餘城燕封毅為昌

國君燕悉起兵使樂毅為上將軍并將秦魏韓趙之師以伐齊

菑取寶物祭器輸之於燕燕王封毅為昌國君留狗齊城未下

者齊王走莒楚使淖齒將兵救齊因為齊相淖齒欲與燕分齊

地乃遂殺王於鼓里樂毅聞畫邑人王蠋賢令軍中環畫三十

里無入使人請蠋蠋不往燕人曰不來吾且屠畫蠋曰吾聞忠

臣不事二君烈女不更二夫齊王不用吾諫吾退耕於野國破

君亡吾不能存而又欲劫之以兵與其不義而生不若死遂自

經死毅整軍禁侵掠禮逸民寬賦斂除暴令修舊政齊民喜悅

祀桓公管仲於郊封王蠋之墓六月之間下齊七十餘城皆為

郡秦魏韓會于京師

通鑑三十二年戊寅

齊襄王法章元年

秦趙會于穰

秦拔魏安仁兵至

大梁而還 齊人討殺淖齒而立其君之子法章保莒城

淖齒之亂潛王子法章變名姓為莒太史敫家傭敫女奇法章狀貌憐而竊衣食之因與私通潛王從者王孫賈失王處而歸其母曰汝朝出而晚來則吾倚門而望汝暮出而不還則吾倚閭而望汝今事王走汝不知其處汝尚何歸焉賈乃入市呼曰淖齒亂齊國殺潛王欲與我誅之者袒右市人從者四百人與攻淖齒殺之於是齊亡臣相與求潛王子法章立以為齊王保莒城以拒燕布告國中曰王已立在莒矣

趙使藺相如獻璧于秦

趙得楚和氏璧秦王請以

十五城易之趙欲勿與畏秦強欲與之恐見欺藺相如曰以城求璧而不與曲在我矣與之璧而不與我城則曲在秦臣願奉璧而往城不入則臣請完璧而歸王遣之相如至秦既獻璧視秦王無意儻城乃給取璧遣從者懷之間行歸趙而以身待命于秦秦王賢而歸之

衛君卒

嗣君好察微隱縣令有發禱而席弊者嗣君聞之乃賜之席令

大驚以為神又使人過關市賂之以金既而召關市問有客過與汝金汝回遣之關市大恐又愛泄姬重如耳而恐其因愛重以壅已也乃貴薄疑以敵如耳尊魏妃以偶泄姬曰以是相參也衛有胥靡亡之魏嗣君使以五十金買之不得乃以左氏易之左右曰以一都易一胥靡可乎嗣君曰治無小亂無大法不立誅不必雖有十左氏無益也法立誅必雖失十左氏無害也

通鑑三十三年己卯秦伐趙拔兩城

通鑑三十四年庚辰秦伐趙拔石城 楚謀入寇王使東周公喻

止之

楚欲圖周王使東周武公謂楚令尹昭子曰西周之地不過百里而名為天下共主裂其地不足以肥國得其眾不

足以勁兵而攻之者名為弑君然而猶有欲攻之者見祭器在焉故也夫虎肉臊而兵利身人猶攻之若使澤中之麋蒙虎之皮人之攻之必萬倍矣裂楚之地足以肥國誦楚之名足以尊主今子欲誅殘天下之共主居三代之傳器器南則兵至矣於是不行是楚計不行

通鑑三十五年辛巳秦伐趙取代光狼城司馬錯因蜀伐楚拔黔

中楚獻漢北上庸於齊

通鑑三十六年壬午秦白起伐楚取鄢鄧西陵 秦趙會于澠池

秦王告趙王願為好會於河外澠池廉頗藺相如曰王不行示
趙弱且怯也趙王乃行相如從頗送至境與王訣曰王行度道
理會遇之禮畢不過三十日過此不還則請立太子以絕秦望
王許之及會飲酒秦王請趙王鼓瑟趙王鼓之相如請秦王擊
缶秦王不肯相如曰五步之內臣請得以頸血濺大王矣左右
欲刃相如相如張目叱之左右皆靡秦王乃一擊缶罷酒秦終
不能有加於趙趙人亦盛為之備秦不敢動趙王歸以相如為
上卿位在廉頗右頗曰我見相如必辱之相如聞之每朝嘗稱
病出而望見輒引車避匿其舍人皆以為恥相如曰子視廉將
軍孰與秦王曰不若相如曰夫以秦王之威而相如廷叱之相
如雖驚獨畏廉將軍哉顧吾念之秦所以不敢加兵於趙徒以
吾兩人在也今兩虎共鬪其勢不俱生吾所以為此者先國家

四

粹經堂

之急而後私讐也頗聞之肉袒負荆至門謝罪遂為刎頸交

燕君平卒樂毅奔趙齊田單

襲破燕軍盡復齊地齊君入臨菑封單為安平君趙封樂毅為

望諸君

時齊地皆已屬燕獨莒卽墨未下樂毅并軍圍之卽墨大夫戰死卽墨人曰平安之戰田單宗人以鐵籠得全

是多智習兵立以為將樂毅圍二邑期年不剋乃令解圍去城九里而為壘令曰城中民出者勿獲困者賑之使卽舊業三年而猶未下或譏之於昭王曰樂毅智謀過人呼吸之間剋七十餘城今不下者兩城耳非其力不能拔欲久仗兵威以服齊人遂南面而王耳昭王於是置酒大會引言者斬之遣國相立毅為齊王毅惶恐不受拜書以死自誓由是齊人服其義諸侯畏其信莫敢復有謀者頃之昭王薨惠王立惠王自為太子時不快於樂毅田單乃縱反間曰樂毅與燕新王有隙畏誅欲連兵王齊齊人未附故且緩攻卽墨以待其事齊人所懼惟恐他將之來卽墨殘矣惠王聞之卽使騎劫代將毅遂奔趙將士由是憤惋不和田單乃令城中人食必祭先祖於庭飛鳥皆翔舞而下燕人恠之單因宣言曰當有神師下教俄有一卒曰臣可以

爲師乎單遂師之每有約束必稱神師又宣言曰吾惟懼燕人
剿所得齊卒置之前行卽墨敗矣燕人如其言城中皆怒堅守
唯恐見得單又言吾懼燕人掘吾城外冢墓可爲寒心燕軍掘
燒之齊人望見皆涕泣共欲出戰單知其可用乃身操版鍾與
士卒分功妻妾編於行伍之間盡散飲食饗士令甲卒皆伏使
老弱女子乘城遣使約降燕軍益懈單收城中得牛千餘爲絳
緇衣畫以五采龍文束兵刃於其角灌脂束葦於其尾鑿城數
十穴夜縱牛燒葦端壯士五千人隨之牛熱怒奔燕軍所觸盡
死傷燕軍大驚而城中鼓譟從之燕軍敗走齊人殺騎劫追亡
逐北至河上七十餘城皆復爲齊乃迎王自莒入臨菑王以太
史敫之女爲后是爲君王后生太子建以單爲相封安平君太
史敫曰女不取媒因自嫁汚吾世終身不見君王后君王后亦
不以不見故失人子之禮田單嘗出見老人涉淄而寒不能
行解裘衣之襄王惡之曰單將欲以是取吾國乎嚴下有貫珠
者聞之言於王曰王不如因以爲己善下令曰寡人憂民之飢
也單收而食之寡人憂民之寒也單收而衣之寡人憂勞百姓
而單亦憂之稱寡人之意單有是善而王嘉之單之善亦王之
善也王曰善乃賜單牛酒王有所幸臣九人語王曰安平君與

五 稗經堂

王君臣無異而內撫百姓外懷戎翟禮天下之賢士其志欲有
爲也異日王曰召相單來單所任貂勃聞之稽首於王曰周文
王得呂尚以爲太公齊桓公得管夷吾以爲仲父今王得安平
君而獨曰單安得此亡國之言乎夫安平君以惴惴卽墨三里
之城五里之郭而反千里之齊當是時而自王天下莫之能止
然計之於道歸之於義以爲不可故棧道本閣而迎王於城陽
今國已定民已安矣王乃曰單嬰兒之計不爲此也王乃殺九
人而益封安平君萬戶田單將攻狄往見魯仲連仲連曰將
軍攻狄不能下也單曰單以卽墨餘卒破燕復齊今攻狄而不
下何也弗謝而去遂攻狄三月不尅單乃懼問仲連仲連曰將
軍在卽墨織蕢仗錘爲士卒倡當此之時將軍有死之心士卒
無生之氣莫不揮泣奮臂而欲戰此所以破燕也今將軍東有
夜邑之奉西有淄上之娛黃金橫帶騁乎淄澠之間有生之樂
無死之心所以不勝也單明日厲氣循城立於矢石之所援枹
鼓之狄人乃下趙與樂毅謀伐燕毅泣曰臣疇昔之事昭王
猶今日之事大王也若復得罪在他國終身不敢謀趙之奴隸
况子孫乎趙王乃止而封毅於觀津號望諸君燕惠王恐趙用
之以乘其敝乃使人讓毅且謝之曰將軍捐燕歸趙自爲計則

可矣而何以報先王所以遇將軍之意乎毅報書曰免身立功以明先王之迹臣之上計也罹毀辱之謗墮先王之名臣之所大恐也臨不測之罪以幸為利義之所不敢出也古之君子交絕不出惡聲忠臣去國不累其名臣雖不佞數奉教於君子燕乃復以毅子間為昌國君而薛公田文卒初齊湣王既滅宋欲毅往來復通燕竟卒於趙魏魏以為相與諸侯共伐破齊襄王復國而孟嘗君中立為諸侯無所屬襄王畏之與連和至是卒諸子爭立齊魏共滅之

通鑑三十七年癸未燕惠王元年秦白起伐楚拔郢燒夷陵楚徙都陳

秦置南郡封起為武安君

通鑑三十八年甲申秦置黔中郡

通鑑三十九年乙酉魏安釐王元年秦白起伐魏拔兩城楚復取江南

十五邑楚王收東地兵復取秦所拔魏封公子無忌為信陵

十一 守事 卷之二 六 稗經堂

君

通鑑四十年丙戌秦魏冉伐魏韓救之大敗魏納八城於秦秦復

伐魏圍大梁魏又割温以和

秦敗韓救兵斬首四萬

通鑑四十一年丁亥魏復與齊合從秦魏冉伐魏拔四城

斬首四萬

通鑑四十二年戊子趙魏伐韓秦救之大破其軍魏割南陽以和

秦救韓敗趙魏之師魏段干子請割南陽予秦以和蘓代謂魏王曰欲璽者段干子也欲地者秦也今王使欲璽者制地欲地者制璽魏地盡矣夫以地事秦猶抱薪救火薪不盡火不滅王曰是則然矣然事既已行不可更矣對曰夫博之所以貴梟者便則食不便則止今何王之用智不如用梟也王不聽卒以南陽為和

通鑑四十三年己丑

韓桓惠王元年

楚太子完質於秦

秦王將與韓魏伐楚楚使者黃歇至秦聞之恐其一舉而滅楚也乃上書曰韓魏父子兄弟接踵而死於秦者將十世矣故韓魏之不亡秦社稷之憂也今王信韓魏之善王而欲資之以攻楚此正吳之信越也臣爲王慮莫若善楚秦楚合而爲一則韓魏必爲闕內之侯注地於齊則齊右壤可拱手而取也王之地一經兩海要約天下是燕趙無齊楚齊楚無燕趙也然後危動燕趙直搖齊楚此四國者不待痛而服矣王從之使歇歸約親於楚楚復使歇侍太子完爲質於秦

秦置南陽郡 秦魏楚伐燕

通鑑四十四年庚寅

燕武成王元年

趙伐齊

通鑑四十五年辛卯秦伐趙圍閼與趙奢擊却之趙封奢爲馬服

君初趙奢爲田部吏收租稅平原君家不肯出奢以法殺其用事者九人平原君怒將殺之奢曰君於趙爲貴公子今縱君家而不奉公則法削法削則國弱國弱則諸侯加兵是無趙也君安得有此富乎以君之貴奉公如法則上下平上下平則國

強國強則趙固而君為貴戚豈輕于天下邪平原君賢之言於

王使治國賦國賦大平民富而府庫實及秦圍闕與王召羣臣

問之廉頗樂乘皆曰道遠險陝難救奢曰道遠險陝如兩鼠鬪

於穴中將勇者勝王乃令奢將兵救之秦師大敗解闕與而還

趙封奢為穰侯言于秦王使客卿竈秦滅

馬服君秦伐齊取剛壽伐齊取剛壽以廣其陶邑

義渠義渠戎王與秦太后亂有二子太后秦以范雎為客卿

魏人范雎從須賈使於齊齊王聞其辯口私賜之金賈以為雎

以國陰事告齊也歸告其相魏齊齊怒笞擊雎折脅摺齒置廁

中雎佯死得出魏人鄭安平持雎亡匿更姓名曰張祿秦謁者

王稽使魏載與俱歸薦之王王見之離宮雎佯為不知永巷而

入其中王來而宦者怒逐之曰王至雎諤曰秦安得王獨有太

后穰侯耳王微聞其言乃屏左右跽而請曰先生何以幸教寡

人對曰唯唯如是者三王曰先王卒不幸教寡人耶雎曰非敢

然也臣羈旅之臣也交疎于王而所願陳者皆匡君之事處人

骨肉之間願效愚忠而未知王之心也此所以王三問而不敢

對也臣知今日言之于前明日伏誅於後然苟可以少有補于

秦而死臣不敢避也獨恐臣死之後天下杜口裹足莫肯鄉秦耳王跽曰何言也寡人得見先生是天以寡人溷先生而存先王之宗廟也事無大小上及太后下至大臣願先生悉以教寡人無疑寡人也雖見左右多竊聽者未敢言內先言外事以觀秦王之俯仰因進曰穰侯越韓魏而攻齊非計也今王不如遠交而近攻得寸則王之寸也得尺亦王之尺也今夫韓魏中國之處而天下之樞也王若欲霸必親中國以爲天下樞而威楚趙則齊附而韓魏固可虜矣王曰善乃以睢爲客卿與謀兵事

通鑑四十六年壬辰秦攻趙闕與不拔

通鑑四十七年癸巳秦伐魏拔懷

始用范雎之謀也

通鑑四十八年甲午秦太子質於魏而卒

通鑑四十九年乙未秦拔魏邢邱 秦君廢其母不治事逐魏冉

芊戎公子市公子悝以范雎爲丞相封應侯

范雎曰益親用事因私說王曰臣居山東時聞齊之有孟嘗君不聞有王聞秦有太后穰侯不聞有王夫擅國之謂王能利害之謂王制殺生之謂王今太后擅行不顧穰侯出使不報華陽涇陽擊斷無諱高陵進退不請四貴備而國不危未之有也臣又聞之木實繁者披其枝披其枝者傷其心大其都者危其國尊其臣者卑其主淖齒管齊而弑湣王李兌管趙而囚主父今臣觀四貴之用事此亦齒兌之類也竊恐萬世之後有秦國者非王子孫也王以為然於是廢太后逐穰侯華陽君芊戎高陵君市涇陽君悝於闕外以睢為丞相封應侯

趙以公子勝為相

通鑑五十年丙申

趙孝成王丹元年

秦君母芊氏以憂卒

秦伐趙取三

城齊救却之遂以趙師伐燕取中陽伐韓取注人

秦攻趙趙王新立太后用事求救於齊齊人曰必以長安君為質太后不可齊師不出大臣彊諫太后明謂左右曰有復言者老婦必唾其面左師觸龍請見曰賤息舒祺最少不肖而臣衰竊愛之願得補黑衣之缺以衛王宮願及臣未填溝壑而託之

太后曰丈夫亦愛少子乎對曰甚於婦人太后笑曰婦人異甚對曰老臣竊以爲媼之愛燕后賢於長安君太后曰君過矣不如長安君之甚左師曰父母愛其子則爲之計深遠媼之送燕后也持其踵而哭念其遠也亦哀之矣已行非不思也祭祀則祝之曰必勿使反豈非爲之計長久爲子孫相繼爲王也哉太后曰然左師曰今三世以前至於趙王之子孫爲侯者其繼有在者乎曰無有曰此其近者禍及身遠者及其子孫豈人主之子侯則不善哉位尊而無功奉厚而無勞而挾重器多也今媼尊長安君之位封以膏腴之地多與之重器而不及今令有功於趙一旦山林崩長安君何以自託於趙哉太后曰諾恣君之所使之於是爲長安君約車百乘質於齊齊師乃出秦師退

齊君法章卒子建立國事皆

決於其母太史氏

建年少國事皆決於君王后

通鑑五十一年丁酉

齊王建元年

秦白起伐韓拔九城

通鑑五十二年戊戌秦白起伐韓取南陽攻絕太行道

楚太子

完自秦逃歸楚君橫卒完立以黃歇為相封春申君

楚頃襄王疾病黃歇侍太子於秦聞之言於應侯曰楚王疾恐不起秦若歸其太子則是親與國而得儲萬乘也不歸則咸陽布衣耳楚更立君必不事秦應侯以告王王曰令太子傅先往問疾反而後圖之歇與太子謀曰王若卒大命陽文君之子必立為後太子不得奉宗廟矣乃教太子變服為楚使者御以出關而自為守舍謝病度已遠乃自言請死王怒欲聽之應侯曰歇出身以徇其主太子立必用歇不如歸之以親楚王從之歇至三月而楚王薨太子即位以歇為相

通鑑五十三年己亥 楚考烈王 完元年 楚納州于秦 秦白起伐韓拔野

王上黨降趙 秦武安君伐韓拔野王上黨路絕上黨守馮亭乃獻之趙王趙王以問平陽君豹對曰聖人甚禍無故之利王曰人樂吾德何謂無故豹曰秦蠶食韓地中絕不令相通固自以為坐而受上黨也韓氏所以不入之秦者欲嫁其禍於趙也秦服其勞而趙受其利雖強大不能得之於弱小弱小顧能得之於強大乎豈得謂之非無故哉不如弗受平原君

往受地封馮亭爲華陽君亭垂涕不見
使者曰吾不忍賣王之地而食之也

通鑑五十四年庚子

通鑑五十五年辛丑秦王齧攻趙上黨拔之白起代將大破趙軍
殺其將趙括坑降卒四十萬

秦使王齧攻上黨拔之上黨民走趙趙廉頗軍長平以按據之
齧遂攻趙趙軍數敗廉頗堅壁不出又失亡多趙王怒數讓之
應侯又使人反間曰秦獨畏馬服君之子括爲將耳廉頗易與
且降矣趙王遂以括代頗將蘭相如曰括徒能讀其父書傳不
知合變也王不聽括自少時學兵法以天下莫能當與奢言之
奢不能難然不謂善也括母問其故奢曰兵死地也而括易言
之使趙將之破趙軍者必括也及括將行母上書言括不可使
王問之母曰括父爲將得賞賜盡以與軍吏士大夫受命之日
不問家事今括一旦爲將東鄉而朝軍吏無敢仰視所賜金帛
歸買田宅父子異心願王勿遣王曰吾已決矣母曰卽有不稱

妾請無隨坐王許之秦王聞括已將乃陰使武安君為上將軍而齧為裨將令軍中敢泄者斬括至軍悉更約束易置軍吏出擊秦軍武安君佯敗走張二奇兵以劫之括乘勝追造秦壁壁堅拒不得入而秦奇兵絕其後軍分為二糧道絕趙請粟於齊齊王弗許趙軍食絕四十六日人相食急括自出搏戰秦射殺之卒四十萬人皆降武安君乃挾詐盡坑之遺其小者二百餘人歸

趙人歸
通鑑五十六年壬寅秦攻趙拔武安皮牢定太原上黨韓趙又割

地以和武安君分軍為三王齧攻趙拔武安皮牢司馬梗北定太原盡有上黨地韓魏恐使蘇代說應侯曰趙亡則秦王王而武安君為三公矣君能為之下乎不如因而割之母以為武安君功也應侯言秦兵勞請許韓趙割地以和王聽之割韓垣雍趙六城而罷兵武安君由是與應侯有隙趙王之約割地也虞卿曰秦以其力攻其所不能取倦而歸王又以其力之所不能取以送之是助秦自攻也來年秦攻王王無救矣樓緩曰秦趙構難而天下說今不割地求和以疑天下慰秦之心則

天下將因秦之怒乘趙之弊而瓜分之矣虞卿曰
危哉樓子之計是愈疑天下而何慰秦之心哉
魏以孔斌

為相等以病免

初魏王聞子順賢聘以為相子順謂使者曰若
王能信用吾道吾道固為治世也吾猶一夫耳

魏王奚少於一夫使者固請子順乃之魏不用乃以病致仕遂
寢于家喟然嘆曰死病無良醫不出二十年天下其遂為秦乎
秦之始伐趙也魏王問於諸大夫皆曰於我何損斌曰不然秦
貪暴之國也勝趙必復他求吾恐於時魏受其師也先人有言
燕雀處屋子母相哺响响相樂自以為安矣竈突炎上棟宇將
焚燕雀顏不變不知禍之將及已也今子不悟趙破而患將及
已可以人而
秦誘執公子勝既而歸之
秦王欲為應侯必報
其仇乃誘平原君至
而執之使謂趙王曰不得齊首吾不出王弟於闕齊窮抵虞卿
卿棄相印與偕亡走魏信陵君意難見之齊怒自殺趙王取其
首與秦秦乃歸平原君
王以為將軍睢散家財物以報所嘗困厄者一飯之德必償
睢之讐
必報云

通鑑五十七年癸卯秦伐趙圍邯鄲

秦武安君病使王陵伐趙攻邯鄲少利武安君病愈王欲

使代之武安君曰邯鄲實未易攻也且諸侯之救日至秦雖勝於長平然士卒死者過半國內空遠絕河山而爭人國都趙應

其內諸侯攻其外破秦軍必矣王又使

趙公子勝如楚乞師

應侯請之終辭不行乃以王薨代陵

楚黃歇帥師救趙

趙王使平原君求救于楚約其門下文武備具者二十人與俱得十九人餘無可取者毛

遂自薦平原君曰夫賢士之處世如錐處囊中其末立見今先

生處勝門下三年於此矣勝未有所聞是先生無所有也遂曰

臣乃今日請處囊中耳使臣得早處囊中乃脫穎而出非特其

未見而已平原君乃與之俱至楚與楚王言合從之利久而不

決毛遂按劍歷階而上曰從之利害兩言而決耳今日出而言

日中不決何也王怒叱之遂按劍而前曰楚地方五千里持戟

百萬此霸王之資也白起小豎子耳一戰而舉鄢郢再戰而燒

夷陵三戰而辱王之先人此百世之怨趙之所羞而王不知惡

焉合從者為楚非為趙也王曰唯唯乃歃血定從而歸平原君

曰勝不敢復相天下士矣因以毛遂為上客而楚使春申君將

兵救

魏晉鄙帥師救趙次于鄴公子無忌襲殺鄙奪其軍以

進魏王使晉鄙救趙秦王使謂魏曰吾攻趙日暮且下諸侯敢救者必移兵先擊之魏王恐止晉鄙壁鄴又使新垣衍入邯鄲說趙欲共尊秦爲帝以却其兵魯仲連聞之往見衍曰彼秦者棄禮義而上首功之國也彼卽肆然而爲帝于天下則連有蹈東海而死耳不願爲之民也今梁從而帝之秦將行天子之禮以號令天下變易諸侯之大臣彼將奪其所不肖而與其所賢奪其所憎而與其所愛梁王安能晏然而已乎衍起再拜曰吾乃今知先生天下士也不敢復言帝秦矣初魏公子無忌愛人下士致食客三千人有隱士侯嬴家貧爲夷門監者公子置酒大會賓客坐定從車騎虛左自迎侯生直上載不讓公子執轡愈恭侯生至引坐上坐賓客皆驚及秦圍趙趙平原君夫人無忌姊也求援于公子公子數請魏王救晉鄙救趙不聽公子乃屬賓客約車騎百餘乘欲赴闕以死于趙過見侯生曰公子無他端而欲赴秦軍如以肉投餒虎何功之有公子再拜問計生日吾聞晉鄙兵符在王卧内而如姬最幸力能竊之且公子嘗爲報其父仇如姬欲爲公子死誠一開口則得虎符奪晉鄙兵

北救趙西却秦此五伯之功也公子如其言得兵符侯生曰將在外君令有所不受有如鄙疑而復請之則事危矣臣客朱亥力士可與俱鄙不聽使擊之公子至鄴晉鄙合符果疑之亥袖四十斤鐵椎椎殺鄙公子得選兵八萬人將之而進

通鑑五十八年甲辰

燕孝王元年

秦殺白起

王齕戰不利武安曰不聽吾計今何如矣王聞之怒

強起之武安君稱病篤乃免為士任遷之陰密行至杜郵應侯曰起之遷意尚怏怏有餘言王乃使賜之劍武安君遂自殺秦人憐之應侯乃任鄭安平使將擊趙

魏公子無忌大破秦軍邯鄲下

信陵君大破秦軍于

邯鄲下王齕解圍走鄭安平以二萬人降趙信陵君不敢歸魏使將將其軍以還趙王欲以五城封公子公子聞之有自功之色客有說公子曰物有不可忘有不可忘人有德于公子公子不可忘公子有德于人願公子忘之也且矯令奪兵以救趙于趙則有功矣于魏則未為忠臣也公子乃自驕而功之竊為公子不取也于是公子立自責若無所容趙王迎與公子飲至暮以公子退讓竟不忍言獻五城平原君欲封魯仲連仲連亦不受乃以千金為壽連笑曰所貴為天下之士者為人排患難

解紛亂而無取也卽有取者是商賈之事連不忍爲也遂辭去終身不復見

趙逃歸

秦太子妃曰華陽夫人無子夏姬生子異人質於趙秦數伐趙趙不禮之困不得意陽翟大賈呂不韋適邯鄲

見之曰此奇貨可居乃說之曰太子愛華陽夫人而無子子之兄弟二十餘人子居不甚見幸不得爭立不韋雖貧請以千金爲子西游立子爲嗣異人曰必如君策秦國與子共之不韋乃厚貲西見夫人姊而以獻於夫人因譽異人之賢賓客遍天下日夜泣思太子及夫人曰異人也以夫人爲天夫人喜不韋因使其姊說曰夫人愛而無子今異人賢而自知中子不得爲適誠以此時拔之是異人無國而有國夫人無子而有子也則終身有寵於秦矣夫人以爲然遂與太子約以爲嗣不韋娶邯鄲姬絕美者知其有娠異人見而請之不韋佯怒旣而獻之期年而生子政

通鑑五十九年乙巳秦伐韓趙王命諸侯討之秦遂入寇王入秦

盡獻其地歸而卒

秦伐韓取陽城負黍斬首四萬伐趙取二十餘縣斬首九萬赧王恐倍秦與諸侯約從欲伐秦秦將軍繆攻西周赧王入秦頓首受罪盡獻其邑三十六口三萬秦受其獻而歸赧王於周是歲卒

按自是周亡矣通鑑於丙午揭秦紀而大書之蓋周既亡而以秦紀也而綱目猶分註何天下未一也天下未一秦亦列國耳必至於始皇二十六年秦併天下始以正統例大書之所以大一統也今欲考六國之滅亡故自秦昭王五十二年丙午以迄秦始皇二十六年庚辰凡閱三十五年悉以甲子附紀于後

通鑑丙午

秦昭襄王五十二年

周民東亡秦取其寶器遷西周公於憇

憇 狐

之聚 楚人遷魯于莒而取其地

丁未 秦伐魏取吳城 韓王入朝於秦 魏舉國聽令於秦

戊申 楚遷于鉅陽

己酉 魏人殺衛君而立其弟

庚戌 秋秦王稷薨太子柱立韓王衰經入弔祠 燕伐趙趙

敗之遂圍燕

辛亥 秦孝文王 柱元年 冬十月秦王薨子楚立 燕伐齊拔聊城齊伐

取之

壬子 秦莊襄王 元年 秦以呂不韋為相國封文信侯 秦滅東周遷

其君於陽人聚 秦伐韓取滎陽成臯置三川郡 楚滅魯遷
其君於卞為家人

癸丑 秦伐趙定太原取三十七城

甲寅 秦悉拔上黨諸城置太原郡 秦伐魏魏公子無忌率

五國之師敗之追至函谷而還 五月秦王薨子政立

乙卯 秦王政元年

丙辰 趙王薨廉頗犇魏

丁巳 趙悼襄王偃元年 秦伐韓取十二城 趙李牧伐燕取武遂方城

戊午 春秦伐魏取暘有詭

己未 魏景閔王增元年 秦伐魏取二十城置東郡

庚申 楚趙魏韓衛合從以伐秦至函谷皆敗走 楚遷于壽

春 秦拔魏朝歌及衛濮陽衛徙居野王

辛酉 秦伐魏取汲

壬戌 魏與趙鄴

癸亥 韓王安元年 秦伐魏取垣蒲 取衍氏

甲子 楚幽王悍元年 冬十月呂不韋以罪免出就國 秦大索逐客客

卿李斯上書召復故官遂除其令 齊趙入秦置酒

乙丑 趙伐燕取狸陽秦伐趙取九城

丙寅 趙幽繆王 遷元年 秦呂不韋徙蜀自殺 秦助魏伐楚

丁卯 秦伐趙殺其將扈輒趙以李牧為大將軍復戰宜安秦

師敗績

戊辰 秦伐趙取宜安平陽武城

己巳 秦伐趙取狼孟番吾遇李牧而還 燕太子丹自秦亡

歸

庚午 韓獻南陽地于秦

辛未 秦內史勝滅韓虜王安置潁川郡

壬申 秦王翦伐趙下井陘趙殺其大將軍李牧

癸酉 秦滅趙虜王遷秦王如邯鄲 秦軍屯中山以臨燕

趙公子嘉自立為代王與燕合兵軍上谷

甲戌

楚王負芻元年
代王嘉元年

燕太子丹使盜劫秦王不克秦遂擊破燕

代兵進圍薊

乙亥 冬十月秦拔薊燕王走遼東斬其太子丹以獻於秦

秦李信伐楚

丙子 秦王賁伐魏引河溝以灌其城魏王假降殺之遂滅魏

楚人大敗秦軍李信犇還秦王翦伐之

丁丑 秦王翦大敗楚軍殺其將項燕

戊寅 秦滅楚虜王負芻置楚郡

己卯 秦王賁滅燕虜王喜還滅代虜王嘉 秦王翦遂定江

南降百越置會稽郡

庚辰 秦始皇二十六年 王賁襲齊王建降遂滅齊 王初并天下更號

皇帝

孟子時事考徵卷第三終

孟子時事考徵卷第四 七國形勢考附

涇上陳寶泉鳳石編次

受業朱

份質圃

愷丹崖

鈺藍田

參校

檜菊汴

孟子曰天時不如地利地利不如人和又曰域民不以封疆

之界固國不以山谿之險故孟子始游梁梁惠王問何以利

吾國而即以仁義為建首也戰國之時天下其苦秦矣秦被

孟子時事考徵卷第四

一

稗經堂

山帶河四塞以爲固其糾率以攻秦者趙則破脩魚矣周則入九鼎矣卽僅有孟嘗率三國之師大敗秦軍然亦未聞入函谷踐咸陽其險阻然也而又深知天下之形勢取西河收上庸通巫黔拔宜陽遂遣交而近攻乃釋齊以事韓尺寸蠶食寢以漸廣六國耗矣且六國未嘗無險也向使終信蘇秦之策堅持合從之謀扼其咽喉撫其胷腹以保天下之脊然後并力伺秦秦雖閉關不出而腹背固已支敵矣然而六國嘗受從利而蘇秦不獲終信者何也見利於前而沒患於後也夫父子兄弟尚有爭錢財相殺傷彼諸侯之反覆張儀已

早知之矣是故齊楚雖強惟利是視目尋翦伐而不顧強秦之在其後韓魏燕趙自懲其弱又恐附楚則楚利附齊則齊利一有不利則相顧而起疑其所可親忌其所可讎此所以墮張儀之計而卒爲秦所併也秦旣得志恣睢無厭一旦禍起匹夫長驅入秦若振槁然百二之山河猶在也而魚爛土崩悲夫六國有地利而不知仁義以并于秦秦又不鑒而漢滅之則以知形勢之不足恃也余故取王伯厚先生通鑑地理通釋中七國形勢考三卷刪其繁瑣加以今釋繪圖于前彙爲一帙以附孟子時事考徵之後云

七國都治

秦本居雍獻公徙櫟陽孝公始都咸陽

楚都郢頃襄王徙陳考烈王徙壽春

趙起晉陽獻侯治中牟敬侯始都邯鄲

魏起安邑惠王始都大梁


韓起平陽哀侯都鄭景侯徙陽翟

衛都濮陽徙野王

齊故都營邱

燕故都薊

戰國地圖



五丁寺巨兮汝

三

率 歷 五 邑

秦

蘇秦說秦惠王曰秦四塞之國被山帶渭東有關河西有漢中南

有巴蜀北有代馬

國策云西有巴蜀漢中之利北有胡貉代馬之用南有巫山黔中之限東有殽函之固

此天府也 范雎對秦昭王曰大王之國四塞以為固北有甘泉

谷口南帶涇渭右隴蜀左關阪此王者之地也 荀子疆國篇曰

今秦南有沙羨與俱是乃江南也北與胡貉為鄰西有巴戎東在

楚者乃界於齊在韓者踰常山乃有臨慮

音慮在魏者乃據圉津

當

為即去大梁百有二十里耳其在趙者剡然有苓而據松柏之塞

負西海而固常山是地徧天下也 田肯曰秦形勢之國也帶河

阻山縣隔千里持戟百萬秦得百一焉地勢便利其以下兵於諸

侯譬若居屋之上建瓴水也

四塞

關河○高誘曰四面有山關之固故曰四塞正義曰東有函谷蒲津龍門合河等關南山及武關曉關西有大隴山及隴

函谷關

南有曉關武關西有散關北有蕭關居四關之中故名關

中漢

惠文王十三年庶長章擊楚于丹陽虜其將屈匄又攻楚漢中取地六百里置漢中郡後漢注故城在梁州南鄭縣

東北

按索隱曰在秦之山南楚之西北漢巴蜀并巴蜀之地元

水南

之地故名漢中今漢中府隸陝西省

和郡

志武王伐殷巴人助焉後為巴子其地東至魚復西焚道接漢中南極牂牁是其界也華陽國志云蜀之先肇於人皇之際

黃帝

為子昌意娶蜀山氏後子孫因封焉戰國策秦伐蜀十月取

秦滅蜀

因滅巴按今四川重慶府即古巴子國四川保寧

府劍州以西

皆古蜀地胡貉代馬國策注胡樓煩林胡之類漢書注貉在東

胡貉代馬

此方三韓之屬索隱代郡有胡馬一云代

郡馬 甘泉谷口 郡縣志甘泉山一名磨石嶺在京兆府雲陽縣西

邑 北九十里周迴六十里郊祀志寒門者谷口也地

理志左馮翊谷口縣九嶷山在西溝洫志白公引涇水首起谷口

郡縣志禮泉縣本谷口縣九嶷山東仲山西當涇水出山之處故

謂之谷口 按今甘泉山在西安府涇陽縣北百二 涇渭 地理志

十里谷口在西安府醴泉縣東南四十里亦曰寒門 涇渭 開頭山

在安定涇陽縣西禹貢涇水所出東南至陽陵入渭鳥鼠同穴山

在隴西首陽縣西南渭水所出東至船司空入河東方朔曰漢都

涇渭之南所謂天下陸海之地秦所以虜西戎兼山東者也 按

明一統志涇水自西涼府城西南白巖發源至涇州又東南至邠

州界又東北至西安府高陵縣界會于渭渭水源出臨洮府渭源

縣鳥鼠山西北谷東流經蓋屋與平咸陽渭南等縣直至華陰縣

界入隴 通典秦州有大坂曰隴坻亦曰隴山 西京賦曰右有隴坻

于河隴之隘隔閔華戎 按今鳳翔府隴州西北六十里隴坻是

也 關阪 卽殺函。張良曰關中左殺函范雎謂左關阪卽殺函也

呂氏春秋九塞殺其一也左傳晉敗秦師于殺春秋正義

云俗呼爲土殺石殺其阨道在兩殺之間郡縣志二嶠山在河南

府永寧縣北二十八里自東嶠至西嶠三十五里東嶠長阪數里

五 稗經堂

峻阜絕澗車不得方軌西嶠石坂十二里秦函谷關在陝州靈寶

縣西南十二里西征記曰關城路在谷中深險如函故以為名關

去長安四百里日入則閉雞鳴則開秦法也東自嶠山西至潼津

通名函谷號曰大險所謂秦得百二也按函谷古關在河南府

靈寶縣南十里今日潼關在西安府華州華陰沙美地理志縣屬

縣東十里二嶠坂在河南永寧縣北六十里沙美地理志縣屬

記鄂州江夏縣漢沙美地秦屬南郡秦紀昭王三十九年白起攻

楚取郢為南郡李氏曰漢江夏之鄂縣按今武昌府江夏縣

巴戎楊倂注曰巴在西南戎在西北趙良曰五穀大夫相秦巴人致

以西有綿諸緄戎翟獯之戎岐梁山涇臨慮地理志林慮屬河內

漆之北有義渠大荔烏氏胸衍之戎今相州林慮縣按

今河南彰德府圍津史記曹世家至河內下脩武渡圍津徐廣云白馬

德府林縣圍津有圍津括地志云黎陽津一名白馬津在滑州白

馬縣北三十里按韋津以韋城為名或變改曰黎陽及白馬之名

按明一統志白馬津在大明府濬縣西二里黎陽故城東又名

黎陽津今濬縣楊倂注苓地名未詳所在或曰苓與靈同漢書

屬河南衛輝府苓地理志常山郡有靈壽縣今屬真定松柏之塞

蓋趙樹松柏與秦爲界今秦據布西海地理志金城郡臨羌縣西
之按今直隸正定府靈壽縣西海北至塞外有西王母石室
僊海通典西海郡肅州之北千二百里按西海地理志謂之仙
海或謂之青海西仙青三聲相近今在西寧府西北番中或說凡
水之大者皆名海太康地記曰河
北得水爲河塞外得水爲海也

趙

蘇秦說趙肅侯曰當今之時山東之建國莫彊于趙趙地方二千

餘里西有常山南有河漳東有清河北有燕國

戰國策說張相國曰趙前漳滏右常

山左河間北有代

竊爲大王計莫如一韓魏齊楚燕趙以從親以畔秦令

天下之將相會於洹水之上通質剗白馬而盟要約曰秦攻楚齊

魏各出銳師以佐之韓絕其糧道趙涉河漳燕守常山之北秦攻

韓魏則楚絕其後齊出銳師以佐之趙涉河漳燕守雲中秦攻齊則楚絕其後韓守成臯魏塞午道趙涉河博關燕出銳師以佐之秦攻燕則趙守常山楚軍武關齊涉渤海韓魏皆出銳師以佐之秦攻趙則韓軍宜陽楚軍武關魏軍河外齊涉清河燕出銳師以佐之諸侯有不如約者以五國之兵伐之六國從親以賓秦則秦甲必不敢出於函谷以害山東矣 武靈王北畧中山之地至於房子遂之代北至無窮西至河登黃華之上名樓緩謀曰我先王因世之變以長南藩之地屬阻漳滏之險立長城又取藺郭狼敗林人於荏而功未遂 王謂公子成曰吾國東有河薄洛之水與

齊中山同之無舟楫之用自常山以至代上黨東有燕東胡之境而西有樓煩秦韓之邊今無騎射之備故寡人無舟楫之用夾水居之民將何以守河薄洛之水變服騎射以備燕三胡秦韓之邊先時中山負齊之疆兵侵暴吾地引水圍鄣微社稷之靈則鄣幾於不守也今騎射之備近可以便上黨之形而遠可以報中山之怨蘇厲爲齊遺趙王書曰燕盡齊之北地去沙邱鉅鹿欽三百里韓之上黨去邯鄲百里燕秦謀王之河山間三百里而通矣秦之上郡近扞關至於榆中者千五百里秦以三郡攻王之上黨羊腸之西句注之南非王有已踰句注斬常山而守之三百里而通

於燕代馬胡犬不東下昆山之玉不出此三寶者亦非王有已

韓非子應侯謂秦王曰弛上黨以臨東陽則邯鄲口中虱也 韓

非初見秦王曰趙氏中央之國也雜民所居也 趙居邯鄲燕之南

之東故曰中央兼 戰國策燕間對燕王曰趙四戰之國也其民習

四國之人故曰雜 兵 正義東隣燕齊西邊秦樓

常山 地道記云在上曲陽縣西北四十里北行四百五十里得

山為北嶽山在真定府曲陽縣西 漳 地理志濁漳出上黨長子

北百四十里今在定州曲陽縣 河漳 縣鹿谷東至鄴入清漳蘇

秦曰秦甲渡河踰漳據番吾則兵必戰於邯鄲之下矣按秦兵渡

河歷南陽入羊腸經澤潞渡漳水守蒲吾城則與趙戰於都城下

府長子縣 清河 今貝州漢清河郡張儀說趙曰秦告齊使與師

廣宗縣東為清河廣宗今順德府又漢有清

河郡今廣平府清河縣清河舊經其處云

項羽與章邯盟洹水南殷虛上按洹水

今在彰德府安陽縣北四里亦名安陽河

雲中 正義故城在勝州

七里趙世家武靈王二十六年復攻中山

中九原唐志烏咄谷二百七十里至古雲中

城按今山西大同

府 午道 張儀說趙曰秦一軍塞午道索隱曰當在趙之

博關 正義

州南河至博陵漢屬東郡張儀說齊曰悉趙兵渡清河指博關臨

菑卽墨非王之有也輿地廣記博州戰國屬齊趙衛三國之交

按今東昌府 中山 春秋時為鮮虞魏文侯使樂羊伐取之及武侯

博平縣界 中山 之世趙世家書與中山戰于房子是時蓋已復

國其後與諸侯並稱王其勢又強廣記中

房子 縣屬趙州唐改為

山府安喜縣古中山國 按今直隸定州

在高邑縣西南十五里 代 北狄之別也匈奴傳趙襄子踰句注而

今真定府贊皇縣 代 破并代以臨胡貉正義代郡城北狄代

國秦漢代縣城也在蔚州 羌胡縣北百五十里趙 無窮 戰國策武

有代句注之北與戎界邊 按今宣化府蔚州

五二 子 事 今 女

六 四

八

稗 經 堂

陽以為騎邑牛贊進諫王曰昔者先君襄王與代交黃華正義蓋

地城境封之名曰無窮之門所以昭後而期遠也

之山名按今在彰德府林縣西二十里一名漳滏通典相州滏

林慮山有三峯下有黃華谷北巖出瀑布

滏水郡國志鄴有滏水按山海經神囷之山滏水出焉而東流

注于歐水注云今出臨水縣西滏口山經鄴西北至列人縣入于

漳其水熱淮南子地形訓釜出景注云景山在邯鄲西南釜水所

出南流入漳其源浪沸涌正勢如釜中湯故曰釜今謂之釜口太

平御覽引水經注云釜水發源山南東流注于漳今本無此語但

歐水有漳水之名歟又按水經注神長城世家肅侯十七年築長

在朔州善陽縣北按所謂蘭郭狼地理志西河郡有蘭狼臯二縣

立長城者在武靈王之前蘭郭狼戰國策知伯之趙請蔡狼臯之

地鮑氏云蔡當作蘭世家武侯三年魏敗我蘭二十四年秦攻我

蘭正義云蘭在石州趙之西北郭狼疑是臯狼按狼孟今山西

太原府三胡林胡樓煩東胡。正義林人即林胡也匈奴傳晉北

陽曲縣三胡有林胡樓煩之戎地理志樓煩屬雁門應劭曰故樓

陽曲縣三胡有林胡樓煩之戎地理志樓煩屬雁門應劭曰故樓

煩胡也正義趙東有瀛州之東北營州之境即東胡烏丸之地匈奴傳燕北有東胡服虔云後為卑鮮在匈奴東故曰東按樓煩今太原府西邊正義云林胡樓煩即嵐勝之北也嵐勝以南石州崑嵐州西邊離石蘭等七國時趙邊邑地秦隔河地晉洛潞等州皆七國時韓地為並趙西境也河薄洛徐廣云安平經縣西有漳水津名薄洛津謂之薄洛津按薄落津俗呼落漢津在今順德府西水有故平鄉縣西南一十八里經縣今直隸冀州新河縣地韓之別郡也遠韓近趙後卒降趙廣記云秦上黨郡晉陽今澤潞遼州平定威勝軍之地按今山西潞安府晉陽郡所治龍山在西北晉水所出北齊分晉陽置龍山縣隋開皇十年改龍山曰晉陽而以古晉陽縣為太原縣自北漢劉氏以前郡治太原晉陽二縣今山西太原府太原縣古唐郡縣志漢以為縣改國在今縣治北古晉陽城在縣治東北高郡屬常山光武即位於鄆南千秋亭五成陌因改曰高邑北齊移治於房子縣東北去舊城三十里按即今直隸趙州之高邑縣也古鄆城在今趙州栢鄉縣北東陽左傳趙勝帥東陽之師以追齊杜氏注晉之山東魏十二里東陽郡廣平以北戰國策國子曰兼魏之河南絕趙之東

十一字事今文
六十一
九
粹經堂

陽則趙魏亦危矣按王氏曰自漢以前東陽大抵為晉太行山

東地非有城邑也楚漢之間始置東陽郡漢置東陽縣今山東東

昌府恩縣西北六十里有東陽城猶南陽為沙邱鉅鹿殷紀紂

河內之總名而別有南陽城則在脩武也沙邱鉅鹿益廣沙

邱苑臺括地志沙邱臺在邢州平鄉東北二十里地理志趙中山

地薄人衆猶有沙邱紂淫亂餘民正義沙邱邢也鉅鹿冀州也齊

北界貝州也言破齊滅韓之後燕之南界秦之東界相去減三百

里趙在中間也呂氏春秋九藪趙之鉅鹿地理志鉅鹿縣大陸澤

在北紂所作沙邱臺在東北七十扞關呂氏云扞者扞敵之扞非

關也楚之扞關榆中武靈王二十年西略胡地至榆中括地志榆

水道之關也榆中勝州所治榆林縣地理志金城郡有榆中

縣通典故城在蘭州五泉縣邯鄲趙世家敬侯元年始都邯鄲

東按今陝西榆林府榆林縣邯鄲地理志自中牟徙此邯鄲北

通燕涿南有鄭衛漳河之間一都會也按今羊腸魏世家如耳

直隸廣平府邯鄲縣西南三十里有邯鄲故城羊腸曰昔者魏伐

趙斷羊腸拔闕與約斬趙趙分而為二所以不亡者魏為從主也

蔡澤謂應侯曰君相秦坐制諸侯決羊腸之險塞太行之道正義

云太行山坂名南屬懷州北屬澤州呂氏春秋九山之一也盤紆如羊腸按隋煬帝登太行山問崔嵬曰何處有羊腸坂對曰按漢地理志上黨潞州壺關縣有羊腸坂帝曰不是又荅曰案皇甫士安撰地書云太原北九十里帝曰是也又按太行陁在懷慶府城北亦名羊腸坂闊三步長四十里羊腸所經瀑布懸流實為險阻句注正義句注山在代州鴈門九塞之一也地理志在雁門陰館縣按河間戰國策秦下甲攻今山西代州西二十五里一名西陁山趙趙賂之以河間十二縣瀛州地理志注在兩河澠池在今河南澠池縣地理志引之間按今為直隸河間府農龜池景帝中二年初城徙萬家為縣水經注穀水出于崤東馬頭山穀陽谷東川流澠池川漢景帝因崤崑之池以目縣或謂之彭池穀水又東逕秦趙二城南即趙王鼓瑟秦王擊在處世謂之俱利城蓋云秦趙俱利也淮南子九塞曰澠阨戰國策云澠隘之塞翼奉曰成周右阻澠池按澠池縣今河南府屬縣澠池在縣治北

魏

五之 詩 卷 亥

卷 亥

十

粹經堂

蘇秦說魏襄王曰大王之地南有鴻溝陳汝南許鄆昆陽名陵舞陽新都新鄴東有淮潁潁棗無胥西有長城之界北有河外卷衍酸棗地方千里 衛鞅曰魏居嶺阨之西都安邑與秦界河而獨擅山東之利 張儀說魏王曰魏地四平諸侯四達輻湊無名山大川之限從鄭至梁二百餘里車馳人走不待力而至梁南與楚境西與韓境北與趙境東與齊境梁之地勢固戰場也 蘇代約燕王曰秦正告魏曰我據安邑塞女戟韓氏太原卷我下軹道南陽封冀包兩周乘夏水浮輕舟強弩在前鏃矢在後決滎口魏無大梁決大馬之口魏無外黃濟陽決宿胥之口魏無虛頓邱陸攻

則擊河內水攻則滅大梁魏氏以爲然故事秦魏欲親秦而伐韓無忌曰韓亡秦有鄭地與大梁隣秦非無事之國也韓亡之後必將更事更事必就易與利必不伐楚與趙矣夫越山踰河絕韓上黨而攻強趙是復闕與之事秦必不爲也若道河內倍鄴朝歌絕漳滏水與趙兵決於邯鄲之郊是知伯之禍也秦又不敢伐楚道涉山谷行三千里而攻冥阨之塞所行甚遠所攻甚難秦又不爲也若道河外倍大梁右蔡左名陵與楚兵決於陳郊秦又不敢故曰秦必不伐楚與趙矣又不攻衛與齊矣夫韓亡之後兵出之日非魏無攻矣秦固有懷茅邢邱城境津以臨河內河內其汲必

危有鄭地得垣雍決滎澤水灌大梁大梁必亡異日者秦在河西
晉國去梁千里有河山以闌之有周韓以間之從林鄉軍以至于
今秦七攻魏五入圍中邊城盡拔文臺墮垂都焚而國繼以圍又
長驅梁北東至陶衛之郊北至平監所亡乎秦者山南山北河外
河內大縣數十名都數百秦乃在河西晉去梁千里而禍若是矣
又況於使秦無韓有鄭地無河山而闌之無周韓而間之去大梁
百里禍必由此矣

鴻溝河渠書滎陽下引河東南爲鴻溝以通宋鄭陳蔡曹衛與濟
汝淮泗會于楚索隱云楚漢中分之界文穎云卽今官渡水
也蓋爲二流一南經陽武爲官渡水一東經大梁城卽河溝今之
汴河也應劭云在滎陽東南二十里張華云大梁城在浚儀縣北

縣西北渠水東經此城南又北屈分爲三渠其一渠東南流始皇鑿引河水以灌大梁謂之鴻溝楚漢會此處也其一渠東經陽武縣南爲官渡水郡國志滎陽有鴻溝

水按今爲河南開封府滎陽縣陳汝南襄主自郢徙都兼爲魏境汝南春秋時屬沈蔡戰國時屬楚魏漢置汝南郡地理志魏南有汝南之名陵滄彊新汲西華長平按陳今河南陳州府治汝南今許鄆許本許國漢爲潁川許縣魏改曰許昌鄆汝寧府治許鄆戰國策作鄆楚昭陽伐魏取鄆漢屬潁川鄆漢陳畱有鄆縣應劭曰鄭伯克殷于僞是也按許今河南許州鄆今開封府鄆陵縣西南四十里鄆今陳州府鄆城縣昆陽應劭曰昆水出南陽汝州葉縣北有昆陽名陵漢屬汝南齊桓公城光武破尋邑之所按今南陽府葉縣名陵伐楚次于名陵括地志故城在豫州鄆城縣東四舞陽漢屬潁川括地志故城在許十五里按今陳州府鄆城縣舞陽州葉縣東十里按今南陽府舞新鄆漢屬汝南索隱曰陽縣新鄆故新都按今南陽府新野縣新鄆漢屬汝南索隱曰時秦拔我鄆邱漢置新鄆縣後省之淮潁二水名地理志淮水按新鄆故址在今安徽潁州府治八里

二十一

文

十二

稗經堂

大復山穎水出穎川陽城縣陽乾山正義云淮陽穎川二郡按

淮源出桐栢山在今河南南陽府桐栢縣東一里穎水出陽城山

在今安徽穎州府穎 上縣與壽州接界 堯棗 徐廣曰在宛句 按宛句縣漢屬濟陰

句縣有堯棗城水經注北濟自濟陽北東北逕無胥地關戟國策

黃棗城南 按今宛句故城在山東曹州府境 無胥 東有淮穎沂

黃即陳留外黃海塩未詳解州解安邑有塩池 長城 徐廣曰滎

長城經陽武到密秦紀魏築長城自鄭濱洛以北有上郡正 河外

義鄭華州縣洛漆沮也魏世家惠王十九年築長城塞固陽 河外

正義謂河南地按晉語入河外列城五注云河東也晉以河東為

河外魏以河南為河外張儀曰秦下兵攻河外據卷衍酸棗又曰

梁效河外索隱謂河之南邑若曲沃平周等魏世家秦復予我河

外無忌率五國兵攻秦敗之河外蘇秦說趙曰魏弱則割河外

卷衍 正義卷城在鄭州原武縣西北七里漢河南有卷縣衍在鄭

州亦曰衍氏 按卷縣即原武縣地開封府屬黃河遷徙今

移置河北 酸棗 漢屬陳留魏世家文侯三十二年伐鄭城酸棗取

屬懷慶府 鄭地而城之也郡縣志故城在縣西南十五里

按酸棗縣卽延津縣地開封府屬大梁地理志陳留郡浚儀故大
黃河遷徙今移置河北屬衛輝府大梁魏世家惠王三十一年
秦用商君東地至河而齊趙數破我安邑近秦於是徙治大梁史
記云從鄭至梁二百餘里國策云從鄭至梁不過百里從陳至梁
二百餘里按九域志鄭州至東京一百四十里陳州至東京
二百四十五里當以國策爲正按大梁今河南開封府安邑
郡縣志故城在陝州夏縣東北十五里禹所都地理志河東安邑
魏絳自魏徙此至惠王徙大梁戰國策城渾曰蒲阪平陽相去百
里秦人一夜而襲之安邑不知國子曰安邑者魏之柱國也晉
陽者趙之柱國也鄆郢者楚之柱國也按今安邑縣屬解州女
戟劉伯莊曰蓋在太行山之西戰國策蘇代謂齊王曰秦舉安邑
戟而塞女戟韓之太原絕韓氏索隱云戰國宜陽也劉伯莊云當
爲太行索隱云太衍字軹索隱云河內軹縣國策蘇代曰秦下軹
原當爲東京屬滎陽軹道南陽而伐魏絕韓包二周輿地廣記
漢軹縣屬河內唐貞觀元年省入孟州濟源縣唐地志濟源
縣西有故軹關按軹縣故城今在濟源縣南一十三里南陽
地理志河內郡脩武應劭曰晉始啓南陽今南陽城是也秦改曰
脩武馬季長曰晉地自朝歌以北至中山爲東陽朝歌以南至軹

上為南陽輿地廣記懷州脩武縣本商之寧邑武王伐紂勒兵於

寧更名脩武唐武德四年改為武陟而別置脩武縣於隋修武縣

故城劉原父曰脩武有古南陽城按南陽其統名而脩封翼索

武則魏之南陽邑也今懷慶府修武縣北有南陽故城封翼隱

封陵翼邑皆在魏境魏世家哀王十六年秦拔我蒲坂陽晉封陵

徐廣云河東皮氏縣有翼亭按封陵紀年作封谷括地志封陵

在蒲州今為蒲州府杜注平陽皮氏東北兩周正義王城及鞏世

有翼亭今絳州河津縣東有翼亭故址本西周桓公居河

南東周惠公居洛陽呂氏曰平王東遷之後所謂西周者河南也

東周者東都也威烈王之後所謂西周者河南也東周者洛陽也

考王封其弟揭於河南以續周公之職是為河南桓公威烈王嗣

位西周惠公封其少子班於鞏以奉王實東周惠公此東西周分

之始也顯王二年趙與韓分周為二東西周各為列國顯王雖在

東周特建空名於其上耳按王城即今河南府鞏今河南府屬

縣榮澤索隱榮澤之口與今沐河口通其水源可以灌大梁水經

門蓋故榮播所道自此始渠出榮陽北河東南過中牟之北又東

至浚儀注云秦始皇二十六年王賁斷故渠引水東南出以灌大

梁

梁謂之梁溝 按自平帝以後榮澤塞為平地隋于白馬之口索

其地置廣武縣尋改榮澤縣古榮澤在今縣治南

白馬津在東郡决其流以灌外黃濟陽竹書紀年梁惠王十二年

楚師出河水以水長垣之外金隄既建故渠既斷尚謂之白馬瀆

韓非初見秦曰决白馬之口以沃魏氏張儀說趙曰外黃濟陽外

守白馬之津 按白馬濟人呼白馬津在滑縣境

漢屬陳留張晏曰魏郡有內黃故加外濟陽水經注云陳留風俗

傳曰縣故宋地竹書紀年梁惠王三十年城濟陽 按杜注陳留

外黃縣東有黃城今外黃故城在開封府雍邱縣東六十里漢陳

留郡濟陽縣唐省入宛句建隆四年為濟陽鎮屬開封府東明縣

今屬大明府縣西南與宿胥之口 正義淇水出衛州清淇縣東至

開封府蘭陽縣接界 黎陽入河魏志云武帝於清淇

口東因宿胥故瀆開白溝道清淇二水入焉徐廣云紀年曰魏救

山塞集胥口水經注宛水東南入淇水淇水右合宿胥故瀆瀆受

河於頓邱縣遮害亭東黎山西北會淇水處立石堰遏水今更東

北注魏武開白溝因宿胥故瀆而加其功故蘇代曰决宿胥之口

即指是瀆也 按白溝 虛頓邱 索隱虛邑名地與酸棗相近春秋

今在懷慶府陽武縣境 注宋地虛謂殷墟今相州所治水

十四 降 經 堂

經注洹水出山連逕殷墟竹書紀年曰盤庚即位自奄遷于此遂

曰殷頓丘正義故城在魏州頓邱東北二十里水經注頓邱在淇

水南又屈逕頓邱西詩所謂送子涉淇至于頓邱竹書紀年晉定

公三十一年城頓邱按地理志河內殷虛更屬于晉注云殷虛

汲郡朝歌縣即今衛輝府淇縣地頓邱縣故河內地理志魏地其

城在直隸大名府清豐縣西南二十五里河內地理志魏地其

盡河東河內孟子梁惠王曰河內凶則移其民於河東魏世家文

侯任西門豹守鄴而河內稱治索隱曰大河在鄴東故名鄴為河

內按河內今鄴輿地記相州臨漳縣本漢鄴縣漢袁紹為冀州

河南衛輝府地業牧鎮鄴曹公以為鄴都作三臺按鄴今彰德

府臨漳朝歌漢屬河內紂所都隋改為衛縣通典故城在衛州衛

縣地朝歌縣西二十二里紂都在鹿臺謂之殷虛按地理通

釋衛縣省為鎮入濬州黎陽今衛輝府濬蔡正義上蔡縣在豫州

縣鹿臺在衛輝府淇縣外今地名南陽社蔡北七十里從汴州南

行向陳州之西郊則上蔡名陵在南面向東皆身之右戰國策云

右上有蔡名陵無左字按上蔡今河南汝寧府上蔡縣今縣西南

十里有古懷茅周桓王與鄭蘇忿生之田有攢茅隕懷襄王與晉

蔡國城攢茅之田括地志故懷城在懷州武陟縣西十一

里徐廣云脩武古軹縣有茅亭 按河南懷慶府武陟縣西南十

一里有懷城衛輝府獲嘉縣西北有脩武故城濟源縣南一十三

里有軹 邢邱 安城 坿 漳 括地志平臯故城在懷州武德縣東

縣故城 武縣東南二十里索隱坿漳在河北正義云坿當作延杜預云汲

郡城南有延津是也 按今懷慶府河內縣東南七十里有平臯

故城平臯陂周迴二十五里陵南即大河卷縣即原武縣地開封

府屬縣黃河遷徙今移置河北懷慶府屬縣延津一名靈昌津在

衛輝府 共汲 無忌又曰通韓上黨於共寧地理志共汲二縣屬河

滑縣境 內正義共衛州共城縣汲在衛州所治汲縣西南二

十五里通典汲縣牧野之地懷州脩武縣本殷寧邑 按共垣雍

今衛輝府輝縣汲郡脩武縣今衛輝府獲嘉縣地古寧邑 按共垣雍

志卷縣有古垣雍城今懷慶府原武縣即古卷縣 西河 河西 秦

繆公送夷吾夷吾謂曰誠得立請割晉之河西八城與秦背約不

與戰于韓虜晉君以歸猷河西地是也秦地東至河秦數易君晉

復疆奪秦河西地孝公元年下令曰三晉攻奪我河西地猷公欲

東伐復穆公之故地惠王六年魏納陰晉十年魏納上郡十五縣

十五 穉經堂

魏世家襄王五年予秦河西地戰國策魏兩用犀首張儀而西河之外亡呂氏春秋吳起去魏西河而泣曰西河之為秦也不久矣吳起果去魏入荆而西河畢入秦魏日以削秦日益大按河西在今陝西同州府及華州之境秦初起岐雍未能以河為界晉強遂跨河而滅西虢兼舊鄭以汾澮為河東故以華陰為西至夷吾許秦割河外列城五東盡虢略河外即河之西虢略古虢國地即今閿鄉靈寶在河之東背約不與戰韓見秦獲歸晉君始征晉河東而河外不必言矣自是秦地始東至河秦在河西晉在河東判若兩戒自秦圍中索隱圍即圃田鄭藪屬魏輿地廣記開封府中穆公始也圃中牟縣有圃田澤為豫州之藪按圃澤在今開封府中牟縣西北七里詩所謂東有甫草也東西五十里南北二十六里高者可田窪者成匯今為澤者八若東澤西澤之類為陂者二十六若大灰小灰文臺括地志在曹州冤句縣西北六十五之類其實一圃田澤耳文臺里索隱云列士傳隱陵君施酒文臺按冤句縣故城垂都郡國志濟陰郡句陽有垂亭陶衛正義陶在山東曹州府境垂都按句陽縣故城在曹縣北陶衛定陶衛楚邱呂氏春秋云舉陶削衛地方六百按定陶平監徐廣曰平曹州府屬縣楚邱今三十里河南衛輝府之滑縣平監縣屬河南

括地志故平縣城在洛州偃師縣西北二十五里史記齊闕止作
監字闕在東平須昌縣按偃師河南府屬縣闕在東平須昌縣
東南今山東汶上縣西
南有闕亭在南旺湖中
山南山北河北河內正義山華山也華山
屬韓汝州屬魏華山之北同華銀綬並魏地河外謂華州以東
至虢陝河西謂蒲州以東至懷衛呂氏曰山南山北指太行嶺
阨索隱云蓋安邑之東山嶺險阨之地卽今蒲州之中條已東連
汾晉之嶮嶮是也通典汾州靈石縣東南有高壁嶺雀鼠谷汾
水關皆險固之處郡縣志河中府元載上建中都議曰有羊腸底
柱之險濁河孟門之限以輶轅爲襟帶與關中爲表裡雷首山一
名中條在河東縣南十五里按中條一名雷首山卽首陽山在
蒲州府城東南三十里雀鼠谷在介休縣西南三十里中都縣故
城在介休縣
東北五十里

韓

蘇秦說韓宣惠王曰韓北有鞏洛成臯之固西有宜陽商阪之塞

東有宛穰洧水南有陘山地方九百餘里司馬錯欲伐蜀張儀

曰不如伐韓

親魏善楚下兵三川塞什谷之口

戰國策云轅轅氏之口當

屯留之道魏絕南陽楚臨南鄭秦攻新城宜陽以臨二周之郊

張儀說韓王曰秦下甲據宜陽斷韓之上地東取成臯滎陽則鴻

臺之宮桑林之苑非王之有也夫塞成臯絕上地則王之國分矣

蘇代約燕王曰秦王正告韓曰我起乎少曲一日而斷太行我

起乎宜陽二日而莫不盡繇我離兩周而觸鄭五日而國舉韓氏

以為然故事秦 范雎謂秦昭王曰韓魏中國之處而天下之樞

也 秦韓之地形相錯如繡秦之有韓也譬如木之有蠹也人之

有心腹之病也天下無變則已天下有變其為秦患者孰大於韓乎王不如收韓王下兵而攻滎陽則鞏成臯之道不通北斷太行之道則上黨之師不下王一興兵而攻滎陽則其國斷而為三夫韓見必亡安得不聽乎戰國策頓子曰韓天下之咽喉魏天下之胷腹

鞏洛周地左傳昭二十六年晉師克鞏周紀惠公封其少子於鞏徐廣曰周比亡之時凡七縣河南洛陽穀城平陰偃師鞏緄氏秦紀莊襄王元年東周君盡入其國韓獻成臯鞏秦界至大梁初置三州郡地理志河南有雒陽縣鞏縣按今洛陽縣鞏縣俱河南成臯通典今汜水唐屬孟州戰國策三晉分智氏地段規謂府屬成臯韓王曰分地必取成臯韓王曰成臯石溜之地也無所用之段規曰不然一里之厚而動千里之權者地利也萬人之衆而破三軍者不意也王用臣言則韓必取鄭矣王曰善取成臯至

韓之取鄭果從成臯始今按晉楚之霸也爭鄭秦之并六國也始

於韓以虎牢成臯之險也秦拔成臯榮陽十九年而韓亡按成

臯今開封汜水縣地一名宜陽六國表秦惠文三年拔韓宜陽

虎牢今汜水縣西有虎牢城宜陽秦武王四年拔宜陽城漢屬弘

農郡正義在洛州福昌縣東十四里通典故韓城在縣東縣城即

魏一金塢城甘茂傳秦武王謂曰欲容車通三川以窺周室甘茂

曰宜陽大縣也上黨南陽積之久矣名曰縣其實郡也今王陪數

險行千里攻之難王使茂將兵伐宜陽五月而不拔大起兵拔之

呂氏曰電池二嶠皆在境內蓋控商阪正義即商山也在商州商

扼之地也按宜陽今河南府屬商阪洛縣南一里亦曰楚山武

關在焉通典商州上洛縣有商山四皓所隱其地險阻王莽命王

級曰繞霸之固南當荆楚史記六國表秦孝公十一年城商塞戰

國策楚魏戰於陘山魏許秦以上洛以絕秦於楚按通典宜陽

商阪即今福昌山及山商今商洛山在商州東南九十里商阪一

作常宛穰正義二地名地理志宛故申伯國穰洧水通典河南密

州新鄭有溱洧二水水經出密縣馬領山又東南流潛水注之又

東過鄭縣南潛水從西北來注之按洧水出許州府密縣馬嶺

山又東過新鄭縣南蓋古鄭城在今新鄭縣治西
 北溱水在北洧水在南亦鄭環衛國都之水也
 家齊桓公以兵侵楚至陘山括地志在鄭州新鄭縣西南三十里
 魏伐楚敗之陘山徐廣曰在密縣蘇秦說楚曰北有陘塞
 山在新鄭縣南三十里蓋陘塞縣巨甚遠楚韓三川韋昭曰河洛
 二國皆恃以爲險在楚爲北塞在韓則爲南塞
 東都也秦什谷之口郡國志河南鞏縣有尋谷水徐廣云什一作
 置三川郡
 經洛水又東北流入于河注云山海經曰洛水成臯西入河是也
 謂之洛汭卽什谷之口按洛汭一名什谷在河南府鞏縣南洛
 水入河
 之處 轅轅緱氏郡縣志河南府緱氏縣古滑國轅轅山在縣東
 按緱氏故城在今河南府偃師縣南二十里緱氏山在偃
 師縣南四十里轅轅關在河南府登封縣西北轅轅山嶺上屯
 之道正義屯潞潞州縣也道卽太行羊腸阪道也括地志屯留故
 城在潞州長子縣東北三十里按今潞安府屯留縣東南
 十里有鄭戰國策注今河南新鄭正義云令楚兵臨鄭南塞轅
 屯留城南鄭轅鄆口斷韓南陽之兵按新鄭開封府屬縣

五之寺言考致

卷四

十八

稗經堂

新城郡縣志河南府伊闕縣古戎蠻子國漢為新城縣伊闕山在

白起攻新城敗韓魏於伊闕按伊闕山鄭地屬韓通典鄭

俗名龍門山在河南府城西南三十里榮陽州榮陽縣故魏國

秦置敖倉楚漢戰京索間是也按榮陽開封府屬縣故城在今

縣西五十里京縣故城在榮澤縣東南三十里大索城在京縣城

西二十里其東北少曲南秦昭王四十二年東伐韓少曲高平拔

之正義括地志高平故城在懷州河陽縣西北四十里俗謂之韓

王城非也周桓王以與鄭竹書紀年云魏襄王四年鄭侯使辰歸

晉陽向更名陽為河雍向為高平則少曲當與高平相近水經注

康溝又東逕扶溝白亭北又東逕少曲亭陳爾風俗傳曰尉氏縣

有少曲亭俗謂小城按扶溝陳州府屬尉太行正義太行山羊

氏開封府屬今尉氏西南四十里有向城太行勝道北過韓上

黨韓世家秦擊我於太行上黨降趙戰國策曰一軍臨榮陽一

軍臨太行則韓請效上黨之地按太行在懷慶府城二十里

韓世家貞子徙居平陽正義晉州城地理志河東平陽縣堯都

陽也在平河之陽括地志晉州城因平陽城東面為之按今為

平陽府治上黨上地按大事記秦昭王十四年韓魏攻秦白起敗之於伊闕又涉河取韓安邑以東至乾河四十五

年白起拔韓野王絕上黨道韓獻上黨於秦上黨守馮亭以郡降趙四十七年秦王齧攻上黨拔之四十八年白起分軍為三使王

齧拔趙武安皮牢司馬梗北定太原盡有上黨地莊襄王三年王齧攻上黨諸城悉拔之初置太原郡戰國策所謂兩上黨者蓋在

韓魏之間猶安邑魏地而云取韓安邑也上地上黨之地也荀子曰韓之上地方數百里而趨趙趙不能凝也故秦奪之

上黨郡治長子縣後周始置潞州今以上黨省入潞安府屬山西省

齊

管仲曰賜我先君履東至於海西至於河南至於穆陵北至於無

棣蘇秦說齊宣王曰齊南有泰山東有琅邪西有清河北有渤

海此所謂四塞之國也齊地方二千餘里帶甲數十萬即有軍旅

未嘗倍泰山絕清河涉渤海也臨菑之中七萬戶臣竊度之不下
戶三男子三七二十一萬不待發於遠縣而臨菑之卒固已二十
一萬矣韓魏之所以重畏秦者爲與秦接境壤界也今秦之攻齊
則不然倍韓魏之地過衛陽晉之道經乎亢父之險車不得方軌
騎不得比行百人守險千人不敢過也然則秦之不能害齊明矣
荀卿子說齊相曰今巨楚縣吾前大燕鱗吾後勁魏鈞吾右西
壤之不絕若繩楚人則有襄賁開陽以臨吾左是一國作謀三國
必起而乘我如是則齊必斷而爲四三國若假城然耳 春申君
曰齊南以泗水爲境東負海北倚河而無後患 韓非曰清濟濁

河足以爲限長城鉅防足以爲固蘇代曰天時不與雖有清濟濁

長城鉅防惡田肯曰齊東有琅邪卽墨之饒南有泰山之固西有

濁河之限北有渤海之利地方二千里持戟百萬此東秦也

穆陵 無垓唐志沂州沂水縣北有穆陵關郡縣志通典有穆陵

山在沂水縣北一百九十里滄州鹽山縣本齊無棣

邑滄州無棣縣南臨無棣溝因爲名水經注清河又東北無棣溝

出焉東逕南皮縣故城南按穆陵關在青州府臨朐縣東南

百五里無棣是齊西北邊境其地廣莫現跨兩省通典云鹽山無

棣之邑元其於地分置兩無棣縣今北直天津府之慶雲山東武

定府之海豐皆元所分無棣之名皆以無棣齊世家齊自泰

溝得名春秋置邑安得如此之大通典失之泰山山屬之琅邪北

被于海膏壤二千里貨殖傳泰山其陽則魯琅邪山海經云琅邪

其陰則齊按今泰安府泰安縣北五里琅邪臺在勃海間琅

邪之東括地志密州諸城縣東南百七十里有琅邪臺越王句踐

觀臺也琅邪山在縣東南百四十里始皇立層臺於山上按故

二十 碎經堂

琅邪城在青州府諸城縣東清河通典春秋屬齊後屬晉七國屬

南一百五十里琅邪山下趙地理志趙東有清河齊北有

清河以南水經注地理風俗志曰甘陵郡東南十七里有清河故

城此謂之鵲城清河又東北逕清陽縣故城西漢高帝置清河郡

治此按清陽縣今東昌府清平縣勃海漢置勃海郡今滄棣

地清河郡治所今東昌府息縣地勃海濱諸州之地宋文帝置

樂陵郡孝武分置渤海郡後魏改勃海為滄水置滄州地理志齊

北有渤海之高樂高城重合陽信趙得渤海郡之東平舒中邑文

安東州成平章武河以北按今自平州碣石南至登州沙門島

皆為勃海即少海也孔穎達曰齊地當盡樂安北海之東界今濟

南東北境皆濱海青州之博興壽光濱勃海沂州之日照濱大臨

海登萊二府三面距海當其北者為渤海當其東南者大海也留

留齊國都也地理志屬齊郡臨留名營邱海岱之間一都會也留

水出泰山萊蕪縣原山詩正義云今齊之城內有邱即營邱也

淄水過其南及東以邱臨水謂之臨淄正義衛地

按故齊城今在山東青州府臨淄縣城北衛陽晉之道曹濮等州

也陽晉在曹州乘氏縣西北三十七里索隱陽晉魏邑蓋適齊之

道在衛國之西南按乘氏縣故城一在曹州府鉅野縣西南

在府屬曹 亢父之險 漢縣屬東平國正義故縣在兗州任城縣南

縣界內 陽曹操曰布一旦得一州不能據東平斷亢父泰山之道乘險要

我而乃屯濮陽吾知其無能為也 按鄆今濮州東昌府屬亢父

故城在濟寧 襄賁開陽 廢入沂州臨江縣故縣在縣南開陽本鄆

州南六十里 國春秋叔孫州仇城啟陽是也後廢入臨沂故城在縣南

賁縣今江蘇淮南府安東縣地臨沂縣故城在沂州府境東北三

十里有中邱城沂州府北十五里有 清濟 濁河 左傳哀十一年

開陽故城本鄆國後屬魯名啟陽也 齊伐我及清注

濟北盧縣東有清亭水經濟水自魚山北逕清亭東注云今濟北

東阿東北四十里有清亭春秋所謂遇于清也水色清深馬頰水

東注于清濟謂之馬頰口清濟即此水也孟康曰齊西有平原河

水東北過高唐孟津號黃河故曰濁河正義云濟深二水上承黃

河並淄青之北流入海黃河又一源從洛魏二州界北流入海亦

齊西北界 按盧縣清亭今為濟南府之長清縣東阿清亭今為

泰安府東阿縣蓋當時濟水流于二邑之間而清池跨占其左右

故二國皆得有清也古九河故道大抵在河間成平以南平原鬲

二二 字 事 今 文 二 二 日 廿一 粹 經 堂

縣以北九河徒駭最西以次而東計齊長城鉅方齊記云齊宣王之東境當在最西徒駭是其西界耳長城鉅方乘山嶺之上築

長城東至海西至濟州千餘里以備楚郡國志濟北盧縣有平陰城有防門有長城至東海正義長城西在濟州平陰縣界竹書紀

年梁惠成王二十年齊閔王築防以為長城泰山記云泰山西有長城緣河經泰山餘千里至琅邪臺入海按故平陰城在今泰安府平陰縣東北三十五里戰國時七國皆有長城齊城泗水出

即托始于防門郡縣志故長城首起平陰縣二十九里泗水出州泗水縣至淮陽宿遷縣入淮從征記洙泗二水交于魯城東北

十七里今在曲阜縣東北八里自泗水縣流入境入嶷陽縣界即墨郡縣志故城在萊州膠水縣東南六十里本漢舊縣田單守

屬膠東北齊併入膠水隋復置屬萊州城臨墨水故曰即墨田肯

調琅邪即墨之饒顏氏云二縣近海財用所出按即墨縣今為

萊州府屬

楚

蘇秦說楚威王曰楚天下之疆國也西有黔中巫郡東有夏州海陽南有洞庭蒼梧北有陘塞郟陽地方五千餘里大王不從秦必起兩軍一軍出武關一軍下黔中則鄢郢動矣張儀說楚王曰秦西有巴蜀方船積粟起於汝山浮江已下不至十日而距扞關扞關驚則從竟陵以東盡城守矣黔中巫郡非王之有也秦舉甲出武關南面而伐則北地絕秦之攻楚也危難在三月之內而楚待諸侯之救在半歲之外此其勢不相及也蘇代約燕王曰秦告楚曰蜀地之甲乘船浮於汶乘夏水而下江五日而至郢漢中之甲乘船出於巴乘夏水而下漢四日而至五渚寡人積甲宛

東下隨智者不及謀勇者不及怒寡人如射隼矣王欲待諸侯之
 攻函谷不亦遠乎楚王為是故十七年事秦荀子議兵曰汝穎
 以為險江漢以為池限之以鄧林緣之以方城然而秦師至而鄢
 郢舉若振槁然是豈無固塞隘阻也哉其所以統之者非其道故
 也淮南兵略訓曰楚地南卷沅湘北繞潁泗西包巴蜀東裹郟
 淮潁汝以為洫江漢以為池垣之以鄧林綿之以方城山高聳雲
 谿肆無景戰國策曰楚包九夷又方千里內有符離之塞北有
 甘魚之口

黔中

正義今朗州楚黔中郡漢更名武陵括地志故城在辰州
 沅陵縣西二十里今黔府亦其地按今湖南常德府

巫

郡括地志在夔州東通夔州巫山縣楚置巫郡秦漢為南郡巫
縣巫山在西南按巫縣今四川夔州府巫山縣故楚之巫郡
也湖北宜昌府巴東縣左傳宣十一年楚復封陳鄉取一人
地其故城在巫山縣界夔州焉以歸謂之夏州正義云大江中州
也按今在湖北海陽劉氏云楚之東洞庭索隱今青草湖正義
武昌府江夏縣海陽境正義未詳洞庭湖在岳州巴陵
縣西南一里又有洞庭山在湖中心吳起曰三苗氏左彭
蠡右洞庭按今在岳州府城西君山一名湘山書云九江即今
之洞蒼梧正義蒼梧山在道州南檀弓舜葬於蒼梧之野文穎曰
庭也蒼梧九嶷山半在蒼梧半在零陵按蒼梧山海經注云山
今在零陵營道縣南道州守遠縣有九疑山今在永
州府寧遠縣南六十里營道縣今永州府屬道州地汾涇之塞戰
策南有汾涇之塞今按涇塞其說有三山海經有少涇之山太平
御覽謂在蒙陽則正義新鄭近之滎陽春秋為鄭戰國為韓蓋南
北之隘道禁為塞以禦北方故蘇秦於韓曰南有涇山於楚曰北
有涇塞其地一也楚漢之際亦于此決勝負焉左傳楚子庚治兵
於汾注云襄城縣東北有汾邱城今襄城屬汝州汾涇之塞蓋在
汝鄭二州按涇山在今河南許州府鄆城縣南又新鄭亦有涇

山在縣南三十里汾邱在今郇陽漢地理志漢中旬陽縣輿地廣

末為西城郡魏得之改魏興申儀為太守屯洵口蜀蔣琬欲出漢

謂郇陽即旬陽也徐廣以為順陽索隱以為郇郇楚人對頃襄王

新陽皆非也按洵陽縣陝西與安府屬郇郇曰秦左臂據趙

之西南右臂傳楚郇郇擊韓魏垂頭中國處既形便勢有地利

正義郇故城在襄州率道縣南九里郇故城在荊州江陵縣東北

六里秦兵出武關則臨郇矣下黔中則臨郇矣地理志南郡宜城

故郇江陵故楚郇都楚文王自丹陽徙此後九世平王城之後十

世秦拔郇徙陳郇都西通巫巴東有雲夢之饒亦一都會也按

楚都郇今為湖北荊州府治江陵縣今紀南城在荊州府治北十

里郇為楚別都今襄陽汶山地理志蜀郡湍氏道嶠山在西徼外

府宜城縣西南九里汶山江水所出東南至江都入海輿地廣

記在茂州汶山縣西北俗謂之鐵豹嶺禹之薰江發跡扞關楚世

于此按汶山在茂州南山之附口羊膊江水所出扞關楚世家

王四年蜀伐楚取茲方於是楚為扞關以待之郡國志巴郡魚復

縣有扞關李熊說公孫述曰東守巴郡拒扞關之口正義華陽國

志云巴楚相攻伐故置江關陽關括地志陽關今涪州永安縣治
 陽關城也扞關今峽州巴山縣界故扞關是江關今夔州魚復縣
 南二十里江南岸白帝城是後漢岑彭傳公孫述遣將乘枋筭下
 江關注云舊在赤甲城後移在江南岸對白帝城故基按古捍
 關在湖北宜昌府竟陵漢屬江夏越世家竟陵澤楚之材也輿地
 長陽縣南七十里竟陵廣記復州竟陵縣秦白起攻楚拔郢東至
 竟陵晉竟陵郡改治沔陽按今汶巴地理志蜀郡有汶江縣
 湖北安陸府天門縣即古竟陵縣汶巴水經江水自天彭關東
 逕汶關而歷氏道縣北注汶出繳外嶠山西玉輪坂下郡縣志渝
 州古巴國閬白二水曲折如巴字故謂之巴正義巴嶺山在梁州
 南一百九十里蘇代云輕舟浮于汶乘舟出於巴謂汶江也
 按汶山在四川茂州南江水所出汶江縣今四川緜州安縣地
 玉輪江在茂州汶川縣地蘇代所云蜀地之甲浮汶下江五日至
 郢謂是水也巴國今保寧府巴州重慶府巴縣地巴嶺山一名大
 巴山在陝西漢中府西鄉縣界接巴五渚裴駟云戰國策秦破荆
 州界巴江在巴縣東北一名內江五渚襲郢取洞庭五渚然則
 五渚在洞庭水經注湘水沅水微水澧水隨今隨州左傳漢東之
 凡此四水同注洞庭北會大江名之五渚隨國隨為大春申君日

五之寺事考後
 廿四
 稗經堂

韓魏必攻隨水右壤正義楚都陳而隨故國汝穎左傳楚文王縣

在西安是楚右壤按今湖北德安府隨州汝穎申息朝陳蔡封

眇於汝晉師與楚師注穎而軍按汝水出河南汝州魯山縣東

北經伊陽至汝州南又東南經寶邾南入南陽府裕州歷許州府

之襄城郟城南至汝寧府西平境至穎州南而入于淮其自南陽

已下皆楚境也穎水出陽城山東至下蔡入淮在今安徽穎州府

穎上縣與鳳陽府壽州接界江漢詩滔滔江漢南國之紀左傳楚

荀子曰楚汝穎以為險是也江漢漢水以為池江漢睢漳楚之望

也楚世家先王受封望不過江漢上地名云江經南鄧林荀子楚

郡江夏弋陽安豐漢經襄陽至江夏安陸縣入江鄧林界鄧地

之山林淮南子注沔水上險按史記楚阻之以鄧林劉氏以為

今襄州南鳳林山是古鄧侯之國故云阻以鄧林疑鄧林即桃林

也鄧桃音相近其方城左傳方城以為城注云方城山在南陽葉

地則楚之北境也方城縣南郡國志在汝州葉縣西南十八里淮

南子九塞荆阮方城皆在楚地理志葉縣有長城號曰方沅湘地

城按即今河南南陽府裕州東北四十里葉正在州北沅湘理

志沅水出牂柯郡故且蘭縣東南至益陽入江湘水出零陵郡零

陵縣陽朔山北至鄱入江山海經沅水出象郡鐔城西入東注江

陵縣陽朔山北至鄱入江山海經沅水出象郡鐔城西入東注江

入下雋西合洞庭中郭云湘水出零陵營道縣陽朔山入江按

沅水源出四川播州今貴州遵義府地流經湖南沅州府辰州

府入常德府界經桃源縣又經龍陽縣北入洞庭湖水源出廣西

桂林府興安縣海陽山一名陽海山北行至柳州府入梧州府界

至桂林府入湖南永州府與瀟水合曰瀟湘經祈陽縣至衡州府

與烝水合曰烝湘與沅州府沅水合曰沅湘自衡州府北流三十

六灣入 郟淮 地理志東海郟縣故國水經注故城在下邳縣東北

洞庭 一百五十里楚人對項襄王曰膺擊郟國大梁可得

而有也蘇代遺燕王書曰驅韓魏以伐齊曰必反宋地歸楚淮

又見齊王曰有淮北楚之東國危 按郟沂州府郟城縣淮北即

下蔡縣蓋自哀二年吳遷蔡于州來謂之下蔡由是壽春城在淮

之南下蔡城在淮之北相去三十里來淮為國今壽州治即古壽

春縣為楚考烈王所築州北三 九夷 李斯曰惠王用張儀之計南

云屬楚 苻離之塞 宿州苻離縣漢屬沛郡南臨汴河 甘魚之口 左

昭十三年楚公子比次于魚陂注云竟陵縣城西北有甘魚陂水

經注竟陵城旁有甘魚陂按戰國多以水攻故守甘魚之口 按

今在湖北安陸府天門縣冥阨之塞即郟阨○呂氏春秋淮南子

西北天門縣即古竟陵縣九塞此其一也左氏定四年

楚左司馬戌曰還塞大隧直轅冥阨春申君傳秦踰崑隘之塞而

攻楚楚世家楚人曰涉郟塞而待秦之倦也正義申州羅山縣本

漢郟縣有平靖關蓋古郟縣之阨塞劉伯莊云秦兵向楚有兩道

涉谷西道河外東道從褒斜入梁州即東南至申州汝石城山陰

阨之塞也按今在河南汝寧府信陽州東南九十里湖北德安府應山縣北六十五里一名平靖關

燕

蘇秦說燕文侯曰燕東有朝鮮遼東北有林胡樓煩西有雲中九

原南有滹沱易水地方二千餘里南有碣石雁門之饒北有棗栗

之利此所謂天府者也秦之攻燕也踰雲中九原過代上谷彌地

數千里雖得燕城秦計固不能守也秦之不能害燕亦明矣今趙

之攻燕也發號出令不至十日而數十萬之軍軍於東垣矣渡噓
沱涉易水不至四五日而距國都矣故願大王與趙從親天下爲
一則燕國必無患矣 蘇代見燕王曰天下戰國七燕處弱焉獨
戰則不能有所附則無不重南附楚楚重西附秦秦重中附韓魏
韓魏重 張儀說燕昭王曰今大王不事秦秦下甲雲中九原驅
趙而攻燕則易水長城非王之有也 韓非子曰燕襄王以河爲
境以薊爲國襲涿方城殘齊平中山有燕者重無燕者輕

朝鮮 地理志元菟樂浪郡皆朝鮮濊貉句驪皆夷殷道衰箕子居
之朝鮮朝鮮朝鮮王傳滿燕人自始燕時嘗略屬真番朝鮮爲置
吏築嶂秦滅燕屬遼東外繳漢興爲遠難守復脩遼東故塞至涓
水爲界屬燕滿東走出塞度涓水居秦故空地上下障王之都王

險城括地志高驪平壤城本遼東地理志燕地東有遼東匈奴傳

漢樂浪郡王險城即古朝鮮因之東通樂浪晉置平州後

州遼水之東是也燕遼東郡秦漢因之東通樂浪晉置平州後

魏時高麗國都其地唐置安東都護府按遼東今盛京

中九原正義二郡並在勝州雲中故城在榆林縣東北四十里九

縣本秦九原郡按匈奴傳趙武靈王置雲中趙世家云地西至雲

中九原按勝州今陝西榆林府榆林縣附府首邑雲中郡今大

同府地九原縣故址在大同府城西北五百里漢

郡故址在大同府西北四百二十里五原城在榆林府神木縣地

噶沱地理志序沱河自代郡鹵城縣東至參合東至文安入海并

山滹沱之水出焉在今代州繁峙縣東流經定州深澤縣東南即

光武所渡處猶謂之危渡口按水出今山西代州繁峙縣北秦

戲山東易水地理志易水出涿郡故安縣閭鄉東至范陽入濡亦

注勃海易水入涿并州寢郡縣志易水在涿州歸義縣南二十五

里按易水在保定府安州城之北源自府境曹河徐河石橋河

一畝泉河滋河沙河鴉兒河唐河至此合流為易水又至雄縣南

為瓦濟河過碣石地理志大碣石山在右北平驪城縣西南通典
 沽直入于海碣石平州盧龍縣在碣石山碣然而立在海旁晉太
 康地志秦築長城所起自碣石在今高麗界非此碣石也括地志
 在盧龍縣南二十三里史記驩衍如燕昭王築碣石宮親往師之
 正義云碣石宮在幽州薊縣三十里寧臺之東水經在遼西臨渝
 縣南水中按碣石山在今直隸永平府昌黎縣西北二十里
 鴈門匈奴傳趙武靈王置鴈門郡李牧常居代鴈門備匈奴山海
 經雁門之山無草木注云即北陵西隄鴈之所出因以名云
 在高柳北按雁門山在代上谷匈奴傳趙置代郡燕置上谷郡
 山西代州北三十三里代上谷按代城在宣化府蔚州東二
 十里上谷郡治故城東垣趙攻中山取東垣與地廣記真定府真
 在延慶州城西北東垣定縣本中山之東垣邑漢十一年陳豨
 將趙利守東垣高帝攻拔之改曰長城匈奴傳燕築長城自造陽
 真定按今直隸正定府正定縣長城至襄平置上谷漁陽右北
 平遼西遼東郡以距胡通典麟州銀城縣五原塞即縣北所謂光
 祿塞晉太康地志北地郡行尤百里得五原塞又北出九百里得
 造陽即此按造陽地在上谷韋昭云未詳孰是襄平縣今盛京
 奉天府屬遼陽州地光祿塞即光祿城今在陝西榆林府神木縣

廿七 稗經堂

境 薊 樂毅善薊邱水經注今城內西北隅有薊邱因邱以名邑猶

薊門在順天府城界薊縣今 涿方城 應劭云涿水出上谷涿鹿縣

水經注聖水自涿縣東與桃水合東逕涿縣故城下與涿水合聖

水又東逕方城縣故城李牧伐燕取方城是也王肅曰今涿郡方

城縣有舊韓城郡縣志方城故城在涿州固安縣南十七里本燕

舊邑 按涿縣即涿州地涿鹿縣今宣化府保安州地方城縣即

順天府固 中山 通典定州安喜縣古中山鮮虞國也新樂縣鮮虞

安縣地 中山 左氏定四年傳荀寅曰中山不服威烈王十二年

中山武公初立郡縣志定州春秋時鮮虞白狄之國戰國時為

孟子時事考徵卷第四 終

涇城東門內雙桂齋鐫

孟子年譜序

余讀史遷書見孔子生卒出處年月具載而於孟氏列傳疏漏特甚由是言人人殊遵涑水者多牴牾龍門信紫陽者輒齟齬汲冢有非二千年後人所能懸決者竊謂以他說解經不如就經證經之尤足據也史稱孟子兩至齊一至魏他無聞焉按公孫丑問夫子加齊之卿相而曰我四十不動心知其爲四十歲以後之言充虞問夫子若有不豫色然而曰由周而來七百有餘歲知其爲八百歲以前之言是孟子前客齊當在周顯王三

十七年己丑至四十五年丁酉九年之間去齊乃之宋
之薛以陳臻問魏知之也去薛乃由鄒之滕以世子過
宋然友之鄒知之也然合之亦不過一二年周顯王四
十八年庚子齊封田嬰于薛而孟子在滕矣明年爲慎
靚王之元年辛丑孟子至梁明年壬寅惠王卒襄王立
而孟子去梁在梁者甫二年不若前居齊之久也于是
復自梁之齊爲齊卿又自齊葬母於魯居喪三年反於
齊而當齊人伐燕至周赧王三年己酉燕人畔而孟子
去齊前後在齊者又閱七八年矣夫然而復之宋與戴

不勝語稱宋王其在君偃僭王之後可知也夫然而卒
之魯觀臧倉言後喪踰前喪其在葬母反齊之後又可
知也君薨然後稱諡齊宣王梁惠王梁襄王滕定公滕
文公鄒穆公魯平公之諡皆見於經則孟子之年八十
有四信也今卽以其書比而屬之上自烈王已酉下迄
赧王壬申尊周以志統次魯以紀宗附七國以觀時變
之齊而不之秦楚者闕從衡也之魏而不之韓趙者據
腹心也之鄒之任之宋之薛之勝而卒不之燕者懼與
齊爲難也大都前居魯者四十年後歸魯者二十年中

間傳食諸侯祇二十三四年事蹟耳余舊輯孟子年譜
藁藏篋中久未敢問世也自之官秦中舉龐氏遠交近
攻之遺目驗者半墳又購得孟子年表抄本數頁與山
東通志闕里文獻考諸說參互校訂分上下二卷綴集
成書非曰爲史傳補亡亦示尚論者讀七篇之法云爾
嘉慶十年孟冬之月蕭山曹之升自叙

孟子年譜卷上

蕭山曹之升

安康張鵬

巳酉周烈王魯共公四月二日孟子生歲

齊威王魏武侯十五年○七年哀侯趙成侯趙肅王

燕桓公秦獻公十三年○宋得書其鄒任勝薛不記

世者蓋舊史失之也

衛伐齊取薛陵山東通志薛陵城在陽穀縣西南境齊邑○趙伐衛取

都鄙七十三綱目集覽按禮十邑○魏敗趙師于

北蘭地理志蘭屬西河郡正義曰今屬石州在趙之西北故或云趙北蘭○譜於列國之事無

孟子年譜卷上



不書者論孟
子之世也

魯自伯禽就國九世而為桓公桓公子四長為莊公
其次庶子慶父叔牙季友是為三桓慶父之後初號

仲孫其後更稱孟孫示不敢伯仲莊公也傳至激公

宜闕里志先賢孟孫氏諱激字公宜孟軻父或云
名彥璞按孟氏五經博士五十九代彥璞字朝璽

隆慶元年襲職子承光則彥璞非孟子父名也娶仇氏而生孟子闕里志孟

母夢神人乘雲霧攀龍鳳自泰山來將止於嶧母疑

神久之忽片雲墜而寤間巷皆見五色雲覆孟氏居

而孟子生焉孟氏譜周定王三十七年己酉四月二

曰孟子生按竹書定王止二十八年無三十七年一
誤也定王自癸酉元年至庚子王陟有己亥無己酉
二誤也據譜稱孟子卒於周赧王之二十六年壬申
年八十四若謂生於定王之己亥則孟子年當一百
五十四尤必無之事陳氏士元曰孟子當生安王時
定字乃安字之誤按安王自庚辰元年至乙巳王陟
凡二十六年亦有己亥無己酉若生於安王之己亥
則孟子年亦當九十四皆與譜不合惟自赧王之二
十六年逆而溯之至烈王之四年己酉適八十有四

孟子明明自云由孔子而來百有餘歲孔子卒於敬
王壬戌距烈王己酉一百八年與孟子合是孟子年
表謂生於周烈王四年魯共公五年者較孟氏譜足
據書周以志統也書魯以紀宗也孟子魯人故於其
生特書魯也然世居於鄒何以知其爲魯人譚氏貞
默孟子編年畧曰孟子爲孟孫氏後學者或疑之愚
獨以爲信也觀孟子書不侵及魯三桓一語獨稱孟
獻子百乘之家友德不挾以比於小國費惠公之師
子思大國晉平公之尊亥唐上溯堯舜以天子友匹

夫其所以述祖德者不亦淵遠哉又謂史傳本云孟子鄒人不云鄒國人如云子路弁人曾子武城人不言魯明乎弁武城鄒皆魯下邑也孟子書云自齊葬於魯不云葬於鄒因其時邾國亦改爲鄒慮鄒國鄒邑後人失考者或疑爲一故葬母大事特書自齊葬於魯明魯爲父母之邦也余謂孟子之非邾人辨有五焉邾魯世敵仇也春秋季孟屢伐邾戰國時猶聞鄒與魯鬪孟子爲孟孫後則安得爲邾人其辨一孔子生故鄒城卽叔梁紇所治所謂鄒人之子也孟子

亦生於其鄉故曰近聖人之居若此其甚邾在竟北
青境鄒在竟南徐境安得云甚其辨二樂正子曰君
奚爲不見孟軻君前臣名也孟子曰吾之不遇魯侯
天也卽孔子吾舍魯何適意或謂其不似本國臣民
之言則鄒人與楚人戰一語又豈鄒人所肯出哉其
辨三曰後喪踰前喪孟子少孤則前喪皆其母自爲
之臧氏與孟子同姬姓各氏者使其在邾臧氏之子
何由知之若是之悉其辨四魯欲使樂正子爲政魯
欲使慎子爲將軍曰欲使者猶未使之辭也孟子不

居魯又何以聞之若是之蚤其辨五然則孟子世爲
魯人趙氏題辭謂三桓子孫既以衰微分適他國固
未足信而史記索隱所爲本邾人徙鄒之說亦不然
也綱目孟軻至魏不書鄒人者天下之辭也譜於孟
子之生不書鄒亦爲天下也

戊庚
周 烈王 魯 共公 孟子 二

魏 武侯擊十六年卒子 韓 哀侯六年韓嚴遂弑其君
罃立是爲惠成王 而子懿侯立。譜於列國

之君書卒書立書改元書改國無大故
則不書省文也亦不使與周魯例也

魏敗楚取魯陽 地理志云今汝州魯山縣也 趙與

秦戰高安

正義曰蓋在河東

敗之○楚伐齊齊使淳于髡

請救于趙楚師還

按此則淳于髡當威王初已為諸侯主客至宣王喜文學游說

之士始賜列第為上大夫而孟子至齊矣

孟子年表庚戌二歲魏惠王即位特書魏為孟子紀

遊也他日書齊宣王書魯平公書滕文公皆是也按

史記魏世家六國表並云惠王在位三十六年始辛

亥終丙戌襄王十六年始丁亥終壬寅哀王二十三

年始癸卯終乙丑竹書紀年則以襄王十六年上繫

於惠成王以為其改元後之年而自癸卯以後記二

十年事謂之今王今王者杜預以爲哀王是是竹書
有哀王無襄王史記有襄王又有哀王世本則又有
襄王而無哀王司馬公以魏史書魏事必得其真故
通鑑從竹書紀年而不從史記以惠王在位凡五十
二年始辛亥終壬寅又不從杜預所云之哀王而從
世本所有之襄王以襄王在位凡二十三年始癸卯
終乙丑余以梁惠王篇晉國天下莫強焉章經文證
之通鑑較是惟世家年表又云子囀生于魏文侯三
十五年辛巳三十八年文侯卒武侯立凡十六年而

後惠王立年已三十矣若如紀年文侯五十年卒武侯二十六年卒以生辛巳計之惠王元年已五十三立三十六年又改後元十六年惠王不百有四歲乎是則惠王在位之年當從竹書其文侯武侯之年仍從史記爲合惠王蓋八十有二歲耳不書梁時未徙梁也不稱惠成王遵孟子也

辛亥 周烈王 魯共公 孟子 三有父之喪

魏惠王 韓懿侯 元年 ○ 楚肅王 十一年卒 無子立

宋 辟公 辟兵 三年卒 子剔成立 ○ 徐廣曰 一云辟公 兵索隱曰 名辟兵 宋後微弱 君薨 未必有諡 辟兵

其名也余按宋世家辟公以上景昭悼休皆以謚稱
卽戰國策呂氏春秋亦並謂偃謚康王則宋未必無
謚或名辟兵謚辟耳然紀年作桓侯璧兵則又當謚
桓惟剔成之謚史失之王邵按紀年云宋剔成肝廢
其君塵而自立肝其名也
豈剔成亦謚邪不可考已

齊威王朝周

綱目齊侯來朝書
來朝何嘉尊周也

趙伐齊于鄆

正義曰鄆

州鄆

城縣威王封卽墨大夫烹阿大夫

正義曰卽墨萊
州膠水縣南卽

墨故城是也阿卽祝
阿今東平府東阿縣

○趙伐魏敗濁澤圍魏惠王

徐廣曰長社有濁澤非也括地志云濁水源出蒲
州解縣東北平地爾時魏都安邑韓趙伐魏豈河
南至長社也當是解縣濁水近於魏都初武侯卒
也子罃與公中緩爭爲太子韓懿侯乃與趙成侯
合軍并兵以伐魏戰于濁澤魏氏大敗魏君圍趙
謂韓曰除魏君立公中緩割地而退我且利韓曰

不可殺魏君人必曰暴割地而退人必曰貪不如
兩分之魏分爲兩不疆於宋衛則我終無魏之患
矣趙不聽乃解而去太史公曰魏惠王之所以身
不死國不分者三家之謀不和也若從一家之謀
則魏必分矣 ○韓懿侯趙成侯遷晉桓公于屯留括地志云屯留故城在潞州長子縣東北三十里本漢屯留縣城也按紀年魏武侯以桓公十九年卒二十年韓趙遷桓公于屯留以後更無晉事三家分晉而是役不與魏共者時三家方與惠王不合也

孟子年表辛亥三歲父激字公宜卒母仇氏鞠之按

家語孔子生三歲而叔梁紇死題辭但載孟子生有

淑質夙喪其父並未記在何歲列女傳則有三歲喪

父之說與孔子同禮子生三月父執手而名之王肅

聖證論謂孟子少居坎河故名軻既孤且貧於此可見鄭樵通志氏族畧曰季友之後傳家則稱季孫不傳家則去孫稱叔故曰以族系爲氏激公宜孟孫之後去孫稱孟者不傳家也田齊世家田太公相齊宣公宣公四十八年取魯之郕郕孟氏邑也孟氏之不傳家久已要其子孫度亦不失爲士樂正子與魯侯言前以士者謂葬以士也其初母以士葬之其旣孟子亦祇以士祭之至爲卿於齊母氏卒而後易三鼎爲五

鼎此正禮義田賢者出也若其時孟子不過如禮所

云孺子慕而已棺槨衣衾初非其所自主而顧以為

後喪之踰哉

陽里志延祐三年六月追封亞聖鄒國公父為邾國公母為邾國宣獻夫人制

曰由孔子至於孟子百有餘歲而道統之傳獨得其

喪母以三遷之教勵天下後世推原所自功莫大焉

子周

烈王喜七年陟弟顯王扁立

魯共公孟子四歲

楚

宣王元年宋君別成元年

魏敗韓于馬陵

綱目集覽馬陵徐廣曰在魏州元城東南十里正義曰虞喜志林云

濮州鄆城東北六十里有陵澗谷深峻可以置伏按龐涓敗在此徐說非敗趙于懷集覽

懷古河內也按韓詩外傳武王伐紂禱于邢正更名邢正曰懷括地志云故懷城在今懷州武陟縣西十里此忠王好戰之始報濁澤也魏大夫王錯出奔韓○秦民大疫日蝕桃冬華

孟子年表壬子四歲有三遷等事按列女傳云母有賢德挾其子以居始舍近墓孟子之少也嬉戲爲墓間事踴躍築埋孟母曰此非所以居子也乃去舍市乃嬉戲爲賈街事母曰又非所以居子也遂徙舍學宮旁其嬉戲乃設俎豆揖讓進退母曰此真可以居子矣遂居之余謂孔孟皆少孤聊大夫有采地以處

其子孫而孟孫致失封邑伶丁孤苦殆有甚焉史載
 孔子為兒嬉戲常陳俎豆設禮容此在天縱之聖則
 然孟子被慈母之教其陳設揖讓一如孔子他年願
 學之志實自母氏成之然則觀孟子之得亞於聖人
 不益歎孟母之較難於聖母也哉史記孔子世家孔
 子生魯昌平鄉陬邑索隱曰孔子居魯之鄒邑昌平
 鄉之闕里也正義曰括地志云故鄒城在兗州泗水
 縣東南六十里昌平鄉在泗水縣南六
 十里孔子生昌平鄉蓋鄉取山為名故闕里在泗水
 縣南五十里輿地志云鄒城西界闕里有尼丘山按
 今尼丘山在兗州按山東通志鄒邑在鄒縣北三十
 鄉闕里即此也

餘里聖父叔梁氏所宰邑謂之叔梁城見地形志昌

平鄉在鄒縣東北四十里孔子生于昌平鄉卽此孟

子故里在縣北三十里傅村按通志傅村孟子所生地也宅前有池大數畝

水冬夏不涸名孟母池一在鄒縣南門外世傳三徙學宮旁也有曝書臺古鄒邑亦在今

鄒縣界內譚氏謂以邑則孔孟皆鄒人以國則孔孟

皆魯人鄒魯可合孔孟而稱不可分孔孟而稱是也

又按子思講臺在鄒縣治東相傳子思授徒於此中

庸精舍在鄒縣城東南隅相傳子思作中庸處闕里

文獻考魯之鄒邑孟子故宅之側舊有子思書院真

元初徙置於孟子曝書臺西與孟母斷機祠鄰永樂
初又徙置曝書臺東與斷機祠相直古跡荒遠多不
可考或子思教學之地其門人多居之者傳所稱三
徙學宮之旁當卽指此則孟子之爲魯人益信已

癸丑周顯王九年魯共公孟子五歲

鄭懿侯三年○竹書安王二十一年韓滅鄭哀侯入
于鄭烈王二年晉相公邑哀侯于鄭顯王元年鄭
城邢止自此韓改稱曰鄭索隱曰戰國策謂韓惠王
曰鄭惠王猶魏徙大梁稱梁王然特書之亦所以證
孟子也

河水赤于龍門三日
漢書地理志龍門山在馮翊夏陽縣北
○齊敗

魏觀正義曰魏州觀城縣古之觀國國語云觀國夏啟子太康第五弟之所封也

○趙
正義曰齊長城西頭在齊州平陰縣泰山記云泰山西北有長城緣河經

泰山千餘里瑯琊入海括地志與鄭攻周明年遂云所侵處在密州南三十里也

○鄭城邢正徐廣曰以兩家稱首惡焉

甲寅周顯王二年魯共公孟子歲

鄭趙分周為東西雖返國然以子朝餘黨多在王

城乃徙都成周而王城之都廢至考王封其弟揭於王城以續周公之官職是為周桓公自此以後

東有王西有公而東西之名未立也桓公生威公威公生惠公惠公之少子班又別封於鞏以奉王

是為東周惠公父子同諡以鞏與成周皆在王城之東故班之兄則仍襲父爵居于王城是為西周

武公以王城在成周之西故自此以後西有公東亦
 有公二公各有所食而周尚為一也顯王二年
 趙韓分周地為二二周公治之王寄焉而已矣周
 之分東西自此始九年東周惠公卒子傑嗣慎靚
 以上皆在東赧王立始遷于西周即王城舊都也
 史記云王赧時東西周分治今按顯王二年已分
 為二不待此時矣前建都以鎬京為西周對洛邑
 為東周後二公封邑以王城為西周對成周為東
 周余按周赧王卒于乙巳明年丙午秦遷西周公
 而東周君猶存也王子秦遷東周君而周遂不祀
 王厚齋謂作史者當自丙午至壬子繫周統于七
 國之上乃得春秋存陳之義大事記周赧後即繫
 秦朱子以為未當綱目以七國如楚漢並書之是
 時王居東周故國策先東鮑彪易之謬也徐廣曰
 顯王二年周紀無
 此譜從趙世家
 ○秦四月至八月雨金櫟陽秦
 紀獻公二年城櫟陽徐廣曰徙都之今萬年是也
 正義曰言雨金於秦國都明金瑞見也周地分而

秦端見天意豈

真不可知歟

乙卯周顯王三年魯共公十一年孟子七歲

魏使公子景賈伐鄭魏師敗與鄭懿侯會于它陽

史記作宅陽拓地志云宅陽故城一名北宅在鄭州滎陽縣東南

○趙與齊戰阿

下正義曰阿東阿也今濟州東阿縣也○秦敗鄭魏于洛陽一統志云洛陽

成周之地名居洛水之北故曰洛陽春秋時屬晉戰國時屬魏

丙辰周顯王四年魯共公十二年孟子八歲

魏發逢忌之藪以賜民惠王所謂察鄰國之政無如寡人之用心者如此類

是也趙岐引謚法云愛人好與曰惠其斯之謂歟伐宋取儀臺索隱曰表亦作義臺

然義臺見莊子司馬彪亦曰

臺名郭象云義臺靈臺也

○趙攻衛取甄杜預

衛地今東

丁巳周顯王五年魯共公十三年孟子九歲

邯鄲成侯十一年○趙世家敬侯元年趙始都邯鄲

改號梁也

兩碧于郢說文郢楚都在南地忽長十丈有餘高

尺半○三晉之師及秦戰于石門括地志云堯門

上有路其狀若門秦大破之天子賀秦以黼黻之

服綱目書法賜服不書此何以書前年秦兵亡洛

陽無忌憚孰甚焉於是而又敗三晉之師于石

門黼黻之賜周之所以
自免者末矣書悲之也

戊午周顯王六年魯共公十四年孟子十歲

雨黍于齊○魏敗鄭及邯鄲之師于澮取皮牢括地

志云澮水縣在絳州翼城縣東南按皮牢當在澮
之側六國表韓懿侯九年曰魏敗我于澮大雨三
月趙成侯十三年曰魏敗我于澮皆顯王七年事
於魏惠王十年曰取趙皮牢則顯王八年事而趙
世家敗澮取皮牢並在七年紀年我師伐邯鄲取
列人我師伐邯鄲取肥又六年事余按國策甘茂
言梁君伐楚勝齊制韓趙之兵蘇秦言魏君擁土
千里帶甲二十六萬恃其強而攻邯鄲從十二諸
侯以朝天子以西謀秦所謂制韓趙攻邯鄲當卽
指此楚世家宣王六年所云三晉益大魏惠王尤
疆者未有盛於此時者也似不
如從紀年並移置此年下爲合

孟子年表戊午十歲孔叢子稱孟子車見子思曲禮
 人生十年曰幼學鄭康成曰名曰幼時始可學也孔
 穎達曰檀弓三月始名稱幼十年出就外傳故以十
 年為節季氏本孟子事蹟圖譜曰史記孟軻傳載孟
 子事甚畧如三遷之事見於列女傳東家殺豚而買
 肉以食之見於韓詩外傳傳云孟子少時問東家殺
 猪何為母曰欲啖汝既而
 悔曰吾聞胎教割不正不食席不正不坐今適
 有知而欺之是教之不信乃買猪肉以食之以司
 馬遷之博取而亦不之錄也意劉向韓嬰必有據而
 傳之也余謂此即呂大臨所為未十年非不學然未

就外傳但因事而教之未足名學至十年可以從弟子之職出就外傳乃所謂學之說孔叢子云孟子車尚幼請見子思子思見之甚悅其志命子上侍坐焉禮敬子車甚崇子上不願也客退子上請曰白聞士無介不見女無媒不嫁孟孺子無介而見大人悅而敬之白也未諭敢問子思曰然吾昔從夫子於鄒遇程子於途傾蓋而語終日而別命子路將束帛贈焉以其道同於君子也今子子車孺子也言稱堯舜性樂仁義世所希有也事之猶可况加敬乎非爾所及

也又孟軻問子思曰堯舜文武之道可力而致乎子思曰彼人也我人也種其言履其行夜思之晝行之滋滋焉汲汲焉如農之赴時商之趨利惡有不至者乎又子思謂孟軻曰自大而不修其所以大不大矣自異而不修其所以異不異矣故君子高其行則人莫能階也遠其志則人莫能及也禮接於人人不敢慢辭交於人人不敢侮其唯高遠乎又少微鑑云孟軻問牧民何先

子思曰利之孟子曰君子所以教民亦仁義而已矣何必曰利子思曰仁義固所以利之也事亦見孔叢

而文少異孔叢子孟軻問牧民何先子思曰先利之乎子思曰上不仁則下不得其所上不義則樂

此皆利之大者也蔡氏清曰此殆後人所為欲奏

不用安身以崇德也

此皆利之大者也

此皆利之大者也

此皆利之大者也

此皆利之大者也

成思孟一段授受耳史言受業子思之門人歐陽言受業

者為弟子受業於弟子者為門人則孟子曷嘗親受業者闕里文獻

考亦載有孟子車請見子思事而年表据之今鄒縣

子思書院肖沂國公像正南面師席左侍鄒國亞聖

公若弟子然其誤必自鮒始也

巳未周顯王魯共公十孟子十一歲

燕桓公十一年卒文公立○燕世家自台公以下九世至惠侯索隱曰並國史先失也又自惠侯已下

皆無名亦不言屬惟昭王父子有名蓋在戰國時旁見他說耳燕四十二代有二惠侯二釐侯二宣侯三

桓侯二文侯蓋國史秦獻公師隰二十三年卒子孝微失本諡故重耳秦公渠良立○綱目巳未七年

秦伯卒書法秦伯卒何以不名史失其傳名不登於簡冊也綱目從滕侯宿男之例亦及史闕文之意也余按周本紀顯王五年賀秦獻公獻公稱伯故書秦伯秦紀自獻公迄莊襄王皆無名至莊襄王卒始書子政立是為秦始皇帝其餘各名並見索隱本紀獻公二十四年卒與年表異但據燕世家云桓公十一年卒文公立是歲秦獻公卒秦益疆則獻公之卒于是年信也

秦敗魏師于少梁虜公孫痤

閻百詩釋地云惠王九年已未秦魏戰于

少梁少梁故城在同州韓城縣南二十二里古梁國也當時魏全有河西之地故戰于此六國表秦云虜其太子魏云虜我太子此太子即名申後死於齊者中相距二十二年必虜後復歸魏為太子復令之將龐涓兵營非惟不仁且不知甚矣余以為不然按秦本紀二十三年與魏晉戰少梁虜其將公孫痤魏世家九年與秦戰少梁虜我將公孫痤痤是魏相即衛公孫鞅所事者故明年痤卒而

鞅乃韓秦表誤為太子耳然卽是太子亦是陸不
是申趙世家所謂秦獻公使庶長國伐魏少梁虜

其太子痤是也間說誤已

庚申周顯王八年魯共公十歲
孟子十二歲

燕文公元年秦孝公元年

魏引河水入于圃田紀年八年入河水于圃田又為大溝而引圃水瑕陽人自

秦導嶧山青衣水來歸是也○邯鄲與鄭攻秦時韓趙方服于魏攻秦報少梁

也○彗星見西方衛公孫鞅入秦綱鑑秦孝公令國中曰昔我穆

公自岐雍之間修德行武東平晉亂以河為界西
霸我翟廣地千里天子致伯諸侯畢賀為後世開
業甚光美會往者屬躒簡公出子之不寧國家內
憂未遑外事三晉攻奪我先君河西地醜莫大焉

獻公卽位鎮撫邊境徙治櫟陽且欲東伐復穆公之故地修穆公之政令寡人思念先君之意常痛於心賓客羣臣有能出奇計彊秦者吾且尊官與之分土於是衛公孫鞅聞之乃西入秦鞅衛之庶孫也好刑名之學事魏相公叔痤痤知其賢未及進會病魏惠王徃問之曰公叔病如有不可諱將奈社稷何公叔曰痤之中庶子衛鞅年雖少有奇才願君舉國而聽之王嘿然公叔曰君卽不聽用鞅必殺之無令出境王許諾而去公叔名鞅謝曰吾先君而後臣故先爲君謀後以告子子必速行矣鞅曰君不能用于之言任臣又安能用于之言殺臣乎卒不去王出謂左右曰公叔病甚悲乎欲令寡人以國聽衛鞅也旣又勸寡人殺之豈不悖哉鞅旣至秦因嬖臣景監以求見說以富國彊兵之術孝公大悅與議國事綱目發明天人相應之機至不可誣也自聖經災異之書絕筆於獲麟之後泯泯芴芴至于戰國亂離瘼矣天變於上民病於下不可一端舉也今也上書彗星見西方下書

衛鞅人秦何歲蓋秦自戶鞅之後奮其餘無遺
虎狼之毒吞噬列國凡上世神明之胄掃殄無遺
原野厭人之肉川谷流人之血災變之形孰有大
於此者不惟是也廢井田開阡陌罷封建置守宰
舉先王之典籍盡昇之烈焰之中自昔三代數聖
人良法美意掃地不存其為彗也大矣星變之烈
豈偶然哉然則鞅乃西方
之彗出而掃滅宇內者爾

辛酉周顯王九年
魯共公十三年
孟子十三歲

周致胙于秦○邯鄲助魏攻齊○秦師伐鄭次于

懷時韓懿侯十一年也秦本紀孝公元年河山以東疆國六齊威楚宣魏惠燕悼韓哀趙成侯以懿侯為哀侯誤燕

亦是文公非悼公

壬戌周顯王十年
魯共公十四年
孟子十四歲

鄭懿侯十二年卒子昭侯立

魏星晝墜有聲○邯鄲與鄭魏盡取晉君屯留地

遷之端氏徐廣曰在平陽正義曰端氏澤州縣也

與焉顯王三年桓公卒子俱酒立是為靜公至是

三家乃共取屯留地趙世家云十六年與韓魏分

晉封晉君以端氏是也紀年屬鄭豈韓其罪之魁歟○秦以衛鞅為左庶長

定變法之令綱目書法書變法何罪首變古也

癸亥周顯王十年魯共公十五年孟子歲

鄭昭侯元年

鬬忌以鼓琴見齊威王孟子疏謂齊王悅南郭先生吹竽喜鬬忌鼓琴安知

與眾樂樂攻之史記年表駟忌以鼓琴見齊威王
 在威王二十一年非宣王也唯南郭處士吹竽乃
 宣王時見韓○魏執昭侯以伐鄭既而歸之此年
 非內儲說年鄭釐侯使許息來致地平丑戶牖首垣諸邑及
 鄭馳地我取伊道與鄭鹿王及鄭釐侯盟于巫沙
 以釋它陽之圍歸釐于鄭是也按昭侯此年作釐
 侯懿卒而即執昭侯以伐韓必致地請盟而後釋
 魏之不親韓實其韓世家昭侯元年秦敗我西川
 使秦人得通其兵於東諸侯而天下徧受其阨者
 謂非魏首○邯鄲成侯與魏惠王遇葛孽徐廣曰
 貽之戚哉在馬邱
 孟子年表癸亥十有五歲就學于魯歸家母斷機以
 教韓詩外傳孟子少時誦其母方織孟子驟然中止
 乃復進其母知其誼也呼而問之曰何為中止對曰

有所失復得其母引刀裂其織以此誠之自是之後
孟子不復諠矣列女傳云稍長就學而歸母方織問
曰學何所至矣對曰自若也母以刀斷織軻懼問其
故母曰子之廢學若我斷斯織矣夫君子學以立名
問以廣知是以居則安寧動則遠害今而廢之是不
免於厮役而無以離於禍患也何以異於織績而食
中道廢而不爲寧能衣其夫子而長不乏養哉孟子
懼且夕勤學不息師事子思遂成名儒二說所載互
異孟子正義獨引劉傳者所以證邠鄉長師孔子之

孫子思之說明乎就學而歸在出就外傳之日非猶是慈母之課讀於家也然謂孟子受業子思之門人出史記列傳陪秘書監王劭謂人是衍字漢書藝文志孟子十七篇名軻子思弟子輔廣曰子思之門人無有顯名於世者而孟子真得子思之傳疑親受業者爲是此不然按史記魯世家哀公十六年孔子卒時周敬王四十一年壬戌也又十一年癸酉哀公卒子寧立是爲悼公甲戌悼公元年立三十七年庚戌悼公卒子嘉立是爲元公辛亥元公元年立二十一

年辛未元公卒子顯立是爲穆公壬申穆公元年立
三十三年甲辰穆公卒子奮立是爲共公乙巳共公
元年越丙午丁未戊申巳酉爲共公之五年當周烈
王之四年而孟子生是孟子生年距孔子卒年一百
有八自穆公之元年上距孔子之卒七十有一年孔
子之子伯魚卒於孔子之前四年焦竑筆乘云孔子
卒子思實爲喪主四方來觀禮焉則旣長矣卽使子
思生於伯魚之卒年及其事魯爲臣在穆公初年已
七十五歲故告穆公語多質直蓋年高爲穆公所嚴

事故曰繆公無人乎子思之側則不能安子思孟子
之生距穆公之立三十八年則子思且百十二歲矣
及成童入大學之年而見子思子思不百二十餘歲

歟

任啟運孟子考畧言子思卒于考王之六
年時穆公猶未立也其謬真不足究詰者通鑑載

子思言苟變於衛侯在安王二十五年大事記云去
孔子沒百有三年子思逮事孔子未必至是時尚存
薛常州亦云子思之年毋乃過於壽考乎王草堂謂
史記世家子思年六十二或是八十二之誤是未可
知若孟子則斷不能親受業也郝氏敬曰史稱孟子

受業於子思之門人而不言門人姓名甚無根柢七
篇中義理文字多與子思中庸合其言性命原本中
庸如居下位不獲乎上一章文字義理全與中庸同
又禮記檀弓載子思對魯繆公問舊君反服與孟子
對齊宣王舊君有服意同而孟子又自謂未得爲孔
子徒私淑諸人故或謂受業於子思之門人近似余
謂孟子一生願學孔子言道統並不以顏曾爲見知
其自任之重可見七篇引子思者六俱非同時事亦
不尊之爲夫子餘如沈猶行公明儀公明高大約多

曾氏門人夫亦不當在弟子之列此史所以不能實

指門人姓名也

甲子周顯王十年共公二孟子十六歲

齊封騶忌為成侯○魏與邯鄲會鄆正字通鄆春秋晉邑戰國

屬趙左傳哀四年註鄆晉地後漢光武即位于此改名高邑即今趙州高邑縣○趙孟如

齊○楚君尹黑迎女秦○宋師魏師伐鄭韓世家二年宋

取我黃池魏取朱

乙丑周顯王十一年共公二孟子十七歲

魯宋衛鄭朝魏紀年在惠王之十四年表則十五年也○邯鄲成侯

與齊宋會平陸

綱目集覽平陸正義曰竟州縣也平陸城即古厥國在大梁東界

與燕會阿

括地志云故葛城一名依城又名西阿城在瀛洲高陽縣西北以徐兗二水並

過其西又徂經其北曲曰阿以齊有東阿故曰西阿城

丙寅周

顯王十四年魯子屯立是為康公

孟子十八歲

齊與魏會田于郊

綱目書法會不言故言故醜辭也書會田于郊醜之也書田始

此 ○ 魏與秦會杜平

正義曰在同州澄城縣界獻樂椽于邯鄲

因以為檀臺

徐廣曰襄國縣有檀臺索隱曰劉氏云榮椽蓋地名其中有高處可以為

臺非也核榮椽是良材可為椽登飾有光榮所以魏獻之故趙因用之以為檀臺

侵宋黃

池

徐廣曰

宋復取之

丁卯周顯王十年魯康公孟子十九歲

秦取魏少梁七年表秦孝公八年與魏駢元里斬首

地於秦之證又因少梁無七趙與魏無

百里故日後又數獻地於秦魏圍邯鄲

敗於秦而遂思賈禍於趙孟子所謂以

辰戌周顯王十年魯康公孟子二十歲

邯鄲降齊齊使田忌孫臏伐魏敗魏桂陵孫子列

阿鄆之間亦孫武之後世子孫也嘗與龐涓俱學

兵法龐涓既事魏得為惠王將軍而自以為能不

及孫臏乃陰使召孫臏臏至龐涓恐其賢於已疾

之則以法刑斷其兩足而黥之欲隱勿見齊使者

如梁孫臏以刑徒陰見說齊使齊使以為尚竊載

與之齊齊將田忌善而客待之進於威王威王問

兵法遂以為師其後魏伐趙趙急請救於齊齊威
 王欲將孫臏臏辭曰刑餘之人不可於是乃以
 田忌為將而孫子為師居輜車中坐為計謀田忌
 欲引兵之趙孫子曰夫解雜亂紛糾者不控捲救
 圍者不搏擻批亢擣虛形格勢禁則自為解耳今
 梁趙相攻輕兵銳卒必竭於外老弱疲於內君不
 若引兵疾走大梁據其街路衝其方虛彼必釋趙
 而自救是我一舉解趙之圍而收弊於魏也田忌
 從之魏果去邯鄲與齊戰於桂陵大破梁軍按桂
 陵括地志云葭柱城在曹州乘縣東北二十一里

○鄭伐東周取陵觀廩丘

綱目集覽陵觀地名在

州有廩丘縣史記

韓世家作邢邱 昭侯朝于魏

紀年東周與鄭高

陽在十

五年

家語載孔子年十九娶於宋之上官氏一歲而生伯

魚獨孟子之娶妻生子後人迄不知在何歲譚氏編年畧以母氏始以仲子季子終而云妻田氏仲子名罍雜見他書不妄載此猶及史闕文之意也余按韓詩外傳孟子妻獨居踞孟子入戶視之白其母曰婦無禮請去之母曰何也曰踞其母曰何知之孟子曰我親見之母曰乃汝無禮也非婦無禮禮不云乎將上堂聲必揚將入戶視必下不掩人不備也今汝往燕私之處入戶不有聲令人踞而視之是汝之無禮也非婦無禮也於是孟子自責不敢去婦詩曰采芣

采菲無以下體列女傳所載與此差異王厚齋謂列女傳孟母曰

禮將入門問孰存云云今曲禮闕二句嘗疑檀弓二篇載事無多獨於

子上之母子思之母伯魚之母沾沾焉巧詆凡四見

夫夫婦人道之始聖人人倫之至寧不能刑于寡妻

而大聖大賢俱為無妻無母之人郭家語後序則曰

自叔梁紇始出妻及伯魚亦出妻子思又出妻故稱

孔氏三世出妻似為聖人諱者然以誕育聖躬之聖

母而敢於誣之何怪乎荀子所云孟子惡敗而出妻

注云惡其敗德可謂能自強之說我是舊說有誣孟

而出其妻也

子出妻者而娶妻之年卒不可考三遷志孟子娶田氏生子名仲子孟氏譜云仲子名罍孟子之子也郝氏解從之趙注則謂孟仲子孟子之從昆弟也詩譜云子思論詩於穆不已孟仲子曰於穆不似毛傳取以爲說孔氏謂趙岐云孟子從昆弟學於孟子譜云子思弟子蓋與孟軻共事子思後學於孟軻余謂孟子且不親受業於子思之門何有仲子意孟子之子自名罍師事公孫丑並未著詩傳其序錄所稱子夏傳曾申申傳魏人李克克傳魯人孟仲子者當別是

一人王厚齋以為名氏之同是也然則公孫丑篇之
 孟仲子以趙氏從昆弟之說為信其告子篇之孟季
 子又嘗為仲子之弟也孟子之子名仲名畢且傳聞
 異辭而生子之年更不可考也惟是孔孟俱少孤依
 母成立孟子曰娶妻非為養也而有時乎為養則其
 娶必早乃史缺有間他說別無足徵近得孟子年表
 亦概不之及表但云孟仲子孟子之從昆弟也其世
 系與孟子同按趙岐註謂孟子從弟朱
 子因之又孟子世譜謂是孟子之子序為二代嘗從
 公孫丑學于文定府誌又謂孟子子名畢從公孫丑
 學而世譜又以畢為三代不知何據余姑以孔子之年度之而附識於

此兩歲之下以俟後之參訂者至禮稱二十曰弱冠
又云子生三月父親名之既冠而字之闕里志孟子
名軻字子輿一字子車陳士元孟子雜記按孔叢子
聖證論等書子車一作子輿一作子與一作子居而
楊倞荀子註又作子輿蓋車居音同輿與字譌也
廣韻軻字註云孟子居貧輒軻故名軻字子居王伯
厚疑皆傳會則不如趙氏題辨字則未聞之說得之
矣

已周顯王十年魯康公孟子二十歲

諸侯圍魏襄陵一統志云襄陵晉大夫卻犇之魏

築長城紀年顯王王戌魏龍賈塞固陽括地志云

舊縣也在銀州銀城縣界按魏築長城自剪濱洛

北達銀州至勝州固陽縣為塞固陽有連山東至

黃河西南至夏會等州紀年丁卯宋景鼓衛公孫

倉會師圍我襄陵戊辰梁以鄭師及諸侯帥縣于

襄陵按世家年表言諸侯圍魏當即指宋衛之師

帥縣未詳疑督率固守意當即指築長城塞固陽

事俱宜移置 ○秦以衛鞅為大良造將兵圍魏安

邑降之正義曰安邑在絳州夏縣安邑故 ○齊使

楚景舍來成于魏恐魏下秦也紀年

庚周 顯王十 魯康公 孟子二十

八年 四年 孟子二歲

魏歸邯鄲及成侯盟于漳水上

正義曰邯鄲洛州縣也漳水名漳水

源出洛州武安縣三門山也

○鄭以申不害為相

申韓列傳申不害者京人

也故鄭之賤臣學術以干韓昭侯用為相內修政教外應諸侯十五年終申子之身國治兵彊無侵

韓者申子之學本於黃老而士刑名著書二篇號曰申子

秦城商塞衛鞅圍固

陽降之

魏築長城所以防秦也不及年而鞅即有固陽之圍秦曷嘗一日忘魏哉

攻蘭

趙世家成侯二十四年秦攻我蘭蓋因趙之復與魏和也

辛未周

顯王十九年

魯

康公五年

孟子

三歲

邯鄲

成侯種二十五年卒子肅侯語立○按趙世家成侯卒公子縶與太子肅侯爭立縶敗亡奔韓

並未及肅侯名系本云肅侯名語索隱從之

魏與秦會州

索隱曰彤地名商君死彤地劉氏云阡陌道非也

○秦徙都

咸陽

綱目集覽咸陽漢高更名新城漢武更名渭城今長安是閔中記秦孝公都咸陽今渭城

是始皇都咸陽今城南大城是山南曰陽水北亦曰陽其城在渭水北又在九嵎諸山之南故名咸

陽築冀闕

正義曰冀記也記列教令當於此門闕也闕在門兩旁中央闕然為道

廢井田開阡陌

綱目書法書始何罪首變古也凡立法有變古為良害者必書始若

初衛鞅築冀闕宮庭於咸陽徙都之令民父子兄弟同室內息者為禁并諸小酒聚集為一縣縣置

令丞凡三十一縣廢井田開阡陌平斗桶權衡丈尺

衛鞅教孝公燔詩書

韓 日商君教秦孝公燔詩書而明法令王厚齋謂史記商君傳不言燔詩書蓋詩書之道廢與李斯之

焚之無異也何義門云意者商鞅所燔止於國中至李斯乃流毒天下余按商君用意慘刻初行變

法之令言令不便者刑之言令便者又遷之不同其民於木石鹿豕而不止早為始皇作之備矣況其積威所劫力能驅國人決裂唐虞三代之法豈不能盡國人棄置唐虞三代之書此事有固然勢所必至者也故特取韓子之說附識於此

壬申周

顯王二十六年

魯康公

孟子二十四歲

邯鄲

元年

邯鄲肅侯奪晉君端氏地徙處屯留

晉世家云肅公遷為家人

晉絕不祀是也

秦初為縣有秩史

漢書百官表云縣令長皆秦官萬戶以上

為令秩千石至六百石減萬戶為長秩五百石至三百石皆有丞尉

癸酉周

顯王二十一年

魯康公

孟子二十五歲

孟子戶普卷上

三

魏及邯鄲遇于陰晉

地理志云華陰縣魏之陰晉秦惠文王更名寧秦惠帝更

名華

○鄭昭公如秦○秦初為賦

徐廣曰制貢賦之法也

甲戌周

顯王二十二年

魯康公八年

孟子

二十歲

魏孫何侵楚○公子范襲邯鄲不勝死○楚伐徐

州 徐廣曰今薛縣

乙亥周

顯王二十三年

魯

康公屯九年卒子

孟子

七歲

齊殺其大夫牟辛

徐廣曰一作夫人

○絳中地塈西絕于

汾

左傳註絳晉所都也今平陽絳邑縣廣

○魏魏

章帥師及鄭師伐楚

紀年二十二年壬寅孫何侵楚入三戶鄂二十三年魏章

帥師及鄭帥伐楚取上蔡孫何取潁陽按楚北魏
 西與秦相按惠王不得志於秦連年伐楚卒致辱
 焉非不○邯鄲蕭侯朝周趙世家云四年朝
 幸也○衛
 貶號曰侯版屬三晉綱目發明衛自康叔受封回
 何哉蓋春秋列國率皆僭號稱公如鄭伯邾子杞
 男之類甚主葉以楚之屬縣亦稱曰公今也衛之
 自貶特殖於勢之微弱求為取容之地爾彼韓趙
 魏乃晉之大夫衛與晉為兄弟之國其視三家則
 其外臣也自為服屬不亦傷乎然三家尚能併晉
 而有之又何有於衛哉特其土地褊小不足以動
 三晉之心不然豈貶號所能免耶特筆書此亦足
 見強大之凌弱小而微者之不能自立其亦可哀
 已也

丙子周顯王二十八年魯哀公十四年
 孟子八歲

卷上

三

魏敗鄭馬陵

丁丑周顯王二十一年魯景公孟子二十九歲

秦會諸侯于周諸侯朝周義也挾天子以會諸侯非義也秦至是益益強矣○

田忌襲齊不勝田齊世家言田忌率其徒襲攻臨淄求成侯不勝而奔索隱曰是時

齊都臨淄孟嘗列傳云田忌襲齊之邊邑其言為得余按威王二十二年封騶忌以下邳城曰成侯

田忌與騶忌不善意者所攻其下邳騶○邯鄲攻齊拔高唐一統志云高唐

春秋齊之邑名

戊寅周顯王二十三年魯景公孟子三十歲

周致伯于秦孝公○中山君相魏索隱曰魏文侯滅中山使子擊

守之後尋復國至是始令相
魏其中山後又為趙所滅
○邯鄲攻魏首垣正義

日蓋在
河北也

已卯周顯王二十七年魯景公孟子三十一歲

齊威王三十七年○譜於列國之君無大故俱不書
年茲曷為昔齊威王之三十七年也按史記田齊

世家三十六年威王卒子宣王辟疆立年表並同則
是年當為宣王之元年也通鑑則於威王之世增十

年於湣王之世滅十年綱目曰考異不載其說未詳
所據余謂此蓋欲以伐燕事屬諸宣王以信孟子耳

夫宣王伐燕經文也此斷不可改者伐燕在宣王之
十九年當周赧王之元年丁未而威王在位自有四

十六年矣請從
通鑑故特書之

諸侯畢賀秦秦使公子少官率師會于澤時秦孝公二十

年也徐廣曰澤紀年作逢澤在開封東北括地志云逢澤亦名逢地在汴州浚儀縣東南按紀年秦

孝公會諸侯于逢澤屬顯王二十三年誤

庚辰周顯王二十五年孟子三十歲

魏復伐鄆鄆鄭共擊魏不利請救于齊齊使田忌

將孫臏為師敗魏馬陵虜其太子申殺將軍龐涓

集註惠王三十年齊擊魏破其軍虜太子申是也魏城濟陽城濟陽於東

思也山東通志曹縣濟陽城在縣西南五十里漢置縣屬陳留郡○秦馬生人

梁惠王曰及寡人之身東敗於齊長子死焉此經文

也然魏世家云魏伐趙趙告急齊田齊世家云魏伐

趙趙與韓親共擊魏趙不利韓請救於齊孫子列傳
又云魏與趙攻韓韓告急於齊史載異辭有不可不
辨者余還以經證之孟子曰梁惠王以土地之故糜
爛其民而戰之大敗將復之恐不能勝故驅其所愛
子弟以殉之集註子弟謂太子申也明指此事但云
大敗云復之孟子當日何指自邠卿以下罕有注及
者後人讀孟子遂亦終身不解按周顯王十五年丁
卯魏圍邯鄲十六年戊辰邯鄲降齊齊使田忌孫臏
伐魏敗魏桂陵時惠王十八年也惠王初立即與二

家不和後遂相讐靡已曩者邯鄲垂拔中北於齊史
稱大破梁軍固無日不圖報復者至三十年庚辰又
令太子申爲上將軍以伐趙惟其爲趙也故曰復惟
其在桂陵之敗之後也故曰大敗將復之外黃徐子
謂勸太子戰攻欲啜汁者衆太子雖欲還恐不得矣
夫非惠王驅之而誰驅之者此孟子之經之明注也
然則世家魏伐趙之說不爲無據因趙與韓親共擊
魏不利致韓有南梁之難而請救於齊故又曰齊起
兵救韓趙以擊魏列傳謂魏與趙攻韓夫魏與韓趙

不和而韓趙未嘗不和前年趙方攻魏首垣今豈遽

反而助魏且助魏以攻素親之韓此必無之事也紀

年穰疵帥師及鄭孔夜戰于梁赫

梁赫即南梁晉太康地記云戰國時

謂南梁者別之於大梁少梁也鄭師敗逋與齊田盼戰于馬陵屬顯

王二十六年誤通鑑與傳載畧同惟改直走大梁句

為直走魏都不知魏都安邑去齊都幾二千里踰河

度陘孤軍無繼贖之智必不出此大梁雖未徙要屬

其一大會走大梁者攻其所必救也又孫子所云

據其街路衝其方虛者也余按田齊世家威王二十

六年使田忌孫臏伐魏三十五年田忌求成侯不勝而奔至是名復故位又使爲將而孫子爲師此孟子列傳所謂當是之時齊用孫子田忌之徒而諸侯東面朝齊者是也然皆在威王之世並非宣王且孟子尚未出遊史亦泛言夫時事耳

辛巳周顯王二十六年魯景公孟子三十歲

梁惠王三十一年○魏營始改其國號曰楚宣王熊梁孟子稱梁惠王在徙大梁之後也

十年卒子威王熊商立

邳遷于薛左傳定公元年薛宰曰薛之皇祖奚仲居薛以爲夏車正奚仲遷于邳仲虺居

薛以爲湯左相杜注仲虺奚仲之後則邳薛皆在
 姓國也齊威王二十二年封騶忌于下邳蓋奚仲
 之祀忽諸矣三十八年韓南梁之難騶忌子曰不
 如勿救索隱据戰國策謂有張丐對云蚤救之此
 云鄒忌者王劭云此時鄒忌死已四年誤也然則
 當田忌襲攻之後成侯已死而威王至是復遷邳
 于薛以邳薛爲同姓國耳山東通志仲虺城又曰
 上邳城有下故此爲上矣漢呂后封楚元王子郢
 客爲上邳侯水經注灑水逕仲虺城北又云泗水
 逕薛之上邳城皆此城也地道記曰城在薛城西
 三十里按之今域薛西三十里有驩城以虺爲
 驩音之轉也舊志以爲王驩食邑所未確矣
 秦衛鞅伐魏誘執其將公子卬而敗之綱目書法誘執何議
 論也商君列傳衛鞅說孝公曰秦之與魏譬若人
 之有腹心疾非魏并秦秦卽并魏何者魏居嶺阨
 之西都安邑與秦界河而獨擅山東之利利則西
 侵秦病則東收地今以君之賢聖國賴以盛而魏

往年大破於齊諸侯畔之可因此時伐魏魏不支
 秦必東徙東徙秦據河山之固東鄉以制諸侯此
 帝王之業也孝公以為然使衛鞅將而伐魏魏使
 公子卬將而擊之軍既相距衛鞅遣魏將公子卬
 書曰吾始與公子驍今俱為兩國將不忍相攻可
 與公子面相見盟樂飲而罷兵以安秦魏魏公子
 卬以為然會盟已飲而衛鞅伏甲士而襲虜魏公
 子卬因攻其軍盡破之以歸秦梁惠王曰寡人恨
 不用公叔痤之言也胡致堂謂惠王不恨不用孟
 子之言而以不用公叔之言為恨亦可謂愚余謂
 惠王惟以不用公叔之言為恨
 而乃不恨不用孟子之言也
秦封之於南十五
邑號為商君 正義曰於商在鄧州內鄉縣東七里
 古於邑也商洛縣在商州東本商邑
 周之 商國 ○ 魏徙都大梁 紀年屬惠成王九年四月甲
 寅是年秦孝公甫立公孫鞅
 未相公子卬未鹵地不割秦不偪魏何
 遠徙都以避之所索隱以為紀年誤也 為太溝于

北郭以行圃田之水

圃田卽今中牟縣距大梁卽今祥符縣西七十里

閻百詩四書釋地蘓子曰周之失計未有如東遷之甚者也余亦曰魏之失計未有如都大梁之甚者也去河山之險而就平衍四達之地棄文侯武侯兩代之霸迹而爲新造之邦當是時使蚤聘孟子必爲王定不遷之計有如後世所謂天子守邊者君誠守于邊則一國之人心繫於此一國之用兵財賦聚於此秦雖彊烏能以一口氣而吞安邑哉惟安邑旣去後五十四年遂獻安邑于秦未幾而秦兵至大梁矣又

未幾而秦伐我國大梁矣。蔣賈曰：我能往，寇亦能往。者不信然乎？蓋始也不過偷旦夕之安，卒不振以底於亡。我故於魏號爲梁之日，卽謂畢萬之後已滅，不待徵諸河水。灌王假降之日矣。余按商君謂魏居嶺，阨之西都安邑，索隱曰：蓋安邑之東山嶺險，阨之地卽今蒲州之中條。以東連汾，晉之嶮，澄是也。魏都險要爲東諸侯之蔽，真秦心腹之疾。況秦新都咸陽與魏界高陵，最爲密邇。故曰：非魏并秦，秦卽并魏。武侯謂河山之固，此魏國之寶，非虛語也。乃惠王構怨韓

趙既失人和徙都大梁又失地利迫其後秦人拱手而取西河之外魏一搖而諸國動吁是誰之咎歟

壬周顯王三
午周十年魯景公
孟子四歲

楚威王元年

梁以公子赫為太子○秦與梁戰岸門虜其將魏

錯拓地志云岸門在許州長社西北十八里今名西武亭秦紀作鴈門恐聲誤

癸周顯王三
未周十一年魯景公
孟子五歲

秦孝公渠良二十四年卒子惠文王駟立

秦人誅衛鞅滅其家秦本紀鞅之初為秦施法法不行太子犯禁鞅曰法之不

行自於貴威君必欲行法先於太子太子不可黥
 黥其傅師於是法大用秦人治及孝公卒太子立
 宗室多怨鞅鞅亡因以為反而卒車裂以徇秦國
 綱目書法人眾辭也直書誅者快辭也發明吳起
 亦鞅之流也起書殺而鞅書誅是不惟楚羣臣有
 射中王尸之罪而起鞅之輕重亦可見矣蓋起之
 少恩足以亡其軀而鞅之詐力至於貽禍無窮固
 非起之比也然秦之於鞅用其詐以滅六國亦以
 自滅其國鞅之相秦用其詐以滅秦國亦以自滅
 其家明書于冊所以示天下萬世之戒嚴矣後之
 欲治商鞅之術者可不鑒諸任氏孟子考畧謂秦
 未嘗不招賢然欲復井山學校者孟子也開阡陌
 尚首功者商鞅也秦用鞅孟子必不入秦矣余按
 鞅傳云商君相秦十年戰國策云行商君法十八
 年索隱謂其述未作相之年說也其實鞅入秦當
 周顯王之八年孟子纔十有二歲至是年率凡二
 十四年孟子亦止三十有五歲時尚未游歷諸侯
 則謂孟子不入秦以秦變法故是也謂孟子不入

秦以鞅在秦故
猶攷之未詳已

甲申周顯王三十九年魯景公三十四年孟子六歲

秦元年 惠文王

鄭相申不害死新序曰申子之書言人主當執術無刑因循以督責臣下其責深刻

故號曰術商鞅所為書號曰法皆曰刑名故號曰刑名法術之書傳稱終申子之身無侵韓者索隱

曰王劬按紀年韓昭侯之世兵寇屢交異乎此言余謂申子之學本於黃老不用之為清靜寧一而

用之為刻薄少恩昭侯之惜敝袴而作高門皆不害有以啟之也為相十五年而韓終以不振雖同

一刑名之害申子之學不且遜於商哉 ○楚莫邯鄲蜀人皆朝于秦

乙酉周顯王三十九年魯景公三十四年孟子七歲

卷上

論

天子賀秦元年四國來朝次年天子致 ○鄭昭侯

與邯鄲圍襄陵紀年作威侯 ○齊與梁會平阿南地理志沛

郡有平阿縣 ○宋太北社亡索隱曰應劭云亡淪入地非也亡謂社主亡也史記

漢武本紀周德衰宋之社亡

孟子年表乙酉三十七歲魏惠王三十五年孟子至

魏魏王以為迂遠而濶於事情不果所言按史記惠

王數困於軍旅卑禮厚幣以招賢者于是孟軻至梁

集註因之余謂孟子至梁梁王已稱曰叟趙岐注叟

長老之稱猶父也孟子去齊老而之魏王尊禮之曰

父若在是年則孟子止三十七歲耳惠王年長以倍而父之乎且列傳謂孟子道旣通游事齊宣王宣王不能用適梁若記至梁於乙酉而游齊已在其先則孟子年不過三十五六何以公孫丑問夫子始齊之卿相而曰我四十不動心是初至齊未爲卿之時已在四十外也與孟子經文不合然則孟子實先齊後梁邠卿老而之魏之說信也况魏世家載梁惠王曰寡人不佞兵三折於外太子虜土將歾國以空虛以羞先君宗廟社稷寡人甚醜之斐不遠千里辱幸至

徹邑之廷將何以利吾國孟軻曰君不可以言利菑
是夫君欲利則大夫欲利大夫欲利則庶人欲利上
下爭利國則危矣為人君仁義而已矣何以利為語
與孟子見梁惠王篇及晉國天下莫強焉章意同試
思三折於外惠王當日何指時東雖敗而西固未喪
地七百里南亦未辱也余故謂孟子至梁當在梁惠
王之後元十六年無疑者

丙戌

周顯王三十四年

魯景公十一年

孟子三十八歲

八歲

梁

惠王改其二十六年為一年○世家年表並云二
十六年惠王卒子襄王立紀年則云魏惠成王立

三十六年改元稱一年改元後十七年卒諡從純年信孟子也

齊復與梁會于甄

謀相王也集韻甄音絹同甄田敬仲完世家昔者趙攻甄子弗

能救正義日卽

濮州甄城縣北

齊梁會諸侯于徐州以相王

惠王改元

以稱王故兩會均宜在是年

○邯鄲起壽陵

徐廣曰在常州

○秦王冠

拔鄭宜陽

括地志云故韓城一名宜陽城在洛州福昌縣東一統志云宜陽古邑名川為

名伯聽訟之所春秋時屬晉戰國時屬韓後屬秦

○於越子無疆伐楚

任氏孟子考畧七國僭王唯楚在春秋時戰國秦最

強故貶號以示弱梁屢經喪敗而反僭號以自誇又

不能自王而先以王號餌齊齊許其兩王而後會徐

州以相王焉昔之率十二諸侯以朝天子又胡爲耶
日暮途窮其行事爲已慎矣余按紀年繫惠成王改
元於丙戌三十四年之下綱目較後一年故季氏孟
子事蹟圖譜謂梁惠王之後十六年卽周慎靚王之
二年壬寅其實後十六年爲慎靚王之元年辛丑若
壬寅襄王卽位孟子於是年去梁非於是年至梁也
新安江慎修謂孟子至梁在惠王之末年故有見襄
王事然惠王三十六年改元稱一年後又十七年卒
則招賢事當在後元之十六年惠王所以三十六年

致稱一年者是年與諸侯會于徐州以相王故也前此為侯此年始稱王故別紀一年而史記相王之事係于襄王元年夫惠王已稱王矣其子又相王何為乎史記之誤明矣又按秦本紀云齊魏為王索隱曰齊威王魏惠王是也但係于惠文王之四年則應當周顯王之三十五年亦誤

丁亥 周顯王三十五年 魯景公三十二年 孟子三十歲

周致胙于秦 ○邯鄲肅侯游大陵 徐廣曰太原有大陵縣亦曰陸

○鄭作高門 早作高門屈宜日 ○蘇秦說燕 初洛陽人

蘇秦說秦王以兼併天下之術不用乃去說燕文
 公曰燕之所以不被兵者以趙之為蔽其南也且
 秦攻燕戰於千里之外趙攻燕戰於百里之內夫
 不憂百里之內而重千里之外計無過於此者願
 王與趙從親天下為一則燕必無患矣文公從之
 資秦車馬以說趙趙聽而四國從故下說韓魏齊
 楚皆日以趙王之詔詔之或問台從何以主趙曰
 近秦者韓魏也遠秦者燕齊也國大而幾與秦相
 埒者楚也近秦則不敢為主遠秦則不急為主與
 秦相埒則無樂乎為主矣趙氏中央之國也其與
 秦介遠近之間而其受秦害在不緩不急之際故
 安民擇交之說進而洹水之盟不旋踵而成此天
 下大勢季子所期
 年揣摩而得者也

戊子周顯王三十二年
 魯景公十四年
 孟子四十一歲

齊威王嬰齊四十六年卒子辟疆立是為宣王
 紀年齊威王立於顯王之十二年用子卒于顯王

之四十八年庚子凡三十七年明年辛丑宣王元年
是通鑑後史記十年而紀年又後通鑑十三年譜從
通鑑信鄭昭侯二十六年燕文公二十九年卒
孟子也奠卒子宣惠王立燕子立是為易王趙蕭
十七年○邯鄲復

國號曰趙特書之

趙築長城

正義曰劉伯莊云蓋從雲中以北至代

界又疑此長城在

譚水之北趙南界

○鄭高門成

昭侯卒不

齊于徐州

楚世家七年齊孟嘗君父田嬰

遂伐於

越殺無疆

徐廣曰時楚已滅越而伐齊

○秦以公

孫衍為大良造

秦紀年表並云陰晉人犀首為大

將軍敗梁雕陰

地理志上郡有雕陰縣拓地志云

故城在鄜州洛交縣北三十四里

卷上

○蘇秦為從約長并相六國綱目書法以為長何著六國之志也從衡

之說童子羞之此何以書見從之不可持也蘇秦

列傳秦惠王使犀首攻魏禽將龍賈取魏之雕陰

且欲東兵蘇秦恐秦兵之至趙也乃激怒張儀入

之于秦於是說韓魏齊楚從合而并力焉蘇秦為

從約長并相六國歸趙趙肅侯封為武安君

孟子年表戊子四十歲齊宣王即位紀遊也史記孟

軻列傳曰當是之時天下方務於合從連衡以攻伐

為賢按闕東地長為從楚燕趙魏韓齊六國居之闕

西地廣為衡秦獨居之以六攻一為從以一離六為

衡故從曰合衡曰連國策開頭著蘇秦始將連橫說

秦惠王則合從亦非秦本心也綱目斷曰昔蘇軾有言蘇秦之爲從也合天下之異以爲同聯六姓之疎以爲親以謂事之甚難者當是時秦人併吞之勢已形六國之君皆不能如孟子所謂行仁政修忠信以撻其堅甲利兵則爲目前救急之計舍合從之外亦未有他策蘇秦適逢其機故不旋踵遂合于一惜乎秦之爲謀徒能捭闔其說以利而啗六國爾天下大勢利害所在彼固不能深言之也又按吳起傳起相楚明法審令破馳說之言從橫者起之卒先孟子之

生十年孟子時早已無起

綱目周安王二十一年庚子書楚君類卒楚人殺吳

起距烈王已酉十年則從橫之說已起於孟子未生之前至是

儀秦犀首之徒皆以術游說諸侯致位富貴其說始熾而其害日深泮水懷山時盡昏墊繁蕪塞路孰可芟夷孟子周流憂世之心實權輿於是矣古之爲臣者不四十不祿不五十不爵不七十不致事馬晞孟謂四十而仕非必四十而後仕以學而至於四十足以仕矣不足以仕則爲不學故禮四十曰強而仕孟子曰我四十不動心集注所爲四十強仕君子道明

德立之時孔子四十而不惑亦不動心之謂是也譚
氏貞默謂孟子行事欲編次歲月要在不見諸侯與
見諸侯兩端余謂孟子願學孔子誦詩讀書教授弟
子必在博學無方強立不反之日如公孫丑萬章之
徒始皆來學於魯而後從遊齊梁者也居魯四十年
未聞與魯康公景公一見者禮士居本國必君先就
見然後往見故曰在國曰市井之臣在野曰草莽之
臣庶人不委贄爲臣不敢見於諸侯禮也往役義也
往見不義也皆就本國言也此謂不見諸侯也其見

諸侯史但言齊宣王梁惠王而已然若鄒任滕薛宋

皆其所游之國也若鄒穆公滕文公宋君偃皆其所

見之君也史概畧而不書無怪乎先梁後齊事宜事

潛之辨紛然起已以上記孟子自始生而喪父而幼而入學而冠而娶而強仕凡七節

無事則不書
仿史例也

巳周顯王三十四年魯景公十四歲始客鄒以下入孟子游傳

齊宣王鄭宣惠王燕易王元年通鑑綱目巳丑三

王辟疆元年是也

秦犀首以齊梁之師伐趙蘇秦去趙適燕從約皆

解綱目書法以者何易辭也上書以蘇秦為從約
 長下書蘇秦去趙從約皆解所以者從約之不
 可恃也田齊世家十一年與魏伐趙趙決河水灌
 齊魏兵罷趙世家十八年齊魏伐我我決河水灌
 之兵去皆不及秦唯蘇秦列傳云秦使犀首敗齊
 魏與共伐趙欲從約齊魏伐趙趙王讓蘇秦蘇
 秦恐請使燕必報齊蘇秦去
 趙而從約皆解較世家特詳 ○齊取燕十城既而
 歸之蘇秦列傳秦惠王以其女為燕太子婦是歲
 文侯卒太子立是為燕易王易王初立齊宣
 王因燕喪伐燕取十城易王謂蘇秦曰往者先生
 至燕而先王資先生見趙遂約六國從今齊先伐
 趙次至燕以先生之故為天下笑先生能為燕得
 侵地乎蘇秦大慙說齊王歸燕之十城按燕世家
 齊伐燕在文侯之卒年年表及齊趙世家齊伐趙
 在易王之元年而易王讓蘇秦則又謂今齊先伐
 趙次至燕以余攷之傳言是也蓋從約一日不解
 則蘇秦一日不去趙秦之去以齊魏之伐也齊魏

之伐以犀首之欺也犀首之欺齊魏以燕太子之
昏秦女也合從之約燕如之趙成之燕可昏即趙
可伐趙伐而從約解從約解而齊又伐燕取十城
故蘇秦去趙之燕復為燕使齊此事之較然者若
伐燕在伐趙之先則何待
○梁以陰晉和秦更名
河水灌軍而約始敗哉
寧秦按梁西偏于秦而敗約自梁先受禍遂自梁
始自是而後地日以削蘇秦所謂兵未用而

國已
虜也

季氏圖譜謂孟子居鄒四十年間無所考見其歷聘
之迹必隱居尚志已能不動於心譚氏編年謂孟子
不見諸侯是四十以前居魯教授弟子時事非在齊
梁間語也皆以四十為斷故譜記孟子遊歷諸侯亦

自四十一歲始史言孟子道既通游事齊宣王則疑
斯時孟子在齊者黃氏曰抄曰史記齊伐燕有二事
齊宣王先嘗伐燕燕文公卒易王初立齊宣王因燕
喪伐之取十城是卽孟子梁惠王篇所載問答稱齊
宣王者也此一事也稱宣王者孟子作於宣王已沒
之後故以諡稱而趙岐注亦稱齊宣王也齊湣王後
又伐燕燕王噲以燕與子之齊伐燕下燕七十城是
卽孟子公孫丑篇所載沈同問燕可伐與者也此又
一事也止稱齊王者作孟子時湣王尚在未有諡之

可稱趙岐注亦止稱王也余謂以伐燕喪爲卽孟子與宣王問答之事其謬三焉燕民世被名公之深仁厚澤於姬姓獨後亡觀他日燕人畔可見齊伐我喪而一再曰簞食壺漿以迎王師是謂不知燕一謬也蘇秦說燕曰燕地方二千餘里說齊曰齊地方二千餘里故曰以萬乘之國伐萬乘之國乃僅取十城而曰今又倍地而不行仁政是不知燕亦不知齊二謬也時從約初解齊魏伐趙而韓燕楚不之救則齊伐燕而韓趙魏楚亦必不之救况蘇秦卽說齊歸燕侵

地又將何救之有而曰諸侯多謀伐寡人者而曰是
動天下之兵也是不惟不知齊燕并亦不知諸侯三
謬也此皆孟子之經之顯然可據者余故謂經所言
伐燕皆指于噲非易王而齊伐燕喪之時孟子實未
嘗在齊以宣王問答也然曷知孟子之游自鄒始也
蓋授徒講學大約居魯之日多而曹交得聞人皆可
爲堯舜之說遂欲假館鄒君則此時在鄒也張南士曰春秋
註鄒本魯姓爲顛頭之後則所爲曹交者或亦曹姓
而交名與鄒君同姓故得見鄒君而假館焉其說極
通鄒若是孟子本國則來學者受業於門何待假館

且曰得見曰願留又明是對異邦人語故曰孟子魯
人非鄒人也任啟運四書約旨謂孟子初年不出必
以鄒君信已故至穆公卒乃出而之他國又曰五十
以前學未大成也鄒魯悔過而行仁政故留事鄒穆
公是既以孟子之鄒爲邾又以穆公之鄒爲魯其說
本不足信但以見穆公爲在孟子之初年則誠論之
不可易者經曰由鄒之任由平陸之齊之齊在之鄒
之後故孟子之見諸侯自鄒始不自齊始譚氏列見
鄒穆公於
去齊之
後非是
書客鄒別宗邑也

庚寅周顯王三魯景公十孟子四十一歲居鄒

秦定義渠

素隱曰古西戎國與趙魏接境有二十城秦昭王滅之地理志云北地郡義

渠道秦縣也括地志云寧原慶三州秦北地郡戰國乃春秋時為義渠戎國之地周先公劉不密居

之古西戎也

山東通志邾曹姓陸終之第五子封於邾從前世系無考自周武王命曹俠仍居邾為魯附庸俠生非非生成成生車輔車輔生將新將新生訾父訾父生夷父夷父傳弟叔術叔術生夏父夏父生儀父從齊桓公會盟有功因爵以子傳文公定公宣公悼公莊公

隱公桓公至穆公遂改爲鄒一云邾本邾婁合音爲

鄒也趙氏題辭鄒本邾子之國至孟子時改爲鄒矣

國近魯後爲魯所并又言邾爲楚所并非魯也今鄒

縣是也正義按左傳哀公七年公伐邾及范門猶聞

記云魯頃公二十四年楚考閭百詩釋地曰鄒本邾

烈伐滅魯是又爲楚所并也當魯隱公元年猶爲附庸以從霸王室王命

爲子是其爵次於魯者僅二等耳哀公七年魯貢八

百乘之賦於吳邾亦六百乘是其賦滅於魯者二百

乘耳故以此鄰構怨勢不下魯竟與春秋相終始何

怪乎至孟子時而猶有與魯閔之事哉

編年畧孟子
齊王稱臣

為卿也梁王不稱臣不為卿也豈穆公不稱臣而
其語僂曰君之民曰夫長今而後得反之視對滕交

公尤不同以此邦
其為異邦非本國但据新序載穆公以美女二八妻

死事之孤是穆公於此恤有司甚厚又言食不重味

衣不列采自刻以廣民親賢以定國鄒國之治路不

拾遺是必穆公尊信孟子以行仁政觀夫君者民之

父母一言則豈徒養鳥以糶為富邦之計哉國策鄒
穆公有

命食鳧鴈必以糶無得以粟于是舍無糶而求易於
民二石粟而得一石糶吏以為費請以粟食之穆公

曰是非汝所知也夫百姓藉牛而耕桑背而耘勤而
不敢惰者豈為鳥獸哉粟米人之上食奈何其以養

鳥爾知小計不知大會周諺曰囊漏貯中而獨不聞與夫君者民之父母取倉之粟移之於民此非吾之粟乎鳥苟食鄒之糶不害鄒之粟也粟之在倉與在民於我何擇鄒民間之皆知私積與公家為一體也

此之謂富邦 按左傳魯擊柝聞於邾廣輿記徐兗二州之

域春秋魯地今鄒縣屬山東兗州府鄒魯密邈孟子

時往來其間然則七篇所云居鄒由鄒之鄒者固皆

邾鄒非魯鄒也

辛卯周顯王二十六年魯景公十四歲孟子四十歲鄒之任

梁與秦河西之地 按秦孝公八年元里之戰取魏少梁取之云者猶未有其地也

至是紀書納表書入世家書于少梁河西地始為秦有而秦東地至河矣 秦圍梁焦曲

沃 括地志云燕城在陝州城內東北因燕水
為名曲沃在陝州縣西南因曲沃水為名

任風姓太皞之後趙氏謂與薛同姓非也後有以國

為姓古無以姓為國者漢為任城縣後漢為任城國

山東通志任風姓太昊伏羲之後左傳日任宿須句
類與實司太昊且有濟之祀周為魯附庸至戰國時

猶存見孟子今濟寧州任城城即今州治本任國漢
置縣屬東平國元至元十二年立濟州屬濟寧路而

任城廢二十
三年復置 閻百詩據今濟寧州東任城廢縣謂去

古鄒城僅百二三十里宜任人之難屋廬子明日即

可往問是也但即以此為孟子鄒人之證誤已孟子

四十年前抱道自重季任固願見而不可得及聞其

客鄒遂以幣交受之不報

任長孟子考畧書云任幣交於去梁後亦非

任

國在齊楚之間孟子去鄒即將之齊其中間至任者

見季子也經有鄒君無任君唐慎思續孟屋廬子問

昔夫子居鄒任君嘗以幣交之夫子受今之任任君

復以祿授之夫子不受託辭也亦別無與季任問答

語孟子蓋一至卽去耳正義以問公都子之孟季子

謂卽爲任處守之季任其謬更不待辨而明者李白

任城縣廳壁記在禹貢則南徐之分當成周乃東魯

之邦東盤琅琊西控鉅野北走厥固南馳互鄉倭路

史云厥亭即平陸故城應劭曰古厥國也然則平陸在任城之北此孟子由鄒之任由任之平陸之齊之

明据也

王周顯王四魯景公十孟子四十去任由平陸之齊

楚威王熊商十一年宋剔成四十一年剔成弟偃攻

君為宋

梁伐楚敗之陘山楚世家魏聞楚喪伐楚取我陘山正義曰括地志云陘山在鄭

南三十里楚使景鯉于秦謀報梁也聲言將與秦遇於解陂日五日

之聽蘇子也革面而已非能深究橫從之利害也唯威王雅有難秦之心念之熟矣異夫患諸國之

五下上普卷上

聖

不可合徒稱從命者也乃惠王首敗從約至是又伐楚喪秦難未已復與楚仇迨楚合秦以謀梁而

支秦不蓋急耶○秦渡河取汾陰皮氏括地志云汾陰俗名殷湯城在蒲州

汾陰縣北皮氏在絳州龍門縣西與梁會應一統志云應古應子國名周為德鄉春秋

時為楚地遷許于葉即此後為沈諸梁邑括地志云故應城因應山為名在汝州魯山縣東秦封范

雖為應侯即此索隱曰河東圍焦降之臨晉有應亭則秦地亦有應

孟子去任之齊而由平陸者平陸齊邊邑漢屬東平

國孔子時為魯中都邑地爾時屬齊即今汶上縣在

兗州府西北九十里論語則吾必在汶上矣孔注去之汶水上欲北如齊邢跡地里

志云汶水出泰山萊蕪西南入齊魯之界以汶分蓋齊在齊南魯北故曰欲北如齊

子所謂臣始至於境者當即指此

山東通志東平陸城在汶上縣北

城之西南水經注汶水西逕平陸縣故城北是也

邑大夫孔距心與孟子有

舊處於平陸依距心也時儲子爲齊相以幣交受之而不報汶上去齊都臨淄凡六百里謂儲子得之平陸者閭百詩據范睢列傳云秦相穰侯東行縣邑車騎至湖關湖今闕鄉縣去秦都咸陽亦幾六百里是當口國相皆得周行其境之內非令所禁也按史載齊宣王喜文學游說之士自如騶衍淳于髡田駢接子慎到環淵之徒七十六人皆賜列第爲上大夫不

治而議論定以齊稷下學士復盛且數百千人劉向別錄

日齊有稷下城門也談說之士期會于稷下也宗隱曰齊地記曰齊城西門側系水左右有講室趾往往

存焉余意齊且好大喜功此必其初年事史記列之末

年非也孟子亦必於此時至齊季氏圖譜謂他日之

齊不見儲子有與屋廬子論季子不得之平陸之說至亦不見齊

王故陳代以不見諸侯為小而萬章亦有不見諸侯

何義之問孟子皆舉齊景公招虞人不往為說以其

為齊故事人易曉也王疑其有異使人矚之意儲子

通意宜王知先加禮故得見孟子是也又云當其三

見而未言事蓋欲以道格其非心而不遽求於用人

行政之間則襲荀子之文而誤者荀子孟子三見齊王不言事曰我先

攻其邪心楊倞注云以正色攻去邪心乃可與言也何義門云三見而不言其亦遠乎人情矣此腐儒偽

撰也於崇見王宜在此時時齊宣王館孟子於雪宮閻氏

謂雪宮蓋齊離宮之名游觀勝迹宣延見孟子於其地非就見之謂則孟子將朝王章寡人如就見者也

孟子致為臣而歸章王就見孟子曰云云皆無着攷元和郡縣圖志齊雪宮

故址在青州臨淄縣東北六里則其地自在齊都東

郭門外齊人有一妻一妾章當在此蓋孟子曰擊東

郭墻間之祭而因以諷當時之求富貴利達者也觀其

文類記於王使人
矚夫子章下便見
然而去齊之志亦遂於是乎不欲

變矣

已癸周顯王四魯景公十孟子四十五歲為賓師于齊

楚懷王宋君偃元年

張儀相秦呂氏春秋曰儀魏氏餘子藝文志云張子十篇在縱橫流按張儀嘗與蘇秦俱

事鬼谷先生學術蘇秦自以為不及張儀初秦相六國欲得儀以固從約乃激怒儀使入秦所謂蘇君之時儀何敢言者是也至是入秦已六年而始相者前此惠王蓋以為客卿也又趙魏韓楚世家並立張儀相秦儀相而列國必書者見儀之用亦六國存亡之關也○秦敗趙疵于河西趙世家二十二年趙疵與秦戰秦客卿張儀

伐梁取蒲陽

正義曰在隰州隰州縣蒲邑故城是也

既而歸之梁盡

入上郡以謝

正義曰今虜綏等州也魏前納陰晉次納同丹二州今納上郡而盡河西

濱洛之地矣滴水李氏以為北地郡誤

犀首歸梁

經曰繼而有師命不可以請程沙隨謂師命賓師之

命即授室萬鍾使大夫國人矜式事朱子謂此是舊

說但於崇見王是初至齊事授室萬鍾是去齊時事

故改為師旅之命余按孟子正義亦曰齊王續以賓

師之命而禮貌之故由是為善遂不敢請任氏約旨

謂改此則孟子於齊居賓師之位無據矣師命自以

賓師之命爲合只指爲授室萬鍾時誤耳孟子於梁
不稱臣而於齊稱臣者受命也受命則稱臣卽孟子
云必有所不召之臣者是也他日爲王誦孔距心在
受賓師之命之後故稱臣發棠之舉宜在此時書爲
賓師別乎後之爲卿也季氏圖譜以於崇見王爲孟
子免喪反齊後事遂曰宣王方欲伐燕所謂繼而有
歸命不可以請也不知伐燕是孟子所以去非孟子
所以留且與公孫丑論仕不受祿明是前去齊事季
說亦誤吳文園四書經註集證據釋地以孟子游齊

當在宣王八年丙戌今考史記田齊世家宣王八年
與魏會于鄆九年與魏會徐州十年楚圍我徐州十
一年與魏伐趙連年有事所謂師命者其卽指徐州
之役乎此更不然按楚世家齊孟嘗君父田嬰欺楚
楚威王伐齊敗之於徐州在周顯王三十六年戊子
孟子若於丙戌至齊已三年矣一見齊主卽萌去志
何遲之又久而不請也史記繫齊宣王元年於己卯
又不載梁惠王後元之十七年而於丙戌書惠王卒
子襄王立孟子於是年去魏適齊則齊宣王之八年

是無論孟子至梁惠王已兩稱爲嬰卽丙戌孟子年
不過三十八歲居齊六年亦不過四十三歲年未及
艾而與景丑氏言直以齒德當達尊曰惡得有其一
以慢其二豈莫如我敬王者所肯出此哉故孟子於
齊爲賓師計當在此時直惠王後元之八年孟子猶
未至梁也梁惠王曰西喪地於秦七百里則正在是
年閻百詩謂七百里卽惠王三十一年辛巳割河西
之地獻于秦以和者非數獻也不知辛巳當顯王二
十九年時魏營以安邑西偏於秦遂徙大梁以避之

實未嘗割地秦本紀魏世家六國表皆謂獻河西地
在顯王之三十九年此史記之足信者白詩作孟子
考極信史記而此獨倍之何也卽河西地止自華州
北至同州一帶亦無七百里惟突已魏盡入上郡于
秦則自丹鄜延綏等州北至固陽向所爲築長城以
界秦者都委棄之而秦乃可以東鄉也蓋梁地自河
西逶迤而至河南幾將二千里蘇秦言地方千里者
從長而橫不足截長補短算也明年秦歸梁焦曲沃
並陝州地惠王蓋約畧計之曰西喪七百里耳非謂

河東之地止十餘其三也故他日張儀之言曰魏地
方不至千里然則自惠王後元四年己丑以下四五
年間魏數獻地于秦並惠王改元後實事不知者悉
舉而屬之於襄王益之誤已

甲午周顯王四年魯景公十
十二年魯九年孟子四十六歲在齊

周九鼎淪泗没于淵

按秦本紀昭王五十二年周民東亡其器九鼎入秦正義

日器謂寶器也禹貢金九牧鑄鼎於荆山下各象

九州之物歷殷至周赧王五十九年秦昭王取九

鼎然一飛入泗水餘八入於秦中又秦始皇本紀

齋戒禱祠欲出周鼎泗水使千人没水求之弗得

楊慎曰舒雅史纂曰威烈王時九鼎震震者淪之

兆也鼎神物也既能震動則没入水理也宋太丘

社亡亡者自亡也社能自亡則鼎能自沒無疑使
鼎誠在秦則始皇必不使人入水而求也秦所鑄
金人者爽少矣猶能潛然泣下於將徙况神禹之
鼎乎宋集虛曰史何以書鼎入秦也秦恥不得鼎
而詭書史因之不改也事有若實而妄者秦得周
鼎也有若誣而實者鼎入泗水也余謂據此則紀
年於顯王四十二年書九鼎淪泗沒于淵較
史記足信謂泗淪其一而秦得其八者謗也○秦

縣義渠渠君為臣 歸梁焦曲沃更名少梁曰

夏陽

徐廣曰夏陽在梁山龍門按張儀列傳秦惠

言秦復與魏而使公子繇質於魏儀因說魏王曰

秦王之過魏甚厚魏不可以無禮因入上郡少梁

謝秦惠王惠王乃以張儀為相更名
少梁曰夏陽與魏世家秦本紀差異
當是之時從合則楚王衡成則秦帝孟子不之秦之

楚而之齊者闢從衡也觀其與齊言曰朝秦楚與梁
言曰撻秦楚之堅甲利兵而不及齊則游事之意可
見矣孟子胸中原有齊民安則天下之民舉安一段
舍我其誰大作用在季氏謂孟子見宣王有齊桓晉
文之問又有交鄰有道之問又有湯放桀武王伐紂
之問其餘問樂問囿與夫雪宮明堂之問皆因其所
好而啟之以王道宣王亦感發焉如好勇好貨好色
之疾皆不自隱故孟子以爲足用爲善是也但事蹟
圖譜並繫此數章於孟子再至齊之後則前六年於

齊所言何事竊意齊宣志在霸功桓文一問開口卽是與梁惠王問何以利吾國同意故列爲入齊之首章孟子先導以保民之政以下因上章而類次之觀反復告以同民之事此必在孟子初至齊時無疑者邠卿謂孟子譏管晏不勉其君以王業王无咎非之曰岐名逼孟子而實汨之是卽李泰伯謂不當勸齊梁之君以王之說余謂孟子說誘時君變化百出所言乃王政之本常生之道當章究義不嫌其重趙注無可議者鄭叔友致以爲儀秦之流謂戰國縱橫捭

闖之士皆發冢之人而軻能以詩禮著豈知孟子者
哉惟是史記孔子世家記聖人所遊歷多引論語文
附識其下孟傳疏漏特甚卽其居齊之久前後兩至
凡與宣王問答語初不定在何年余亦惟以七篇之
文約畧記之云爾

乙未 周顯王四十年 魯景公二十一年 孟子七歲在齊

趙肅侯語二十四年卒子武靈王立。趙世家肅侯卒秦楚燕齊魏出銳師各萬人來會葬子武靈王立索隱曰名雍

秦初臘 正義曰十二月臘日也秦惠文王始效中
國為之故云初臘臘禽獸以歲終祭先

因立此會龍門日也

嘗讀孟子列傳孟荀既不同時

全謝山曰太史公謂孟荀同時固未必然

中壘以爲後百餘歲亦未必然蓋同時而又同居於齊不應一無問答而使其後百餘歲則已入秦火一統之世矣大抵孟子游齊當宣王荀子游齊當湣王據經典序錄于夏之詩三傳爲孟仲子仲子再傳爲荀子則時代可推矣餘如稷下諸子一無問答七篇載淳于髡

之辭兩見按淳于髡齊之辯士集注云爾傳曰齊人也又曰齊之贅婿也則髡實是齊人當威王初年數使諸侯未嘗屈辱騶忌爲齊相髡往以微言語之禮踞則名位亦必與之相埒及宣王賜列第爲上大夫

而孟子至齊矣孟子再至齊始食卿祿淳于髡謂夫子在三卿之中則髡之於齊實與孟子相始終者中間當無復有至梁事魏世家三十五年淳于髡孟軻皆至梁疑卽田完世家中語而誤重出之耳傳稱客有見髡於梁惠王及髡見壹語連三日三夜無倦惠王欲以卿相位待之髡因謝去者或其先爲齊使梁與惠王語是未可知而斷不同在孟子至梁之日也閻百詩謂孟子與淳于髡問答僅兩章後章是去齊之後前章似相值於梁惠王朝孟子不見諸侯因惠

王延壽始至其國又未嘗仕真有孔子循道彌久温
温無所試之象髡故發問夫子何不援天下不然於
齊則仕矣余謂孟子初至齊位賓師無官守言責仕
亦未嘗受祿嫂溺援手之喻當在此時閻說誤也

丙申周顯王四十四年魯景公二十一年孟子四十八歲在齊

趙武靈王元年

梁鄭太子朝趙信宮正義曰在洛州臨洛縣趙世家武靈王元年陽文君趙豹

相梁襄王與太子嗣韓宣王與太子倉來朝信宮

按此當為梁惠王後元之十一年史以為襄王誤
索隱曰系本襄王名嗣則
梁敗趙護趙魏世家俱不載而年表

書之肅侯卒則梁會葬武靈王立則梁來朝乃
不旋踵而有趙護之敗魏罃之反覆至斯極已

齊梁敗韓舉于桑邱拓地志云桑邱城在易州遂城縣界韓世家云魏敗我將

韓舉魏罃日削地于秦猶不思厚韓親趙
一年而連敗兩家不自撤其藩蔽也哉 ○秦初

稱王張儀列傳云儀相秦四歲立惠王為王按綱目丙申四十四年夏四月秦初稱王書法此

始書月詳秦僭也不宜王而王則書稱王 ○鄭亦為王秦本紀十三年四月戊午魏君

為王韓亦為王按前此顯王之三十四年齊魏為
王則魏稱王者至是十一年矣秦紀書韓並書魏

年表且獨書魏君為王恐皆誤不如去魏書秦與
列傳合時韓宣惠王之八年也年表在十年世家

在十一年亦與紀異

任氏考畧謂王命孟子為賓師館於雪宮是也但記

於慎覲王二年壬寅去梁之後則誤蓋孟子初至齊
宣王極致尊禮居之日久敬意寢衰觀王託疾以召
之辭曰寡人如就見者也自是對賓師語而雪宮去
國都稍遠東郭氏之用孟仲子之妻景丑氏之宿一
時情事可想是知其不在壬寅再至齊之日也皇極
經世書謂孟子顯王四十三年乙未爲齊卿四十四
年丙申去齊余按孟子前至齊爲賓師並未爲卿且
旣於乙未爲卿何不及一年而遂去者惟是孟子去
齊當卽在丙申以後時蓋大夫王驪漸用事趙岐注

謂子敖使而之魯樂正子從之來齊孟子罪之今日
弟子尚不許其從行則異日之覲面不交一言亦可
概見又匡章通國皆稱不孝而與之遊陳仲子人皆
以爲廉而斥其無親戚君臣上下於俗亦多不合蚺
鼃辭靈邱而請士師孟子諷之諫諫不用而去亦當
在此觀其與公都子之言曰則吾進退豈不綽綽然
有餘裕哉此亦其將去者機也

丁酉

顯王四十五年

魯景公二十二年

孟子

四十九歲

去齊反魯之宋

秦

惠文王改其十四年爲
一年○初稱王改元也

蘇秦自燕奔齊

綱目書法秦通於文公夫人恐得罪說易王曰臣居燕不能使燕重

在齊則燕重王許之乃傷得罪於燕而奔齊此傷奔也曷為以奔書其奔則傷其所以奔則實書奔所以著秦之隱惡也蘇秦列傳於是蘇秦作為得罪於燕而亡走齊齊宣王以為客卿齊宣王卒湣王即位說湣王厚葬以明孝高宮室大苑囿以明得意欲破敝齊而為燕余按燕世家蘇秦說王使齊為反間欲以亂齊又云及蘇秦死而齊宣王復用蘇代則秦所問者實是宣王非湣王列傳誤也惟顯王之四十五年當燕易王之九年世家以為十年亦誤

○趙城鄙 ○秦使

張儀伐取陝出其人

張儀列傳立惠王為王居一歲為秦將取陝築上郡塞一

統志云陝古邑名周為虢國地春秋時屬晉戰國時先屬韓後屬魏漢置陝縣為宏農郡治魏晉因之後魏改為陝州


孟子曰久於齊非我志也其見亦罕矣牛山之木且
旦而伐之一暴十寒無惑乎王之不知也况是年蘇
秦說燕使齊欲亂齊而爲燕而宣王卒爲其所間其
寒甚矣乃徒以兼金百鎰之餽示養賢之優在貨取
也見幾者其能已於行乎季氏圖譜曰朱子綱目書
孟軻至魏於惠王三十五年招賢之日書去魏適齊
於惠王後十六年襄王初立之時書去齊於宣王十
九年齊人取燕之下孟子適齊之威實宣王十四年
也則孟子居魏者閱十八年居齊者閱六年今孟子

書所記魏事甚少齊事甚多豈宜在魏日如此之深而在齊日如此之淺耶其辨甚是而未詳綱目所書之宣王十九年是通鑑所書之丁未非史記所書之丁酉也不知孟子前後兩至齊兩去齊當在丁酉無疑者蓋孟子去齊充虞路問夫子若有不豫色然孟子明言由周而來七百有餘歲若在赧王元年丁未逆數至武王有天下歲在巳卯當得八百有九年庸有未滿其數而侈言之未有既踰其數而靳言之者孟子方欲言其數過豈肯以八百有餘歲而

減作七百耶然則不獨不在赧王時亦不在慎靚王
時當在顯王四十五年丁酉未滿八百歲以前而恰
值此年此則七篇之經之鑿鑿可證者也孟子曰王
者之不作未有疏於此時觀公孫丑設辭以問必在
孟子未爲卿之日故集注云自文武至此七百餘年
閻百詩謂當作八百五十年則是已然去齊何以知
其反魯也經曰孟子去齊居休按故休城在今兗州
府滕縣北一十五里山東通志漢封楚元王子富爲休侯卽此距孟子家
約百里則自齊反魯所經也孟子之游於此有年矣

故歸省其母而後之宋任氏考畧引路史國名記休
在潁州屬宋境遂以爲孟子去齊之宋之證亦非是
又圖譜記孟子去齊往宋在滕文公爲世子之時說
與經合謂適宋有二其初當宋剔成其後當宋王偃
不知宋世家辟公元年卽周烈王四年己酉也立三
年辛亥辟公卒子剔成立壬子剔成元年立四十一
年壬辰剔成弟偃攻襲剔成剔成敗奔齊偃自立爲
宋君時顯王之四十一年癸巳也宋偃將行王政故
孟子游齊之外曾兩至宋据此則孟子初至宋時君


偃立已五年不在剔成之世矣



孟子年譜卷下

蕭山曹之升

安康張鵬粉



戊周 顯王四十六年 魯景公二十三年 孟子歲十 由宋之薛

齊 宣王十年 譜特書宣王之十年者信孟子也

楚柱國昭陽敗梁襄陵 陽將兵而攻魏破之於襄

陵得八邑又移兵而攻齊索隱曰襄陵縣名在河

東古本作八邑今亦作八城徐廣曰懷王六年昭

陽移和而攻齊軍門日和齊世家年表無昭陽移

兵攻齊事戰國策陳軫為齊王使見昭陽以畫蛇

添足之說說之昭 ○燕君為王 燕世家十年燕君

陽乃解軍而去 初以十年稱王也上言易王者後追書諡也綱目

書法於是趙武靈王不肯稱王合國人謂已日君

則何以不書常事也而五國之罪著矣

○張儀與齊楚大臣會于齧

桑服虔曰韞地索隱曰河渠書齧桑浮兮淮泗滿徐廣云在梁彭城間張晏云地名如淳云邑名

為水所浮漂裴駟云左傳作采桑今平陽場曲南七十里河水有采桑津是晉境還秦免

相按張儀於秦惠王之五年入秦十年始相惠王木十四年改元其後二年張儀免則相秦者於茲

六年矣

閻百詩曰事有承譎歷五百載莫辨辨之實自今日

始者南辱於楚是也南辱於楚事本不可考祇宜闕

疑雖孫奭疏亦然奈何以楚世家懷王六年戊戌使

柱國昭陽將兵攻魏破之於襄陵得八邑卽魏世家

襄王十二年楚敗我襄陵事以當之襄王事豈容出自惠王口或曰綱目遲鑑並以襄之年併於惠之下爲其後所改年然孟子適梁與王問答的在乙酉王豈容預及十三年後事集注譌至於此或曰事具戰國策甘茂曰梁君身布冠而拘於秦蘇秦曰魏王跣行按兵於國而東次於齊卽其辱之事也然而於楚復何與焉余謂惠襄之年見於竹書明甚集注無可疑惟云亡其七邑七當作八耳齊策亦云昭陽爲楚伐魏覆軍殺將得八城移兵至以孫疏所不及而疑惠王不宜預及襄王而攻齊

事則又安知孟子至梁之必在乙酉哉孟子疏本偽作無可取乃欲藉此以擊竹書而反謂集註譌至於此不自知其謬也包少丞通考年譜載魏克邯鄲楚救趙取魏睢濊之間所謂南辱於楚也睢濊之取爲楚宣王時事正與惠王同時史記惠王十七年圍趙邯鄲十八年拔邯鄲趙成侯二十一年二十二年亦載此事彼此時世相合按齊楚世家俱言齊救趙敗魏於桂陵而不及楚惟戰國策載有楚使景舍起兵救趙邯鄲拔取睢濊之間語但卽謂辱於楚指此則

戊辰桂陵之敗先庚辰馬陵之敗十二年惠王何不
先言南辱次言東敗而顧述其事於西喪地七百里
之後乎吳文園經註集證謂此說可從因錄以備一
解亦非是又按竹書楚敗我襄陵在周顯王四十五
年當梁惠王後元十二年丁酉史記較後一年然實
是惠王非襄王時孟子去齊而猶未適梁也故他日
惠王之言曰及寡人之身云云此則還證以經而論
定者也季氏圖譜謂孟子去齊之宋亦不先見宋君
故公孫丑有不見諸侯何義之問觀其問列於宋事

之間必公孫丑從行之宋因宋而發也孟子居宋疑

必有上下之交如尊德樂義為宋句踐言之什一去

關市之征為戴盈之論之郛為宋滅其子孫為告核

之後去邑氏成制之告子之相見疑即此時而性善

後去邑氏朱皆是微旨王道大端必有以開示宋之君臣矣余謂公孫

丑設為夫子當路於齊加齊卿相兩問而孟子曰齊

人有言論齊事也曰無若宋人然時在宋也曰告子

先我不動心曰告子未嘗知義以其外之也則知其

在去齊之宋之日與告子辨義之後也時滕文公為

世子將之楚過宋見孟子在曹楚與東諸侯交聘宋
固其孔道厥後楚拓地且跨淮而北矣勝有事於楚
不信宿卽可達其東鄙何必問道彭城折入商邱廷
而西南行三百五十餘里過宋都乎其不憚假道於
宋之勞者以孟子在焉故也顧麟士謂非廷道來見
此不通地理之說任氏約言謂宋原之楚當經之地
但不待自楚反而卽見孟子便見他急於親賢亦曲
說也見孟子而往反及之可見在宋之非一日已去
宋何以知其之薛也觀陳臻問答却齊王之饒曰前

曰受宋薛之餽曰今日必一時之事而齊在前宋薛
在後則知去宋之後之薛也孟子由宋之薛行者必
以贐受宋君偃餽七十鎰季氏謂將東至于薛然後
適魏若非期於適魏不可以爲遠行按廣輿記今歸
德府春秋宋地周封微子於此秦曰商邱曰亳邑漢
曰睢陽唐曰宋州在大梁東界距魏都二百八十里
孟子若果期於適魏何事更東而之薛而故爲是僕
僕歟且曰子將有遠行亦行者之通辭耳正不必期
於適魏然後爲遠而之薛卽謂之近也况去薛蓋未

適魏耶

己亥周顯王十四年魯景公二十一年孟子一歲自薛反鄒之滕

張儀相梁犀首弗利年表秦惠文王後元三年張儀免相相魏張儀列傳相魏

以為秦欲令魏先事秦而諸侯効之魏王不肯聽

儀秦王怒伐取魏之曲沃平周復陰厚張儀益甚

張儀慙無以歸報綱目發明四十二年書張儀伐

魏取蒲陽矣四十五年又書張儀伐魏取陝矣今

焉免相于秦乃出而相魏以儀之反覆固不足多

責為魏國者不亦愚之甚耶且魏獨不思前年之

伐我者誰歟往年之伐我者又誰歟彼親用兵以

乃出而相我後之觀史者猶且惡其譎詐為之念

然不平魏乃舉國聽之幾何而不亡哉惟夫合竊

目前後所書觀之然後知儀之為反覆小人而魏

之為削弱不能自立也卒斃于秦不亦宜乎余按

顯王三十六年秦以犀首為大良造四十一年張

儀相秦犀首歸魏至是年儀為秦之魏魏相之而

犀首弗利小人梁有女子化為丈夫秦取曲沃平

真同而不和哉

周正義曰絳州桐鄉縣晉曲沃邑十三州志云古平周縣在汾州介休縣西五十里○趙

與鄭會于區鼠正義曰在河北○梁鄭太子朝秦

譚氏孟子編年畧曰薛在春秋時自薛伯轂至薛惠

公凡六傳黃帝之苗裔奚仲後也至戰國為齊威王

所滅以封其少子田嬰嬰傳子田文即孟嘗君當孟

子時滕猶論語之滕薛非論語之薛矣不得編年則

在薛受餽不知其為何人既云齊人莫如我敬王又

云說大人則藐之其言自左不知大人為何人矣山
 東通志薛任姓黃帝之後奚仲為夏禹掌車服大夫
 受封於薛後遷於邳至商仲虺為湯左相復居於薛
 周封以侯爵至獻侯始朝魯見於春秋傳襄公定薛
 公比惠公夷後為楚所滅今滕縣南有薛城余按史
 記田嬰者齊威王少子而齊宣王庶弟也周顯王四
 十八年始封于薛嬰卒諡為靖郭君綱目集覽索隱
郭耳則靖郭或封邑漢齊王其子交代立是為孟嘗
舅父駟鈞封靖郭侯是也
 君則滅薛者齊而非楚也崑山顧炎武山東考古錄
日漢魯國有薛縣史記公

孫宏傳齊菑川國薛縣人也言齊又言菑川而薛並不屬二國殊不可曉正義曰表云菑川國文帝分齊置都劇活地志云故劇城在青州壽光縣南三十一里故薛城在徐州滕縣界地里志薛縣屬魯國按薛劇隔兗州及泰山未詳人疑孟嘗君之封在菑川又按後漢書志云薛本國註引地道誌曰夏車正奚仲所封冢在城南二十里山上皇覽曰靖郭君冢在城中東南阪孟嘗君冢在城中向門東北邊蓋信孟嘗君之封不以齊人築薛孟子在滕言之之薛當在田在菑川也以齊人築薛孟子在滕言之之薛當在田嬰未封以前是時下邳遷于薛邳薛皆同姓其君猶以諸任奉奚仲之祀而遂謂薛非論語之薛乎然則編年謂適宋受宋餽時值宋王偃者是也宋君偃自立為王在慎覲王三年孟子受謂適薛受薛餽時值薛孟嘗君饒時節稱王偃亦誤

者非也且說大人章趙注泛稱當時尊貴者竊以儀
秦犀首一輩孟子嘗同與游事齊梁之朝他日與景
春言是焉得爲大丈夫卽所謂勿視其巍巍然者而
譚氏專屬之田文安見是章必爲在齊之言耶孟子
東至於薛時有惡人欲害孟子如桓魋於孔子之類
實有戒心故曰聞戒薛君爲兵餽之受五十鎰季氏
謂田薛以往必設兵以備寇盜則當時傳食諸侯何
獨於薛而爲兵餽耶孟子居宋有年薛則至而卽去
去宋知其之薛者以陳臻問餽知之也去薛知其反

鄒者以然友之鄒然友復之鄒知之也

閩百詩謂故滕國城在今

縣西南十五里故邾城在今鄒縣東南二十六里兩國相去僅百里宜然友朝發滕而暮至鄒朝見孟子

而暮後命是年滕定公薨文公曰昔者孟子嘗與我

言於宋則之滕固在之宋之後而滕在薛之北薛在

魯之東鄒去孟子所居又止五十里孟子與穆公有

舊故嘗自薛反鄒而由是之滕固卽在此一年中事

任氏謂鄒穆公卒乃應滕聘者未必然也

按新序言穆公死百

姓如喪慈父穆之諡見於七篇自必先孟子而卒者特小國無紀不能定在何年耳春秋哀世

喪禮久廢馬貴與謂孟子雖誨文公以三年之喪而

文公僅能五月未葬之前守諒陰之制然亦當時所
無余謂五月居廬亦猶行古之道所為事莫當於奉
禮孝莫大於哀慟從善如流文公之謂也蓋自過宋
聞性善之旨其虛左以待孟子亦已有日不幸至於
大故未有命戒禮賢之典不遑焉至葬後始聘孟子
至滕館於上官趙注館舍也上官樓也孟子舍止賓客所館之樓上也百官有
司總已以聽觀舉戰問井地可見而文公自三年終
制為國一問亦求所為膜眩之說耳非僅能五月不
言也是時諸侯各去典籍人自為政孟子乃復修井

法任氏又謂是時商鞅未開阡陌井田形體固在只
經界不正不知鞅開阡陌在周顯王十九年辛未孟
子時止二十三歲尚未游歷諸侯至是年孟子至滕
鞅卒已十八年矣其謬不待辨也

庚子周顯王崩四十八年魯景公二十五年孟子五十歲在滕

燕易王十二年辛子噲立

齊封田嬰于薛後漢書志薛本國六國時曰徐州

之下邑在魯東徐與邾並音舒今讀為禹貢徐州
之徐者誤齊世家田常執簡公于徐州春秋正作
舒號薛公田文為孟嘗君綱目書法書賜號始此
州按列傳言諸侯皆使人

請薛公田嬰以文爲太子嬰許之嬰卒諡爲靖郭君而文果代立於薛是爲孟嘗君則賜號當在嬰卒之後也山東通志嘗許二邑俱在滕縣南薛城左右魯頌居嘗與許是也舊志田文號孟嘗君今之孟嘗集
○趙娶鄭女爲夫人
卽古嘗邑

滕出自周文王第十四子叔繡之後見春秋者滕侯穀宣公嬰齊孝侯輒昭公元文侯壽成公原悼公寧頃公結隱侯虞母再傳戰國有定公文公俱失名趙氏法古紀世本錄諸侯之世滕國有考公麋與文公之父定公相直其子元公宏與文公相直似後世避諱改考公爲定公以元公行文德故謂之文公也王

厚齋謂世本今無傳此可備參攷

按鄭漁仲謂世本孔子譜二書皆本

左傳然則世本雖亡未亡也

滕文公卽位孟子在滕勸行井田學

校之仁政於是感動遠方之人自楚自宋皆至於滕

願爲之氓其弟更亦及門卒業所謂猶可以爲善國

者此也其間如許行蔽道陳相倍師孟子皆博陳堯

舜上下之叙以正之何莫非性善之旨歟滕介齊楚

兩大之間欲息肩於一國而不得於是有竭力以事

不得免焉諸問孟子設爲遷國效死二策以告之此

皆憂國之心所迫而出焉者而遂責其免喪以聽政

誣也經曰齊人將築薛此齊人當指出嬰按孟嘗君
列傳田嬰相齊十一年宣王卒湣王卽位卽位三年
而封田嬰於薛索隱曰紀年以爲梁惠王後元十三
年四月齊威王封田嬰于薛十月齊城薛十四年薛
子嬰來朝十五年齊威王薨嬰初封彭城與此文異
余以經證之是年孟子在滕也孟子適滕在去齊之
後前所見者已是宣王則此時安得更威王是紀
年以爲威王者誤也孟子去滕之魏去魏復至齊後
所見者仍是宣王則此時安得先有湣王是史記以

爲濬王者亦誤也蓋威滅邳以封成侯忌宣滅薛以
封庶弟嬰至是而奚仲傳世六十四葉享國千九百
年之祀始斬也任氏孟子考畧書齊城薛於周顯王
四十六年之十月明襲紀年文而又曰封其弟嬰則
仍以威爲宣亦考之不審已闡百詩釋地云戰國策
載靖郭君將城薛矣以客海大魚之諫乃輟城薛何
爲至是復欲城且將之爲辭事未定也孟獻城虎牢
而鄭人懼晏弱城東陽而萊子服文公焉得而不恐
哉余按薛河北有大城田文所築也豈嬰欲城不果

至文乃遂城之歟

山東通志薛國城在滕縣南三十里薛河之北奚仲為夏車正禹封

為薛侯是也城周二十八里齊滅薛封靖郭君田嬰于此更築其城郡國志云孟嘗君時城中六萬家其城高厚無比孟子於滕行蹤歲月有可約畧計者春以抗楚魏也

秋公羊傳君存稱世子君薨稱子某既葬稱子踰年

稱公左氏例則未葬稱子既葬稱君此二傳之同異

也孟子則又有異滕文公為世子是君存稱世子也

滕定公薨世子謂然友是君薨亦稱世子也至於子

之身而反之是未葬稱子也若所稱子力行之則又

在既葬之後直至踰年改元然後兩稱為君曰君如

彼何哉曰君請擇於斯二者而孟子之在滕亦既有
年也譚氏又引春秋釋例云滕自叔繻以下至公邱
二十一世為秦所滅公邱亡國故無論小國得延至
秦并喪禮井田之效畧可見於茲矣

辛丑周慎觀王魯景公二十六年孟子五十三歲去滕由魯之梁

燕王噲元年

齊迎婦于秦○秦王北游戎池至河上徐廣曰戎池在河上

正義曰按王游觀北河○衛更貶號曰君綱目書法趙武

至靈夏州之黃河也靈王命國人謂已曰君不書此何以書誅心也不
知守國自貶以求媚於人其褻王爵卑先祖甚矣

綱目前書曰貶號爲侯此
書曰更貶號曰君甚之也

孟子於滕文非所爲不合則去也是時井制壞學制
亦壞滕行仁政而許行之流卽至若非文公信之深
行之力孟子亦未能期年而報成者不然百畝之田
庠序之教爲齊梁之君各陳之又如之何弗效耶惜
乎滕君則誠賢君而所與爲善者僅五十里耳於平
治天下之志固未逮焉於是孟子去滕去滕卽之梁
而知其由魯者歸奉母也吾鄉毛西河謂戰國游仕
多家于寄以孟母嫠婦孟子孤兒則出必借出處必

偕處自當與介推奉母老萊攜婦一類未有拋母居
魯而可獨身仕齊者孟子年表壬寅五十四歲魏君
罃卒孟子去魏適齊癸卯五十五歲在齊迎母仇氏
魏襄王卽位据列女傳言孟子憂母老而道不行在
爲卿於齊之後則其奉母仕齊者亦已有日自非至
齊始迎母而母卽沒於齊可見想魯滕密邇省問時
通至去滕之後有遠行孟子艾而其母亦幾耄矣明
年去梁卽之齊中間更不復反魯故知是時反魯奉
母以仕也然去滕何以至梁也金仁山曰春秋之所

憂在楚史記之所憂在秦尹起莘曰王澤之斬自秦
併天下始秦併天下自三家分晉而力不足以禦秦
始嘗觀蘇秦要約六國攻守形勢具見蘇氏謂天下
之所重者莫如韓魏意亦本此其實梁之地小於趙
而大於韓賈誼過秦論言秦孝公據殽函之固擁雍
州之地拱手而取西河之外秦之強實自梁始故曰
孟子不之韓之趙而之魏者揀腹心也孟子時年五
十有三惠王稱之曰叟劉熙曰叟長老之稱依皓首
之言則非於乙酉至梁明甚史稱駟衍淳于髡皆自

齊往以孟子居齊之久惠王必想聞其賢故曰不遠

千里而來謂其自齊來也趙氏注亦云孟子冀得行

道故仕於齊齊不用乃適梁此先齊後梁之切證建

篇先梁者欲以仁義為首篇也魏環溪曰孔子開口便說學而時習之是

孔子一生大本領大願力看十五志學一章五十學

易一章甚矣吾衰一章自少至壯至老何嘗一時不

習即一部論語又何嘗一件不是時習之學願學孔

子者須學此孟子開口便說何必曰利亦有仁義而

已矣是孟子一生大本領大願力看梁惠王一章景

丑氏一章宋輕一章王子墊一章告君告臣告王子

何嘗一處離了仁義即七篇孟子又何嘗

一句不說仁義之言願學孟子者須學此

季氏圖譜

言惠王一見孟子而首有利國之問既又有鴻雁麋

鹿之間既又因歲凶而有民不加多之間孟子皆以
仁義之道啟之而惠王之志在於報怨乃欲雪齊秦
楚之耻非愛民之仁也故孟子歎其不仁而他日為
公孫丑言之居魏而與之論仕者又僅有周霄焉則
魏可知已

壬寅周慎靚王魯景公二孟子五十四歲去梁自范之齊

梁惠王和嶠云紀年起自黃帝終於魏之今王今王者
魏惠成王子按太史公書惠成王但言惠王惠王子
曰襄王襄王子曰亥王惠王三十六年卒襄王立十
六年卒并惠襄為五十二年今按古文惠成王立三
十六年改元稱一年改元後十七年卒太史公書誤

分惠成之世以爲二王之年數也世本惠王
生襄王而無哀王然則今王者魏襄王也

樂池相秦

按張儀復相秦魏世家在慎靚王二年
秦本紀在慎靚王四年余以紀樂池相

秦言之則是年張儀猶未復相也

秦擊鄭取鄆

徐廣曰潁川鄆陵縣

○楚城

廣陵

廣輿記廣陵禹貢揚州之域
春秋屬吳後屬越戰國屬楚

王伯厚引朱文公之言曰惠襄哀之年見於竹書明

甚史記蓋失其實邵子皇極之書乃從史記而不取

竹書余不知孟子首篇集註何以亦不取竹書而從

史記也綱目書孟子在魏自乙酉至壬寅凡十八年

若是則庚子齊人將築薛孟子在梁矣何緣有與滕

文公問答語此經之顯然可證者况孟子於齊稱臣於梁不稱臣周霄問晉國亦仕國而疑君子之難仕則孟子實未仕梁斷不居梁若是之久也七篇與惠王語止五章觀願安承教一言亦被孟子漸漸引入惜其遽亡耳新君初服注目共瞻不謂出乃考下遠甚綱目上書魏君啜卒下書孟軻去魏書法以爲譏在嗣君是也君子居是邦不非其大夫况其君乎當日出而語人直是爲天下萬世之人收告非故貶襄王也朱子謂孔子未必說孟子却忍不住說出來然

亦一見而決去故其辭如此林慎思續孟梁襄王使人求於孟子孟子再往襄王儀服不整而見孟子孟子曰王苟能恩信來其民必先以容儀正其身亦因望之不似人君一語撰成之其實孟子更無復與梁襄語也時張儀相梁犀首弗利儀術皆魏人又並事魏閻百詩曰公孫衍張儀皆魏人自出史記本傳蓋術陰晉人陰晉今之華陰縣也秦本紀惠文君六年已丑魏納陰晉我更名曰寧秦漢地理志故陰晉秦惠文王戊子更名寧秦雖紀年小異要當公孫衍生長時尚屬魏故為魏陰晉人至儀則魏之支庶見呂氏春秋者魏人又奚疑故太史公曰三晉多權變之士與景春論大丈夫當在此觀其問與周霄並記可

見任氏四書約旨曰儀術皆魏人春亦魏人故止知儀術儀之相魏皆秦使之故却魏使必事秦者儀也行之相魏總以仇儀故說魏使不事秦者術也當時術走則儀來儀逃則術貴然儀非真爲秦也秦武王立而儀以計出相魏且說齊使不攻魏矣術非真惡秦也儀死而術入相秦且佩五國相印使皆事秦矣余按周顯王三十七年秦大良造公孫衍欺齊魏以伐趙四十年秦相張儀降魏蒲陽四十五年又取魏陝儀術始皆以魏人與魏難至是乃比肩竝事真所謂無耻之尤者而魏自庚子辛丑壬寅數年中不被兵故景春日一怒而諸侯懼安居而天下熄戰國縱橫者流孟子皆辭而闢之前者蘇秦入齊而孟子因以去今者張儀相魏而孟子豈能留乎以知孟子之不久於梁雖曰譏在嗣君其臣亦與有罪焉然去梁復之齊何也任氏

約旨謂齊宣與梁惠質地不同勢局亦異梁惠小齊
宣大梁惠浮齊宣實梁惠在位四十餘年習染已深
齊宣卽位未幾天機猶在看梁惠只想報仇雪耻齊
宣便想蒞夏撫夷梁惠喪敗尚詡盡心齊宣自知動
稱有疾梁惠許多警發尚難動其哀痛之心齊宣只
就易牛一事提撕便能戚戚此其質地不同也梁國
小而逼於秦齊居海岱之間國安而民富此其勢局
亦不同也王有足王之資國有易王之勢故孟子望
齊尤倍于梁於是孟子復之齊而知其自范者經文

也按廣輿記東昌府禹貢兗州之域春秋齊西鄙聊

攝地戰國魏齊趙三國之境范卽今東昌府濮州范

縣是孟子去梁之齊所經之塗也

山東通志范縣孟望臺在縣東南二

十里孟子自范之齊卽此季氏謂王子墊問士何事而得聞居仁

由義之說一日孟子自范之齊而歎王子氣體有異

豈亦因聞教而氣質漸變歟

按王子墊亦因孟子仕不受祿而發爲何事之

問故並記於不素餐分節下其爲前在齊語無疑則此齊王之子疑卽指墊

郝氏謂爲湣王譚氏謂卽湣王子法章余謂總不若

趙注泛指王庶子爲合大梁臨淄相距千里故尹士

曰千里而見王孟子亦曰千里而見王若由魯以往

僅得半耳

癸卯周慎觀王三年

魯景公二十八年

孟子五十五歲

為卿於齊

梁襄王元年

蘇秦約從六國兵攻秦不勝

楚世家十一年蘇秦約從山東六國兵攻

秦楚懷王為從長至函谷關秦出兵擊六國六國兵皆引而歸齊獨後年表書五國共擊秦不勝而還按周顯王三十七年蘇秦去趙適燕從約皆解四十五年自燕奔齊齊宣王以為客卿至是者七年矣復約六國兵攻秦以齊師後五國勝則進不勝則退故年表獨不及齊斯亦可見秦之詐也已

○宋自立為王

君偃之十一年也

尹士曰不識王之不可以爲湯武然且至此再至齊之明證梁不足以難秦則七雄之間唯有齊楚觀益子與陳相述魯頌荆舒是懲之言其不之楚之意與秦同舍齊其奚適哉季氏圖譜謂自是孟子爲卿於齊食祿十萬按集註萬鍾穀祿之數也鍾量名受六斛四斗萬鍾則六萬四千石也十萬鍾則六十四萬石也卽漢二斗七升當今五升四合古量五纜當今之一而六萬四千石猶一萬二千八百石六十四萬石猶十二萬八千石卿祿若是之厚齊雖富亦不支

或曰漢三公號歲食萬石實月俸三百五十斛卿祿
十萬將毋名存而實未必給耶然孟子他日明明曰
辭曰就趙歧注亦謂我往者饗十萬鍾之祿則亦非
徒以其名而已閻氏孟子考謂此蓋孟子通計仕齊
所辭之數非一歲有也陳戴蓋祿萬鍾孟子在三卿
之中使其祿同於陳戴耶則仕齊當十年矣倍於陳
戴耶則仕齊當五年矣或少倍於陳戴耶當亦不下
六七年矣余按孟子五十四歲去魏適齊五十六歲
有母之喪自齊葬於魯五十八歲免喪反齊五十九

歲齊人伐燕取之六十一歲燕人畔而去齊是孟子
再至齊爲卿者前後約七年所入祿數自宜以通計
之說爲合淳于髡曰夫子在三卿之中趙注齊大國
有三卿蔡氏卽以司徒三卿解之七國官制草草大
抵三卿者指上卿亞卿下卿而言樂毅初入燕乃亞
卿是其證也特未有司徒等名耳全謝山謂國策中
唯魏曾有司徒之
官一見亦或謂一卿是相一卿是將其一爲客卿上
不足信下本無定員但孟子爲卿於齊王驩以大夫攝卿行
故亦曰齊卿之位不爲小而趙注輔副使也則列女

傳齊王以孟子為上卿之說不為無據孟子因王問
卿告以同姓之卿可易位其言甚危宣王至勃然變
乎色亦不敢不竦已以終孟子之說蓋禮貌猶始終
未衰也其與王驩使滕為文公之喪也季氏謂非大
國之君無使貴卿及介往弔之禮此回重文公之賢
而隆其數亦孟子欲親往弔以盡存沒始終之大禮
也書為卿別乎前之為賓師也

甲辰周慎覬子魯景公二孟子五十有母之喪自齊葬於

魯

齊大夫殺蘇秦

綱曰書法兩下相殺不書此何以

矣魯以為世戒也蘇秦列傳齊大夫多與蘇秦爭

寵者而使人刺蘇秦不死殊而走齊王使人求賊

不得蘇秦且死乃謂齊王曰臣即死車裂臣以徇

於市口蘇秦為燕作亂於齊如此則臣之賊必得

矣於是如其言而殺蘇秦者果自出齊王因齊敗

而誅之燕聞之曰甚矣齊之為蘇生報仇也

趙觀澤正義曰括地志云觀澤故城在魏州頓丘

秦敗我斬首八萬級齊敗我

觀澤是也年表作觀津誤

敗梁觀津

正義曰括地志云觀

津城在冀州棗陽縣東南二十五里本趙邑今屬

魏魏世家二年齊敗我觀津是也田齊世家與宋

攻魏敗之觀

澤澤當作津

○秦敗鄭修魚

○梁因張儀請成

正義曰韓邑也

虜其將艘申

差徐廣曰一云艘申差索隱曰

二將名當是日艘口申差

卷下

三

于秦犀首相

儀去而衍相也張儀列傳於是張儀陰令秦伐魏魏與秦戰敗明年齊以

來敗魏於觀津秦復欲攻魏先敗韓申差軍斬首八萬諸侯震恐而張儀復說魏王敗從約而因儀

請成於秦觀此則張儀之去梁實是在是年魏世家列之慎覲王二年壬寅誤也又按儀秦本同門友

初秦相六國激怒儀使入秦至是秦死而儀即為梁請成於秦卒敗從約陳潛室謂其平日師友之

間未嘗用情故臨事不可以張儀歸復相秦綱目情告彼此以術牢籠諒哉

張儀出入綱目悉書之特筆也秦之譎張儀為之然則秦能用儀矣其亦書相秦何儀魏人也相秦

而書曰歸所以著前之出為秦謀而非果免也今乃歸而復其位焉耳不書秦以非新命也義

渠敗秦人李伯之下

索隱曰李伯或邑號戰國策伯作帛

劉向列女傳孟子去梁適齊齊王以為上卿孟子處

齊有憂色擁楹而歎孟母見曰子擁楹而歎若有憂色何也對曰軻聞之君子稱身而正位不爲苟得而受賞不貪榮祿今道不用於齊願行而母老是以憂也孟母曰婦人之禮精五飯羈酒漿養姑舅縫衣裳而已故有閭內之修而無境外之志易曰在中饋無攸遂詩曰無非無儀惟酒食是議以言婦人無擅制之義而有三從之道也故年少則從乎父母出嫁則從乎夫夫死則從乎子禮也今子成人也而我老矣子行乎子義我行乎我禮子何憂乎據此則知孟子

之奉母仕齊必非在前至齊之日前至齊未爲卿也
時齊王初敗從約以攻伐爲賢孟子憂道之心有不
能自己者然猶設爲工師求木玉人琢玉之喻反復

之此亦異姓之卿之義也踰年有母之喪

任氏考畧謂孟母卽

卒於壬寅孟子至齊之年恐誤

孟子年表甲辰五十六歲母仇氏卒

于齊扶柩歸葬于魯養生者不足以當大事惟送死
可以當大事七篇所以從乎大書特書之例也以聖
人之徒被慈母之教親始死皇皇焉如有求而弗得
其所爲惻怛痛疾不知奚似而充虞疑木若以美然

者按墨之治喪以薄宋書禮志引尸子禹治水爲喪
法曰桐棺三寸制喪三日蓋墨家託於禹者所爲爾
時墨道大行殯皆從薄見有合於禮者反以爲踰禮
與孔子時事君盡禮人以爲諂者何異孟子遵古制
而盡人心亦所爲距墨之道也記曰周人卒哭而致
事注謂還職事於君蓋喪不貳事不從政也於是孟
子去官爲親行服古稱徒跣護柩行路嗟嘆孔帖崔
衍居父
喪徒跣護柩行千里道路爲流淚又李百藥侍父
母喪還鄉徒跣數千里雖除喪容貌癯毀者累年賢
者能之而况孟子耶閻氏考謂孟子蓋魯公族不知

何時適鄒遂為鄒人猶葬歸於魯者太公子孫反葬
周之義在氏亦謂古者族葬昭穆各以其班故孟子
歸葬于祖之域是又皆誤以孟子鄒人之說而疑其
辭者也

乙周煥觀王魯景公三孟子五十七歲在魯居喪

犀首行三國相事

張儀列簡秦惠王終相張儀而陳軫奔楚楚未之重也而使陳軫使於秦過梁欲見犀首犀首謝弗見軫曰吾為

軫使於秦過梁欲見犀首犀首謝弗見軫曰吾為事來公不見軫軫將行不得待異日犀首見之陳軫曰公何好飲也犀首曰無事也日吾請令公

軫曰公何好飲也犀首曰無事也日吾請令公鑿事可乎日奈何日曰需約諸侯從親楚王疑之未

信也公謂於王曰臣與燕趙之王有故數使人來日無事何不相見願謁行於王王雖許公公請毋

多車以車三十乘可陳之於庭明言之燕趙燕趙
容聞之馳車告其王使人迎犀首楚王聞之大怒
日田需與寡人約而犀首之燕趙是欺我也怒而
不聽其事齊聞犀首之北使人以事委焉犀首遂
行三國相事 ○楚與齊爭長 ○燕君噲以國讓其
皆斷於犀首

相子之

綱目燕相子之與蘇秦之弟代昏欲得燕
權蘇代使齊而歸燕王問曰齊王其霸乎

對曰不能王曰何故對曰不信其臣於是燕王專
任子之鹿毛壽謂燕王曰人謂堯賢者以其能讓
天下也今王以國讓子之是王與堯同名也燕王
因屬國於子之或曰禹薦益而以啟人為吏及老
傳天下於益而啟與其黨攻益奪之天下謂禹名
傳天下於益而實令啟自取之今王言屬國於子
之而吏無非太子人者是名屬子之而實太子用
事也王因收印綬自三晉石吏已上而效之子之
子之南面行王事而噲老不聽政顧為臣書法書
以國讓何罪噲也以者不當以者也故以失地例

之名 ○秦司馬錯伐蜀取之 案隱曰蜀西南夷舊有君長其後有推宇自立

為王號曰望帝張儀列傳苴蜀相攻擊答來告急於秦秦惠王起兵伐蜀十月取之王厚齋曰老泉

謂秦之憂在六國蜀最僻最小最先取楚最强最

後取非其憂在蜀也愚謂取蜀則楚在掌中矣白起所以再戰

而燒夷陵也 伐取趙中都西陽 正義曰括地志云中都故縣在汾州

孟子年表乙巳五十七歲在鄒居喪魯平公即位按

魯平公之年世家始乙巳六國表始丁未閔氏考謂

平公欲見孟子應在甲辰後但甲辰後正孟子在魯

居喪之年而樂正子顧殷殷為之勸駕耶不如從丁

未元年之說爲合禮君子不奪人之喪亦不可奪喪也故曰父母之喪三年不從政季氏本誤讀孟子反於齊一言其圖譜遂謂孟子在齊居憂者二年是孟子直自奪也毛西河謂特以墳墓在魯不得不至魯合葬而究之魯翻無家而齊有家故記曰反於齊反者反哭之反并曰孔子娶糴而赴季氏之鄉饗孟子甫葬而卽來齊聖賢行事有不可以憑臆斷者解者不悉謂孟子勸人行三年喪禮而躬違之又罪萬章之徒修文不善可謂逐臭李觀左袒臧倉者矣元張頌

重修孟母墓碑記曰孟子自齊葬於魯蓋母喪也其地在鄒縣北二十五里馬鞍山之陽馬鬣其封隆然岡阜千六百餘年宜有豐碑記載而茂之或聞豈歷世既久遂湮沒耶片石在旁題曰鄒公墳廟碑者僅存於母之德或畧鄒縣尹東陽司居敬完孟子廟宇復孟子故宅尊孟子墓廬用心既勤亦各紀其事矣而又以孟母墓碑爲請額讀鄒公墳廟碑莫釋其疑用不敢固讓以祛觀者之惑其言母氏曰李未知何據當考而謂孟子後孔子三十五年生時周定王三

十七年謹按孔子以周敬王四十一年壬戌歲卒後
二十五年丙申又三年戊戌貞定崩孟子之至魏顯
王三十三年也歲在乙酉逆數至貞定丙申爲一百
十年慎覲王二年壬寅去魏適齊視乙酉十八年赧
王元年丁未去齊在齊六年自齊葬魯此六年間皇
極經世書謂孟子顯王四十三年乙未爲齊卿四十
四年丙申去齊則葬魯丙申前事其生不在孔子卒
後三十五年明矣余謂孟子自言由孔子而來百有
餘歲則三十五年之說固非然旣据綱目壬寅適齊

丁未去齊謂自齊葬魯此六年間而又引皇極經世
 之說謂葬魯丙申前事則誤甚也且所為鄒公墳者
 謂孟子父邾國公激公宜之墓也檀弓孔子少孤不
 知其墓殯於五父之衢人之見之者皆以為葬也其
 慎也蓋殯也問於聊曼父之母然後得合葬於防陳
 氏滄謂聖人人倫之至豈有終母之世不尋求父葬
 之地至母殯而猶不知父墓乎按孔叢子此說生於
 魏臣李由之對魏王
當時孔子順已斥其
 造謗誣聖不足據也孟子夙喪其父則前喪必自其
 母為之至是有母之喪乃歸葬于父墓後人因題曰

鄒公墳廟碑從乎周人合葬之禮也但攷馬鞍山在

今鄒縣界內

楊奐元人東游記鄒縣東北行二十五里達馬鞍山謂孟母墓北行十五里達

趙山莊又十里許七篇特書自齊葬於魯疑古屬魯

地益可為孟子鄒人即魯人之證而葬以大夫祭以

五鼎魯君臣專議孟子家事不信其為父母之邦哉

然則年表謂孟子在鄒居喪者在鄒在魯也惟是古

人為廟以依神從無廬墓之禮

日知錄孟子言孔子沒子貢築室於塲獨

居三年然後歸曲沃衛萬曰古人為廟以依神無廬墓之非門人既不得奉其廟祀而但廬於冢上以盡其情此亡於禮者之禮也漢以來乃有父母終而廬墓者不啻其置神主何地其奉之墓次歟是野祭之

也其空置之祠堂歟是視其體魄反過其神也而慤者以此悖先王之禮傷者以此博孝子之名至於今而此風猶未已也且孝如曾子未嘗廬墓孔子封防既反而弟子後至古人豈有廬墓之事哉父母之喪居倚廬廬嚴者也不與人居示憂之所獨也則或因孟子居憂而遂疑其廬魯墓三年又辨之不可不早辨者

丙周慎觀王定六年魯景公偃三十一年卒孟子五十八歲

免喪反齊

梁城陽向紀年鄭侯使韓辰歸晉陽及向二月城陽向更名陽為河雍向為高平徐廣曰

向在軹之西○秦伐取鄭石章正義曰敗趙將軍英秦本

紀十年伐敗趙將泥徐廣曰將一作莊按敗趙
莊在惠交王後元十二年此據年表作莫爲是

孟子年表丙午五十八歲反齊齊王以爲客卿是年
燕王噲讓國於其相子之有答沈同私問等語按孟
子前至齊爲賓師是客後至齊爲卿不是客故他日
書致爲臣而歸且母在已爲卿不待免喪後也燕噲
讓國在乙巳不在丙午沈同私問亦當在丁未今並
列之是年似誤然自甲辰歸葬乙巳居喪丙午反齊
備書孟子行三年喪固年表之鑿鑿可信者京山郝
氏據喪禮尊者有賜必明日往拜惟喪則歛之明日

但拜君命及衆賓而不拜棺中之賜故贈祔之賜拜於葬後孟子毋卒於齊王以卿禮含隧及歸魯三月而葬反於齊拜君賜也其止於嬴禮衰經不入公門大夫去國踰竟爲壇位鄉國而哭此喪禮也故自魯越國至齊境上爲壇位成禮於嬴畢將遂反也而不知其說非是如云王以卿禮含隧孟子以棺中之賜不卽往拜彼何以知王不來弔耶小記有國君弔臣之文禮運國君非問疾弔喪不入諸臣之家故衛靈弔柳莊齊莊公弔杞殖豈有齊王不來弔者卽遣人

來弔亦君命矣君命則拜在明日不當在三月之後
况含禭有二禮一是君親臨者一是遣送者皆君命
也君命無不拜所謂不拜棺中之賜者謂不拜賜而
拜命耳不然君親臨禭可謂此棺中之賜而不往拜
乎且羸齊南邑魯在齊之西南故孟子自魯反齊止齊南邑春秋桓三年

公會齊侯于羸杜注今泰山羸縣按羸縣故城在萊

蕪縣西北四十里汶水之北去齊都臨淄尚三百餘

里安有拜君賜於三百餘里之外者耶山東通志沂州府孟津亭

在萊蕪縣治東南取孟子止於羸之句初名孟止明洪武間改爲觀德堂後廢復建于東郭門外乃改今

名禮衰經不入公門未聞不入國門也為壇位而哭
乃出亡禮非喪者所用郝氏之誤解遂足據耶顧寧
人曰知錄謂孟子自齊葬於魯言葬而不言喪此改
葬也禮改葬總事畢而除故反於齊止於嬴而充虞
乃得承間而問終屬臆度任氏約旨或謂孟子急於
行道故反而為卿於齊不幾為奪情者藉口乎恐臆
倉直以短喪指斥不僅如後喪踰前喪云云矣是也
孟子考畧又謂歸葬於魯不居鄒終喪而反於齊者
既葬乃致其事於君禮也其止於嬴者衰服不入公

門使人致命也遂居其地以終喪者禮齊衰之喪對
而不言王使人留之因致館焉王有問猶得於羸對
之也是則孟子不魯不鄒獨熒熒三年於齊國都三
百餘里之外非不經之甚者哉余故謂充虞問答章
以孟子終三年喪復至於齊爲斷顧何以云前日也
閻百詩釋地曰孟子之書有以昔與今對言昔者似
在所遠而亦有指昨日者昔者辭以疾是也以前日
與今對言前日似在所近而亦有指最遠者前日願
見而不可得是也充虞蓄一疑於心至三年而始發

亦猶之陳臻從於齊於宋於薛辭受之後而問屋廬
子從居鄒處平陸以至見季子不見儲子之後而問
皆是孟子免喪反齊舍於逆旅充虞乃追憶自齊歸
葬之始一論匠事以論匠事於止嬴日故繫止於嬴
亦猶與公孫丑論不受祿於居休日故繫以居休豈
必別有義在乎反齊復見齊宣王因士師不能治事
而詰之以四境之不治王顧左右而言他其情態掩
護視向之有疾不隱者異矣既有故國世臣昔進
今亡之說又有手足腹心犬馬國人士芥寇讐之說

前此王驩以蓋大夫攝卿位至是進用為右師與國
政在朝多曲媚之而往弔公行子之喪孟子獨以禮
自抗致其為簡之怒朱子謂驩以是積憾而去之此
又終於去齊之機也

丁未周赧王元年魯平公孟子五十九歲在齊

燕王噲七年及相子之皆死

齊合章子將五都之兵以伐燕取之索隱曰五都即齊也按臨淄是五都之一綱目齊伐燕取之醢子之殺故燕

君噲書法於是子之為王三年矣書子之何不成也按燕子之為王三年國內大亂將軍市被與太

子平謀攻子之齊王使人誘之且許為助平使市

被攻子之不克被反攻平國中連戰數月死者

萬人齊王使章子伐燕燕士卒不戰城門不閉齊

人取子之醢之遂殺王噲紀年謂齊師殺子之醢

其身是也按孟子一曰齊人伐燕勝之再曰齊人

伐燕取之此經文也伐燕重事而田齊世家獨不

之及豈史臣趙名燕公子職立為王不果任氏考

諱言之歟畧按此所謂諸侯將謀救燕也索隱曰趙系家云武靈王

聞燕亂名公子職於韓立以為燕王使樂池送之

裴駟以燕系家無趙送公子職之事當是遙立

職而送之事竟不就則昭王名平非職明矣

秦右更樛里子疾拔梁焦曲沃其將犀首走

樛里子列

傳樛里子者名疾秦惠王之弟也與惠王異母母

韓女也樛里子滑稽多智秦人號曰智囊秦惠王

八年爵樛里子右更使將而伐曲沃盡出其人取

其城地入秦按魏世家五年秦使樛里子伐取我

曲沃產犀岸門而秦本紀云十一年樛里疾攻魏焦降之敗韓岸門斬首萬其將犀首走然則是役公孫衍實將韓魏之兵而為秦所敗魏焦曲沃亦同拔于是年傳列之惠王八年誤

鄭師于岸門劉氏云河東皮氏縣有岸頭亭質其太子倉以和韓

家云十九年大破我岸門太子倉質於秦以和是也秦本紀列于惠文王後元十年亦誤鄭宣

王朝梁紀年丁未十月鄭宣王來朝當是共謀背秦也秦侵義渠得二十

五城報李伯也本紀亦列于十年此從年表公子通封于蜀索隱曰華陽國

志曰報王元年秦惠王封子通國為蜀侯以陳莊為相本紀是也年表作公子繇通列于報王二年

齊兩伐燕前伐燕在周顯王已丑燕易王元年後伐

燕在周赧王丁未燕君噲七年史記謂前是宣王事

後是湣王事譚氏孟子編年畧謂因書中無湣王諡
遂混齊兩王爲一王兩伐燕爲一伐燕而不知非也
齊之伐燕有二而梁惠王篇與公孫丑篇所稱伐燕
之事實一世家載燕噲讓國於子之三年國大亂衆
人恫恐百姓離志故曰今燕伐其民文公何有也文
公卒子易王立齊宣王因燕喪伐我斯時燕豈無君
也者孟子謂謀於燕衆置君而後去之易王何有也
然則七篇所述確是後伐燕之役全謝山曰齊宣王
伐燕事孟子所親見也荀子亦親見而以爲齊湣王

國策在燕則昭王在齊則湣王史記以爲湣王通鑑以爲宣王今以孟子爲是唯是史記年表固不足信而通鑑亦是以意定之非有所出終屬疑按疑非二千年後人所能懸決余按世家載噲初立有齊宣王復用蘇代之文是噲與宣王同時故後三年伐燕孟軻謂齊王此文武之時不可失明襲七篇與宣王言亦可見實是宣王非湣王也湣王不稱諡而或可以王爲湣宣王明稱諡而斷不可以湣爲宣郝仲輿曰孟子去齊在齊宣王伐燕後湣王之旣實兆於此湣

王死而齊遂不振孟子之見幾蚤矣安見前後之必
爲兩主哉元張頴重修孟子墓碑記曰其去魏也嘗
卒而赫立也其去齊也辟疆卒而地立也史記顯王
二十六年戊寅載齊辟疆立通鑑在二十六年戊子
史記顯王四十五年丁酉載齊地立通鑑在赧王元
年丁未史藏周室者旣滅六國表本之秦記不載且
月世本多舛通鑑據汲冢竹書不經秦火蓋可信也
皇極經世書載孟子去齊在顯王四十四年丙申固
辟疆之世去齊或以伐燕故耶伐燕辟疆事也燕世

家謂在地時誤矣余謂其以伐燕屬諸宣王固是而
据皇極經世之說謂卽在丙申孟子去齊之年均之
誤也

戊申

周赧王

二年

魯平公

二年

孟子

六十歲

在齊

齊

宣王二十年。通鑑雖後史記千年而其書宣王
在位之十九年並同則是年當爲潛王地元年譜

持書齊宣王二十年。魏襄王六年。梁復國號曰魏時
年者亦信孟子也。魏孟子去梁七年矣故終七篇止

也

齊地景長丈餘高一尺。秦立魏公子政爲太子

魏與秦會臨晉

一統志云臨晉古地名春秋時爲
晉桑泉地秦築壘以臨晉地名

臨晉地志河東有臨晉縣今屬河中府賈誼書曰
所為建武闕函谷臨晉闕者大抵為備山東諸侯
也武闕在商州商洛以限南諸侯函谷在陝州靈
寶以限北諸侯臨晉在同州朝邑以限東諸侯

樗里疾擊蘭陽虜將軍趙莊正義曰莊一作莊樗里子傅汁趙將軍莊

豹 ○張儀相楚秦本紀十二年張儀相楚楚世家

秦惠王患之乃宣言張儀免相使張儀南見楚王
謂楚王曰敝邑之王所甚說者無先大王雖儀之
所甚願為門闌之厮者亦無先大王敝邑之王所
甚憎者無先齊王雖儀之所甚憎者亦無先齊王
而大王和之是以敝邑之王不得事王而合儀亦
不得為門闌之厮也王為儀閉闕而絕齊今使使
者從儀西取故秦所分楚商於之地方六百里如
是則齊弱矣是北弱齊西得於秦私商於以為富
此一計而三利俱至也懷楚屈匄伐秦綱目楚王
王大悅乃置相璽於張儀

儀而閉關絕約於齊使一將軍隨張儀至秦儀伴
墮車不朝三月楚王聞之曰儀以寡人絕齊未甚
邪乃使勇士宋遺借宋之符北罵齊王齊王大怒
折節而事秦齊秦之交合儀乃朝見楚使者曰子
何不受地自某至某廣袤六里使者還報楚王大
怒使屈匄帥師伐秦秦亦發兵使庶長章擊之

呂成公大事記周赧王元年孟軻致爲臣而歸通鑑
綱目亦並書孟軻去齊於丁未齊人伐燕之下茲曷
爲而書孟子在齊也蓋伐燕是孟子所以去而孟子
不必卽去按史記六國表赧王元年君噲及相子之
皆死三年燕人共立公子平四年燕昭王元年孟子
燕人解注亦曰齊破燕後二年燕人共立太子平爲

王觀孟子與陳賈問答云云則後二年孟子猶在齊也後二年猶在齊安得謂元年卽去乎特書之以信孟子也季氏圖譜謂出齊事而觀則孟子當宣王之始末固兩至齊矣古史謂先事齊宣王後見梁惠王襄王齊湣王不爲無據但誤以伐燕爲湣王事耳燕人之畔當在燕立太子平爲王時蓋齊人勝燕已二年矣孟子在齊遲回久之而後去綱目書去齊於伐燕之歲則太早矣竊意宣王之年再加二年於湣王之世庶得事實也然則孟子時未去齊而孟子年表

書丁未五十九歲周赧王元年齊伐燕取之遂去齊
宣王薨者誤也未去齊卽不之魯而年表又書戊申
六十歲魯平公欲見孟子嬖人臧倉沮之者亦誤也
余一以七篇之文斷之而已

巳周赧王平公孟子六十歲去齊

鄭宣惠王二十一年卒

趙何攻魏○魏擊齊虜聲子于濮濮州名廣輿記屬東昌府田齊

世家作齊攻魏與秦擊燕秦本紀到滿助魏攻燕正
也按是時燕噲已死燕昭未立秦魏乘
亂擊之孟子所謂動天下之兵者非邪○秦大敗

楚師于丹陽

索隱曰此丹陽在漢中成王封熊繹於楚蠻居此正義曰南郡枝江故城

是虜屈旬遂取漢中

索隱曰在秦之山南楚之西北漢水南之地名曰漢中

楚復襲秦又大敗于藍田

漢地志京兆有藍田縣括地志云藍田山三皇

舊居在雍州東南八十里從藍田關西入縣

鄭魏襲楚楚割兩城以和

于秦

綱目發明楚懷貪商於之地輕與齊絕屈旬與無名之師輕與秦戰卒之商於之地不可

得而屈旬亦不免俘虜為楚者亦可已矣忿不思難又復襲秦果何義耶內喪師徒之眾外召韓魏

之兵利之不

可徇也如此 ○楚圍鄭雍氏 正義曰括地志云故

縣故老云黃帝臣雍父作柞日也

秦師救之楚兵去 ○燕人共立

公子平是為燕昭王

徐廣曰噲立七年而死其九年燕人共立太子平索隱曰

按上文太子平謀攻子之而年表又云君增及太子相子之皆死紀年又云子之殺公子平今此文云立太子平是爲燕昭王則年表紀年爲謬也

七篇載齊人伐燕一事從史記則與梁惠王篇齊宣王問答云云不合蓋伐燕在丁未距宣王丁酉之卒已十年也從通鑑則與公孫丑篇燕人畔王甚慙於孟子云云不合蓋燕畔在己酉距宣王丁未之卒又二年也紀年謂宣王在位二十五年始辛丑終乙丑伐燕當宣王之七年燕畔當宣王之九年似與孟子文合而辛丑元年已在孟子丁酉去齊之後則前所

見者乃是威王亦非也閻百詩曰此不過欲以伐燕
事屬諸宣王以信孟子耳然與其屈齊之年數以從
燕曷若屈燕之年數以從齊爲尤信孟子乎何則六
國表燕王噲五年乙巳讓國於子之當潛王八年七
年丁未噲及子之死當潛王十年後二年己酉燕立
太子平是爲昭王當潛王十二年若移此五年事置
於宣王八年丙戌後丁酉前以合孟子遊齊之歲月
則戰國策載儲子謂宣王宜仆燕而儲子正爲相者
也王令章子將五都兵以伐燕而章子正與遊者也

三十日而舉燕國卽五旬而舉之之謂五偶譌爲三也種種皆合余謂如是則齊人伐燕燕人畔孟子去齊皆宣王丁酉以前事而壬寅孟子去魏適齊不又在潛王之世乎孟子實未見潛王也故不如從呂成公大事記之說調停之大事記謂宣王在位二十九年始己卯終丁未則後二年仍是潛王非宣王余謂元年從史記而益以潛王之十年爲二十九年不如元年從通鑑而益以潛王之十年爲二十九年則丁未伐燕爲齊宣王十九年事己酉燕畔爲齊宣王三

三言
十一年事自與孟子之文無不合也任氏曰是時燕
民在水火中使齊能誅子之安集燕國則齊雖非湯
武而是舉猶庶幾湯武之師乃齊不能助助其欲遂
欲取燕此一悞也諸侯謀救燕矣苟齊悔改如孟子
反旌倪云云則雖行暴於前究施仁於後猶爲救敗
之策而齊又不能戀戀不舍此再悞也燕已立君燕
人皆畔王有慙心則旋師而反司空致地司徒致民
發罪已之言與燕更始猶可收桑榆之效而齊又不
能取不成取舍不成舍是三悞也孟子去齊之志于

是決矣蓋孟子再至齊後宣王初終易軌短喪一念
大本已濇發棠數言殊恩難再進驩賈諸臣而殺盆
成括其用入行政之失有不勝其閒適者重以興兵
構怨拒諫遂非是猶望其能改也歟任氏約吉看後
孟子所以去齊必有一關係甚大之事如魯之受女
樂也其託而去必有一小事如嬖肉之不至也王如
改諫一語隱隱可思然孟子七篇終不書其事蓋論
語作于孔子之門人故受女樂可直書孟子係自作
故終不忍斥言也閻氏孟子考集註云王庶幾改之
改必指一專言今不可考矣竊謂改之則前章過則
改之之改恐指燕人事豈必別有一事乎七篇書孟子致為臣而歸特筆
也前日願見而不可得是指其未仕齊言得侍同朝

甚喜是就其現為卿言譚氏編年畧今又棄云者前

後兩去齊也

按孟子前後兩至齊皆館於雪宮故王曰我欲中國而授孟子室曰欲授則未

授室也曰中國明乎雪宮之不在國中也綱曰前善孟軻去魏以病襄後

書孟軻去齊以病宣尹起莘曰齊魏之君方且為合

從連衡之事凡游說裨闔之人無不賓禮至命世之

才則棄而不用此正所謂好畫龍而不好真龍者也

孟子既去則知王道之決不復行天下之決未能平

治生民之決未能帖泰此固綱目之深意也三宿出

畫

水經注濟水出時水東去臨淄城十八里所謂畫中也俗以畫水為宿留水以孟子三宿出畫得名

絕留行之客明浩然之志其惓惓餘意與齊無已淳于髡以名實未加而去為未仁君子之所為眾人固

不識哉

庚戌周赧王四年魯平公孟子六十復之宋

鄭襄王燕昭王秦惠文王駟後元十四年卒子武王

梁秦兩惠王而已

魏伐衛拔列城二索隱曰紀年云八年翟章伐衛秦使張儀說

楚鄭齊趙燕連衡以專秦秦封儀為武信君秦王

卒諸侯復合從綱目秦惠王使告楚懷王請以武關之外易黔中地楚王曰不願願

得張儀而獻黔中儀請行秦王曰楚將甘心於子
奈何儀曰秦彊而楚弱大王在楚不宜敢取臣且
臣善其嬖臣靳尚尚得事幸姬鄭袖袖言王無不
聽者遂往楚王囚將殺之尚謂袖曰秦王甚愛張
儀將以六縣及美女贖之王重地尊秦秦女必貴
而夫人斥矣於是袖日夜泣於王曰臣各爲其主
耳今殺張儀秦必大怒妾請母子俱遷江南毋爲
秦所魚肉也王乃赦儀而厚禮之儀因說楚韓齊
趙燕連衡以事秦儀歸報未至而惠王薨于武王
立武王自爲太子時不說儀諸侯聞之皆畔衡復
合從書法上書連衡以事秦下書諸侯復合從所
以著連衡之不足恃也司馬溫公曰從衡之說雖
反覆百端然大要合從者六國之利也昔先王建
萬國親諸侯使之朝聘以相交饗燕以相樂會盟
以相結者無他欲其同心戮力以保家國也鄉使
六國能以信義相親則秦雖彊暴安得而亡之哉
夫三晉者齊楚之藩蔽齊楚者三晉之根柢形勢
相資表裏相依故以三晉而攻齊楚者自斃其根

楫也。以齊楚而攻三晉者，自撤其藩蔽也。安有撤其藩蔽以媚盜日盜，將愛我而不攻，豈不悖哉。杜氏曰：滅六國者六國也，其信然乎。秦伐楚取郢陵。左傳：僖四年，計名陵，潁川縣也。

丹犁臣蜀相壯殺蜀侯來降。

正義曰：丹犁，二戎號。臣伏於蜀，蜀相殺蜀侯。

侯并丹犁二國降秦，在蜀西南桃府管內本西南夷戰國時蜀滇國，唐初置犁州丹州也。

孟子年表庚戌六十二歲。張儀說六國事，秦余謂秦之虎噬天下，士依以恐，噶諸侯則易以爲功。蘇秦固爲衡不成，始以從說者。秦在則儀爲秦用，秦死則秦爲儀用，所謂轉丸騁其巧辭，飛鉗伏其精術。二人不洵有傾河填海移山之力哉。當時七國惟秦魏最密。

邇儀之反復欺魏凡以為秦也三晉魏惠王尤彊是
 亦有為之君乃不思西扼秦衝合從之謀首自我敗
 梁民內死於賦者半外死於兵者亦半孟子至梁國
 已日削王不用仁義之言而相詐偽之張儀此孟子
 所以去也孟子去梁而梁亡識者謂秦灌大梁猶後
 已太史公曰吾適故大梁之墟墟中人曰秦之破
 梁引河溝而灌大梁三月城壞王請降遂滅魏且
 秦之兼併六國在范雎遠交近攻之策以故韓梁更
 出迭入無寧歲而數十年不敢過陽晉之道索隱曰
 陽晉魏
邑也劉氏云陽晉在衛國西南正義
 曰陽晉故城在曹州乘氏縣西北徑亢父之險以

深入齊索隱曰地里志亢父縣名屬梁國正義曰故縣在兗州任城縣南齊之所以

獨後亡也宣王當世之賢辟使率此不被秦害之民

修井田立學校繕甲兵庶幾成孟子反手之烈惜乎

兩至不用再去不留豈真天方令秦平海內歟前者

蘇秦來而孟子去今者孟子去而張儀又來先之後

之莫非此從人衡人之徒國欲亡危其可得耶然則

齊之亡亦不亡於王建松栢之謠田齊世家秦日夜攻三晉燕楚五國

各自救於秦以故王建立四十餘年不受兵君王后

死厚勝相齊多受秦間金多使賓客入秦秦又多予

金客皆為反間勸王去從朝秦不修攻戰之備不助

淄民莫敢格者王建遂降還於共故齊人怨王建不
蚤與諸侯合從攻秦聽姦臣賓客以亡其國歌之曰
松耶栢耶住建共者客
耶疾建用客之不詳也而亡於孟子三宿出晝之日
也蓋至是而天下其無邦矣或曰當世諸侯王固未
有愈於燕昭者世家載昭王於破燕之後卽位卑身
厚幣以招賢者樂毅自魏往鄒衍自齊往劇辛自趙
往孟子何不一至燕不知燕昭之禮士以復讐也復
讐則於齊孟子曾爲齊卿所爲復得罪在他國終身
不敢謀趙之奴隸者而謂孟子爲之乎故曰之鄒之
任之宋之薛之滕而卒不之燕者懼與齊爲難也去

齊又何以知其之宋也趙注晝齊西南近邑而宋在

齊西南前去齊反魯以居休知之後去齊適宋以出

晝知之故大事記亦於丁未致為臣而歸之後書自

齊之宋也季氏圖譜謂孟子適宋有二其初自齊而往其後自齊由魯而往恐誤上年

楚一敗丹陽再挫藍田今年秦又伐取名陵秦楚構

兵莫此為甚有與宋輕遇於石邱事任氏孟子考畧于周赧王二年

戊申下書楚悉兵伐秦戰於藍田魏人鄭人襲楚楚帥還謂宋輕所云秦楚構兵疑在此時按是年燕昭

未立孟子未去何事與宋輕先遇於宋地而誤也按荀子非十二子篇宋鉞

註鉞與輕同宋人與孟子尹文子彭蒙慎到同時漢

藝文志尹文子一篇註云說齊宣王劉向曰與宋鉞
俱游稷下想孟子游齊與輕有雅故於齊別去久之
忽邂逅石邱呼以先生請其所之殆非未同而言者
比也獨怪輕聞墨子之風而悅之作爲華山之冠以
自表是亦夷之之流亞與孟子告以仁義之道使知
休兵息民有無庸強聒而不舍者亦距墨之意云爾
孟子前至宋當君偃之六年及十一年自立爲王至
是稱王者八年矣故孟子與戴不勝語稱宋王不勝
卽前所語之盈之也但集註云宋王偃嘗滅滕伐薛

敗齊楚魏之兵欲霸天下疑卽此時則不然蓋是時
薛爲齊地伐薛卽伐齊至滅滕亦言人人殊春秋正
義云滕三十一世爲楚所滅杜氏釋例云春秋後六
世而齊滅之竹書紀年又云於越滅滕此皆無可考
據者閻百詩釋地謂戰國策作宋滅滕而綱鑑繫之
赧王二十九年乙亥上距孟子勸行仁政甚遠集註
於宋初王時卽曰嘗滅滕無乃驟歟毛西河曰通鑑
于赧王二十九年不曾云宋滅滕也特以齊楚魏三
國滅宋在宋偃四十二年正直周赧王二十九年乙

亥故通鑑于二十九年下載國策占雀篇以爲三國
滅宋之由而占雀篇中追泝前事則有滅滕伐薛四
字見於文間實則宋偃無滅滕事卽通鑑及他書亦
並無宋滅滕之說且占雀之文亦係家語載殷紂事
而作國策者因宋偃倣殷紂所爲遂誤襲其文以屬
之宋偃非偃事也家語云昔者殷王帝辛之世有雀
生大鳥于城隅占之曰凡以小生大則國家必王而
名益昌于是帝辛恃雀之德至殷國以亡云云而國
策卽云宋康王之時有雀生驪于城之陬使史占之

曰小而生巨必霸天下于是康王大喜至城不守云
云則是占雀一篇全係竊襲故其中淫酗斲脛皆是
紂事而妄攙滅滕伐薛四字於其中其爲不足據亦
明矣若孟子欲行王政齊楚惡而伐之則世家明云
宋偃自立爲王東伐齊取五城南敗楚取地三百里
西敗魏軍齊楚皆指爲桀宋故惡而伐之而宋偃亦
但拱手而無如何祇淫酗行虐傲殷紂所爲至赧王
廿九年蘇代請伐宋而于是湣王與魏楚三國共伐
宋殺偃而分有其地則是是年乙亥三國滅宋豈宋

滅滕乎閭說誤也索隱曰戰國策呂氏春秋皆以偃
諡康王宋滅在孟子卒後三年故康王之諡不見乎
七篇然則孟子兩至宋皆當君偃之年季氏以前為
剔成猶誤而鮑彪謂孟子游宋在辟公時尤疎畧之
甚者已

辛亥周赧王五年魯平公五年孟子六十歲歸魯

秦武王元年○秦本紀惠王卒子武王立
韓魏齊楚越皆賓從徐廣曰越一作趙

洛入成周山水大出○趙立吳廣女為后趙世家

處女鼓琴而歌詩曰美人熒熒兮顏若苕之榮命
乎命乎曾無我贏異日王飲酒樂數言所夢想見

其狀吳廣聞之因夫人而內其女娃嘉
孟姚也孟姚甚有寵於王是為惠后 ○張儀魏

章皆歸于魏按本紀但言張儀魏章皆東出之魏

魏章者惡張儀耳魏相田需死太子自相 魏與秦會臨

晉○秦使甘茂誅蜀相壯甘茂列傳甘茂者下蔡人也事下蔡史舉先生

學百家之說因張儀樗里子而求見秦惠王王見而說之使將而佐魏章畧定漢中地惠王卒武王

立張儀魏章去東之魏蜀侯煇相壯反秦使甘茂定蜀還而以甘茂為左丞相以樗里子為右丞相

按相壯索隱曰姓陳綱目赧王四年蜀相殺蜀侯五年秦誅蜀相莊是壯即陳莊也伐義渠

丹犁

季氏圖譜謂赧王四年即滅倉沮平公之年而適宋

在其後余以爲不然孟子去齊已知道之不行也聞
宋王偃將行仁政遂復之宋之宋亦之滕之心耳見
偃終不足與有爲始退而反鄒自是而數十乘之後
車不復傳食諸侯矣書歸魯卒遊也聞樂正子爲政
喜而不寐者喜道不行於身猶得見於及門也廣文
選平公與宣王會於鳧繹山下樂克備道孟子於平
公曰孟子私淑仲尼其德足以輔世長民其道足以
發政施仁君何爲不見乎平公因許之見而臧倉乃
以巧言阻之遂不見

唐林慎思續孟樂正子見孟子
曰吾國之君嘗耽酒嗜音俾俗

不治克欲以治道諫之夫子何以教克孟子曰魯君
耽嗜與民同之則其庶幾乎他日魯平公備尊罍之
器陳金石之音樂正子曰君獨好此致魯俗不治不
若與民同之則其庶幾乎平公遂召致魯民率命尊
罍俱執使金石咸奏魯民大酣他日俗益不治樂正
子復見孟子告之孟子曰吾昔教子諫魯君耽嗜與
民同之君反若是貽民之怨豈謂與民同耶且禽必
棲於木魚必泳於川使易禽於籠孰若木之安乎移
魚於沼孰若川之樂乎民居魯國若禽之在木魚之
在川也魯君耽嗜名民於側是猶易禽於籠移魚於
沼也使民且恐且懼豈暇耽嗜而同於君乎吾所謂
與民同者均役於民使民力不乏均賦於民使民用
常足然後君有餘而宴樂民有餘而歌詠夫若此豈
不謂與民同邪詩云假樂君子顯顯令德宜民宜人
受祿于天此之謂也樂正子復以是諫平公公不
悅臧倉曰克之所陳孟軻之言也曩君欲乘輿出見
孟子臣嘗諫之今孟子怨君不見故教克或君君惡
信是哉平公怒他日有人告於孟子孟子曰天富道

於子魯國之君 其能窮予乎 任氏約旨謂就魯而論則平雖孱弱

能使樂正子為政而樂正子又進孟子果舉國以聽

未必不可有為蓋魯雖較齊梁為甚小而較之鄒滕

猶差大也就孟子論則不遇於梁不遇於齊天之未

欲平治天下久知之矣豈待臧倉之沮而後知哉故

此章直作決絕語與如欲平治一轉不同老而更無

所遇則孟子之終於不遇也故曰孟子之遊自鄒穆

公始自魯平公終也 以上記孟子自四十一歲始客

賓師去之宋之薛之滕凡四年去之梁居梁二年未
仕復之齊為齊卿二年有母之喪歸葬魯終喪三年

反齊齊人伐燕文二年燕人畔去齊之宋明年歸魯而轡迹終焉前後凡二十三年耳是孟子之遊傳也
子周 報王 平公 六年 魯 孟 子 六十四歲 以下皆孟子居魯之年無事則不書例也

張儀死于魏 列傳言張儀相魏一歲卒於魏觀蘇代告梁王使太子自相之言則儀固

未嘗復相也蓋歸魏一歲卒耳六國表秦武王元年書張儀魏章皆死於魏誤太史公曰張儀之行

事甚於蘇秦然世惡蘇秦者以其先死而儀振暴其短以扶其說成其衡道要之此兩人真傾危之

士哉 ○趙為野臺 徐廣曰野一作望正義曰括地志云野臺一名義臺在定州樂縣西

南趙世家十七年王出九門為野臺以望齊中山之境是也 ○秦以樗里疾甘

茂為丞相 秦本紀二年初置丞相樗里疾甘茂為左右丞相

孟子年表壬子六十四歲滕文公立問為國諸事應

孟子年表壬子六十四歲滕文公立問為國諸事應

孟子年表壬子六十四歲滕文公立問為國諸事應

在此時此仍大事記丁未去齊之宋自宋適滕勸文公修井法之誤也季氏謂孟子當王偃時適宋已甚老矣豈復能爲滕經理而久居其國呂氏亦未及詳考歟余卽以經解之齊人築薛在周顯王四十八年庚子距此已十有三年若孟子於是時至滕而文公有吾甚恐之問不知所築何城且孟子爲卿於齊出弔於滕亦經文也若文公於是年卽位則孟子前在齊時滕定公猶未薨也又不知所弔何公此不待辨而自明者毛西河乃謂孟子一至梁一至齊于滕宋

之問反兩至而世不知真不知孟子者也魯欲使慎
子爲將軍宜在此時按史記慎到趙人也學黃老道
德之術著十二篇徐廣曰今慎子劉向所定有四
六篇是慎子卽慎到矣到與彭蒙田駢爲友學墨子
弟子禽滑釐之術或曰此滑釐所不識也蓋禽滑釐
其所尊尚故云與趙氏慎子名滑
釐之注異滑釐等三百人善守禦爲節用自言能不
不必從戰而屈人之兵故魯欲使伐取齊南陽孟子以當道
志仁之言明喻之蓋距墨之旨深矣又按孟子年表
乙卯六十七歲列國不能用退而與萬章之徒序詩

書紹唐虞三代之德述孔子之言作孟子七篇以詔

來世

按劉歆趙岐應劭皆云孟子中外共十一篇今所存者中篇耳四篇亡

余謂孟子

退居之日即皆其著書之年年表不知何據列之乙

卯之後且不知癸丑甲寅兩年孟子更有何事似不

如移置此年下為合

癸

周

赧王魯平公七年

孟子

六十歲五歲

魏與秦會應○鄭與秦會臨晉樗里疾相鄭按疾本韓

出故出為

韓相也

○秦使甘茂擊鄭宜陽

秦本紀三年與韓襄王會臨晉

外南公揭卒樗里疾相韓武王謂甘茂曰寡人欲容車通三川窺周室死不恨矣其秋使甘茂庶長

封侯宜陽正義曰在河南府臨昌縣東故陽城是也此霸之大郡伐取之四川路乃通也犀首

入相秦佩五國相印公孫衍傳張儀已卒之後犀首

為約長按綢鑑儀與秦皆以縱橫之術遊說諸侯致位富貴天下爭慕效之又有魏人公孫衍者號

犀首及秦弟代厲又周最樓緩之徒紛紜徧于天下務以辯詐相高不可勝紀而儀秦衍最著嗚呼

此孟子之所

以老于行也

甲寅周八年魯平公孟子六歲

秦武王弟昭襄王稷立

秦拔鄭宜陽城武遂徐廣曰韓邑也索隱曰魏太

子來朝秦本紀四年拔宜陽斬首六樗里疾入周

卷下 巽

按秦武王三年樛里疾出相韓今年為秦使周蓋相韓木幾而即歸秦明年復相秦所謂樛里子又益尊秦以舅魏冉為將軍綱目秦武王好以力戲重也舉鼎絕脈而薨無子諸弟爭立異母弟稷質於燕其母半八子之異父弟魏冉自惠王武王時任職用事與國人迎而立之稷年少太后治專以冉為將軍衛咸陽書法魏冉書舅譏私也 ○趙始易服招騎射

乙卯周赧王平公孟一七歲

秦昭襄王元年

趙畧中山○樛里疾復相秦秦本紀昭襄王元年嚴君疾為相正義曰

蓋封蜀郡嚴道縣因號嚴君伐蒲正義口蒲故城在滑州匡城縣北十五里即子路作宰地

索隱曰紀年云褚里疾圍蒲不克而秦惠王薨事與此合擊皮氏未拔而解楊子傳還擊皮氏皮氏未降又去校紀年報王八年秦公孫爰帥師伐我皮氏翟章帥師救皮氏圍九年城秦復與鄭武遂甘茂出之魏按甘茂竟言秦歸之韓向壽公孫奭爭之不能得向壽公孫奭由此怨讒甘茂茂亡秦奔齊蘇代為齊使秦說秦王以相印適茂於齊茂不往代復說齊湣王位之王卿昭王二年楚與秦合婚齊使甘茂於楚楚懷王欲送於秦相之范蠡不可由是甘茂竟不得復入秦卒於魏太史公謂其起下蔡問閭顯名諸侯重疆齊楚亦職 ○楚齊鄭合從

丙辰周赧王平公孟子八歲

彗星見 ○趙魏中山取數邑中山復獻四邑以和

綱目書法書復獻何甚趙也既取數邑又要割地
趙亦已甚矣他日秦攻趙拔武安皮牢定太原上
黨趙又割地以和 ○秦魏冉弒其君之嫡母出其
反復之理宜也

故君之妃歸于魏

綱目秦庶長壯及大臣諸公子
作亂魏冉誅之及惠文后皆不

得良死而悼武后出歸于魏王兄弟
不善者皆滅之冉遂為政威震秦國

○楚往秦迎

婦楚世家二十一年倍齊而合秦秦
婦昭王初立乃厚賂於楚楚往迎婦

丁周

報王十一年

魯平公十一年 孟子九歲

齊

宣王二十九年○齊威宣潛之世所聞異辭譜元
年從通鑑在位之年從大事記自己丑至是凡二

十九年信孟子也然於宣不書卒
於潛不書元仍闕疑以俟考云

秦楚盟于黃棘秦復與楚上庸

正義曰黃棘地名
也在房襄二州之

境上庸地理志漢中郡有上庸縣
括地志云今房州竹邑及金州是

戊周 赧王十一年 魯 平公十一年 孟子 七十

彗星見 書法十年書彗見矣於是間一歲耳彗復
見焉綱目書彗十有七未有一世再見者

一世再見惟赧而已然 ○秦取魏蒲阪晉陽封陵

則周之終於赧也決矣 魏世家秦拔我蒲反陽晉封陵蒲阪韋昭曰即蒲

邑始皇東巡見長阪故加阪字陽晉元年作晉陽
封陵作封谷括地志云蒲坂故城在蒲州河東縣

南晉陽故城今名晉城在蒲州虞鄉縣西封陵亦
在蒲州 復取鄭武遂 ○齊鄭魏共伐楚楚使太子橫

質于秦秦救之 綱目初楚與齊韓合從至是齊韓
魏以楚負約台兵伐之楚王使其

太子橫為質以請救於
秦秦人救之三國引去

卷下

五

己未周 三年 魯 平公十 孟子 一歲 七十

魏王朝秦秦復與魏蒲阪○鄭太子嬰與秦王會

臨晉因至咸陽而還○楚太子亡歸楚世家二十

有私與楚太子鬪楚太子殺之而亡歸

庚申周 四年 魯 平公十 孟子 七十

日食晝晦書法日食至於晝晦非小變也凡日食食既為甚星晝見次之晝晦又次之終

朔日晝日食三百六十七而書晝晦者三安王二十

十年是年漢呂氏庚申年周末居二焉周安得不

亡哉○趙伐中山中山君奔齊○秦取鄭穰地理志南陽有穰縣今鄧州穰城是一統志云穰古地名蜀守叛

春秋時為鄧侯國後屬晉戰國時屬韓

秦秦誅之

雅目集覽員守秦本紀作蜀侯

○秦鄭魏齊伐楚殺其

將唐昧取重

一統志云重丘古地名在東昌府城東南跨花平縣界春秋諸侯同盟于重

正即此

辛酉周

赧王十年

魯

平公十年

孟子

七十三歲

楚復圖鄭雍氏鄭與周高都

徐廣曰今河南新城縣高都城也

秦使涇陽君質于齊

索隱曰名悝

樛里疾卒

樛里子傳昭王七年

樛里子卒葬於渭南章臺之東曰後百歲是當有天子之宮夾我墓樛里子疾室在於昭王廟西渭南陰鄉樛里故俗謂之樛里子至漢興長樂宮在其東未央宮在其西武庫正直其墓秦人諺曰力則任鄙智魏冉相秦平戎大敗楚師殺其將景

缺取襄城

綱目集覽襄城秦本紀作新城年表作襄城正義曰許州襄城古新城也匈奴

傳周襄王出奔于鄭之汜邑注汜今號襄城

楚使太子橫質于齊以請

平

壬戌周

赧王十

魯

平公十

孟子

七十

魏哀王卽紀年之今王通鑑之襄王也史記哀王二十三年卒而譜從紀年今趙武靈王雍二十七年傳

王○初武靈王以長子章為太子綏納吳廣之女孟

姚有寵生子何愛之欲及其生而立之乃廢章而傳

焉楚懷王熊槐三十年入秦齊歸楚太子橫楚人立之是為頃襄王

趙王自號主父○齊魏會于鄭立鄭公子咎為太

子○鄭魏公子為諸侯秦本紀魏公子勁韓公子長為諸侯○秦伐

楚取八城遂誘執楚懷王子武關以歸綱目集覽武關秦之

南關也通南陽文穎曰在秦西百七十里宏農界

提要書曰秦誘楚君槐子武關劫之以歸楚請太子橫於齊

而立之涇陽君復歸秦秦以齊田文為丞相孟嘗

君列傳秦昭王聞其賢乃先使涇陽君為質於齊

以求見孟嘗君孟嘗君將入秦賓客莫欲其行諫

不聽蘇代謂曰今日代從外來見木偶人與木偶

人相與語木偶人曰天雨子將敗矣木偶人曰我

生於土敗則歸土今天雨流子而行未知所止息

癸亥周

年復卒使孟嘗君入秦昭王即以孟嘗君為秦相

七年 魯

七年 孟子

五歲

卷下

三

趙 惠文王 楚 頃襄王
元年 元年

趙以公子勝為相封平原君 平原趙之屬邑名漢為平原郡東漢廢為

縣今屬山東濟南府德州平原君列傳平原君趙勝者趙之諸公子也諸子中勝最賢喜賓客賓客

蓋至者數千人平原君相趙惠文王及孝成王三去相三復位封于東武城 ○田文自

秦逃歸相齊 綱目或謂秦王曰文相秦必先齊而後秦秦其危哉王囚文欲殺之使人

求解於王之幸姬姬欲得其狐白裘而文先以獻於秦王次文客有善為狗盜者盜裘以獻姬言於

王而遣之王後悔使追之文至闕闕法雞鳴乃出客時尚蚤追者將至客有善為雞鳴者野雞皆應

之文乃得脫歸秦以樓緩為丞相 ○秦取楚十六城 楚世家

立王以應秦秦昭王怒發兵出武關攻楚大敗楚軍斬首五萬取析十五城而去徐廣曰年表云取

十六城既取析又並取左右十五城也正義曰括地志云鄧州內鄉縣城本楚析邑因析水爲名也○齊鄭魏伐秦敗其軍于函谷關西征記闕城路在谷中深險如函故河渭絕一日秦割河東三城以和三國乃退書法乃者何緩辭也伐秦之得志此而已然則予之歟非也惡秦而已矣按通鑑是年不書三國伐秦而於十九年書齊魏韓趙宋同擊秦至鹽氏而還秦與韓武遂與魏封陵以和綱目十九年無所書而書三國伐秦於是年本遷史也發明按史遷年表赧王十七年於齊魏韓之下具載伐秦及河渭絕一日之事又考之秦紀齊世家亦俱載秦割地以和之實至田文一傳尤爲詳悉且曰是時楚懷玉入秦秦留之故欲必出之其事甚明然通鑑乃不載此參之考異目錄皆無之豈亦別有異說耶綱目書之詞繁而不殺然不書三國爲楚討秦何哉田文懷怨秦之私借楚爲詞而又行之不力

故特書割河東三城以和則見其沒於利而不反於義非真能討伐者也書法若此所以見師出不

可無名為義

甲子周

八年 魯平公十歲 孟子六歲

趙主父出之代

趙世家惠文王二年主父行新地遂出代西過樓煩王於西河而致

其○楚懷王亡之趙趙弗納秦追及之以歸楚世

年楚懷王亡逃歸秦覺之遠楚道懷王恐乃從間

道走趙以求歸趙主父在代其子惠王初立行王

乙丑周

赧王十一年 魯平公叔十九年卒 孟子七歲

魏昭王二十年

昭王二十年昭王三年喪畢始稱元年也鄭襄王倉

卒子咎立
是為釐王

趙封公子章為代安君

屬代郡

○楚懷王卒于秦來

歸葬

楚世家頃襄王三年懷王卒于秦秦歸其喪於楚楚人皆憐之如悲親戚諸侯由是不直

秦秦

楚絕三閭大夫屈原自投汨羅以死

一統志汨羅江名在長沙

府湘陰縣北十里源出豫章流經湘陰縣分二水一南流曰汨水一經古羅城曰羅水至屈潭復合

故曰汨羅綱目初屈平為懷王左徒志潔行廉明於治體王甚任之後以讒見疏而睠顧不忘作離

騷之辭以自怨尚冀王之一悟而王終不寤也其後子蘭又譖之於頃襄王王怒遷之於江南原遂

懷石自投汨羅以死

丙寅周

赧王二十

魯

文公元年

孟子

七十八歲

魏昭王鄭釐王
元年鄭釐王

趙主父以燕齊之師滅中山歸大赦酺五日山即

是鮮虞其種乃白狄至春秋之末已有中山之名

入七國滅於魏而復興卒并於趙蓋中山去魏遠

魏終不能有之是以失守若國策謂中山君嘗為

楚伐而亡楚雖強安能越魏踰趙過代以集矢於

風馬牛不交之中山哉此鮑氏之謬也樂毅傳謂

趙武靈王時復滅中山故世家繫惠文之三年年

表四年圍殺主父與趙故太子章作亂公子成李

齊燕共滅中山亦誤兌誅之遂弑主父于沙丘地理志鉅鹿有沙丘亭

平鄉縣東北二十里綱目發明章已廢矣而書故

太子者不予主父之廢也既書故太子矣而不免

於二臣之誅者作亂故也二臣已討亂矣而不免

於弑君之名者君臣之分不可廢也至於主父以

強趙之君雄蓋一時而亦終於見及者廢嫡立少故也推原禍始特一吳娃耳自古溺愛祗席若此類者甚多前車覆後車進有天下國家者胡不觀之以為永鑒哉 ○秦樓緩免魏

冉為丞相

丁卯周 赧王二年 魯文公 孟子 九歲

齊田甲劫湣王相薛文走

孟嘗君列傳孟嘗君相齊其舍人魏子為孟嘗

君收邑入三反而不致一入孟嘗君問之對曰有賢者竊假與之以故不致入孟嘗君怒而退魏子居數年或毀孟嘗君於齊湣王曰孟嘗君將為亂及田甲劫湣王湣王意疑孟嘗君孟嘗君乃奔魏子所與栗賢者聞之乃上書言孟嘗君不作亂請以身為盟遂自到宮門以明孟嘗君湣王乃驚而蹤踪問孟嘗君果無反謀乃復名孟嘗君孟嘗君因謝病歸老於薛

趙與燕鄭易

徐廣曰皆屬涿郡○秦敗魏師于解地理志河東有解縣唐叔虞食邑也今解

州是一統志云解古邑名春秋為晉之解梁城戰國屬魏任鄙為漢中守漢書百官

表曰郡守秦官白起傳是歲穰侯相秦舉任鄙以為漢中守

戊辰周赧王二十二年魯文公三年孟子八十八歲

秦左更白起攻鄭魏于伊闕正義曰括地志云伊闕在洛州南注水經

云昔大禹疏龍門以通水兩山相對望之若闕伊水歷其間故謂之伊闕虜魏將公孫

喜又取鄭安邑以東到乾河郭璞曰今河東聞喜縣東北有乾河口索

隱曰魏以安邑入秦然安邑以東至乾河皆韓故地故云取韓安邑白起列傳白起者郿人也善用

兵事秦昭王昭王十三年而白起為左庶長將而擊韓之新城其明年白起為左更攻韓魏於伊闕

斬首二十四萬又虜其將公孫喜拔五城
起遷為國尉涉河取韓安邑以東到乾河

己周

赧王二年文公
十三年魯四年孟子
一歲

楚迎婦于秦秦楚復平

綱目秦王遣楚王書曰楚倍秦秦且率諸侯伐楚願

飭士卒得一樂戰楚王息之乃復與秦和親司馬溫公曰甚哉秦之無道也殺其父而劫其子楚之不競也忍其

父而婚其讐 ○秦大良造白起攻魏取垣 徐廣曰河東垣

蘇祿縣有王屋 攻鄭取宛 正義曰宛鄧州縣也一山故又曰王垣

時申伯之國春秋時屬 魏冉謝病免以客卿壽燭

為相

庚周
十四年 赧王二
魯文公
十五年 孟子
二歲

五十一 卷下

五

趙城南行唐徐廣曰在常山括地志云行唐縣屬冀州○秦左更錯取

軹及鄧地理志河內有軹縣南陽有鄧縣正義曰括地志云故軹城在懷州濟源縣東南故

鄧城在懷州河陽縣西並六國府魏邑也按二城相連故曰及也封公子市宛公

子悝提要書曰秦封魏冉為穰侯冉為壽燭

免魏冉復相乃封于穰益封陶陶即定陶也定陶見有魏冉墓號

曰穰侯

辛未周赧王二十六年魯文公三十八年孟子三歲

趙梁將與齊合軍攻鄭至魯闕下正義曰魯陽關在汝州魯山縣

○魏入河東四百里于秦○鄭與秦武遂地二百

里城陽君及東周君朝秦

正義曰括地志云濮州雷澤縣本漢邯陽

縣古邯伯姬姓之國周武王封弟季載於邯其後遷城之陽也秦王之宜陽

王周

魏王二十六年

魯文公十一月十五日孟子卒

八十四歲

秦穰侯使大良造白起與客卿錯擊取魏城大小

六十一 秦自置為西帝

按綱鑑秦君稱西帝在癸酉二十七年冬十月

而趙世家繫之惠文王十年則當在是年諸書列國之事以是終者亦示繼統之意也

吳文園四書經註集證按闕里志孟子生於周安王

之十七年時魯繆公二十四年或云安王十七年四

月二日生至赧王二十六年正月十五日卒年九十

七任氏孟子考畧孟氏譜稱孟子卒於赧王之二十六年壽八十四今按梁襄王之諡猶見於孟子則孟子卒於是時信也余謂竹書紀襄王卒於赧王十六年壬戌猶早魯平公之卒三年晁說之曰此書韓愈以爲弟子所會集非軻自作今考其書知愈之言非妄發也書載孟子所見諸侯皆稱諡如齊宣王梁惠王梁襄王滕定公滕文公魯平公是也夫死然後有諡軻著書時所見諸侯不應皆死且惠王元年至平公之卒凡七十七年孟子見惠王王自之曰叟必已

老矣決不見平公之卒也按魯世家平公元乙巳終
甲子凡二十年六國表平公元丁未終乙丑凡十九
年其文差互所稱梁惠王元年當周烈王之六年辛
亥若距平公之卒七十七年則周赧王之二十一年
丁卯也自乙巳至丁卯二十三年自丁未至丁卯二
十一年又皆與史記不合未知晁說何本况卽據稱
平公卒於丁卯孟子時年七十有九安知不能親見
之耶然則孟子實卒於赧王之二十六年故後三年
齊滅宋而康王之諡不見於經且據孟子年表周烈

王四年魯共公五年己酉四月初二日孟子生壬申

八十四歲周赧王二十六年十一月十五日孟子卒

古碑云孟子卒於冬至之日鄒人因哭孟子而廢賀

冬至之禮遂以成俗則孟子之年實八十有四闕里

考亦言孟子其卒亦於十一月十五而非正月十五

也上下八十四年生卒出處一以七篇之經斷之其

間列邦興廢得喪之由與夫嬴氏駸駸乎日有代周

之勢亦大畧可見是故赧王立五十九年乙巳陟明

年秦取西周公而東周君猶存也又七年壬子秦遷

東周君而周遂不祀距孟子卒纔四十一年耳又四

年乙卯為秦始皇之元年始皇立十八年而滅韓距

子卒六
十一年而滅魏距孟子卒六十六年二十五年而滅

趙滅楚距孟子卒六十八年二十六年而滅燕距孟子卒六十九年二十

七年而滅齊距孟子卒七十年不七十年而周魯竝亡樓丙午秦


取西周王楚亦於是年取魯魯君封于莒壬子秦取

東西同楚亦於是年滅魯頃公遷下邑為家人絕祀

是周魯同
亡也 六王同燼雖曰人事豈非天哉

附攷山東通志亞聖孟子廟在鄒縣城南道左宋
孔道輔知兗州訪孟子墓得於鄒縣東三十里四
墓山曰於墓旁建廟政和四年奉詔重修賜祭田
百畝以給守者後以距城遠遠徙建東門之外宣

和四年縣令未缶又徙今地金大和甲戌燬於兵
元元貞間縣尹司居敬重修元末復燬於兵明初
知縣桂孟與宗子思諒復鼎建焉宏治十年詔巡
撫熊翀大加修建萬歷九年縣令許守恩重修



年譜

周魯衛鄒

正定悼公悼公其君年世武王風姓任姓平公十四獻公晉出公昭公共公惠王
王二元年二年不可考即封弟太吳侯爵年

滕任薛齊

燕三晉宋秦楚
六年二十八年二十年二十年二十年

古邾國顛叔纘後歷黃帝
頭後穆公於滕唐虞孫顛
改爲鄒侯爵夏商頃少

後君周魯子陽
年世僖公封任
不可二十後夏
考二年封奚

傅稱仲湯
任宿封仲
須句虺於
風姓薛武
後君王封
年世仲虺

甲申

貞定
二十二年
十三年

三年

曾子
居衛
時四
十年

無考弟雍

滑之
後于
薛後
世代
無考

宣公立
陳然嗣卒
子白嗣為
莊伯子思
遊齊陳莊

韓趙魏攻
出公道死
立哀公

十九年

南貞定
午壬二

十二年

三十年
七年

于志
言苟
變於
簡
有齊
悉子
思立
之

伯與登秦
山觀古巡
狩之銘

王夏之晉
辨亥豕之
訛

甲考
寅十四

十五年崩
子威立
烈王
威元
六年

甲子
威烈
九年

十年
十一

公子
臺
昭公
立為
懷公

敬公
孫頹
弒懷

魏斯師事
子夏

魏斯弒幽
公子烈公
立

二十二年	二十一年	二十九年	十七年	十六年
子思	去魯	元年	穆公	元公
卒于衛	子思	尊禮	禮於	使衛
衛	—	—	—	—
—	—	—	—	—
—	—	—	—	—
—	—	—	—	—
—	—	—	立	田太公和
—	—	—	—	—
—	—	—	—	—
—	—	—	—	—
—	—	—	—	—
—	—	—	—	—

甲戌

威烈王

九年

—

—

—

—

—

—

—

—

—

—

元

丙十七年

十九年

二十三年

甲安王
辰二十五年

二十五年

二十六年

崩

烈王

元年

六年

孟子生距

孔子卒時

九十五年

孟子喪父

激公宜母

仇氏三遷

教之

孟子受業
于思門人

田和卒于
桓公立

齊康公卒

無子田天

遂并齊

韓哀侯立

三晉廢其

君靖公為

家人

趙成侯立

魏惠王韓

懿侯立

成甲

顯王

二十

二十

三

二十
八年

魏貶孟子知言
號曰養氣四十
侯綱不動心
目載鄒穆公憤
子思民不救長
言荷上孟子以
變於上慢殘下
此計責之
百三曹交願假
十八館鄒君受
九年業
矣

任人
屋廬
子辨
食色
與禮
輕重
屋廬
子至
鄒問
孟子

所謂南辱
於楚

齊伐魏魏
戰于馬陵
殺太子申

甲申

二十三年

三十一年

二十九

是年楚滅
小邾大邾
改為鄒者
尚存然友
之鄉見孟
子則鄒固
未滅也

文公
為世
子將

所謂東敗
丁齊長子
死焉
初秦取魏
少梁至是
秦虜公子
卯魏獻河
西地所謂
西喪地子
秦七百里
遂徙都大
梁

孟子
之宋
與告
子論
性
世子
之楚
過宋

五年

慎觀
王六
年崩
報王
元年

終喪焉

孟子反齊

燕王
哈以
國讓
相子
之

齊人伐燕
孟子見宣
王於崇有
去志會燕
亂不可以
請已而諸
侯將謀救
燕問計于
孟子宣王
不能用
孟子去齊

年

魯使樂正子為政孟子喜而不寐
平公將見孟子臧倉阻之又欲使子侯

孟子歸老於鄉與公孫丑商章之徒序詩晉述仲尼之意

三宿而後出書
宜王卒子
婚王立

孟子至宋時宋輕以秦楚構兵將之楚說罷之孟子遇于石邱

楚伐秦大敗秦又兵襲秦悉秦大楚伐秦此楚輕宋謂秦楚構兵也

王二十六年

戊辰 赧王平公
十二年卒

齊孟
子阻

孟子七篇
書成

蓋子卒于
鄒 葬四基

山

由安王十

七年丙申

生至赧王

二十六年

王申 孟子

卒年九十

六歲

右起貞定王二十二年甲戌訖赧王二十

六年壬申共一百七十九年

孟子時事年表

讀論語者不可不知春秋讀孟子者不可不知戰國史傳既畧
舛誤尤多敘歷聘則先齊於梁紀伐燕則以宣爲潛通鑑正之
而未盡竹書紀焉而不詳學者往往惑焉顧竹書逸文尙見索
隱推齊世次與孟同符蓋與梁惠改元均屬可信由是考時事
之遠近證遊歷之後先論世知人思過半矣閩中林春溥謹述

孟子時事年表

二年甲寅十八年	三年	九年	八年與韓四年	四年與趙六年	三年	十年	六歲
西周威公 寵幸子惠 公立封公 子班于瑳 為東周惠 公周始分 為兩			分周為兩	分周為兩			
三年	十九年敗四年	十年	九年	五年與韓五年秦敗七年	四年	十一年	七歲
	魏韓于洛陽			會宅陽 我洛陽 秦敗我洛陽 城武都			
四年	二十年	五年	十一年	六年伐宋六年	八年	五年魏伐十二年	八歲
			其君母	取儀臺 發淫忌之 藪賜民		我	
五年	賈秦二十一年	六年	十二年	十一年救七年秦攻七年	九年	六年	九歲
	以輔敵之敗三晉于 石門天子			魏敗于石我趙救我 石門為秦 所敗			
六年	三十二年	七年	十三年	十二年救八年秦攻八年	十年	七年	十歲
	伐魏少梁			魏 救我			

周顯王 秦獻公 楚宣王 齊桓公 趙成侯 魏惠王 韓懿侯 燕桓公 宋剔成 魯共公

七年	二十三年八年	十四年	十三年魏九年公叔九年魏敗十一年	八年	十五年	十一歲
八年	魏虜其將 公孫雍取 龐	敗我滄取 我敗韓趙我 與趙 皮牢 與之師于滄遇上黨 韓遇上黨取趙皮牢	秦伐我 少梁虜公 孫雍取龐	十一年	十五年	十二歲
九年	見西方 元年衛鞅 來與議國 事	十五年	十年入河十年 水于圃田 又為大溝 引圃水 公叔雍薦 衛鞅不聽 鞅入秦	文公元年九年	十六年	
九年致勝二年	十年	十六年	魏伐我 魏攻齊 趙攻齊 城殷	十年	十七年	十三歲
十年	三年以鞅 為左庶長 定變法之 令	十七年	十二年龍十二年取三年 賈帥師築屯留倚子 長城于西 邊	十一年	十八年	十四歲
十一年	十四年	十八年	十七年與十三年與昭侯武元四年	十二年	十九年	十五歲就學于魯歸

周顯王 秦孝公 楚宣王 齊威王 趙成侯 魏惠王 韓昭侯 燕文公 宋剔成 魯康公

<p>十五年 六年敗魏 元里斬首景舍救趙 七十取少梁</p>	<p>二十一年十七年伐五年朝魏八年 魏圍我邯鄲圍邯鄲中陽 鄆楚景舍 韓侯來 來救 朝中陽 秦取我少梁</p>	<p>十六年魏康公屯元十九歲 來徵師我年 兵入趙圍一城</p>
<p>十六年韓九年 復東周取 陰觀廢止</p>	<p>十七年魏四年使徐二十二年十八年克六年伐東九年 拔邯鄲我賸田忌救魏拔我邯鄲齊孫周取陵觀 取魏離濊趙破魏于鄆齊救我賸田忌敗廩上 之間 昭桂陵始稱敗之桂陵我師于桂陵</p>	<p>十七年二年 二十歲</p>
<p>十七年 十年衛戰十八年 五年 與韓趙圍 魏襄陵伐 安邑降之</p>	<p>二十三年十九年秦七年與秦十年 與秦韓圍韓趙圍我趙圍魏襄 魏襄陵 襄陵伐降陵 我安邑 築長城塞 固陽</p>	<p>十八年三年 二十一歲</p>
<p>十八年 十一年魏十九年 圍魏固陽 降之攻 趙邯鄲 城 商塞</p>	<p>六年築旁二十四年二十年秦八年申不十一年 魏歸我邯鄲降我固官相 鄆與魏盟湯 歸趙 濟水上 鄆鄆與趙 秦攻我固漳水上</p>	<p>十九年四年 二十二歲</p>
<p>十九年 十二年徙二十年 都咸陽發</p>	<p>七年 二十五五年二十一年九年 與秦遇彤</p>	<p>二十年五年 二十三歲</p>

孟子時事年表

<p>井田開阡陌與魏遺</p>	<p>十年 十三年初 為縣有法</p>	<p>賦稅法 韓侯來朝</p>	<p>二十一年十四年更</p>	<p>二十二年十五年蜀 甲戌 人來朝</p>	<p>陳王元謂是年 孟子至梁</p>
<p>王如衛 命公子南</p>	<p>二十一年八年</p>	<p>二十二年九年</p>	<p>魏孫何侵我三戶 伐徐州</p>	<p>二十三年十六年 趙侯來朝</p>	<p>二十四年 魏韓伐我大夫牟 取上蔡滎陽</p>
<p>肅侯請元 二十二年十年韓姬 二十三年</p>	<p>二十二年與魏 二十三年十一年朝 十四年</p>	<p>二十三年十二年 十五年 二十三年八年</p>	<p>二十三年公于 二十四年十二年 十五年 二十三年八年</p>	<p>二十三年公于 二十四年十二年 十五年 二十三年八年</p>	<p>二十四年 二十五年 二十六年 二十七年</p>
<p>二十一年六年</p>	<p>二十二年七年</p>	<p>二十五年歲</p>	<p>二十六年歲</p>	<p>二十七年歲</p>	<p>二十七年歲</p>
<p>二十一年六年</p>	<p>二十二年七年</p>	<p>二十五年歲</p>	<p>二十六年歲</p>	<p>二十七年歲</p>	<p>二十七年歲</p>
<p>二十四歲</p>	<p>二十五歲</p>	<p>二十六歲</p>	<p>二十七歲</p>	<p>二十七歲</p>	<p>二十七歲</p>

周顯王秦孝公楚宣王齊威王趙肅侯魏惠王韓昭侯燕文公宋剔成魯景公

二十四年十七年 二十五年十二年 五年 二十六年十四年 十七年 二十五年景公偃三十八歲

三十五年十八年會 二十六年十三年趙六年攻齊二十七年十五年 十八年 二十六年二年 二十九歲

秦會諸侯諸侯于京 攻我拔高拔高唐 封其名會 丹魏大臣

來朝 師 唐 致伯子秦子致簡 城武城 七年公子二十八年十六年 十九年 二十七年三年 三十歲既娶見其婦

史記是年齊宣 王元年 二十七會諸侯使公子少 來朝魏王官會諸侯 為御尊王子逢澤朝 為右 天子

二十八會諸侯使公子少 來朝魏王官會諸侯 為御尊王子逢澤朝 為右 天子

齊山忌來息孫賸伐 奔封之江魏以救韓 被之馬陵 殺龐涓廢 其太子申 田忌奔 陽 城濟

三十年龐十八年魏 二十一年二十九五年 三十二歲

涓伐韓齊伐我齊救 田忌孫賸我破之馬 救之破我龐 馬陵殺龐 涓虜太子 申 城濟

三十一年二十九五年 三十二歲

三十一年二十九五年 三十二歲

三十一年二十九五年 三十二歲

三十一年二十九五年 三十二歲

三十一年二十九五年 三十二歲

三十一年二十九五年 三十二歲

三十一年二十九五年 三十二歲

三十一年二十九五年 三十二歲

三十一年二十九五年 三十二歲

周顯王 秦惠文 楚威王 齊威王 趙肅侯 魏惠王 韓昭侯 燕文公 宋剔成 魯景公

四書釋地 聖至 符在是年

三十四年三年

五年越無 二十二年十五年

改元與二十四年二十七年三十五年十一年

三十八歲

盟而去 君來會王 于東阿南

趙圍我襄趙圍魏聚 陵 陵

齊會甄

越伐我 王使人說 之伐楚

田嬰相 遊天陵出會徐州相是作高門蘇秦始來 與魏會徐鹿門大戊王 惠施 合從

三十五年四年天子六年 致胙于秦致胙

史記是年魏襄 王元年今從紀 年任兆益孟 子時事畧謂是 年孟至齊為 卿奉母居平陸

三十六年五年以犀七年圍齊二十四年十七年第三年趙圍二十六年年二十九年年三十七年年三十七年年三十九歲

蘇秦過洛首公孫衍于徐州遂楚敗我徐長城 圍我黃不克卒子宜惠以秦王女 陽王使人為大良造滅越殺無錫使人逐魏黃不克 秦使公王立 蘇為太子婦 代魏禽龍彌 蘇秦田嬰嬰使 使蘇秦孫衍伐我秦來約合蘇秦說與 賈取離陰來約合從張壯說楚約從六國禽龍賈取從許之 趙從親從 蘇秦激許之 王乃止 以蘇秦會我離陰 蘇秦來約天下將相蘇秦來約 台從許之盟于涇水合從許之 之上封蘇 秦為武安

怒張儀來 王以為答 卿

通鑑是年齊宣

王元年

齊之并孟子年

是年春鄒

三十七年 六年公孫八年

行欺齊魏

與共伐趙

從約遂敗

魏納陰晉

以和

二十五十八年秦四年與齊管惠王元易王元年三十八年十四年 四十一歲

與魏伐趙使公孫行伐趙 以年

因表伐以齊魏之陰晉為和

燕取十城師伐我我于秦

蘇秦來說決河水灌

乃歸燕十之乃退公

城 讓蘇秦蘇

秦適燕從

約皆解

五年與韓二年與魏二年

會巫沙 會巫沙

六年秦圍三年

我焦蒲沃

地 獻秦河西

七年秦伐四年

我取汾陰

皮氏拔焦

曲沃 與

秦會應

因表伐楚

取陽山

六年秦取五年

五年

庚王偃元十八年 四十五歲

三十九年 六年周顯十年

焦曲沃魏

獻河西以

和

四十年

九年伐魏十一年卒二十八 二十一年七年秦伐四年

取汾陰皮氏因表伐秦君歸成

兵拔焦蒲長取陽山來奔

沃 與魏

秦會應

軫自楚來

數儀秦之

四十二年 十年 齊威王元二十九 二十二年 六年秦取五年

孟子時事年表

<p>王應茲曰孟子</p> <p>四十七年三年伐魏七年</p> <p>三十五年四年與韓十四年張十一年使十一年七年</p> <p>二十四年五十一歲至梁○安</p>	<p>史記是年齊湣王元年</p> <p>齊年譜是年去宋之薛受開餽</p> <p>四十六年二年張儀六年柱國三十四年三年</p> <p>及齊楚魏昭陽破魏楚昭陽攻相會齧桑襄陵取八我陳軫說還免相出邑又移兵之乃去</p> <p>相魏 攻齊陳軫 說乃還</p> <p>昭陽破我襄陵取八邑○案前辱於楚即此會齊威王於鄆張儀來相公孫衍弗利</p>	<p>四十五年更元年張五年</p> <p>魏伐魏取陝築上郡塞</p> <p>三十二年二年城鄆十二年秦九年</p> <p>蘇秦來奔王以為客卿秦說王高宮室大苑囿以明得意欲敵齊以為惑</p> <p>韓之王率其太子來朝信宮魏敗我趙護</p> <p>張儀伐我取陝出其人</p> <p>九年蘇秦五年通子文夫人偽得罪奔齊</p> <p>二十二年四十九歲</p>	<p>齊年譜是年去齊居休反魯首母遂之宋滕世子來凡</p>
--	--	---	------------------------------

孟子時事年表

周顯王秦惠文楚懷王齊威王趙武靈魏惠王韓宣惠燕易王宋王偃魯景公

至梁當在惠王之後十四五年
曹年譜是年自薛反鄒滕文公問喪禮遂聘問為國館于上宮

任啓運孟子考
魯云此時在滕先足已如宋歸邠而後至梁齊時事魯是年至魏
大紀元年齊使白圭治水作堤江永寧經補義云是年至梁

四十八年	四年	取曲沃平周陰厚張儀韓魏使其太子來朝	會陰鼠	儀欲令我太子朝秦先事秦而與趙會諸侯效之區鼠王不聽秦伐我取曲沃平周太子朝秦王數敗于車旅厚幣招賢銳行薄于形孟軻皆來	宣王辟疆六年元年迎婦
四十九年	五年	嬰封薛將封田嬰子伐齊公孫薛號靖郭聞訛乃止君君欲城薛以客海大魚之諫乃止			宣王辟疆六年元年迎婦
五十年	六年				宣王辟疆六年元年迎婦
五十二年	八年				宣王辟疆六年元年迎婦
五十四年	十年				宣王辟疆六年元年迎婦
五十六年	十二年				宣王辟疆六年元年迎婦
五十八年	十四年				宣王辟疆六年元年迎婦
六十年	十六年				宣王辟疆六年元年迎婦
六十二年	十八年				宣王辟疆六年元年迎婦
六十四年	二十年				宣王辟疆六年元年迎婦
六十六年	二十二年				宣王辟疆六年元年迎婦
六十八年	二十四年				宣王辟疆六年元年迎婦
七十年	二十六年				宣王辟疆六年元年迎婦
七十二年	二十八年				宣王辟疆六年元年迎婦
七十四年	三十年				宣王辟疆六年元年迎婦
七十六年	三十二年				宣王辟疆六年元年迎婦
七十八年	三十四年				宣王辟疆六年元年迎婦
八十年	三十六年				宣王辟疆六年元年迎婦
八十二年	三十八年				宣王辟疆六年元年迎婦
八十四年	四十年				宣王辟疆六年元年迎婦
八十六年	四十二年				宣王辟疆六年元年迎婦
八十八年	四十四年				宣王辟疆六年元年迎婦
九十年	四十六年				宣王辟疆六年元年迎婦
九十二年	四十八年				宣王辟疆六年元年迎婦
九十四年	五十年				宣王辟疆六年元年迎婦
九十六年	五十二年				宣王辟疆六年元年迎婦
九十八年	五十四年				宣王辟疆六年元年迎婦
一百年	五十六年				宣王辟疆六年元年迎婦
一百零二年	五十八年				宣王辟疆六年元年迎婦
一百零四年	六十年				宣王辟疆六年元年迎婦
一百零六年	六十二年				宣王辟疆六年元年迎婦
一百零八	六十四年				宣王辟疆六年元年迎婦
一百一十年	六十六年				宣王辟疆六年元年迎婦
一百一十二年	六十八年				宣王辟疆六年元年迎婦
一百一十四年	七十年				宣王辟疆六年元年迎婦
一百一十六年	七十二年				宣王辟疆六年元年迎婦
一百一十八年	七十四年				宣王辟疆六年元年迎婦
一百二十年	七十六年				宣王辟疆六年元年迎婦
一百二十二年	七十八年				宣王辟疆六年元年迎婦
一百二十四年	八十年				宣王辟疆六年元年迎婦
一百二十六年	八十二年				宣王辟疆六年元年迎婦
一百二十八年	八十四年				宣王辟疆六年元年迎婦
一百三十年	八十六年				宣王辟疆六年元年迎婦
一百三十二年	八十八年				宣王辟疆六年元年迎婦
一百三十四年	九十年				宣王辟疆六年元年迎婦
一百三十六年	九十二年				宣王辟疆六年元年迎婦
一百三十八年	九十四年				宣王辟疆六年元年迎婦
一百四十年	九十六年				宣王辟疆六年元年迎婦
一百四十二年	九十八年				宣王辟疆六年元年迎婦
一百四十四年	一百零年				宣王辟疆六年元年迎婦
一百四十六年	一百零二年				宣王辟疆六年元年迎婦
一百四十八年	一百零四年				宣王辟疆六年元年迎婦
一百五十年	一百零六年				宣王辟疆六年元年迎婦
一百五十二年	一百零八年				宣王辟疆六年元年迎婦
一百五十四年	一百一十年				宣王辟疆六年元年迎婦
一百五十六年	一百一十二年				宣王辟疆六年元年迎婦
一百五十八年	一百一十四年				宣王辟疆六年元年迎婦
一百六十年	一百一十六年				宣王辟疆六年元年迎婦
一百六十二年	一百一十八年				宣王辟疆六年元年迎婦
一百六十四年	一百二十年				宣王辟疆六年元年迎婦
一百六十六年	一百二十二年				宣王辟疆六年元年迎婦
一百六十八年	一百二十四年				宣王辟疆六年元年迎婦
一百七十年	一百二十六年				宣王辟疆六年元年迎婦
一百七十二年	一百二十八年				宣王辟疆六年元年迎婦
一百七十四年	一百三十年				宣王辟疆六年元年迎婦
一百七十六年	一百三十二年				宣王辟疆六年元年迎婦
一百七十八年	一百三十四年				宣王辟疆六年元年迎婦
一百八十年	一百三十六年				宣王辟疆六年元年迎婦
一百八十二年	一百三十八年				宣王辟疆六年元年迎婦
一百八十四年	一百四十年				宣王辟疆六年元年迎婦
一百八十六年	一百四十二年				宣王辟疆六年元年迎婦
一百八十八年	一百四十四年				宣王辟疆六年元年迎婦
一百九十年	一百四十六年				宣王辟疆六年元年迎婦
一百九十二年	一百四十八年				宣王辟疆六年元年迎婦
一百九十四年	一百五十年				宣王辟疆六年元年迎婦
一百九十六年	一百五十二年				宣王辟疆六年元年迎婦
一百九十八年	一百五十四年				宣王辟疆六年元年迎婦
二百年	一百五十六年				宣王辟疆六年元年迎婦

新論載秦攻梁惠王謂孟軻曰先生不遠千里幸辱敝邑今秦攻梁先生何以禦乎若是年秦伐魏取曲沃平周去年楚昭陽破魏襄陵取八邑故有南辱于楚之言又公孫衍張儀俱在魏二人互相傾軋故有論大丈夫語史云惠王數敗軍旅亦惟此時為甚則孟子至梁當在是年

陳土元云是年
梁襄王立孟子
自任往見復適
齊 曹年譜是
年去滕歸魯奉
母之梁
時事畧是年去
魏之宋
荀息謂孟子由
鄒之任見季子
在去梁後 曹
年譜云去梁自
也之齊
譚貞賦孟子編
年是年受宋饒
滕世子來見反
鄒遺薛愛復
適齊 時事畧
从之云是年
孟母卒歸葬于
魯 曹年譜云
為獨弟滕文公
之喪
皇王大紀是年

孟子時事年表

三年	七年蘇秦十一年為二年攻秦八年攻秦襄子赫元十五年攻三年攻秦十一年稱二十八年五十五歲在齊迎母	取鄆 陵	子素	十七年卒十四年秦二年	十年	二十七	五十四歲見梁襄王
四年	約從山東從長攻秦函谷不克函谷不克年攻秦函谷不克函谷不克王	賢人孟軻 來遊	下宮招致	年八十二伐我取鄆			遂去梁反鄒由鄒之
五年	六國共攻函谷不克			子赫立孟軻行			任至平陸因由平陸
六年	我至函谷						之齊
七年	關我出兵						
八年	擊之六國						
九年	敗走樂						
十年	池相						
十一年	四年甲辰八年敗韓十二年						
十二年	四年敗趙九年秦敗二年張儀十六年秦四年						
十三年	十二年與二十九年五十六歲母仇氏卒						

周慎觀秦惠文楚懷王齊宣王趙武靈魏襄王韓宣惠燕王噲宋王偃魯平公

孟子見齊宣王
曹年指是年喪
母歸葬于魯

李本孟子圖譜
謂于崇見王在
免喪再見時
曹年指云免喪
反齊為客卿

通鑑綱目是年

魏王延元十一年侵十五年救七年秦魏十二年救五年秦樓十九年秦七年國六十五年

三年
五十九歲在齊為客

五年	九年司馬十三年 籍滅蜀 伐趙取西 都中陽	十年秦伐三年 我取西都 中陽	五年讓國十三年 于相子之	齊攻魏敗 之觀澤	平公放元五十七歲在魯居喪 年○案魯 欲使樂正 子為政當 在此時
六年	十年敗趙十四年 將英以 韓取石章	十一年秦四年韓歸十八年使六年 敗我將英我晉陽及韓辰歸魏 向二月城晉陽及向 秦伐我 取石章	十四年	齊攻魏敗 之觀澤	宣王會見公將來見發人滅倉 繹山下樂沮之不果遂反于齊 克道孟子○案滅倉毀孟子後 於平公公發踰前表蓋指近事 將見孟子而言則平公將見當 以滅倉沮在孟子居魯喪畢之 不果 後廣文選所謂魯平 公與齊宣王會見繹 是其事也
六年	魏之師于我師斬首陰合秦伐敗我修魚 觀澤 大八萬 齊敗我師 虜我將鯀 夫與蘇秦敗我師于齊敗我觀申差 爭龍使人觀澤 我使 刺殺蘇秦 張儀請成 于秦	十七年	五年讓國十三年 于相子之	齊攻魏敗 之觀澤	子齊孟子自齊葬于 魯

孟子去齊大事
記云自齊之宋
自來適滕皇王
大紀云去齊枋
于宋陳士元从
大事記

范鑑是年齊湣
王元年

孟子時事年表

<p>二年</p>	<p>年時東西義渠取二韓 齊破伐韓王將韓 王召里乘攻我敗我岸門亂將軍市 周分治王十五城 燕王許魏救之田臣燕公子職焦焦降 斬首萬將被太子平 徙都西周榜里疾攻六城與之思曰秦伐於韓立以張儀以我犀首走太攻子之不 從西周武魏焦降之伐齊而存韓楚趙必為燕王使師伐韓 子舍入質克齊宣王 公若焉武敗岸門燕張儀沮救之是天築池送之齊破燕楚于秦 王合章子伐 公惠公子其將犀首魏不果 以燕賜我 齊破燕許我六城朝于魏 我士卒不 也 走韓太子 救韓王令乃以河東而存燕張 倉來質 章子將五請易燕地儀以計沮 封公子通 都兵伐燕於齊楚魏王遂不果 于對以陳 三十日舉增之令韓韓王來朝 莊相之 之猶子之滑惠施來 殺王喻 請伐齊而 存燕</p>
<p>十二年右十六年秦八年楚絕十三年秦六年與秦二十年</p>	<p>更疾伐趙欺我絕齊我合於樛申疾伐會臨晉立 拔蘭虜其我使屈匄秦 我拔蘭虜公子政為 將莊豹 伐秦 王 我將莊豹太子 王 會魏臨晉如邯鄲 楚王魏王如邯鄲 立魏公子 來過邯鄲 政為魏太 子 張儀 欺楚絕齊 楚船句伐</p>
<p>十六年</p>	<p>戰城門不 閉遂大敗 哈與子之 皆死</p>
<p>四年</p>	<p>卿有答沈同燕可伐 及與宣王論勿取置 君而後去等語時趙 與楚魏俱欲伐齊而 存燕宣王所謂多謀 伐寡人者也</p>
<p>六十歲在齊○案樂 正子從子放之齊及 出躬于滕公行子之 喪孟子不與王驪言 當在此時</p>	<p>九</p>

周赧王秦惠文楚懷王齊宣王趙武靈魏襄王韓宣惠燕昭王宋王偃魯平公

三十六紀是年

為使慎子為

將軍魯平公將

見孟子

時事是年去

齊居休反鄒至

暫不能用歷侯

以禮聘之至滕

反鄒作孟子七

篇

魯年譜是年致

為臣而歸

集討考證云去

齊歸鄒而如宋

見孟子定公燔

魯又公聘問為

國北宮崎問周

室班爵疎魯

年許是年申盡

三年

我

十二年庶十七年秦九年與宋十四年趙七年襲楚二十一年燕人畔齊十七年與五年

長規章大破我丹陽圍魏煮粟何攻魏

敗楚師于房山句取魏敗我虜

丹陽虜屈漢中我悉聲于于濮

句取濮中兵與秦又燕人畔

又敗之藍敗于藍田孟軻行

田楚劉兩韓魏襲我

城請平○我到兩城

案秦楚構以和秦

兵即此

十四年伐十八年秦十年張儀十五年張八年翟章襲王卷元昭王平元十八年○六年

楚取召陵伐我取召為秦連橫儀為秦連伐衛拔列年張儀為案宋策齊

張儀如陵張儀許之

楚遂說五來說連橫

國連橫封事秦許之

儀其信君

王卒卒

齊于濮

至鄆

敗襲楚至鄆立太子平齊圍魏煮

為王王厚賚孟軻

帶招賢為來過宋輕

郭隗築宮于石丘

師事之士

爭趨焉

秦連橫許秦連橫許攻宋策齊

之

成子索救

于荆荆王

許救而卒

不至齊因

反宋五城

六十一歲在燕燕人

畔王慙陳賈為之交

過孟子致為臣而去

適宋○案陳臻問前

日於齊王偶兼金一

百而不受於宋偶七

十鎰而受於薛偶五

十鎰而受而燕人之

畔秦楚之構兵皆在

是年且石亡宋地見

孟子疏是並去齊之

果之確証也又孟子

去齊居休路史曰休

在潁川屬宋境殆亦

一証云

六十二歲○案滕世

子過宋來見當在此

時又有與萬章論宋

不行王政及戴盈之

王紀是年
 子與弟子諱
 明道義作七篇
 王紀是年
 子與弟子諱
 明道義作七篇

七年	三年與魏二十一年十三年	十八年	十一年秦四年秦廿四年	二十一年九年	六十五歲
六年	二年以廿二十年與十二年與十七年	十七年	十年張儀三年與齊二年	二十年八年	六十四歲
五年	洛入武王蕩元十九年	十六年	九年相田一年	十九年七年	六十三歲
四年	成周山水年張儀復	出九門為需死張儀	野臺以望自秦入相	齊中山之	會臨晉
三年	王與魏會	臨晉	義梁丹犁	不來	不來
二年	相粵	為右丞相	死十月楚合從	大霖雨疾	風河水溢
一年	會應	水亦三日	廿一年秦約茂伐我宜	伐韓	陽

公孫衍賢
之諸侯賢
醉衡復舍
從

其即萬章
 所謂齊楚
 惡而伐之
 者歟孟子
 是時在宋
 則此事疑
 在此年也

曰孟子困於梁宋此
 遠行受噓之說也風
 俗通曰孟子去齊又
 絕糧於鄒薛則始甚
 此間戒受噓之說也
 以陳臻之問推之意
 必由宋之辭由薛返
 鄒想皆此年事也
 六十三歲

孟子時事年表

十

周赧王 秦武王 楚懷王 齊宣王 趙武靈王 魏襄王 韓襄王 燕昭王 宋王偃 魯平公

韓宣陽

<p>八年甲寅 四年按宣二十二年十四年</p>	<p>秦拔韓宜陽 賜沙河城 圍韓魏氏</p>	<p>陽使樛里武遂 韓公下攻</p>	<p>疾以車百 仲後入謝</p>	<p>乘入我以 便樛里</p>	<p>平趙之楚 派以車百</p>	<p>怒使樛里 乘入周</p>	<p>說之楚王 魏太子來</p>	<p>乃使 韓朝 王與</p>	<p>與東周 高孟說舉鼎</p>	<p>都 絕脈卒異</p>	<p>母弟稷立 毋弟氏治</p>	<p>國事以勇 魏冉為將</p>	<p>軍 救韓</p>	<p>雍氏</p>	<p>九年 昭王稷元二十三年十五年</p>
<p>十九年始十二年使五年秦拔五年</p>	<p>胡服招騎太子朝秦 我宜陽斬</p>	<p>首六萬城 武遂公仲</p>	<p>倭入秦 請</p>	<p>平 楚圍</p>	<p>我雍氏我 徵甲與粟</p>	<p>於東周 蘇</p>	<p>代來說乃 正且與周</p>	<p>高都會秦 來救楚兵</p>	<p>去</p>	<p>二十年王十三年秦六年秦歸六年</p>	<p>畧中山及伐我皮氏我武遂</p>	<p>胡地林胡不克我城</p>	<p>王獻馬 皮氏</p>	<p>昭王稷元二十三年十五年</p>	
<p>二十二年十年 六十六歲</p>										<p>二十三年十一年 六十七歲</p>					

周赧王 秦昭王 楚懷王 齊宣王 趙武靈王 魏襄王 韓襄王 燕昭王 宋王 偃 魯平公

曹德譜引紀年
 周宣王在位
 二十五年始卒
 其終乙丑未知
 西歷

<p>封陵取韓我使太 武遂 齊子橫質于 韓魏攻楚秦請救秦 我救却之救却之</p>	<p>晉陽封陵與齊魏伐 與齊韓楚 伐楚</p>	<p>七十一歲</p>
<p>五年與魏二十七年十九年卒二十四年十七年與十年與秦十年</p>	<p>秦韓會臨魏會臨晉 晉秦歸我 蒲阪</p>	<p>二十七歲</p>
<p>六年伐韓二十八年潁王地元二十五年十八年與十一年秦十二年</p>	<p>魏伐楚 與秦齊</p>	<p>七十二歲 ○案滕文 公使缺發問喪禮已 而聘問為國當在此 時</p>
<p>取穰 庶秦齊魏魏年使章子伐中山中秦齊魏伐我取穰 長與會齊伐我殺唐將與秦韓山君奔齊楚 韓魏之師昧取重丘魏攻楚殺我穰地北 伐楚敗之 唐昧 靖至燕代西 重丘殺唐 郭君卒孟至雲山九 昧取重丘 晉君文嗣原 以周 何 解傅王子</p>		
<p>七年使至二十九年二年秦使二十六年十九年</p>		<p>七十三歲 ○文公有 齊人葉薛之恐事齊 事楚之問</p>
<p>陽君懼質秦年我伐滎陽君入 于齊以求我斬首三質求見孟 見孟嘗君萬殺景與嘗君君不 使辛戎取襄城我果往 楚 伐楚殺景質太子橫太子橫入</p>		

周赧王 秦昭王 楚頃襄 齊湣王 趙惠文 魏襄王 韓襄王 燕昭王 宋王 偃 魯湣公

及之以歸

受

十九年 秦昭王死 歸其太子秦

三十二年 齊公買元

七十七歲 與高帝之

我九鼎 一與齊 韓魏

還

主父氏而還秦而還秦與

氏而還

從序詩言述仲尼之

飛入泗水 趙宋同擊

出代西 遇與我封陵 我武遂以

時魯平公魏襄王皆

我與韓武

樓煩王于以和

卒七篇中稱其諡則

遂與魏封

和

著書當在此時

陵以和

其兵

取九鼎

西河而致

二十一年 秦昭王四年 秦與七年 與趙四年 主父昭王 遼元 趙王 晉元 十七年 與三十四年 二年

趙滅中山

七十八歲

錯伐魏 襄我粟五萬 滅中山

中山 遂其襄城

相封 穰侯

君于周施

與楚粟

一故太子

五萬石

章作亂公

二十一年 十三年 敗五年

子成 李兌

魏子解

誅之 遂執

向壽伐韓

主父于沙

取武始

孟嘗君君

八年 田甲 五年 與燕 二年 秦敗 二年 秦向 十八年 趙 三十五年 三年

武始白起

七十九歲

孟子時事年表

二十四年 十六年左八年	更錯取魏 軹及鄆 伐韓拔宛	二十二年 十四年韓六年	秦敗東周 魏伐我白 魏皮周 起敗之伊 閻斬首二 十四萬虜 韓公孫喜 拔五城進 兵攻周魏 戍之	白起攻韓 新城 禮齊齊
二十一年	行唐	九年	以死明孟 嘗君不 乃召之君 謝病歸老 于薛	
十八年 城南五年秦取五年秦拔	我軹及鄆我宛 拔垣城	七年	三年與韓三年與魏 伐秦秦敗伐秦秦白 我伊閻我起敗我伊 使公孫衍闕虜我公 講于秦秦孫喜取安 攻東周我邑以東至 戍之 乾河	
二十八年 六年	破東胡山 戎	四年秦白四年	起攻我取 垣復歸我	
八十二年		二十年		
		三十七年五年		
		八十一歲		
		八十歲		

周赧王 秦昭王 楚頃襄 齊湣王 趙惠文 魏昭王 韓釐王 燕昭王 宋王偃 魯湣公

<p>穰侯益封 陶封公子 市為宛侯 公子哩為 鄧侯</p>	<p>二十五年 東周君如周君城陽 君來朝 穰侯伐魏 魏入河東 地四百里 韓入武遂 地二百里</p>	<p>二十六年 起前馬錯 伐魏至軹 取六十一 城又攻 珥河雍泱 橋取之</p>
	<p>十二年 趙攻韓至 關下</p>	<p>十三年 十年</p>
	<p>十二年與九年與齊六年秦伐六年獻武 趙攻韓至攻韓至魯我我我我 關下關下 東地四百里于秦 里于秦 趙齊攻我 秦以項易至魯關下 我藺阪皮 氏 芒卯 始以詐重</p>	<p>七年秦取 我河 决橋大小 六十一城</p>
	<p>二十二年三十九年七年</p>	<p>二十三年四十年 八年</p>
<p>八十三歲</p>		<p>八十四歲以正月十 五日卒生仲子嬰嘗 從公孫莊受壽於李 克○案古碑云孟子 卒於冬至之日邠人 因毀孟子而廢賀冬 至之禮遂以成俗蓋 周正月今十一月也</p>

孟子時事年表後說

孟子本魯公族孟孫之後

趙岐說

後徙於鄒遂為鄒人其葬母於

魯者蓋孟孫世為魯卿則祖墓自當在魯太公子孫五世反葬

於周孟子亦猶行古之道也吳程乃據此以為孟子魯人之證

譚貞默編年更後其說謂鄒為魯下邑即孔子鄉叔梁紇所治

近曹之升孟子年譜力主之其文繁不及詳辨今但以孟子兩

處證之如吾之不遇魯侯豈有本國之臣民而敢斥言其國與

爵哉此閻若璩孟子生卒年月考之說

又交得見於鄒君可以假館願留而受

業於門如謂鄒即魯邑則祇有魯君而鄒君何為者此周廣業

說舉此則其他附會之說不待繁言而破矣

孟子生卒年月史傳無明文元張頤孟母墓碑記據鄒公墳廟

碑云孟子後孔子三十五年生時周定王三十七年雜記載孟

孟子時事年表後說

氏譜云周定王三十七年己酉四月二日孟子生赧王二十六年壬申正月十五日卒壽八十四今考貞定王在位只二十八年無己酉己酉在考王九年下距赧王二十六年己酉一百四十二年不得云壽八十四也陳士元疑定爲安之訛然安王在位亦只二十六年無己酉己酉在烈王四年故孟衍泰三遷志所載年表據黃梅瞿九思說定爲烈王四年己酉生赧王二十六年壬申卒既與八十四之數符亦與孟子言由孔子而來至於今百有餘歲合萬斯同孟子生卒年月辨引孟氏世譜亦然故今從之至闕里志謂孟子生於周安王十七年潘彥登孟子生日考亦謂疑是安王十七年譜訛安爲定訛王爲三周廣業孟子四考從之謂孟子當卒於赧王十三年或十二年譜倒爲二十又衍六字也按如其說則孟子先魯平公梁襄王卒七篇中

何以皆稱其謚殊不可從

史記本傳趙岐題辭風俗通並云七篇孟子自作惟韓昌黎謂為萬章公

孫丑所記朱子嘗云七篇筆勢如鎔鑄而成非綴輯所就其為自著明甚至方履中謂諸侯之謚安知非後人所加閻若璩謂卒後書為門人所敘定故諸侯王皆加謚焉並臆說也

本傳謂孟子受業於子思之門人此為實錄自漢藝文志本注

云子思弟子王劭遂謂史文衍一人字孟子實親承子思之教

趙岐亦云長師孔子之孫子思而子思孔叢等書更附會為思

孟問答之語並誤案孔子卒於周敬王四十一年時伯魚卒已

五年而子思為喪主知其年已長矣孟子之生距伯魚卒蓋百

十一年安得與子思相及耶

魏世家稱惠王三十五年孟子至梁今以七篇證之殊誤孟子

時年三十七而惠王稱之曰叟不合一也惠王時未稱王而孟

子稱之曰王不合二也時梁未南辱於楚即喪地於秦亦未至

孟子時事年表後說

二

七百里之多不合三也案竹書紀年惠成王三十六年改元稱
二年自是又十七年乃薨據此則襄王九年獻上郡十五縣以
謝秦者實惠王之後元八年所謂喪地七百里是也襄王十四
年楚破魏襄陵得八邑實惠王之後元十三年所謂南辱於楚
是也其明年秦復伐魏取曲沃平周而新論載秦攻梁惠王謂
孟軻曰先生不遠千里幸辱敝邑今秦攻梁先生何以禦乎則
孟子至梁當在是年時公孫衍張儀俱在魏二人互相傾軋又二
年惠王卒襄王立而孟子去梁此其確然可證者也史公未考
惠王有改元之事故不得不繫孟子至梁於三十五年致種種
不合通鑑既從竹書以正其失而仍從史至魏之年直至襄王
卽位載孟子見魏襄王語竟似孟子在梁歷十八年之久則猶
未免襲誤耳顧炎武曰孟子適梁乃惠王之末而襄王立卽行故七篇中梁事不多是也

本傳孟子道既通游事齊宣王宣王不能用適梁趙岐章句從之云建篇先梁者欲以仁義爲首篇也今考世家既云惠王三十五年孟子至梁計其年只三十七若果先至齊則年更少何以有四十不動心之語且曰惡得有其一以慢其二乎又時距燕噲子之事絕遠中隔二蘇氏古史因謂孟子先事齊宣王後乃見梁惠王襄王齊潛王譚貞默謂孟子所見諸侯先孟子卒者齊宣梁惠梁襄鄒穆魯平滕文書中皆稱謚後孟子卒者齊潛宋偃故止稱王說似有據然以伐燕一事證之前問取燕稱宣王後燕畔止稱王慙不得謂取者宣王而慙者潛王也林希元曰宣王以不用孟子言而致燕畔所以慙於孟子若審王何然則慙之有不自宣王而曰王亦偶然致辭不同耳說是也

概指王卽潛王者誤矣蓋孟子仕齊中以葬魯去位喪畢反齊此爲再至而皆在宣王時故其去也王有今又棄寡人而歸之

語萬斯同乃據此爲再仕湣王之證愈失之矣大抵孟子生平以道自重遲久未有所遇故當時有不見諸侯之疑其見惠宣滕文皆在中年以後爲其有禮賢下士之雅欲以行道也然一見魏襄命駕遂行崇之見退有去志難進易退未嘗久淹故曰久於齊非我志也齊湣素非賢主孟子豈有旣去復來之理乎今據竹書梁襄王三年當齊宣王五年魯平公初立卽燕噲讓國子之之歲又二年而齊取燕又二年而燕太子平立證之孟子之書先梁後齊其事皆合故通鑑綱目於慎靚王二年魏襄王初立書孟軻去魏適齊蓋得之矣

孟子居鄒季任以幣交受之而不報處於平陸儲子以幣交受之而不報他日由鄒之任見季子由平陸之齊不見儲子此事其在去梁適齊之間乎蓋由魏之齊中可過鄒時孟母尚在無

不歸省之理而任與鄒相距僅百二十里許今濟南府東任城

城一百二十里許一宿即至平陸在任城之北今汶上縣去臨淄六百

里此固中間適齊之道也又孟子自范之齊據後魏書地形志

范平陸俱屬東平郡四書釋地曰范今東昌府濮州范縣春秋

二地相近當是由平陸而范而齊故創見王子而歎異之耳

孟子自齊葬於魯則孟母之卒於齊可知列女傳孟子居齊有

憂色擁楹而歎孟母問之云云此其證也其歸葬之年任兆麟

謂在慎靚王三年曹之升謂在慎靚王四年疑曹說得之至反

齊止羸諸說不一惟闔潛丘謂終三年喪復至齊為卿之說為

得鄭京山謂三月歸葬後反齊而葬君賜顧亭林謂為改葬毛

西河謂反於齊者反齊而葬君賜顧亭林謂為改葬毛

約臺謂居羸地以終喪周柄中謂齊葬之說然孔子之喪子貢廬

後反而致為卿之事於齊王並屬聽說之孟子葬母於魯自宜

孟子時事年表後說

四

歸鄒之理

時魯平公初立而臧倉毀孟子後喪踰前喪當必指近事人人共見者而言則平公將見孟子卽在孟子喪畢之後可知蓋魯平初政頗有穆公之風故樂正子見用其欲使爲政亦當在此時惜皆慕其名而無其實自是而孟子反齊之志決矣後樂正子從子敖之齊則反齊後事也

史孟不合莫甚於伐燕一事後人爲兩至齊之說皆史宣潛之年誤之案伐燕之役七篇明繫之宣王國策正同惟史記謂在潛王十年遂爲千古疑案通鑑則下滅潛王十年上增威王十年以合孟子考異不載其說朱子已疑其無據又燕人畔集註引立太子平爲證依通鑑則在潛王二年仍與孟子不合黃氏日抄載蔣曉之說謂齊之伐燕有二齊宣因喪伐燕取十城卽梁惠篇所載問答是也孟子作於宣王旣沒之後故以謚稱後

潘王因子之之亂伐燕取七十城是卽公孫丑篇所載是也作
孟子時潘王尙在故不稱諡欲以合史孟爲一不知梁惠王篇
明云今又倍地云毀其宗廟遷其重器云置君而後去之則猶
可及止此豈區區取十城而已耶且十城之取以蘇秦說而復
歸之何以諸侯將謀救燕乎至閻氏生卒考欲移燕之年數以
就齊周廣業四考謂齊威宣乃係一人而複諡曹之升年譜旣
從通鑑增威王十年又從大事記增宣王十年以合燕畔之歲
愈臆說無據今考史記索隱引紀年以爲齊宣公十五年田莊
子卒明年立悼子悼子卒今本紀年在齊宣公四十七年乃次立和是莊子後
有悼子一世又云紀年齊康公二十二年田侯剡立後十年齊
田午弑其君及孺子喜而爲公春秋後傳亦云田午弑田侯及
其孺子喜是爲桓侯是田和之後有田剡一世而史皆遺之又

云紀年梁惠王十三年當齊桓公田午十八年後威王始見則

桓公十九年而卒又云紀年齊幽公之十八年史記齊康公卒無子田氏遂并

齊而紀年又有幽公均足補史之缺而威王立是史記威王之二十三年乃紀年

威王之元年也又云紀年梁惠王後元十五年齊威王薨史記威王

在位三十六年紀年正同但先後異耳是史記潛王之四年乃紀年宣王之元年

也而由是而推之潛王十年伐燕實宣王之七年通鑑在宣潛

王十二年燕人立太子平實宣王之九年通鑑在潛二年一一與孟子

合此其確然可據者也史記於威王以前脫悼子田剡兩世於

是威王之立移前二十餘年而伐燕之事不得不屬之潛王矣

通鑑但據孟子以正其誤而殊無他據其意只疑威王在位三

十六年三當作四潛王在位四十年四當作三年大事記威王之

宣王十九年為二十九年亦無據而以孟子燕人畔一段統附於伐燕之年下

卽繫以宣王薨痕跡顯然而朱子綱目更書孟軻去齊於是年則後燕人之畔孟子何以有與陳賈問答之語與集註自相刺謬安得起二賢於九原而以紀年之說質之

季彭山謂於崇見王在免喪再見時今以退有去志之語推之良然其云繼而有師命不可以請考此數年齊無被兵之事且卽被兵與孟子之去何涉當從孟子疏命以賓師之位者爲得緣孟子不受祿不敢臣之尊以師禮故難固辭耳

孟子所以去齊七篇無明文朱子疑王驪以積憾去之然其故却不止此郝仲輿曰取燕一事猶不改興兵構怨之習燕人已畔而邪臣猶爲文飾孟子知齊禍始此故致臣去闕潛丘曰繫致爲臣章於燕畔王慙之後恐指燕人事所云王庶幾改之卽前章過則改之之改殊得之矣事在赧王三年

孟子去齊有由周而來七百有餘歲之語案漢書律曆志周三十六王八百六十七歲由赧王三年己酉逆數之當得八百十一年閻氏謂孟子方欲言其多豈肯少言之也然考周本紀自武王至夷王本無年數班氏徒據劉歆魯歷爲說而魯歷煬公六十年獻公五十年證之魯世家則煬公止六年獻公止三十二年江永羣經補義據世家謂歆誤衍七十二年經世諸書承之其實武王克殷至赧王己酉止七百三十九年正與孟子合也

竹書紀年以武王十二年辛卯周有天下至隱王三年亦七百三十九年

皇王大紀大事記並於赧王元年書孟子去齊之宋其年固誤而謂去齊之宋則確有明證據陳臻問前日於齊王餽兼金一百而不受於宋餽七十鎰而受於薛餽五十鎰而受證一也又赧王三年燕人立太子平是時秦大敗楚師於丹陽藍田

通鑑載此

事在燕平立之前然史表不著日月通臨特以意次之未能定其孰先孰後宋脛所云秦楚搆兵卽

此而孟子與宋脛遇於石丘孟子疏石丘宋地證二也又孟子

去齊居休路史謂休在潁川屬宋境證三也閻氏謂故休城在

約一百五里然未知所據時宋偃稱王七年矣故孟子與戴不勝語

稱宋王而任啓運考畧乃據通鑑顯王四十八年齊封田嬰於

薛靖郭君將城薛之文謂孟子是時在滕蓋以齊人將築薛之語推之先是

已如宋歸鄒蓋以滕世子過宋來見及然友之鄒推之而後至梁至齊不知其時宋

未稱王季彭山謂孟子前後兩至宋亦附會無據而靖郭君將城薛之文本於國策

未嘗指定何年通鑑特類附於封薛之下又是時以客海大魚

之諫而止則後日復城未始不可刻舟之見吾無取焉

皇王大紀赧王四年書滕世子宏過宋見孟子定公麋麋宏麋二名

本趙文公聘問為國案前年孟子至宋則過宋之見嘗在此時

蓋孟子為齊卿時嘗出弔於滕故世子傾慕之如此後文公使
然友問喪禮而孟子在鄒今以陳臻之問推之意必由宋之薛
由薛反鄒故風俗通曰孟子去齊又絕糧於鄒薛困殆甚蓋與
孔子陳蔡之厄相類此其所以聞戒而設備也歟又是時奚仲
之薛已滅於齊因封田嬰靖郭君於此其子文孟嘗君說嬰以散財
養士嬰因使文主家待賓客所以有五十鎰之餽歟若孟子至
滕其去歸鄒時遠近不可知大紀謂即在過宋之年無據以齊人築
薛推之後漢志薛河北有大城田文所築也文嗣立大事記繫
之齊湣王元年於紀年為周赧王十四年則至滕在此後可知
魯欲使慎子為將軍皇王大紀載在赧王三年曹之升年譜謂
在赧王六年均無所據是時齊方強盛魯豈敢無端啓釁尤於
事勢不類今考赧王三十一年燕昭王用樂毅破齊下七十餘
城惟莒卽墨未下齊湣王亡之衛走鄒魯遂走莒為其相淖齒

所殺田單堅守卽墨明年齊亡臣求得太子法章立之是爲襄

王襄王五年赧王三十六年燕昭王薨子惠王立單縱反閒燕使騎劫

代將毅奔趙單破燕殺騎劫燕將保守聊城單攻之歲餘不下

魯連遺燕將書曰楚攻齊之南陽索隱曰南陽卽齊淮北泗上地魏攻平陸而

齊無南面之心以爲亡南陽之害小不如得濟北之利大齊棄

南陽斷右壤定濟北計猶且爲之今秦人下兵楚魏交退於齊

以全齊之兵與聊城共據期年之敝則臣見公之不能得也案

中有引燕將栗腹之敗事在燕王喜四年故通鑑載在秦孝文

王元年然田單已於前十五年相趙安得此時尚在齊乎然則

聊城之攻實在案齊是時志在報燕專意北鄉攻聊城無暇南

顧邊境此楚所以乘閒而攻之也然下云秦人下兵楚魏交退

於齊是此時秦與齊和楚魏畏秦而退終不能得南陽也魯與

南陽密邇其欲取當在楚未攻南陽之前而潛王走莒之日故

呂氏春秋曰齊以東帝困於天下而魯取徐州是已又趙人慎到以齊宣王喜文學與騶衍淳于髡田駢接子環淵之徒至齊皆賜列第爲上大夫見田世家後湣王滅宋矜功不休而慎到去齊見鹽鐵論此慎子卽慎到其去齊至魯亦適在此時於事勢爲合但如孟譜則此事非孟子所及見姑識之以待知者從前考孟子者言人人殊大抵互有得失甚者鑿空臆說強附以年此類尤不足辨今雜採各家之說列之上方使覽者考證時事而得失自見庶幾考異之意云

孟子時事通鑑尙多缺畧今取史記各世家表傳並國策紀年諸子補之表隘不能各著所出詳見余所輯戰國紀年中



孟子時事考卷上

世系 從馬氏驥釋史本

○周公—魯公—考公

煬公—幽公

獻公—真公

孝公—惠公

武公

懿公

括 伯御

魏公

厲公

公子益師
公子展
臧僖伯
邱惠伯

隱公 桓公

莊公

慶父 叔牙 季友

公孫敖

惠叔 益文伯 莒二子

長子 獻子

懿伯 子服它

孟椒 昭伯 景伯 子服何

孝伯 僖子 懿子 武伯 孺子秩 南宮說

敬子

敬公宜 孟某 仲子

紀年 從資治通鑑剛目

出處 從任氏考畧

時事 從資治通鑑綱目其○後照任氏考畧

巳酉 周烈王四年

四月二日 孟子生

趙師於北蘭 鄒七十三 魏敗

秦獻公十三

魏武侯十五

韓哀侯五

趙成侯三

楚肅王九

燕桓公元

齊威王七

衛聲公五

魯共公五

宋辟公元

烈王五

烈王五

烈王六

魏惠王元

韓懿侯元

三 父激公宜卒

三

魏伐楚 韓嚴遂弒其君哀侯
子懿侯佑立 魏武侯擊卒子

惠王營立 趙伐齊 魏敗趙
齊侯來朝 齊侯封卽墨大夫烹

師於懷 楚肅王卒子宜王良
阿大夫 宋辟公卒子剔成立

夫立 趙韓遷晉桓公於屯留 趙
○ 趙韓遷晉桓公於屯留 趙

烈王七

四

楚宣王元
宋剔成元
六國表

癸丑
顯王元年

五

顯王二

六

顯王三

七

顯王四

八

顯王五

九

顯王六

十

成侯韓懿侯伐魏蔡
 王崩弟顯王扁立 韓趙伐魏
 圍安邑○魏伐趙圍蜀陽 齊
 田壽伐魏圍觀觀降 魏大夫
 王錯出奔韓 趙侵齊○韓改國號
 齊伐魏 趙侵齊○韓改國號
 日鄭 鄭趙分周地為東周西周王居
 東周 秦敗魏韓之師於洛陽○魏使
 公子景賈伐鄭及韓明魏師敗
 魏侯與鄭共侯會於它陽
 考畧 此梁惠王好戰之始
 魏伐宋○魏徙大梁改國號曰
 梁祗 梁發逢忌之數以
 賜民 梁伐宋取儀臺
 秦敗三晉之師於石門賜以黼
 黻之服○趙改國號曰邯鄲
 ○梁伐邯鄲取列人又伐邯鄲
 取肥又敗鄭及邯鄲之師於滄
 取皮牟 梁惠王從十二諸侯
 以朝天子以西謀秦

顯王七

臣

顯王八

臣

秦孝公元
燕文公元
衛成侯元
六國表
綱目表
綱目表

顯王九
顯王十

臣
臣

顯王十一
韓昭侯元
六國表

三

魏敗韓趙之師於澮 秦敗魏師於少梁 秦獻公卒 子孝公渠良立 燕桓公卒 子文公立 衛聲公卒 子成侯立 衛公孫鞅入秦 梁引河水入於圃田 堰陽人自秦導岷山青衣水入於梁 謀水利求富國也 梁公孫痤卒 公孫鞅奔秦 考畧 孟子欲復井田學校 秦用商鞅開阡陌 尚伯功 此孟子所以不入秦也

秦以衛鞅為左庶長 定變法之令 韓懿侯卒 子昭侯立 梁龍賈帥師 築長城於西邊 蹀秦鄭盡取晉君屯留地 遷之端氏 考畧 三家之篡晉 必以韓氏為首惡 秦敗韓師於西山 梁執鄭釐侯 以伐鄭 圍它陽 鄭使許息致平邱戶 牖首垣 諸邑及鄭馳道 於梁 梁以柶道及鄭鹿王歸鄭

顯王十二

去

顯王十三
顯王十四

去

顯王十五

去

顯王十六

去

及鄭釐侯盟於巫沙釋它陽圍
 歸釐侯於鄭鄒忌以鼓琴見
 齊威王魯共侯宋桓侯衛成侯鄭釐
 ○魯共侯宋桓侯衛成侯鄭釐
 侯朝於梁齊封鄒忌為成侯
 ○三晉伐齊靈邱齊魏會田於郊
 ○秦伐鄭圍焦
 城齊師及燕師戰於胸水齊
 師遁梁伐宋取黃池宋復取
 黃池梁圍邯鄲
 秦敗魏師於元里取少梁魏
 伐趙圍邯鄲齊田忌作靖救
 邯鄲伐梁戰於桂陽
 釐侯朝於梁秦圍梁襄陵宋
 景鼓衛公孫倉會秦師同圍襄
 陵齊伐魏以救趙魏克邯鄲還戰
 敗績韓伐東周取陵觀廩邱
 ○梁以鄭師及諸侯師戰於襄
 陵齊使楚景舍求成於梁
 也秦邯鄲之圍及邯鄲成侯盟於

顯王十七 廿

魯康公元

顯王十八 廿

顯王十九 廿

顯王二十 廿

趙肅侯元 紀國表

顯王二十一 廿

顯王二十二 廿

顯王二十三 廿

漳水上 曾共公卒子康公屯

立 秦伐魏 諸侯圍魏襄陵 梁

與秦會於彤 梁與秦安邑以和

秦伐魏 韓以申不害為相 梁

梁及邯鄲 肅侯遇於陰晉 梁

伐齊 陽關 三晉伐齊至博

陵 衛伐齊取薛陵

秦徙都咸陽 始廢井田 趙成

侯卒子肅侯立 梁立衛公子

南為衛侯

秦更賦稅法 梁殷臣及邯鄲

伐燕取夏屋城 曲逆 邯鄲伐

齊取高唐 齊烹阿大夫 遂伐

邯鄲及衛 敗梁師於濁澤

梁與齊觀邯鄲 與齊長城以和

齊侯梁侯會於郊

○梁孫何侵楚 入三戶 鄆 楚

伐徐州 衛貶號曰侯 服屬三晉 梁魏

顯王二十四

廿六

顯王二十六

卅一

顯王二十七

卅二

史記此年

章帥師及鄭師伐楚取上蔡
孫何取滎陽 秦孝公會諸侯
於逢澤率諸侯以朝天子天子
致胙於秦諸侯賀秦

○梁敗鄭於馬陵 魯康公卒子
諸侯會於京師 秦諸侯賀之

景公匿立致伯于秦諸侯賀之
秦使公子少官帥師會諸侯來

朝 梁穰庇帥師及鄭孔夜戰于梁

赫 齊南鄭師敗 梁龐涓攻邯鄲
齊田盼攻梁以救邯鄲梁師

還 齊田盼要之馬陵殺龐涓虜
太子申覆其軍十萬

考畧 此所謂東敗於齊長
子死焉者也 史屬梁三十年

齊田盼及宋人圍梁平陽 梁
入朝於齊楚及邯鄲敗齊於徐
州 魏 九月 秦衛鞅伐梁誘

為齊宣王
元年通鑑
不從

顯王二十八

三

顯王二十九

三

顯王三十
楚威王元

綱目表

五

顯王三十二

秦惠文王元

綱目表

顯王三十三

七

執其將公子卬十月邯鄲伐
梁北鄙梁侯自將攻衛鞅敗
績伐梁立公子赫為太子
魏伐韓齊伐魏以救韓殺其將
龐涓虜太子申○庚辰梁城濟
陽秦封商鞅于鄠改名商號
商君
秦衛鞅伐魏誘執其將公子卬
而敗之魏獻河西地於秦徙都
大梁秦封商鞅為商君齊趙
伐魏○邳遷於薛○齊趙
梁與秦戰於岸門秦虜其將魏
錯楚宣王卒子威王商立
○秦貶號曰君楚鄭邯鄲蜀
侯皆朝於秦天子致賀於秦
秦孝公卒子惠文王駟立秦
人誅衛鞅滅其家
韓申不害卒
宋太邱社亡○鄭威侯及邯鄲
圍梁襄陵梁侯及齊侯會於平
阿南

顯王三十四
魏惠王 元一
月

顯王三十五
通鑑此年魏改元
顯王三十六
四

考畧 史謂孟子此年至梁

秦伐韓拔宜陽○梁侯及齊侯
會於甄王謀也齊侯梁侯會諸
侯於徐州同僭號王 梁改其
三十六年為一年

考畧 梁屢喪敗反僭號以
自誇又不能自王而先以王
號餌齊許其兩王而後會

徐州以相王昔之率十二諸
侯以朝天子又胡為耶日暮
途窮其行事為已慎矣

齊魏會於徐州以相王通鑑在
此年疑誤楚滅越

楚伐齊 韓昭侯卒子宣惠王
立 秦大敗魏師擒其將龍賈

取雕陰 燕趙韓魏齊楚合從
以擯秦以蘇秦為約從長並相

六國 燕文公卒于易王立
齊威王卒子宣王辟疆立○邯
鄲復國號趙以蘇秦為約從長
合六國以擯秦 燕文公卒子

顯王三十七

四十一

燕易王元

六國表

韓宣惠王元

綱目同

齊宣王元

綱目

衛平侯元

顯王三十八

四十二

顯王三十九

四十三

顯王四十

四十四

易王立齊伐燕喪取十城既而歸之衛成侯卒子平侯立秦以齊魏之師伐趙蘇秦去趙適燕從約皆解魏以陰晉為和於秦齊伐燕齊梁共伐趙趙決河水灌其軍乃去蘇秦奔燕

○秦攻梁梁使龍賈禦之戰于雕陰梁師敗績秦遂拔曲沃梁獻河西地于秦梁會鄭威侯于巫沙秦伐魏魏獻少梁河西地於秦○梁伐楚取陘山楚使景鯉于秦梁媾梁王及秦君會于應獻焦邑于秦秦懼楚合梁人張儀相秦秦取梁汾陰皮氏秦伐魏取汾陰皮氏拔焦宋公弟偃逐其君剔成而自立楚威王卒子懷王槐立○秦降梁蒲陽梁又納上郡十五縣之地于秦

癸巳 顯王四十一 四十一

楚懷王元 六國表

宋君偃元 六國表

顯王四十二 四十二

顯王四十三 四十三

顯王四十四 四十四

趙武靈王二

顯王四十五 四十五

六國表

顯王四十六 四十六

齊湣王元

顯王四十七 四十七

考畧 此所謂西喪地於秦
七百也

秦客卿張儀伐魏取蒲陽既而

歸之魏盡入上郡以謝秦以儀

為相○秦歸梁曲沃及焦

秦縣義渠 秦歸焦曲沃於魏

○九鼎淪泗沒于淵

趙肅侯子武靈王雍立○秦張

儀取梁陝出其民

夏四月秦初稱王○秦僭號王

改其十五年為元年

秦張儀伐魏取陝 蘇秦自燕

奔齊○楚昭陽敗梁于襄陵取

八城 楚伐齊秦張儀會齊楚

大臣盟于齧桑

秦楚齊會于齧桑 秦相張儀

免出相魏○齊封其弟嬰于薛

十月齊城薛 此疑誤梁以張儀

為相 梁使太子朝于秦 韓

燕稱王 此條通鑑

秦伐魏取曲沃平周○薛子嬰

朝于魏梁張儀歸於秦梁以公

顯王四十八

〔五〕
〔史記〕

辛丑 慎靚王元年

燕王噲元

〔五〕

慎靚王二

〔五〕

季在幣交當在此年
以後皆依考畧

孟子於崇見王退處平
陸發棠賑民王使人馭
孟子皆當在此年後母
喪歸葬於魯終喪反齊
皆以後事

慎靚王三

〔五〕

孫衍為相
王崩子慎靚王定立 齊薛公
靖郭君田嬰卒子文孟嘗君嗣
○燕易王卒子噲立 ○梁招天
下賢者孟子至梁
衛更貶號曰君 ○秦樛里疾攻
梁梁公孫衍禦之戰于岸門梁
師敗衍走秦取梁曲沃平周梁
請張儀于秦復以為相 衛貶
號君 燕鄭中山皆僭號王
魏惠王薨卒子襄王赫立孟子
去魏適齊 ○宋僭稱王 楚王
為從約長合諸侯及甸奴伐秦
秦敗之斬首八萬諸侯之師皆
走齊師殿而還 齊伐梁敗之
觀津 孟子去梁反于鄒 齊
置稷下館廣招賢者孟子至齊
見王于崇退至于平陸 齊饑
王發棠邑粟以賑民 王命孟
子為賓師館于雪宮 孟子母
卒歸葬于魯反止于贏
楚趙魏韓燕伐秦攻函谷關秦

魏襄王元

六國表
綱目

慎靚王四

五

慎靚王五

五

慎靚王六

五

丁赧王元年

魯平公元

紀年立燕
公子職

五

有沈同問燕可伐及孟
子勸齊勿取語

二二子事

六

出兵逆之五國皆敗走宋稱
 王○燕王合楚及三晉攻秦不
 勝還讓國于其相子之梁請
 成于秦張儀復自梁歸相秦
 秦大敗韓師于脩魚虜其將鯨
 申差齊殺大夫蘇秦魏請
 成于秦張儀歸復相秦
 秦伐蜀取之燕君噲以國讓
 其相子之
 王崩子赧王延立○正月鄭歸
 陽及向于梁二月梁城陽及向
 ○魯景公卒子平公叔立張
 儀自秦適楚楚絕齊秦及齊平
 秦侵義渠得二十五城秦伐
 魏取曲沃又敗韓師於岸門質
 其太子倉以和齊伐燕取之
 醢子之殺故燕君噲孟軻去
 齊○春楚伐秦以地秦及
 鄭破其軍于丹浙虜其將屈匄
 遂取楚漢中趙僭稱王之十
 月鄭宣王朝于梁燕子之亦
 太子平不克太子平攻子之

莊子齊人

赧王二

齊湣王元

空

宋經所云秦楚構兵及諸侯將謀救燕疑在此時

赧王三

空

宣王有甚慚於孟子語及答淳于髡名實未加語自此去齊居休

不克齊使匡章伐燕殺子噲
 子之
 秦伐趙 楚屈匄伐秦 梁復
 國號曰魏 楚悉兵伐秦 戰于藍
 田 魏人鄭人襲楚師還 趙召
 燕公子職于鄭立為燕王使樂
 池率師及鄭師納之燕齊師拒
 之弗卒納 秦會魏王于臨晉
 復使張儀相魏
 秦大敗楚師于丹陽虜屈匄遂
 取漢中楚復襲秦又大敗于藍
 田 韓魏襲楚楚割兩城以和于
 秦 燕人立太子平為君 韓
 宣惠王卒子襄王倉立 燕人
 立故太子平為王 張儀自魏
 說六國連衡事秦秦王會魏王
 于蒲坂關儀復歸相秦 秦使
 庶長疾助韓攻齊使到滿助魏
 攻燕 秦惠王卒子武王蕩立
 張儀走魏五月死 公孫衍自
 魏入秦秦以衍為相 孟子去
 齊居休

赧王四 空

燕昭王元 六國表

韓襄王元

赧王五 空

秦武王元

赧王六 空

赧王七 空

赧王八 空

赧王九 空

秦昭襄王元 六國表

赧王十 空

丁巳 赧王十一 空

赧王十二 空

魯使樂毅子為政孟子有喜

蜀相役蜀侯 秦使張儀說

楚韓齊趙燕連衡以事秦秦君

惠王卒子武王立諸侯復合從

秦張儀復出相魏 秦誅蜀相

莊 秦魏會于臨晉

秦初置丞相

秦魏會于應 秦甘茂伐韓宜

陽 秦拔宜陽 秦君武王卒弟昭

襄王稷立 母芊氏治國事以

舅魏冉為將軍 趙始胡服招

騎射

趙君略中山及胡地遣使約秦

韓楚魏齊并致胡兵 楚齊韓

合從

趙伐中山取數邑中山復獻四

邑以和 秦魏冉弑其君之嫡

母出其故君之妃歸于魏 秦

武王卒弟昭襄王正則立

秦楚盟于黃棘秦復與楚上庸

秦取魏蒲阪晉陽封陵取韓武

遂 齊韓魏伐楚楚使太子橫

而不寐語魯侯慎字為將軍亦在此時孟子知道不行作七篇

赧王十三 七三

赧王十四 七五

赧王十五 七三

赧王十六 七四

赧王十七 七五
楚頃襄王元 六國表
趙惠文王元 綱目同

赧王十八 七六

質于秦秦救之 ○魯平公卒子文公賈立
秦魏韓會于臨晉秦復與魏蒲阪楚太子橫殺秦大夫亡歸秦取韓穰 蜀守叛秦秦誅之秦韓魏齊伐楚殺其將唐昧取重邱 趙伐中山中山君奔齊 ○楚懷王入秦子頃襄王立秦公子惺質于齊 秦莘戎大敗楚師殺其將景缺取襄城楚使太子橫質于齊以請平趙君廢其太子章而傳國于少子何自號主父 齊魏會于韓秦伐楚取八城遂誘楚君槐于武關執之以歸楚人立太子橫秦以齊田文為丞相 秦伐楚取十田文自秦逃歸 秦伐楚取十六城 齊韓魏伐秦敗其軍于函谷關河渭絕一日秦割河東三城以和三國乃退 趙君封弟勝為平原君 楚君槐自秦走趙不納秦追及

赧王十九

三

赧王二十

庚

魏昭王元六國表
韓釐王元綱目同
魯文公作侯元六國表

丁卯 赧王二十一

庚

赧王二十二

辛

赧王二十三
赧王二十四

全全

赧王二十五

全

壬申 赧王二十六

全

之以歸

楚君槐卒于秦○齊宣王卒子

湣王地立 鄭宣王卒子釐王

咎立 魏襄王卒子昭王 遼立

魯平公卒子文侯立

趙主父以燕齊之師滅中山歸

大赦酺五日 趙故太子章作

亂公子成李兌誅之遂弑主父

于沙邱 秦以魏冉為丞相○

魏襄王卒子昭王 遼立

秦敗魏師于解○趙武靈王自

稱主父立其少子何是為惠文

王 魏韓伐秦秦左更白起敗之拔

五城 楚君迎婦于秦

秦伐韓拔宛 秦君封魏冉為

穰侯公子市為宛侯公子悝為

鄧侯

東周君如秦 秦魏冉伐魏魏

入河東 韓入武遂于秦

秦大良造白起伐魏取六十一

是歲正月十
五孟子卒

城○正月十五孟子卒

孔子生卒出處年月有史記世家可據參之以春秋內外傳及公穀家語等書則當時事蹟約略可知雖以年則史記公穀有一年之差以月則公穀有一月之差然大略猶可按籍稽也惟孟子史記列傳獨略年表及各世家列傳又與竹書紀年通鑑綱目多所異同於是議者紛紜各據所見全氏祖望謂非二千年後人所能懸決信矣然不能折衷於一則俛俛何所適從竊謂時君之年通鑑綱目較得其實而生卒出處則任氏啟運考略似爲近之因倣先聖年譜考之式上重紀年下首錄綱目次錄考略庶閱者便於省覽而孟子出處之年則不敢臆斷姑列前人之說於後而管見所及者亦附存之以質疑云

任氏考略以竹書紀年爲經而參以他書其辨孟氏譜孟子生

於周定王三十七年己酉之非而定以生於烈王四年己酉卒
於赧王二十六年壬申壽八十四與三遷志合亦與孟子由孔
子而來至於今百有餘歲合洵爲足據其定孟子出處則謂生
於鄒次游宋次游滕顯王四十六年戊戌齊人築薛孟子在滕
年五十顯王四十八年庚子孟子至梁年五十二慎靚王二年
壬寅梁惠王卒孟子去梁反於鄒齊廣招賢者孟子至齊見王
於崇退至於平陸王命孟子爲賓師館於雪宮年五十四其後
孟子母卒歸葬於魯反止於嬴終喪反於齊至赧王元年丁未
在齊齊人伐燕年五十九赧王三年己酉燕人畔齊燕人立故
太子平爲王孟子去齊年六十一於是過宋過薛而歸於魯年
不可考而魯平公卒於赧王十二年戊午年七十則反魯在四

年以後此年以前可知也此任氏啟運考略孟子出處之概也

按竹書紀年晉武時汲郡人不準盜發魏襄王冢或言安釐王冢所得

其書似近古可信然竊有疑者竹書於顯王四年書魏徙大梁

改國號曰梁是時公孫鞅未相秦魏公子卬未虜地不割秦不

通何爲無故徙都以避之閻百詩謂卽徙都事如此則其他生

卒年月恐不足盡信良然索隱曰王邵案紀年之書多是僞謬

如益于啟位啓殺之太甲殺伊尹文王殺季歷共和二相攝行

天子事皆不足信然則司馬公謂竹書以魏史書魏事必得其

真亦不過惠王後元之說從之其他不盡從也是徙都事宜從

通鑑在顯王二十九年辛巳魏改稱梁宜在是年

又考略從竹書梁惠王後元十三年四月齊威王封田嬰於薛

十月齊城薛之文遂書齊封其弟嬰於薛而於慎靚王元年書齊宣王元年是以嬰為威王弟也按史記孟嘗君列傳田嬰者齊威王少子而齊宣王庶弟也今日威王弟未詳所本

齊人築薛論者多引以為孟子在滕之證考略從竹書謂在顯

王四十六年季氏本事蹟圖譜從史記謂在顯王四十八年按

孟嘗君列傳田嬰相齊十一年宣王卒湣王即位即位三年而

封田嬰於薛六國表田齊世家並同皆在顯王四十八年通鑑

綱目於顯王四十八年則惟書齊號薛公田文為孟嘗君提要號作

封下目云嬰卒文嗣立號孟嘗君亦無築薛之文按後漢書志

薛本國六國時曰徐州在今滕縣之南薛河北有大城田文所

築也戰國策載靖郭君將城薛以容海大魚之諫乃輟城薛則

似至田文乃卒城之但未知城薛的在何時或田文初立即城之或至馮煖請先王之祭器立宗廟於薛時城之均未可知要之孟子齊人將築薛將之爲詞事屬未定則或在田嬰或在田文俱無不可惟以孟子及史記證之則孟子居滕似在去梁齊之後不似在未至梁齊之先何也七篇誌滕事皆在齊後一也孟子在滕頗久自文公喪中稱子有子力行之語至踰年稱君有君如彼何哉君請擇於斯二者語迨旣行仁政許行陳相皆來蓋居滕亦有年矣戰國時勢非大國無可藉手孟子欲安天下之民豈五十里之滕所能辦當時梁齊招賢孟子卽應文公聘亦不應眷戀於滕如此之久觀其欲滕爲王者師明是至梁齊不遇後甘於小就之言蓋此時牛刀之試已知道之不行矣

二也史記孟子去滕二十一年而滕亡通鑑繫宋滅滕於赧王二十九年是在孟子卒後三年逆計之去滕時適孟子六十七歲也三也然則孟子至滕當在赧王三年六十一歲以後並不在顯王四十六年四十八年也

位清

謂孟子至滕在去齊後者又嘗卽七篇及通鑑證之通鑑

潛王元年孟子去齊年五十九居休據路史國名紀在潁川屬宋境此去齊之宋之明證也有與戴不勝稱子之王語是在宋王偃稱王之後金仁山本大事記謂如宋在元二間者此也滕文公爲世子過宋當在此時去宋之薛去薛反鄒以陳臻問鮑然友之鄒知之也及滕定公旣葬文公以禮聘孟子然後之滕然亦必在赧王三年後何也秦楚構兵是赧王三年事觀屋廬

子明日之鄒交得見於鄒君及季任處守淳于髡先名實等章明是去齊後居鄒時事中有宋牼一章明是赧王三年事或者孟子由鄒應滕聘路遇宋牼未可知也且居鄒在去齊後有可證者告子一篇在齊宣王問卿後此或在齊時或去齊後之言均未可知然牛山之木無或乎王等章則皆孟子既至齊之言也任人食色之論明是申明告子之說則孟子去齊居鄒無可疑矣然友既之鄒然後孟子至滕則至滕在燕畔去齊後信矣吾故曰孟子至滕當在六十一歲以後六十七歲以前也

由滕之魯雖無確據然魯平公章緊接滕文公章而魯使慎子爲將軍使樂正子爲政章皆在先名實章後曰吾聞之喜而不寐意者其在滕聞之乃反魯與觀館於上宮章接齊饑益成括

章後則至滕在去齊後可知也羊棗及思魯之狂士章又在上
宮章後則此爲去滕反魯之言又可知也

世家敘孔子游歷多引論語之言位清亦謂定孟子游歷當以

七篇爲經以通鑑綱目證之而後參以他書庶幾校綴次第爲
得其實竊謂孟子之游當斷自梁始七篇是孟子自作開卷卽
見梁王誌見諸侯之始非特以仁義爲生平抱負函蓋全書已
也考略以爲顯王四十八年庚子年五十二曹寅谷以爲當在
慎觀王元年辛丑年五十三雖俱未有確據然必在此一二年
間故王稱之曰叟若乙酉至梁之說通鑑仍史記之誤考略及
閻百詩俱已詳辨其非矣五十四惠王卒遂去梁之齊由大梁
至臨淄千有餘里所謂千里而見王也若如考略謂反鄒乃適

齊則由鄒以往僅得其半非千里矣况由鄒之滕有然友之間
文公之聘可證耶通鑑以爲去魏適齊是也於是至齊爲卿見
王於崇館於雪宮及齊饑發棠俱在此時後母仇氏卒歸葬於
魯居喪三年喪畢反齊當赧王元年丁未年五十九適齊人伐
燕想孟子當是五十九歲以前反齊至此年齊伐燕燕畔孟子
去齊而宣王卒湣王立矣通鑑書孟子去齊確不可易考略以
爲當在赧王三年改通鑑以從孟子謂三年燕始畔立太子平
不知伐燕時殺父兄係累子弟毀宗廟遷重器此時燕人何必
不畔耶故綱目繫燕畔於元年此固當舍孟子注而從綱目也
於是之宋之薛乃反鄒以居休及與戴不勝稱子之王陳臻問
餽然友之鄒知之也然則於宋當受王偃之餽於薛當受田文

之餽此必在赧王二三年間至三年秦楚構兵則孟子居鄒時
事矣自赧王三年已酉六十一歲後當適滕至六十七歲乃去
滕反魯適當魯平公用樂正子時而孟子之轍迹終焉此後著
書授徒不復出矣孟子游歷可以經書證者不過十五六年間
事蹟此余竊訂之大略也

司馬文正公謂竹書以魏史書魏事必得其真故通鑑惠王後
元從竹書不從史記然竹書惠王後元一年繫顯王三十四年
之下今通鑑繫三十五年之下似宜改從竹書屬三十四年爲
是

滕之滅諸書不同當以通鑑綱目爲正竹書紀年言於越滅滕
在威烈王十一年考略從竹書而定孟子生在烈王四年則威

烈王時孟子尚未生也而釋宋小國章云當以竹書爲正毋乃
疎與且旣云當從竹書而於赧王十四年下又繫云宋滅滕當
在此年則是自歧其說矣倘以爲越滅宋滅實未敢直斷始兩
存其說與春秋正義言滕三十一世爲楚所滅杜征南釋例言
春秋後六世爲齊所滅水經注同又云滕自叔繡以下至公邱
二十一世爲秦所滅其說互異戰國策呂氏春秋皆以偃諡康
王宋滅在孟子卒後三年故康王之諡不見於七篇通鑑綱目
從國策以宋滅滕繫之赧王二十九年之下自是可信春秋傳
僖四年渾罕曰蔡及曹滕其先亡乎杜注蔡偃楚曹滕偃宋及
春秋之終蔡果爲楚所滅曹亦爲宋所滅則以宋滅滕於事勢
似得其實但事在赧王二十九年去孟子至宋時甚遠朱注於

宋小國章云嘗滅滕伐薛未免太早是宜舍注而從綱目耳
齊楚伐宋季氏本謂必在赧王四年前之事但史無考耳注云
宋王偃嘗滅滕伐薛敗齊楚魏之兵欲霸天下疑卽此時毛西
河謂國策占雀篇係家語載殷紂事故其中淫酗斲脛皆是紂
事而妄攙滅滕伐薛四字於其中朱子本之余謂宋滅滕非謬
也此卽赧王二十九年事伐薛亦非謬也是時薛爲齊地伐薛
卽伐齊綱目所謂康王喜起兵滅滕敗齊楚魏取地數百里是
也但此事在赧王二十九年去孟子至宋時甚遠萬章恐是設
言未必實有其事味語氣可見朱子偶從國策繫此章下以存
疑耳此事似宜從綱目

孟子去齊綱目從呂成公大事記繫赧王元年是年齊宣王卒

潛王立而孟子注則曰齊破燕後二年燕人共立太子平爲王是赧王三年孟子仍在齊而宣王亦未卒綱目又書宋滅滕於赧王二十九年是宋滅滕在孟子沒後三年矣而宋小國章注又云嘗滅滕伐薛疑卽此時此二條綱目皆與孟子注異朱子兩存其說竊以事勢按之似俱宜從綱目爲是蓋燕畔未必不在元年宣王時滕滅固宜去行仁政時甚遠也

或疑通鑑綱目爲門人之作又或以爲未脫藁之書綱目自敘固曰輒與同志因兩公四書別爲義例增損彙括以就此編矣且如尙書集傳止曰訂定豈肯奪門人之名以爲己作哉若以爲未脫藁則又不然按年譜綱目之成年四十三歲非晚年之絕筆也是後二十八年修書者復九如詩傳易啓蒙通書解諸

書皆在綱日已後成安有書未脫藁而遽及他書耶書未脫藁而可謂之通貫曉析如指諸掌耶元賀氏善嘗辨之然則武德以後甲子並差肅宗之朝二年直脫其書法按之凡例多有不相符此則門人綴緝前後偶不相顧耳先哲有云校書如塵埃風葉隨掃隨有况是書之卷帙浩繁者乎吾故曰此二條舍孟子注而從綱目未爲過也

或據七百有餘歲之言謂赧王元年丁未逆數至武王有天下歲在己卯當八百有九年孟子方欲言其多豈肯少言之遂謂孟子前後兩至齊前至齊當在四十一歲以後四十九歲以前蓋以四十不動心之言是四十後事顯王四十五年丁酉孟子四十九是年未滿八百歲也不知去齊五章明承燕畔章後顯

王四十五年以前未有伐燕燕畔事如謂此五章是前一次去齊不必承燕畔章不特於七篇次序不合且亦思孟子此次去齊實因何事耶孟子明云不敢請耳此決不再至之一證豈有前次無故去齊語意纏綿若此後次燕畔去齊乃孟子最痛心之事七篇反無一語及之耶然則七百餘歲之言奈何曰七百有餘歲當是約略言之猶堯舜至湯湯至文武皆過五百年而俱約言五百不必泥也不然由堯舜至湯共五百八十年湯至紂三十王共六百二十八年何孟子亦云五百耶

又齊有孟嘗趙有平原楚有春申魏有信陵孟子時藝嘗連用按孟子卒於赧王三十六年止及見孟嘗平原二君之封耳春申信陵俱在孟子沒後齊號薛公田文爲孟嘗君在顯王四十

八年趙君封弟勝爲平原君在赧王十七年此孟子所及見若
魏封公子無忌爲信陵君在赧王三十九年楚太子完自秦逃
歸楚君橫卒完立以黃歇爲相封春申君在赧王五十二年皆
孟子不及見又時藝嘗云秦稱西帝齊稱東帝此亦赧王二十
七年事不應孟子自言之附識於此

竹書紀年周顯王十六年諸侯師戰於襄陵或刻師戰二字疑
督帥固守意思按竹書紀年以韓師敗諸侯師於襄陵蓋卽此
事韓遷於鄭故不曰鄭而曰韓猶趙之邯鄲帥乃文誤縣乃聲
誤耳

王山史小志載孟子之父孟孫激公宜孟孫氏激公字宜名或
曰名激字公宜仙里塵談載孟子之母姓仇音掌仇掌通用晉

有瑯琊掌同前涼有掌掾宋有掌禹錫太平清話云孟母

人其地有三徙鄉山志又載孟子子名罾按譜卽孟仲子也集
注以孟仲子爲孟子從昆弟不知何據

孟子生於周烈王四年己酉日四月二卽今二月二日也卒於
赧王二十六年正月十五日卽今之十一月十五日也年八十
四歲此從孟氏譜訂譌鈔○孟子生於周烈王四年己酉去孔
子卒魯哀公壬戌十六年計一百零八年朱子注然則孟子之
生去孔子未百年也句似亦約言之耳

嘉慶十九年甲戌九月念八日番禺後學黃位清敬識

孟子年譜

婁水黃玉蟾芬桂編

長洲顧沅湘舟校



孟子名軻字子輿兗州鄒縣人也史記列傳云受業子思之門人

○按先儒以人為衍字則以孟子親受業於子思也其言非是
詳見譚梁生見聖編

周烈王四年魯共公五年己酉孟子生○孟子父激字公宜母仇氏○

見聖編曰孟子年八十四卒在周赧王二十六年魯文公六年

○上距生年當在是時孟氏譜云生於周定王二十七年者非

庚戌。韓嚴遂弒其君。○魏侯擊卒。

辛亥。魏惠王
瑩元年。○齊侯來朝。○是歲孟子喪父。

按聖門志云孟母有賢德始舍近墓孟子嬉戲為墓間事踊躍築埋母曰非所以居子也乃去舍市其嬉戲為賈衍事母曰又非所以居子也徙舍學宮旁嬉戲乃設俎豆揖讓進退母曰此真可以居子矣遂居之其事當在是時

壬子。王崩。○韓趙伐魏圍安邑。

顯王元年癸丑

甲寅

乙卯

丙辰

丁巳

戊午

己未

庚申○衛公孫鞅入秦

辛酉

壬戌

癸亥○聖門志云孟子十五歲就學於魯歸家母方織問曰學何

所至對曰自若也母以刀斷織孟子懼問其故母曰子之廢學
若我斷斯織矣夫君子學以立名問以廣知是以居則安立動
則遠害今而廢之是不免厮役而無以離於禍患也何以異於
織績而舍中道廢而不為乎孟子於是旦夕勤學不輟

甲子

乙丑

丙寅○齊魏會田于郊

丁卯○秦敗魏師于元里取少梁

戊辰○齊伐魏魏與戰敗績

田忌為將孫臏為帥
戰于桂陵魏大敗

己巳

庚午○韓以申不害為相

辛未○秦徙都咸陽始廢井田

壬申

癸酉○秦更賦稅法

甲戌

乙亥○衛貶號曰侯服屬三晉

丙子

丁丑

戊寅○致伯于秦諸侯賀之秦使公子少官帥師會諸侯來朝

己卯○綱目分注云史記是年齊宣王元年通鑑與史記不同未詳所據後潛王元年倣此

庚辰○齊伐魏殺其將龐涓虜太子申

辛巳○秦衛鞅伐魏誘執其將公子卬而敗之魏獻河西地於秦

徙都大梁

壬午楚威王元年

癸未○秦伯卒秦人誅衛鞅

甲申秦惠文王元年

乙酉。按綱目是年大書孟軻至魏然曰知錄辨其非是詳見末

條又按此時孟子年才三十七不應梁王一見而便稱之曰叟

曰知錄之言故是不謬

丙戌

丁亥。綱目分注魏惠王一年今按此即所謂後元年也。司馬

溫公曰史記六國表魏惠王三十六年薨襄王十六年薨哀王

二十三年薨汲冢竹書紀年惠王三十六年改元稱一年後十

六年薨杜預和嶠皆以史記誤分惠王之世為二王之年蓋世

本惠王生襄王而無哀王且竹書魏史所書必得其真今從之

日知錄亦謂襄哀字相近史記分為二人誤耳。按是年綱目書會于徐州以相王也。此則惠王僭稱王之明徵矣。而史記魏世家乃以是年為襄王元年以相王為襄王之事謂追尊其父為王則孟子書中其對惠王者何以無不稱之為王乎。

戊子。燕趙韓魏齊楚合從以擯秦以蘇秦為約縱長并相六國。
己丑。齊宣王元年秦以齊魏之師伐趙蘇秦去趙適燕從約皆解。

庚寅

辛卯。秦伐魏魏獻少梁河西地于秦。日知錄云魏世家襄王五年予秦河西之地七年魏盡入上郡于秦按孟子書惠王自

言西喪地于秦乃悟史記所書襄王之年實惠王之後五年後
七年也

壬辰

癸巳 楚懷王元年 秦客卿張儀伐魏魏盡入上郡以謝秦以儀為相

甲午

乙未

丙申 趙武靈王元年 ○秦初稱王

丁酉

戊戌 ○綱目分注云史記是年齊湣王元年 ○秦相張儀免出相

魏○韓燕稱王○魏與楚將昭陽戰敗事在是年

己亥

庚子○王崩

慎靚王元年辛丑

燕王噲元年

衛更貶號曰君

壬寅○魏君瑩卒○孟子去魏適齊

癸卯

魏襄王元年

○楚趙韓魏燕伐秦攻函谷關秦出兵逆之五國皆

敗走○宋稱王

甲辰○齊大夫殺蘇秦魏請成于秦張儀歸復相秦

乙巳魯平公元年○燕君噲以國讓其相子之

丙午○王崩

報王元年丁未○齊伐燕取之醢子之殺故燕君噲

綱目合梁惠王公孫丑所

載為一時事

○按據史記魯平公是時立甫三年則樂正子薦孟子

當在是年之後蓋孟子時已倦遊年近六十矣○孟子去齊

聖門志云孟子為卿於齊道不行有憂色擁楹而嘆孟母見之

曰子若有憂色何也對曰軻聞之君子稱身而就位不為苟得

而受賞不貪榮祿今道不用於齊願行而母老是以憂也孟母

曰婦人之禮精五飯幕酒漿養舅姑縫衣裳而已故有閭內之

修而無境外之志易曰在中饋無攸遂詩曰無非無儀惟酒食

是議以言婦人無擅制之義而有三從之道也故年少從乎父
母出嫁從乎夫夫死從乎子子行乎子義吾行乎吾禮子何憂
乎其事當在是時

戊申 齊湣王
元年

己酉 ○秦大敗楚師于丹陽虜其將屈匄遂取漢中楚復襲秦又
大敗于藍田韓魏襲楚楚割兩城以和於秦○燕人立太子平

為君

庚戌 燕昭王
元年 ○秦君卒諸侯復合從

辛亥 秦武王
元年 ○秦張儀復出相魏

壬子○秦初置丞相

癸丑○秦甘茂伐韓宜陽

甲寅○秦拔宜陽○秦君卒芊氏治國事以魏冉為將軍○趙始

胡服招騎射

乙卯秦昭襄王元年

丙辰

丁巳

戊午

己未

庚申

辛酉

壬戌○趙君廢其太子章而傳國少子何自號主父○秦伐楚取八城遂誘楚君槐于武關執之以歸楚人立太子橫○秦以齊田文為丞相

癸亥○田文自秦逃歸○秦伐楚取十六城○齊韓魏伐秦敗其軍于函谷關河渭絕一日秦割河東三城以和三國乃退

甲子○楚君槐自秦走趙不納秦追及之以歸

乙丑○楚君槐卒於秦○按史記魯世家云文公六年楚懷王死

于秦與綱目不合疑誤

丙寅○趙故太子章作亂公子成李兌誅之遂弒主父于沙邱

丁卯魯文公
元年

戊辰

己巳

庚午

辛未

壬申○是年孟子卒年八十四其明年秦君稱西帝遣使立齊君

為東帝

右列國紀年俱照紫陽綱目推之其時事之大者亦照綱目畧為載入。○日知錄云據紀年所載與孟子之書先梁後齊其事

皆合孟子在二國皆不久然書中齊事特多又嘗為卿于齊當

有四五年

今按綱目以壬寅歲適齊丁未歲去齊約畧在齊之時恰合五年之數

若適梁乃惠王

之末而襄王立即行故梁事不多謂孟子以惠王之三十五年

至梁者誤以惠王之後元年為襄王之元年故也

史記及孟子序說皆誤

其分注又云衛嵩云孟子遊歷先後當是自宋歸鄒由鄒之任

之薛之滕而後之梁之齊

觀陳臻問章則謂先遊薛而後之齊者恐非

見聖編云孟子當四十前教授弟子不見諸侯時歷魯共公康

公景公三君出遊齊梁間不過二十餘載其間復有葬母居鄒之日君不就見究不往見至魯平公三年孟子去齊自滕反魯

句與衛嵩說小異

歷文公六年而終

又見聖編謂齊人伐燕有二事

一係宣王

孟子先適齊後適梁

按此另自一說稼書先生取之存參

見聖編以齊人伐燕有兩事梁惠王所載是宣王乘燕易王之喪而伐之公孫丑所載是湣王乘子之之亂而伐之今按梁惠王明言齊人伐燕取之而易王之亡不聞燕有失國之事也疑孟子書所載只是禪國子之時事而伐燕取燕亦只出宣王一

人之手

又按燕人畔章所謂甚慙於孟子政慙其不聽孟子順民心之論及置君而去之言本章林氏註甚明若以卷一之第十章十一章為宣王時事而以此章為湣王時事則前篇所云亦運而已矣者孟子之言竟無應驗而此章所謂慙於孟子者亦全無着落於理恐有未安

前人謂孟子事齊兩君書中所載不稱宣王而單稱王者皆湣王也今按莊暴章亦單稱王而前承齊桓晉文之事章後啓文王之囿以下十章恐不便以為湣王也雖孟子一書本非編年

之體然記敘亦畧有條理不應十二章中十一章俱屬宣王忽
禼一湣王於其際也將朝王之平陸謂蚺鼃為卿於齊不著宣
王亦未有以見其必為湣王也

又按見聖編謂孟子去齊諸章俱係湣王時事而楊氏乃於王
由足用為善註云齊王天資朴實如好勇好貨好色好世俗之
樂皆直告而不隱於孟子明以王為宣王何也

讀孟子自齊葬於魯云云之文知孟子嘗兩至齊矣然葬而即
反卻自一年中事又按日知錄云孟子自齊葬於魯禮改葬總
事畢而除故反於齊止於贏而克虞乃得乘間而問若曰奔喪

而還營葬方畢即出赴齊卿之位而門人未得發何其皇皇於無君而薄於喪其親若是哉按此知孟子此時特改葬耳其喪母則前此矣朱註於葬魯之上連喪母二字似因喪而葬非是孟子七篇凡二百六十一章三萬四千六百八十五字

孟子墓在鄒縣東北二十五里四基山之西麓宋時龍圖閣學士孔道輔知兗州訪而得之

宋神宗元豐六年十月戊子封鄒國公立廟縣南郭七年五月壬戌詔配享孔子廟廷位次顏子

元文宗至順二年九月加贈鄒國亞聖公

明洪武二年太祖高皇帝覽土芥寇讐謂非人臣所宜言詔去配
享有諫者以不敬論且命金吾射之象山縣錢唐為刑部尚書
抗疏入諫輿櫬自隨袒胸受箭且曰臣得為孟軻死死有餘榮
太祖覽其情詞剴切為之感動遂復孟子祭仍命太醫療箭瘡
焉

嘉靖九年十月改稱亞聖孟子

